

S. 721

ANNALES
ACADEMIAE GANDAVENSIS,

MDCCCXVIII. — MDCCCXIX.

S. 721.



ANNALES ACADEMIAE GANDAVENSIS,

A DIE

V OCT. MDCCCXVIII

AD DIEM

IV OCT. MDCCCXIX,

FRANCISCO-PETRO CASSEL,

RECTORE MAGNIFICO,

ET

GUILIELMO-LEONARDO MAHNE,

SENATUS GRAPHIARIO.



GANDAVI,

APUD P. F. DE GOESIN-VERHAEGHE, ACADEMÆ TYPOGRAPHUM.

1820.



CHIATIMA

GRANVIA DE CHIATIMA

YACUABAL

CHIATIMA

GRANVIA DE CHIATIMA

YACUABAL

88

CHIATIMA, GRANVIA DE CHIATIMA

YACUABAL

YACUABAL

YACUABAL

YACUABAL

YACUABAL

YACUABAL

YACUABAL

YACUABAL

YACUABAL

INDEX

EORUM, QUÆ HOC ANNALIUM VOLUMINE CONTINENTUR.

1. Nomina Professorum et Lectorum Academicorum.
2. Programma Lectionum in Academia Gandavensi habitarum.
3. Acta in Senatu.
4. Programma Certaminis Literarii A. MDCCCXIX indicti.
5. Series Dissertationum Inauguralium tam publice , quam privatim , defensarum.
5. FRANCISCI PETRI CASSEL , *Rect. Magn.*, Oratio.
7. Commentatio JOSEPHI GUISLAIN.
8. - - - - CAROLI LIBBRECHT.
9. - - - - JOH. ALEXIDIS TIMMERMANS.
10. - - - - JOH. LEMAIRE.
11. - - - - JOH. LANTHEERE.

NOMINA PROFESSORUM,

QUI

(*Inde a die v. oct. MDCCCXVIII ad diem iv. oct. MDCCCXIX.*)

IN ACADEMIA GANDAVENSI
DOCENDI MUNERE FUNCTI SUNT.

RECTOR MAGNIFICUS
FRANC. PETR. CASSEL.

ACADEMIÆ GRAPHIARIUS
GUIL. LEON. MAHNE.

PROFESSORES

DISCIPLINARUM MATHEMATICAR. ET PHYSICARUM.

F. P. CASSEL.
C. F. HAUFF.
J. G. GARNIER.

PHILOSOPHIÆ THEORETICÆ ET LITERARUM.

G. L. MAHNE.
J. M. SCHRANT.
L. V. RAOUL.
D. C. MUNCHEN, *Professor Extraordinarius.*

JURISPRUDENTIÆ.

J. B. HELLEBAUT.

J. J. HAUS.

P. DE RYCKERE.

ARTIS MEDICÆ.

J. C. VAN ROTTERDAM.

J. L. KESTELOOT.

F. E. VERBEECK.

J. F. KLUYSKENS, *Prof. Extraord.*

LECTORES.

C. VAN COETSEM.

J. L. BODDAERT.

F. AUBERTIN.

SERIES LECTIONUM,

QUE,

Q. D. O. M. B. V.,

IN ACADEMIA, QUAM GANDÆ,

WILHELMUS I, Belgarum Rex, instituit,

HABITÆ SUNT A DIE V OCTOBRIS MDCCCXVIII,

RECTORE MAGNIFICO,

FRANCISCO-PETRO CASSEL,

PHILOS. NATUR. ET MED. DOCT.

ORDO DISCIPLINARUM MATHEMATICARUM ET PHYSICARUM.

F.-P. CASSEL *Zoölogiam et Mineralogiam*, ut et *Anatomen comparatam*, diebus Lunæ, Martis et Jovis, horâ meridianâ; tradidit.

Botanicam et Plantarum Physiologiam diebus Lunæ, Martis, Mercurii, Jovis et Veneris, horâ sextâ pomeridianâ, in Horto Academicō exposuit.

C.-F. HAUFF diebus Lunæ, Mercurii et Veneris, horâ undecimâ *Physicam experimentalem*; diebus Martis, Jovis et Saturni, eādem horâ, *Chymiam* tractavit.

J.-G. GARNIER diebus Mercurii, Jovis et Veneris, *Mathesin elementarem*, horâ quartâ post meridiem; diebus Lunæ et Martis, eādem horâ, *Astronomiam physicam* docuit.

Præterea, pro Auditorum commodis, Professor J.-G. Garnier lectiones de *Astronomia Mathematica*, ut et de *Disciplinis Mathematicis*, vulgo *transcendentibus*, *Hydraulicæ* et *Hydrostaticæ* etiam applicatis, habere in se recepit.

ORDO PHILOSOPHIÆ THEORETICÆ ET LITERAR.

G.-L. MAHNE horā octavā antemeridianā, diebus Lunæ, Martis et Mercurii, *Literas Latinas*, eārumque *Historiam* explicavit. Tum, eādem horā, verum diebus Jovis, Veneris et Saturni *Antiquitates Romanas* tradidit.

Horā nonā, diebus Lunæ, Martis Jovis et Veneris, *Xenophontis Mem. Socr.* interpretatus est, et *Historiam Literarum Græcarum* docuit.

J.-M. SCHRANT horā nonā antemeridianā, diebus Lunæ, Martis et Mercurii, *Historiam Criticam Literarum Belgicarum* exposuit.

Horā tertiā pomeridianā, diebus Lunæ, Martis et Mercurii, *Præcepta Stili Belgici et Eloquentiæ* tradidit : at vero diebus Jovis et Veneris *Historiam Patriæ* explicavit.

L.-V. RAOUL horā quartā pomeridianā, diebus Lunæ, Martis et Mercurii, *Selecta loca ex optimis Scriptoribus Gallicis cum exemplaribus Græcis et Latinis* comparavit.

Eādem horā, diebus Jovis, Veneris et Saturni, *Historiam Universalem* docuit.

Horā quintā, diebus Jovis, Veneris et Saturni, *Historiam Philosophiæ* tradere cœpit.

D.-C. MUNCHEN, *Prof. Extraord.*, horā decimā, diebus Lunæ, Martis et Mercurii, *Logices Præcepta* explicuit : sed diebus Jovis, Veneris et Saturni *Historiam Philosophiæ* tradere perrexit. Quā finitā, *Metaphysicam* interpretari cœpit.

ORDO JURIDICUS.

J.-B. HELLEBAUT lectiones habuit de *Jure civili* *hodier-*
no, diebus Lunæ, Martis et Jovis, manè, horā mediā ante de-

cimam: *Praxim Juris* tractavit horā quartā pomeridianā , diebus Lunæ , Martis et Jovis : ut et eādem horā *Jus Criminale* , diebus Mercurii et Veneris.

Statistica docuit, diebus Mercurii , horā tertiarā , et Veneris , horā quartā.

J.-J. HAUS *Encyclopædiam* et *Methodologiam Juris universi* , diebus Martis et Jovis , horā tertiarā pomeridianā ; *Jus privatum* , *publicum* et *gentium naturale* , diebus Lunæ , Mercurii et Veneris horā undecimā antemeridianā exposuit.

Jus publicum Belgicum , diebus Martis , Jovis et Saturni , horā undecimā , docuit ; *Jus autem gentium Europæarum practicum* , iisdem diebus et horis tradidit , *absoluto cursu de Jure publico Belgico*.

De Historiā gentium Europæarum politicā prælectiones habuit , diebus et horis postea indicatis.

P. DE RYCKERE *Institutiones Juris* diebus Martis , Mercurii , et Jovis , mane , horā octavā , explicavit : idem *Pandectas interpretatus* est , iisdem diebus , horā quartā post meridiem.

ORDO MEDICUS.

J.-C. VAN ROTTERDAM *Pathologiam* et *praxim Medicam* docuit , diebus Lunæ , Martis et Mercurii , horā quintā pomeridianā ; et de *Morbis acutis* , diebus Jovis et Veneris , eādem horā , scholas habuit. Porro *Dieteticam* tradere continuauit cum *Pathologiâ*.

Porro per menses autumnales , *Octobrem* , *Noyembr.* et *Decembr.* , nec non vernos , *Aprilēm* et *Majum* in Nosocomio Academicō *Institutiones clinicas* quotidie moderatus est.

J.-L. KESTELOOT *Therapiam generalem* , *Materiam medicam* , secundum proprium conspectum Gandavi impressum : et

Pharmaciam cum Methodo concinnandi formulas medicinales, secundum Pharmacopœam Belgicam, docuit, diebus Lunæ, Martis et Mercurii, horâ quartâ pomeridianâ.

Doctrinam de morbis chronicis tradidit, diebus Jovis et Veneris, eâdem horâ.

Mensibus hibernis, Januario, Februario et Martio, nec non aestivis Junio, Julio et Augusto, usque ad ferias maiores, Institutionibus Clinicis in Nosocomio Academicò vacavit quotidie.

Medicinam politicam et forensem exposuit, diebus Lunæ et Mercurii, horâ secundâ.

F.-E. VERBEECK diebus Lunæ, Martis, Mercurii et Jovis, horâ mediâ nonâ matutinâ, *Anatomiam*, et iisdem diebus, horâ post meridiem tertiam, *Physiologiam* exposuit.

J.-F. KLUYSKENS, Prof. Extraord. Chirurgiæ *Institutiones* prælegit, diebus Lunæ, Martis, Mercurii et Jovis, horâ undecimam; et iisdem diebus, horâ nonâ ante meridiem, *Chirurgiæ clinicæ* et *Operationibus chirurgicis* vacavit. *Artem obstetriciam*, diebus Lunæ et Jovis, horâ quartâ post meridiem, docuit.

~~~~~  
C. VAN COETSEM, *Med. Doct. et Lect.*, Tabularum clinicarum in Nosocomio faciendarum et servandarum curam, sub auspiciis Professorum, peregit.

J.-L. BODDAERT, *Med. Doct.*, Cadaverum dissectionibus, ab ipsis Anatomiae Professoris lectiones audientibus juvenibus in amphitheatro instituendis, præfuit.

~~~~~  
FRANCISC. AUBERTIN picturam linearem et diaglyphicen, diebus et horis pro studiosorum commodis constituendis, docere in se recepit.

SERIES LECTIÖNVM,

QUE,

Q. D. O. M. B. V.,

IN ACADEMIA GANDAVENSI.

HABITAE SUNT;

AB INITIO MENSIS MARTII AD MEDIUM USQUE AUGUST. MDCCXIX,

RECTORE MAGNIFICO,

FRANCISCO-PETRO CASSEL,

PHILOS. NATUR. ET MED. DOCT.

ORDO MATHEMATICORUM ET PHYSICORUM.

F.-P. CASSEL *Zoölogiam et Mineralogiam*, ut et *Anatomam comparatam*, diebus Lunæ, Martis et Jovis, horâ meridianâ, tradidit.

Botanicam et Plantarum Physiologiam diebus Lunæ, Martis, Mercurii, Jovis et Veneris, horâ sextâ pomeridianâ, in Horto Academicо exposuit.

C.-F. HAUFF diebus Lunæ, Mercurii et Veneris, horâ undecimâ *Physicam experimentalem*; diebus Martis, Jovis et Saturni, eādem horâ, *Chymiam* tractavit.

J.-G. GARNIER diebus Mercurii, Jovis et Veneris, *Mathesin elementarem*, horâ secundâ post meridiem; diebus Lunæ et Martis, eādem horâ, *Astronomiam physicam* docuit.

Præterea, pro Auditorum commodis, Professor J.-G. Garnier lectiones de *Astronomia Mathematica*, ut et de *Disciplinis Mathematicis*, vulgo *transcendentibus*, *Hydraulicæ* et *Hydrostaticæ* etiam applicatis, habere in se recepit.

ORDO PHILOSOPHORUM ET LITERATORUM.

G.-L. MAHNE horā octavā antemeridianā, diebus Lunæ, Martis et Mercurii, *Literas Latinas*, earumque *Historiam* explicavit. Tum, eādem horā, diebus Jovis, Veneris et Saturni *Antiquitates Romanas* tradidit.

Horā nonā, diebus Lunæ, Martis Jovis et Veneris, *Xenophontis Mem. Socr.* interpretatus est, et *Historiam Literarum Græcarum* docuit.

J.-M. SCHRANT horā tertiā pomeridianā, diebus Lunæ, Martis et Mercurii, *Præcepta Stili Belgici et Eloquentiæ* tradidit: at vero diebus Jovis et Veneris *Historiam Patriæ* explicavit.

L.-V. RAOUL horā decimā, diebus Lunæ, Martis et Mercurii, in locum defuncti Professoris, *D.-C. Munchen*, scholas *Logicas* absolvit.

Horā quartā pomeridianā, diebus Lunæ, Martis et Mercurii, *Selecta loca ex optimis Scriptoribus Gallicis cum exemplaribus Græcis et Latinis* comparavit.

Eādem horā, diebus Jovis, Veneris et Saturni, *Historiam Universalem* docuit.

Horā quintā, diebus Jovis, Veneris et Saturni, *Historiam Philosophiæ* tradere perrexit.

ORDO JURISCONSULTORUM.

J.-B. HELLEBAUT lectiones habuit de *Jure civili* *hodierino*; diebus Lunæ, Martis et Jovis, horā nonā: *Praxin Juris* tractavit horā quintā pomeridianā; diebus Lunæ, Martis et Jovis.

Statisticam docuit; diebus Mercurii et Veneris, horā quintā.

J.-J. HAUS *Jus Naturæ et Gentium*, docuit die Lunæ, horâ decimâ; at diebus Mercurii et Veneris, horâ septimâ matutinâ.

Jus Criminale explicuit diebus Lunæ, Martis et Jovis, horâ septimâ matutinâ.

P. DE RYCKERE *Institutiones Juris* diebus Lunæ, Martis, Mercurii et Jovis, horâ octavâ, explicuit: idem *Pandectas interpretatus* est, iisdem diebus, horâ quartâ post meridiem.

ORDO MEDICORUM.

J.-C. VAN ROTTERDAM *Pathologiam specialem*, *Praxim medicam*, *Therapiam morborum acutorum* docuit, diebus Lunæ, Martis et Mercurii, horâ quintâ pomeridianâ. Porro in Nosocomio Academico *Institutiones clinicas* ab initio ad finem scholarum moderatus est.

J.-L. KESTELOOT *Therapiam generalem*, *Materiam medicam*, secundum proprium conspectum Gandavi impressum: et *Pharmaciam cum Methodo concinnandi formulas medicinales*, juxta *Pharmacopœam Belgicam*, docuit, diebus Lunæ, Martis et Mercurii, horâ undecimâ.

Therapiam specialem morborum chronicorum et Diæteticam tradidit, diebus Jovis, Veneris et Saturni, horâ undécimâ.

Medicinam denique legalem et politicam, diebus Martis et Mercurii, horâ secundâ, exposuit.

F.-E. VERBEECK diebus Lunæ, Martis, Mercurii et Jovis, horâ secundâ, *Anatomiam*, et iisdem diebus, horâ tertiatâ, *Physiologiam* exposuit.

J.-F. KLUYSKENS, Prof. Extraord. *Chirurgiae clinicæ* vacavit, diebus Lunæ, Martis, Mercurii et Jovis, horâ octavâ. Tum *Chirurgiae Institutiones* prælegit, iisdem diebus, horâ

nonâ. Et denique *Artem obstetriciam*, diebus Veneris et Saturni, horâ octavâ docuit. — Quae omnes scholæ in Nosocomio Acadêmico habitæ sunt.

CIVAN COETSEM, *Med. Doct. et Lect.*, Tabularum clinicarum in Nosocomio faciendarum et servandarum curam, sub auspiciis V. Clar. *Van Rotterdam*, peregit.

Idem principia *Pathologiæ generalis*, diebus Jovis et Veneris, horâ quintâ, exposuit.

J.-L. BODDAERT, *Med. Doct.*, Cadaverum dissectionibus, ab ipsis Anatomiae Professoris lectiones audientibus juvenibus in amphitheatro instituendis, præfuit.

FRANCISC. AUBERTIN picturam linearem et diaglyphicen, diebus et horis pro studiosorum commodis constituendis, docere in se recepit.

ACTA IN SENATU

ET

ACADEMIA

D. IV. OCTOBRIS

M. DCCC. XIX.

Quum Rector et Assessores in conventum Curatorum venissent, horum præses Inspectori mandabat, ut nomina Professorum recitaret, quos ipsi ex Leg. Acad. § 196 Assessores in proximum annum Rectori adjunxissent. Horum igitur nomina erant:

Ex Ordine Philos. Theor. et Lit. J. M. SCHRANT.

Ex Ordine Juridico, J. B. HELLEBAUT.

Ex Ordine Medico, J. C. VAN ROTTERDAM.

Deinde Curatores una cum Rectore et Assessoribus in eodem illo conventu e senario Candidatorum numero *Actuarium* elegerunt, Prof. *Guil. Leonardum Mahne*. Hoc peracto, senatus amplissimus habitus est, in quo Viri Clar. Joh.

Baptista Hellebaut, ab augustissimo Rege a. d. xix Julii Rector designatus, et *Guil. Leonardus Mahne*, iterum Actuarius electus, secundum Leg. Acad. § 186 jusjurandum dederunt.

Denique vero Rector Magnificus *Franciscus Petrus Cassel*, Vir Cl., in majori auditorio Orationem habuit, et victores juvenes præmiis Regiâ munificentia acceptis ornavit, quum judicia *Facultatum* deinceps ab Actuario prælecta essent. Finita hac solennitate, novus Rector decessorem allocutus est, eique cum suo, tum Collegarum nomine gratias egit pro sedulâ curâ, quâ res Academicas anno præterito pertractasset, seque Senatui Amplissimo commendavit.

PROGRAMMA

CERTAMINIS LITERARII,

RECTORE ET SENATU ACADEMIÆ GANDAVENSIS,

MENSE OCTOBRI A. M. DCCC. XIX,

INDICTI.

EX Augustissimi Regis decreto (*d. xxv Sept. MDCCXVI, N. 65, a §. 140 ad §. 148*), a Rectore et Senatu Academiarum Gandavensium proponuntur omnibus Academiarum Belgicarum civibus hæ quæstiones:

AB ORDINE JURIDICO.

Quæritur Capitis de divortiis et repudiis accurata explicatio, e qua appareat, quid principes orbis terrarum populi et olim de hac materia statuerint, et hodie statuant, ac num quid adhuc statuendum supersit.

AB ORDINE MEDICORUM.

Quandoquidem variarum partium organicarum phlegmasiae, ratione diversæ illarum structuræ et vitalitatis modi, diversa offerunt symptomata, ad praxin scitu summe necessaria; quæritur,

1° Recensio et comparatio præcipuarum doctrinarum, quibus pathologi, in primis nuperrimi, phlegmasiae theoriam exposuerunt, et quænam illarum præ reliquis probabilius habenda sit.

2° Descriptio phænomenū, quæ variis diversæ naturæ partibus organicis inflammatis obveniunt.

AB ORDINE PHILOSOPHIÆ THEORETICÆ

ET LITERARUM HUMANIORUM.

I.

Quænam fuit apud Romanos, ab initio reipublicæ usque ad Justinianum imperatorem, educandorum et instituendorum puerorum disciplina, et quasnam præcipuas subiit illa pro temporum diversitate mutationes?

II.

Quænam leges et institutiones in universas Belgicas provincias introductæ sunt inde a Carolo Magno usque ab abdicationem Caroli Quinti, et quam habuerunt illæ vim in morum, artium et doctrinarum disciplinam?

AB ORDINE DISCIPLINARUM MATHEMATICARUM
ET PHYSICARUM.

I.

Supponantur in uno eodemque piano tres circuli sibi invicem externi, quorum centra sint O , O' et O'' , quorumque radii R , R' et R'' : supponantur etiam tangentes exteriorestum ad circulos O et O' , quæ priorem O ad puncta T et T' , posteriorem vero O' ad t et t' contingant, tum etiam ad circulos O et O'' , quæ priorem O ad T'' et T''' , alterum vero O'' ad t'' et t''' contingant: istæ tangentes determinabunt in circulo O duas chordas contactus $T T'$ et $T'' T'''$, quæ concurrent in punto M et in utroque circulo O' et O'' chordas contactus $t t'$ et $t'' t'''$, quæ productæ in N concurrent. Si tunc ducitur recta NM , demonstrandum erit puncta intersectionis P et Q hujus rectæ NM cum circulo O esse puncta contactus duorum circulorum, quorum alter tres datos concavitate contingit, alter vero convexitate. Quærenda etiam erunt duo reliqua puncta contactus utriusque circuli tangentis.

Denique hujus constructionis modificationes sedulò investigandæ sunt, dum datorum circulorum tum centrorum positio, tum radio- rum magnitudo, variabilis supponitur.

Constructiones è legitimis Geometriæ elementaris principiis deducantur necessse est.

II.

Quæritur acidi rosei diligentissima analysis, et cum analysi acidi lithici comparatio.

III.

Quæritur, quis sit usus, qualisque dignitas anatomes comparatæ in stabiliendis regni animalium divisionibus?

Commentationes, Latino tantum sermone conficiendæ, et alia, quam ipsorum auctorum, manu describendæ, ante diem xv Junii A. M. DCCC. xx, auctorum sumtibus, mittantur ad Academiæ Actuarium. Præterea singulis commentationibus inscribatur lemma, cui addatur schedula obsignata. Auctorum nomina continens, inque exteriore parte eodem lemmate conspicua. — Præmia vero, e Regia munificentia victoribus decreta, distribuentur primo die Lunæ mensis Octobris A. M. DCCC. xx.

SERIES
DISSERTATIONUM INAUGURALIUM,
IN
ACADEMIA GANDAVENSI
DEFENSARUM,

Inde a die V Oct. MDCCCXVIII ad diem XIV Aug. MDCCCXIX.

D. XXIV Oct. MDCCCXVIII, DISSERTATIO de *Apoplexia sic dicta sanguinea*, publice defensa à PETRO STEYAERT, Capricano, pro Doctoratu Medicinæ.

D. XXVIII Oct. MDCCCXVIII, DISSERTATIO de *Angina Pectoris*, publice defensa a JOHANNE BAPTISTA PERSY, Aerschotano, pro Doctoratu Medicinæ.

D. VII Nov. MDCCCXVIII, DISSERTATIO de *Peritonitide puerperali*, publice defensa a HENRICO FRANCISCO PEETERS, ex Lichaert, pro Doctoratu Medicinæ.

D. IX Nov. MDCCCXVIII, DISSERTATIO de *Aquæ simplicis qualitate, usu medico interno et externo*, privatim defensa a DAMIANO BOSTEELS, ex Bruggenhout, pro Doctoratu Medicinæ.

D. XVII Febr. MDCCCXIX, SPECIMEN de *Legum retroactione*, publice defensum ab EUCHIERIO BRICHÉ, Aldenardensi, pro Doctoratu Juris Romani et Hodiegni.

D. XIII MARTII MDCCCXIX, SPECIMEN de *Juris et Facti ignorantia*, publice defensum a FRANCISCO MARIA SERRARIS, Locrensi, pro Doctoratu Juris Romani et Hodiegni.

D. III Aprilis MDCCCXIX, DISSERTATIO, *Num ab alteratione sanguinis, et speciatim a prava in pūmonibꝫ mutatione adynamia typhoidea oriatur?* publice defensa a DOMINICO DE LA HAYE, Brugensi, pro Doctoratu Medicinæ.

D. XVII Aprilis MDCCCXIX, SPECIMEN de Domicilio, privatim defensum ab ALEXANDRO VAN DER BURCH, Bruxellensi, pro Doctoratu Juris Romani et Hodierni.

D. XII Maii MDCCCXIX, DISSERTATIO de Angina Tracheali Infantorum, publice defensa a CAROLO LUDOVICO FRANSMAN, Nino-viensi, pro Doctoratu Medicinæ.

D. XXX Junii MDCCCXIX, DISSERTATIO de Febris nostratis paludosis, publice defensa a LUDOVICO BERNAEYGE, ex pago Scti Cornelii, pro Doctoratu Medicinæ.

D. III Julii MDCCCXIX, DISSERTATIO PHILOSOPHICO-MEDICA de ratiocinio in rebus Medicis, publice defensa a JUDOCO FRANCISCO DE HOON, Gandavensi, pro Doctoratu Medicinæ.

D. XXIV Julii MDCCCXIX, DISSERTATIO MATHEMATICO-INAUGURALIS de quibusdam locis Geometricis, nec non de curva focali, publice defensa ab ADOLPHO QUETELET, Gandavensi, pro gradu Magisterii et Doctoratus in Math. et Philos. Nat,

D. XXXI Julii MDCCCXIX, DISSERTATIO PATHOLOGICO-MEDICA INAUGURALIS de exhalationibus Sanguineis in genere, publice defensa a JOSEPHO GUISLAIN, Gandavensi, pro Doctoratu Medicinæ.

D. VII Aug. MDCCCXIX, DISSERTATIO INAUGURALIS-JURIDICA de Absentibus secundum jus civile hodiernum, publice defensa a RENATO JOSEPHO DE RASSE, Tornacensi, pro Doctoratu Juris Romani et Hodierni.

D XIV. Aug. MDCCCXIX, SPECIMEN INAUGURALE JURIDICUM de Juriū Civilium adēmptione edicta sententia secundum jus hodiernum, publice defensum a JOSEPHO DECAE, Furnensi, pro Doctoratu Juris Romani et Hodierni.

FRANCISCI PETRI CASSEL

ORATIO,

DE

UTILITATE STUDII HISTORIÆ SCIENTIARUM PHYSICARUM.

HABITA GANDÆ,

IV. OCTOBRIS M. DCCC. XIX.

CUM

MAGISTRATUM ACADEMICUM

DEPONERET.

ЛІЧНІЧІ РЕДИ ГУДІ

ОТАГО

ДС

ДІЛІТАЦІЯ СОВІЇ ВІДНОВЛЕННЯ МІСІЯНОВОЇ

ЛІЧНІЧІ ГУДІ

ДІЛІТАЦІЯ СОВІЇ ВІДНОВЛЕННЯ

ДС

ДІЛІТАЦІЯ СОВІЇ ВІДНОВЛЕННЯ

ДІЛІТАЦІЯ СОВІЇ ВІДНОВЛЕННЯ

NOBILISSIMI CURATORES!

CLARISSIMI COLLEGÆ!

DILECTISSIMI COMMILITONES!

Die Academicus, ut ille quem hodie celebramus, sereni sunt et festivi dies: grata recordatio præteriorum in mentem venit, surgit spes hilaris futurorum. Alter enim feliciter jam effluxit annus ab illa die, qua ab Augustissimo Rege nostro hujus læte succrescentis Academiae fundamenta jacta fuere: et, si a præteritis ad futura auspicandum, certe omnia, quæ hucusque observare licuit, faustissimum rerum nostrarum præsagiunt successum. Ita mihi, de hisce rebus Academicis et de illarum origine cogitanti, origines et fata scientiarum animo sese obtulere, et vidi hinc quædam desumi posse, quæ forsan non sine fructu a commilitonibus audiuntur. Conabor enim, cum Magistratum Academicum depoñens hanc publicam dicendi occasionem sum nactus, evincere, quæ sit utilitas studii historiæ scientiarum physicarum, et quantum valeat illud studiū ad ediscendas hasmet ipsas scientias, ad pellendas præjudicatas, illis nocivas, opiniones, et hinc ad adaugendum philosophiæ naturalis dominium. Et quæ hic de scientiarum naturalium historia demonstrare potero, valebunt quoque generatim de omnium scientiarum, imo etiam de historiæ artium utilitate. Scientiæ enim verum investigant, artes pulchrum quærunt. Veritas autem anima pulchri. Musæ cognitione sororia junguntur, et ingratis in se opus susciperet, qui sacrum rumpere tentaret

circulum, et affinitatem et commune scientiarum vineulum ita inficiari vellet, ut unam illarum alteram unquam juvare posse negaret. Quamvis primo intuitu, cognitio monumentorum antiquitatis superstitum admodum remota appareat a studio historiæ naturalis, tamen ex archæologia ipsa desumti potest argumentum, quo refellitur vetus et a quibusdam recentioribus ceteroquin optime meritis viris fota opinio, species vegetabilium posse labentibus seculis mutari et alias in species transire. Sed flores et fructus *Nymphææ* illius, quæ vocatur *Lotus*, conspiciendi in antiquissimis Deæ *Isidis* monumentis; sed folia *Acanthi spinosi* capitella columnarum Corinthiacarum cingentia, ejusdem sunt formæ; quam præbent partes harum plantarum nostris diebus crescentium; et typus per artem conservatus docet, non potuisse elapsis seculis configurationes has vegetabiles immutari, quæ contrâ integras sese et incolumes, propagatione non interrupta, sustinuerunt.

Nexum autem illum, qui historiæ naturali cum philosophia intercedit, nein melius indicavit illo, qui et primus veras ad cognoscendam naturam reclusit vias; pater philosophiæ naturalis recentioris, *Franciscus Baco de Verulamio*, dum historiam naturalem logicam practicam esse dixit, antequam *Linnæus* convenientiam universalem differentiasque particulares summò cum successu ad ideas, genera et species corporum naturalium stabilientes adhibuisset, et via facti demonstravisset, philosophiam rerum cognitionem mnemonicam rerum esse optimam.

Scientiarum illud commune vinculum nunc melius quam olim agnoscendum. Quomagis enim excoluntur scientiæ, eo numerosiora necessario evadunt mutui contactus puncta: et quamvis affinitates naturales plantarum jam in structura seminis, embryonis vegetabilis, sunt investigandæ; pulchrius tamen in evolutis

et florentibus herbis elucēunt. Ita et scientiarum physicarum affinitas primis jami temporibus agnita; nunc multo magis arcta evasit, et majori exemplorum numero illustranda: Matheseos, chemiae et physices vincula in toto et cognoscia prodeunt recentiori: geognosie et zoologie nexum inquisitiones docent *Cuvierianæ*, neque opus est, ut exponam, quo modo *Keplerus* primus dioptricam ad visionis; *Borellius* staticam ad motus muscularis; et *Lavoisierus* chemiam ad respirationis negotium explicandum adhibuerint. Sic historia affinitatem scientiarum per exempla demonstrat: et, si auctoritatibus fulcienda foret illa, quam emittimus, idea circa hujus studii historici dignitatem, duos omni exceptione maiores testes in partes vocare liceret; *Tournefortium* nempe et *Linnaeum*. Nemo illo seculo decimo septimo, nemo hoc decimo octavo magis promovit et auxit botanicam. Ambo quoque sese dignos monstravere amabilis scientiae historicos, dignissimi nunc ipsi, quos celebret historia scientiae, quae et in hoc illorum labore differentiam ingenii virorum immortalium invenire potest. *Tournefortius* enim felicior fuit in conspicendiis rerum similitudinibus, *Linnaeus* in observandis earum differentiis. Ita prior sermone suavi, fusoque, chronologicum ordinem sequens, botanicos enumerat, illorumque merita pangit, tanquam si unam tantum familiam, per lapsus seculorum continuatam, efficerent; dum alter botanicos, ut plantas, dividit in classes, genera et species, sermone concinno et stricto differentiam ingenii illorum indicans.

Quamvis encyclopædia et methodology scientiarum doceant illarum numero, successioni et affinitati nil arbitrarii inesse, et a ratione posse desumi præcepta; tamen utile et gratum videtur contemplari in historia exempla, et observare, quomodo per unius viri sapientiam novus exsurgere cognitionum ordo, seriora anticipari detecta, et diuturnæ per tot secula moræ removeri po-

tuerint. Ita scripta et merita jam laudati *Verulamii* recolentes, illum talem esse videmus; qui primus veros indagationis naturæ posuerit canones, dogmaticæ methodo et empiricæ justum assignans valorem. Harum vices alternandas esse docuit, et optimas esse illas ideas generales, quæ ad observationes deducant: et optimas esse vicissim illas observationes, quæ ideis generalibus viam sternalunt muniantque. Ita ingeniosissimo exemplo, empiricos formicis comparat, quæ congerunt tantum et utuntur; dogmaticos araneis, quæ telas ex se conficiunt, dum apum rationem medium esse statuit, quæ materiam ex floribus horti et agri eliciat, sed tamen eam propria facultate vertat et digerat. Quantum autem via regia, quam ille scrutatoribus naturæ aperuit, scientiæ physicæ profecerit, vix opus est ut dicam. Quantum enim ab hodierno apparatu electrico distat cognitio antiquorum de succini electricitate! Quantum interest inter engyoscopii et telescopii præstantiam et illam observationem, qua docet Seneca, corpora per sphæram vitream aspicientibus majora apparere! Quanto majus et amplius est sistema Copernici, quam sententia scholæ Pythagoreæ, quâ Solem esse in medio immobilem, Terramque moveri contendit! Nec licuit antiquis, ut seculo nostro, computare circuitus siderum æstusque maris, metiri lucis velocitatem, adire ope cognitionum physico-mathematicarum polum arcticum et antarcticum, dissecare crystallos, dissolvere aëris, aquæ, terrarumque partes, ponere principia distributionis methodicæ corporum naturalium, perpetrare tot transplantationes vegetabilium et animalium ab una ad alteram cœli plagam. Imperium hominis in naturam, quæ facultas ad exquisitissimas a divinitate illi concessas spectat, nostris temporibus mirifice amplificatum. Quod præcipue ex illis apparent indagationibus, quæ methodo rationali institutæ ad detecta et inventa operum utilium conducunt, et quandoque illa anticipant,

Ita ex refractione; quæ major in aqua et adamante; quam densitatis ratio, *Newtonus* conclusit, substantias has principium continere inflammabile; antequam id *Lavoisieri* experimentis esset demonstratum. Ita *Eulerus* e constructione oculi refractionem achromaticam fieri posse judicavit, antequam *Dollond* instrumenta dióptrica, prismatis colores non producentia, confecisset. Ita *Renatus Justus Hauy* ex identitate formæ primitivæ Berylli et Smaragdi identitatem compositionis harum gemmarum prius conjectavit, quam suam *Vauquelin* instituisset analysis. Quæ exempla methodi rationalis e scientiarum historia petita sunt talia, ut quoque doceant, quam arcto inter se nexu et affinitate scientiæ physicæ conjungantur. Ita prior conclusio physices vinculum et chemiæ, secunda relationem physices ad physiologiam ostendit, et tertia oryctognosiæ et chemiæ nexus evincit. Similiter videmus, distributionem methodicam corporum naturalium experimenti vi- cies quibusdam in casibus tenere possè, imo quandoque supervacanea reddere experimenta. Nam dum in hortis botanicis, quæ promiscue crescunt in agris, sylvis et montibus, plantæ secun- dum genera et species collocantur, sponte prodit, non posse, ut jam prius dictum, in se invicem transire congeneres, quamvis summa in proximitate, florentes species. Neque adhibuissent vana theoria falsisque observationibus delusi antiquiores medici Sapphirum, ut potentissimum contra melancholiam remedium; si a distributione fossiliū methodica edocti fuissent, cœruleam hanc et pellucidam gemmam; in essentialibus characteribus, in structura, compositione, gravitate specifica et duritie non dif- ferre a Smiride gregario lapide. Nec foret ab illis grayata ma- teries medica tam infandâ plantarum efficacitate parentium far- ragine, si, ducti methodi naturalis normis, principia critica vera ministrantibus, eas examinassent. Exstant e contrario exempla, bo-

tanicos quosdam, hac cognitione fretos, feliciter in remotis regionibus plantas antea incognitas ut succedanea adhibuisse remedia, si efficacibus cognitisque characteribus familiæ et congeniali facie similes sese monstrassent. Quæ detecta, affinitatem inter scientias medicas et historiam naturalem stabilientia, quoque immortalis ille *Verulamius* anticipavit, dum effatus est, formam naturæ alicuius esse talem, ut, illa posita, natura data modo infallibili sequatur, et idcirco e formarum indagatione sequi contemplationem veram et operationem liberam.

Possemus quidem docere observationes et inde enata systemata, quin autorum fieret mentio, sed prævia commemoratione originis fatique inventionum expositio vividiores assumit colores: Historia adhibita magnæ evocantur umbræ: apparent defuncti scientiæ heroes: cognoscitur *Buffoni* excelsa anima: clara *Linnæi* mens: sublimis *Bernardi Jussiæyi* simplicitas: indefessus per quadraginta annos abstrusissimi laboris *Josephi Gærtneri* vigor. Effulget æquabilis et intaminata tot illustrium naturæ contemplatorum vita, inconcussus, neque ab infelicibus antecessorum fatis perterritus, peregrinatorum animus, qui incensi naturæ cognoscendæ desiderio remotas periculorumque plenas adire regiones, vel ad summitates nubium ausi sunt adscendere. Edocemur, quantum possit in producendis magnis ingenii natura, et quantum valeant in detegendis naturæ legibus strenui ingeniorum labores. Infatigabilis enim et admiranda naturæ scrutatorum patientia alitur et juvatur spe certa inventionis legum, quæ ratio sola eruere non possit, semel per observationem detectæ autem rationi summopere satisfaciant. Naturæ enim opera semper sunt ejusmodi, ut nullam reprehensioni ansam præbeant, et ut, illâ legum constantiâ, qua æternam divini rerum autoris immutabilitatem prædicant, illâque structuræ concinnitate, qua

infinitam ejus manifestant sapientiam , summam mentis humanae eliciant admirationem. Cognoscitur æternus geometra in planetarum orbitis æque atque in structura crystallorum , in maximis ut in minimis. Florescentia delectatus animus illam admiratur architectonicam , quæ amoenitatem constantiae jungens , primo elegantem construit primordialem formam , dein coloris splendore æquabilem condecorat structuram , quæ actione non interrupta ad fastigium perfectionis enititur , dum simul opere hoc nobiliori propagandæ speciei providetur. Nam quas prius elaborat natura partes conservationi individui servientes , nec symmetria formæ , nec vivacitate coloris adeo insignes sunt. Minimorum quoque animalium compages talis est , ut abstrusissimas physicæ , mechanicæ et chemiæ cognitiones illorum structura monstret , dum insuper cœlestius aliquid remanet , vitale principium nempe , Archæus ille conservans , propagans et reparans. Sic spe certa fretus , viliorum et glebæ addictorum animalium æque ac perfectiorum structuram æternæ sapientiæ testimonia esse reddituram , insectorum anatomen aggressus est *Johannes Swammerdam* , et per continuos et felicissimo successu coronatos labores metamorphosin illorum evolutionem esse demonstravit , ita ut stupenda industria et dexteritate coram attonito Magno Hetruriæ Duce ex eruca papilionem explicaret. Sed corporis vires prius defecere ejus animo : et quamvis amici et medici *Ruysch* et *Schrader* suadérent et flagitarent , ut , vacillanti consulens sanitati ; quiete frueretur , tamen ab illo non impetrare potuere , ut dilectis occupationibus , quæ quoque usque ad mortem ejus præmaturam non interruptæ fuere , renuntiaret. Sic et non est jubendum , ut eruca bombycis nere desistat. Pretiosa fila secreto in otio evolvit e visceribus suis , nec prius cessat , quam in suo sese incluserit tumulo. Sed justo in honore nobiles ejus manent

labores, dum ipsa, redeunte vere, in valle solari alas prius involutas explicat, beatiorem inchoatura vitam (1):

Eadem fiducia inveniendi, dulcissimam rerum menti lucem veri adjutus, jam memoratus *Josephus Gærtnerus* millena plantarum examinavit semina, et inconcussa invenit carpologiae fundamenta, distributione inque naturalem plantarum cum methodo e structura fructus desumpta congruentem esse demonstravit. Nec alio modo *Xaverius Bichat*, *Albertus Hallerius* et *Carolus Linnæus* in suis sese sustinuere laboribus: et quamvis prima illorum conamina dente invido carperentur, tamen certitudo prosperi eventus, quo semper naturæ penetralia casta mente adeuntes lætantur, in hisce angustiis illos fulciebat et consolabatur. Sic et certe vox interna *Christophoro Columbo* dixit, Perge strenue navigator in tuo cursu, neque cura invidorum cavillatorum injurias, neque pavidorum nautarum querelas. Perge versus occidentem: ibi oculis tuis re ipsa novus ille se monstrabit orbis, quem esse jam tibi ab intellectu tuo clarum et demonstratum est. Ratione enim naturæ fœdere juncta sempiterno: quod prior pollicetur, præstabit altera (2).

Sed non tantum merita et virtutes virorum, in philosophia naturali illustrium, auxilio historiæ innotescunt, sed prodit et quantum polleant illorum præcepta et exempla in excitandis juniorum ingenii. Ita videmus *Hermannum Boerhayum* fuisse *Halleri* et *Linnæi* præceptorem, qui ambo novas condidere scholas, quarum *Halleriana* functionum cognitionem experimentis, *Linnæana* formarum perspicientiam observationibus egregie promovit. Conspiciuntur ductu et auspiciis historiæ litterarum ætates, quæ se ante alias excellentiores et præstantiores exhibuerunt. Sic

(1) Lebrun ode à Buffon. Gœthe Tasso Act. V.

(2) Schillers gedichte.

præcedentia secula supereminet decimi septimi ingeniosâ felicitas; et dum in Germania *Keplerius* orbitas invenit planetarum, horumque distantiæ rationes ad periodorum tempora, Batavus *Huyghens* horologium oscillatorium detexit, Anglus *Harvey* sanguinis circulum, Italus *Torricellius* barometrum, et Gallus *Cartesius* propriam philosophandi methodum introduxit, quæ, quamvis quoru[m]d[em] errorum paréns, tamen scientiis physicis novam impertivit vitam (1). Et ut in remotioribus seculis a *Socrate* ad *Platonem*, a *Platone* ad *Aristotelem*, sic in recentioribus a *Galilæo* ad *Keplerum*, a *Keplero* ad *Newtonum*, et ab hoc usque ad nostra tempora haud interrupta conspicitur illustrium philosophorum phalanx. Secula autem cùm seculis comparando humani ipsius ingenii historia enascitur: et si observatum plántæ alicujus incrementum, ejusque interrupta non versus certum finem evolutio, mirandum cunctisque gratum præbet spectaculum; quanto majori gaudio afficimur, cum progressus intelligentiæ humanae versus perfectionem illam, quæ posita est in veritatis cognitione, mente nostra complexamur?

Cujus historiæ notitia quoque non parum confert ad evellen-das illas præjudicatas opiniones, quæ scientiarum progressus remorantur. Huc spectat illorum sententia; quorum animos antiquitatis reverentia adeo perstrinxit et incantavit, ut præcedentia secula nostræ ætati in quolibet literarum certamine palmam præ-ripiuisse contendant. Monstravimus illam sententiam de rerum naturalium cognitione nullo pacto valere posse. Quin imo retardatus est illius progressus nimia antiquitatis reverentia. Hujus rei exemplum ex historia botanices desumendum. Postquam enim coryphæ Italæ poëseos, *Dantes Allighierus* et *Franciscus Petrarcha*, primi docuerant scripta Græcorum et Romanorum auctorum

(1) Sprengel geschichte der botanik. B. II.

semper ante oculos esse habenda, tanquam exemplaria nobilioris inventionis et pulcherrimae dictionis in poësi; summae profunditatis in philosophia theoretica, et sublimioris simplicitatis in historia botanici sunt arbitrati, antiquos idem in re herbaria assicutos fuisse fastigium, ita ut nil praeter commentationem et dilucidationem *Theophrasti*, *Plinii* et *Dioscoridis* operum agendum superresset, in quibus non artis principia tantum, sed et descriptionem Germaniae et Galliae plantarum quærebant. Nec de modo docendi scientias naturales valet preeminentia seculorum præteriorum: Olim enim et in schola pythagorica, et apud mediæ ætatis chemicos, a *Basilio Valentino*, qui antimonium, usque ad Hamburgensem *Brandt*, qui phosphorum detexit, celabantur doctrinæ, et non nisi adeptis tradebantur. Sedulo et tanquam nocivum ignem custodiebat suum quod utile, quod novum aliquis crederet detectum, et non nisi verbis mysticis et vix comprehensendis de illo sermonem faciebat. Nostra autem ætas a secretrorum et mysteriorum et arcanorum genio abhorret. Panduntur omnibus atria scientiæ, nec fas esse judicatur nova inventa et detecta invido celari modo. Quin imo agyrtæ nunc et vaniloquentes, qui talia peragunt, habentur ab omnibus, et non tantum scientia, sed et fides illorum in dubium vocatur. Hodiernus autem docendi modus, qui ideas et detecta, non ut possessionem privatam, sed ut commune bonum considerat, et scientia dignior et philanthropiæ magis conveniens est. Et certe nil infaustum a veri cognitione provenire potest; non enim scientia timenda, sed ignorantia: non in luce, sed in tenebris, pericula.

Historia, justitia quoque est distribuens: hinc merito cuivis debitum assignat honorem: et ut nimiam erga antecessores reverentiam tollit, ita e contrario iniquum simul refellit vituperium. Sic, docet multa quidem, sed non omnia fabulis adnumeranda esse,

quæ in scriptis antiquorum circa scientias naturales leguntur: inter quas tamen longum per tempus, et nostris adhuc diebus; habita fuit narratio, lapides e cœlo cadere. Quam nunc observatio, diversis locis et temporibus instituta, extra omnem dubitationis aleam posuit. Quod serius forsitan de aliis illorum observationibus, nunc contemtui habitis, aut oblivioni traditis, valebit. Vindicat et historia memoriam virorum illustrium a contumeliis detrectatorum, neque illi *Keplerus* propter suas, circa vitam organicae planetarum, ideas, vel *Cartesius* propter suos vortices deridendus esse videtur. Monstrat enim erroneas illas opiniones processisse ex illo mentis humanæ econamine, per quod semper nimis ad generalia exilire gestit, non autem e particuliari horum ingeniorum debilitate. Et sic videmus ex eodem fonte sæpius manasse et immortalia detecta, et errorum phantasmata, quæ idcirco non separatim consideranda sunt. Declinat et a polo boreali acus magnetica, sed fidem error non abstulit.

Ad præjudicatas opiniones spectat quoque sententia, scientias physicas, et historiam naturalem præcipue, meras esse curiositates, et oblectamento tantum inservire. Ita non raro fit, quod jami observavit *Linnæus*, cum incognitum illis antea experimentum vel corpus naturale conspicerint, contemtumi vultu præ se ferentes quærant, cui bono?

Huic quæstioni non semper exemplo satisfaciendum, quia utilitatem practicam hujus vel illius cognitionis physicæ non statim ante oculos ponere licet: et amplius *Linnæus* conscripsit dissertationem, ut ejusmodi quæstionum futilitatem demonstraret. Natura enim propter se ipsam cognosci meretur, scientia sui juris est, et utile veritatem candide quærentibus insuper dabitur. Dicit usus ad cognitionem, dicit cognitio novos ad usus. Qui quamvis non semper statim pateant, seriis tamen certo invenien-

tur. Non cogitavit ille, qui sectionum conicarum naturam scrutatus est, *Apollonius Pergaeus*, parabolam esse viam projectilium, ellipsin orbitam sphærarum cœlestium, sed admirandis illarum curvarum proprietatibus unice delectabatur. Et qui primus antiquissimis temporibus a magnete ferrum attrahi observavit, nescius erat, inde acum confici posse, quæ Europæos navigatores in terras duceret, ubi novæ stellæ conspicerentur, novæ plantæ, novaque vigerent animalia. Sic cognitio cognitionem parit, lux lucem accedit, neque ullum est dubium, quin detecta physica statum humanæ societatis in melius mutare, et publicam augere possint felicitatem. Dixit *Linnæus*, de usu historiæ naturalis loquens, quod si variis populis rite perspecta esset res herbaria, cinnamomum, myristica, caryophyllus aliaque aromata non essent unius gentis merces. Cujus rei exemplum dat coffeea, quæ olim Arabiæ solius thesaurus fuit, et forsitan mansisset, nisi docuisset Vicentius, horti Amstelodamensis praefectus, hanc plantam æque bene in Americanis Coloniis provenire posse, ac in Mokæ si- nibus. Metalla nova, in elapsis lustris detecta, adhibebat olim ad sanandos morbos medicus historiæ naturalis progressus in usus artis convertens, novas in his substantiis, vel saltem inter medias inventurus proprietates.

Sequitur ergo e præcedentibus considerationibus historicis, sanctum salutiferumque esse cogitationum genus, quod e naturæ contemplatione proficiuntur: et pollens hic proprio et suo valore sapientiæ sero maturantis fructus pulcherrimis simul locum dat applicationibus, et dum una ex parte commodâ vitæ illustrat, ex altera felicitatem dat intellectualem. Dotatur vita humana novis operum utilium inventis, novisque copiis ornatur humana mens, cui cognitio legum naturæ, quæ sunt æternæ divini intellectus ideæ, quod arbori nobilioris est rami insitio. Fons hujus feli-

citatis pérennis est. Nunquam absolvendus erit philosophiæ naturalis cyclus, et quamvis tota illustria ingenia creationem indagaverint, tamen nunquam, ut Verulamii verbis utar, *de natura tamquam de re explorata promuntiandum erit.* Sed historia saepius in illorum lucubrationibus germina ostendit nondum sat exulta, et indicat, qua ex parte cognitionum naturalium dominium augendum sit, et amplificandum. His moniti signis reges et principes illustiores, quorum pérennem memoriam grata conservat historia; omni tempore sua potentia scientias juvare conati sunt. Quemadmodum olim Medicéi et Alphonsus Ferrariae dux, Franciscus Galliae rex, Guilielmus Nassoyius, Academiæ Lugduno-Batavæ fundator, sic existit nostra ætate Guilielmus Primus, Belgarum Rex, hujus Academiæ Gandensis conditor et stator; quam et hoc anno, solita munificentia sustentavit. Hinc nūsea physica et chemica: hinc supellex historiæ naturali inserviens, mirifice aucta fuere: hinc instauratum nosocomium Academicum: et jam in Horto Botanico omnia ita disposita, ut in altera ejus parte plantæ, secundum methodi naturalis normas, ordinari possint; quæ jam in priori secundum systematis sexualis canones dispositæ sunt. Lapidem palatii Academicorum principem nomine Augustissimi Regis posuit dignissimus Regiae voluntatis promovendarum in hoc regno Literarum Minister, Vir Excellentissimus, Reinhardus Antonius Fulck. Curátorum indefessa sollicitudo, Magistratus civiumque inclytæ hujus urbis insignis favor, civium Academicorum, tam docentium quam discentium felix concordia hoc anno firmavit decus illud; quod in priori faustissimis iam cœperat auspiciis; et omnia prorsus fausta et prospera cessissent, nisi mortem professoris philosophiæ Dominici München presbyteri lugeremus. Optimus hic et solertissimus vir usque ad extreum fere vitæ halitum profes-

sorio suo munere summa cum industria perfunctus est, et in ultimis vitæ momentis ita se gessit, itaque locutus est, ut monstraret, quomodo ipsis in mortis angustiis virtus hominem supra humana elevare queat, obiitque munitus sacrosanctis fidei catholice nostræ sacramentis, alta in pace et magna cum animi constantia. Have anima pia!

Jam ad vos me converto, Commititones egregii, et summa in animi lætitia coram hac illustri concione, et in hoc soleanni temporis momento idem de vobis prædico, quod et Augustissimo Regi dixi, quando illum cum Senatu Academicu adire datum fuit: vos nempe paterna, quam in vos contulit, cura dignos vosmet exhibuisse. Vos enim rationalem statutis Academicis obtemperationem, libertatem, libidinum effrenatam licentiam autem, servitutem esse judicastis. Sunt jam forsitan inter vos quidam, qui vindicabunt antiquam harum regionum in litteris gloriam, qui erunt nostræ ætati ita ornamento, ut olim *Johannes van Helmont*, *Andreas Vesalius*, *Reimbertus Dodoneus*, et tot alii, quorum ingenia celebrantur, suo fuere seculo. Sunt jam inter vos quidam, qui ad abstrusiores a Senatu Academicu propositas quæstiones responsa dedere eruditæ et sagacia, digna, quæ præmio, munificentia regia victoribus concesso, ornentur. Horum triumphum longiori sermone morari nolo, et accingo me ad ultimum et gratissimum Rectoris Academicu officium.

Antequam hoc autem peragam, prius tibi Clarissime Collega, amicissime *Hellebaut*, ex decreto Regio fasces Academicos lubens lætusque trado, domumque hanc scientiæ ædificataam, regiumque ejus fundatorem æterno illi fonti, e quo scientia omnis et sapientia manat, precibus ardentissimis etiam atque etiam commendo.

ERRATA.

Pag.	4	lin.	9	<i>apum</i> ,	lege	.	.	.	apem.
—	6	—	25	<i>quae</i> ,	—	.	.	.	quas.
—	11	—	20	<i>Linnaeus</i> ,	<i>cum</i>	—	—	Linnæus,	ut ignari cum
—	12	—	18	<i>adhibebat</i> ,	—	—	—	—	adhibebit.



• A.T.S. 31

Ad pag. 14 sub fin.

JUDICIA FACULTATUM**DE****CONSCRIPTIS AD QUÆSTIONES PROPOSITAS****COMMENTATIONIBUS.****ORDO MEDICORUM.**

In certamen descenderunt *tres* juvenes. Primus scriptioni hæc præposuit: *Ista quoque naturae contemplatio, quamvis non faciat medicum, aptiorem tamen medicinae reddit.* — Secundus Commentationi suæ addidit hoc: *En venit ex horto flosculus ille meo!* — Tertius loco lemmatis posuit *càduceum duobus serpentibus illigatum.* — E quibus Commentationibus ultima duabus prioribus præstare visa est. Post schedule aperturam apparuit, auctòrem illius responsionis esse JOSEPHUM GUISLAIN, Gandavensem, Medicinæ Candidatum.

ORDO JURISCONSULTORUM.

Ad propositam ab Ordine Jurisconsultorum quæstionem, Quænam sunt principia de portione legitima, tam secundum Jus Romanum, quam Hodiernum? sex Commentationes acceptæ sunt. Harum una, cui adscriptum est lemma, *Civis uniuscujusque tutela lex est,* quamvis non omni diligentiae laude destituta sit; tamen historiam disputationis partem, et plura alia quæstionis puncta, ita bre-

viter exponit, ut aucto^r ea potius adjecisse, quam elaborasse videatur.

Plura habent, quod se commident, tres aliæ Dissertationes, his verbis insignitæ:

Decipimur specie recti.

Spes incerta futuri.

Alternant spesque timorque fidem.

Sed has omnes superare visæ sunt duæ reliquæ scriptiones, quarum alteri præfixa sunt hæc verba: *Non semper feriet, quodcunque minabitur, arcus*: alteri additum hoc Ciceronis effatum, *Quae est igitur melior in hominum genere natura, etc.*

Factā igitur accuratā illarum binarum comparatione, posterior digna reperta est, quæ præmium reportaret. Atque apparuit, epis-
tolā apertā, auctorem Dissertationis esse CAROLUM LUDOVI-
CUM LIBBRECHT, Ingelmunsterianum.

ORDO MATHEMATICORUM ET PHYSICORUM.

Hic ordo tres quæstiones proposuit. Ad quæstionem *Mathematicum* tres juvenes responderunt. Primus illorum usus est his ver-
bis: *Homo factus est ad cognoscendam veritatem!* — Alter com-
mentationi suæ hæc præfixit: *Non semper feriet, quodcunque mi-
nabitur, arcus.* — Et tertius denique adhibuit hanc tesseram: *Quae
potui, feci, etc.* Ex his tribus vero Commentationibus optima ju-
dicata est illa, quam secundo loco indicavimus, et cuius auctor
fuit JOHANNES ALEXIS TIMMERMANS, Bruxellensis.

Ad quæstionem *Chymicam* nulla responsio ordini redditæ est.

Tertia quæstio fuit *Botanica*, ad quam unus e civibus Academ-
micis tam accurate respondit, ut ipsius Commentatio, liis verbis
insignita, *Facies non omnibus una*, Nec diversa tamen: quæle-
debet esse sororem, præmio digna habita sit. Composita vero erat
illa Commentatio a JOHANNE LE MAIRE, Gandavensi, Artium
Math. et Phys. Cand.

ORDO PHILOS. THEOR. ET LIT.

QUÆSTIONES PROPOSITÆ.

I.

Omnis syllogismorum theoria ad calculum revocetur, et quidem ita, ut :

(a) *Calculo combinatorio determinentur omnia, quae cogitari possunt; syllogismorum genera, omnesque eorum species, sive omninoes figuræ et modi syllogismorum.*

(b) *Universo ostendatur, quomodo ex datis duabus cuiuscunque vel figuræ vel modi praemissis, conclusio ope calculi logici erui possit.*

(c) *Hujus theoriæ applicatio fiat ad seriem ratiociniorum dialogi Platonici, qui inscribitur Phædon, dilucide exponendam.*

Ad hanc Quæstionem nemo respondit.

II.

Invitantur Literarum Humaniorum studiosi juvenes, ut non modo argumentis ratione conclusis, verum etiam exemplis, ex Historia antiqua et recentiore petitis, ostendant, verissimum esse illud de Studiis Humanitatis præconium Ciceronis in Or. pro Arch. Poëta Cap. VIII. « Hæc studia adolescentiam alunt, senectutem oblectant, secundas rès ornant, adversis perfugium et solatium præbent; delectant domi, non impediunt foris, pernoctant nobiscum, peregrinantur, rusticantur. »

In hac quæstione explicanda quinque juvenes suas ingenii vires exercuerunt. — Primæ commentationi hæc Horatii verba præ-

fixa sunt: Aequa pauperibus prodest, etc. — Secundæ auctor adhibuit hanc tesseram, *Juventutem alunt.* — In tertiae fronte leguntur hæc Anacharsidis, *Viri sana mente praediti quaestiones proponunt, etc.* — Quarta insignita est epigrammate *Owenii*, cuius initium, *Omnia dispereunt, etc.* — Quinta denique hanc habet epi-graphen, *Etiam et tentasse decorum.*

Jam autem, etsi e singulis *Commentationibus* satis apparet, ipsarum auctoribus neque voluntatem Latine scribendi, neque etiam studii et laboris assiduitatem defuisse; tameu tales non sunt hæ *Commentationes*, quales in septentrionalibus patriæ nostræ Academiis in hoc Litterarum genere a provectionibus et Latini sermonis usu magis subactis juvenibus scribi solent. Verum, quum *sana mens et ratio omnino studeantur*, ut in his recens constitutis Academiis, quid res et tempora fieri jubeant, sedulo animadvertisimus, et præterea iniquum sit, ob veteranorum majorem facultatem tirones præmio privare velle; Professores hujus ordinis æquum censuerunt, unam ex quinque illis *Commentationibus* præmio ornari, ne aliquo nimia severitate studium et tironum laudabilia conamina initio, potius deprimantur, quam quidem erigantur. Atque idcirco, facta *Commentationum* inter se comparatione, quarto loco commemorata scriptio reliquis melior visa est. Et quum epistolium resignatum nomen JOHANNIS LANTHEERE, *Gandavensis*, contineret, hic victor renunciatus est.

III.

Ostendatur et exemplis illustretur, quanti momenti in *Jurisprudentia*, cum apud Romanos olim fuerit, tum apud hodiernos Europæ populos etiamnum sit, patrium sermonem suum probe cognitum et perspectum habere, et quot quantaque utilitates ex illius accurata et interiore scientia in ipsos *Jurisconsultos* hucusque redundaverint, et in posterum quoque redundaturas esse, haud temere sperare, liceat.

Ordini ab actuario *tres* responsiones traditæ sunt. — *Prima* præ se fert istud lemma, *En quatuor dierum labore!* — Cujus pretii iste immaturus foetus habitus sit, et haberi meruerit, sua sponte quivis intelligere potest.

Altera responsio in fronte habet locum Ciceronis (de Orat. III 13), *Tam facilis est tota res*, etc. Continet haec scriptio multa lectu digna, et majoris illa pretii fuisset, si auctor in tractanda materia justum ordinem secutus esset, nec factis digressionibus passim res ab argumento alienas immiscuisset. Præterea auctor non satis perspexisse videtur, quantum a declamatione Commentatio differat. — *Tertia* responsio hanc tesseram offert: *Fons perspicuitatis est accurata cognitio linguae, qua in dicendo et scribendo utaris.* — Haec duabus prioribus quam plurimum anteferri meretur. Auctor ordine progressus est, sese multa legisse, et diu multumque de ipso argumento sese cogitasse ostendit. Ex bonis principiis justas consequentias deduxit. Verum, quod dolendum, auctori præmium adjudicari non potuit. Primum enim nimis brevis fuit in loco *de necessitate patrii sermonis in legum latione et administratione*: et deinde, ultimam quæstionis particulam, nimirum, *quot e quantas utilitates futurus Ictus ex vernaculae linguae cognitione percepturus sit*, fere silentio prætermisit. — Interim tamen Professores honoris causa in Annalibus lubentes nomen auctoris indicabunt, modo literis scriptis Ordini declaret, hoc sibi haud ingratum fore. (1)

Singuli vero illi juvenes, qui præmiis digni judicati sunt, coram Ordine quique suo, ad quæstiones propositas, secundum Legis Acad. § 106, tam accurate in examine habito responderunt, ut dubitari omnino non potuerit, quin quique Commentationis suæ auctor habendus sit.

(1) Die VIII Oct., epistolâ ad Decanum Facultatis scriptâ, auctorem hujus Commentationis sese certis argumentis professus est CAROLUS LIBBRECHT^I, idem ille, qui in Facultate Juridica præmium reportavit.

JOSEPHI GUILAIN,

GANDAVENSIS,

RESPONSIO

AD

QUÆSTIONEM, AB ORDINE MEDICO

ANNO M. D. CCC. XVIII PROPOSITAM :

Quum, quibus Lien vitiis laborat, brevi aliorum viscerum chylopoeticorum totiusque œconomicæ animalis vitia, difficulter sœpè distinguenda, fiant; petitur illius organi (Lienis) accurata anatomica et physiologica expositio: præcipue rationis, quam cum aliis vitæ vegetativæ functionibus habet, dilucidatio exposcitur: denique mòrbi, quibus hoc viscus, ratione suæ structuræ specialis et vitalitatis modi, obnoxium est, aliarumque functionum naturalium ægritudines exinde redundantes, quæruntur.

QUÆ PRÆMIUM REPORTAVIT A. D. IV. OCTOBRIS M. D. CCC. XIX.

Concord

GRANDEUR & BEAUTY

IN THE COUNTRY

Concord is a town in Middlesex County, Massachusetts, United States. It is located in the northern part of the state, approximately 25 miles west of Boston. The town has a population of about 15,000 people. Concord is known for its historical significance, particularly as the site of the Battle of Concord during the American Revolution. The town also features several scenic parks and trails, including the Old North Bridge, Minute Man National Historical Park, and the Concord River. The town is home to several educational institutions, including Phillips Academy and the Concord-Carlisle High School. Concord is also a popular destination for outdoor enthusiasts, with opportunities for hiking, fishing, and boating.

Concord is a town in Middlesex County, Massachusetts, United States. It is located in the northern part of the state, approximately 25 miles west of Boston. The town has a population of about 15,000 people. Concord is known for its historical significance, particularly as the site of the Battle of Concord during the American Revolution. The town also features several scenic parks and trails, including the Old North Bridge, Minute Man National Historical Park, and the Concord River. The town is home to several educational institutions, including Phillips Academy and the Concord-Carlisle High School. Concord is also a popular destination for outdoor enthusiasts, with opportunities for hiking, fishing, and boating.

PRAEFATIO.

SEnsum verum attingere, quæstioni inclusum, a clarissima Facultate Medica Universitatis Gandavensis propositæ, principalis hæc est meta, ad quam, in desquisitionibus, quæ valent concurrere ad explorandam materiem tam obscuram, pervenire tenemur: omnes igitur conatus intendemus tenellos, ad eam, modo plus minus plausibili, attingendum. Ipse quæstionis sensus videtur nos conducere debere ad tramitem campu inhaerentem a nobis percurrendum: proposita in materia, perspicere hocce modo judicavimus, individuam dispositionem (concedatur nobis vocabulum hoc) stabilire, quam lien ab ejus fabricâ mutuatur, quemadmodum, et a vita particulari, quâ animatur, est fonti occurrere secundo; unde omnes considerationes hujus dissertationis cursu, profluere debent.

Independenter verò ab observationibus hisce, absolute et specialiter lieni propriis, adhuc alia et satis ampla asperitatum superest copia complananda, illa scilicet in veram lucem emittendi systemata differentia secundariè morbifico lienis statu, affecta: ultimum propositionis lemma ita sonat » aliarumque functionum ægritudines exinde redundantes quæruntur» sectio particularis huic materiei dedicabitur.

Arbitramur interim nostrâ referre judicum nostrorum neutralium indulgentiam implorare, observantium studium omne speciale licnis morborum propositione nobis non videri inclusum esse, quæ non requirit nisi solam morborum enumerationem respectu causæ prædis-

ponentis; » denique morbi quibus hoc viscus ratione suæ structuræ specialis et vitalitatis modi obnoxium est. » *Judicavimus attamen limites, quibus sensus quæstionis propositæ nos adstringere videtur, transilire; ut igitur melius assertiones nostras stabiliamus, illis per consequens adnectemus, morborum lienis studio, sectionem particularem, in qua perscrutabimur morbos illos sub aspectu merè locali, ubi maturæ mentis bilance quantum nobis erit possibile causas perpendicularis, tam remotas quam proximas, quemadmodum et symptomatum enumerationem, ex quibus detegi valent ægritudines diversæ lienis; hisce adjungendo annotationes sollertissimorum scrutatorum in arte per innumeræ cadaverum sectiones sedem morborum detectandi causâ institutas: quoad partem diagnosticam, prognosticam, et curativam, totaliter ipsam censemus inutilem, et nullatenus nostræ sphæræ.*

Eece ordo, quem, in opusculo nostro, stabiliemus; dedicabimus primo caput particulare studio lienis anatomicæ descriptionis, secundum expositionem physiologicam hujuscæ organi continebit, denique tertium studii variarum affectionum morbificarum objectum erit.

Quoniam in idiomate nobis minus familiari describere coacti simus, zelum tamen nostrum incitabimus et nervos omnes intendemus, ad ideas nostras, modo plus minusve claro nec non intelligibili in lucem emitendas, in duces assumentes in earum enodatione observationes, et si minus numerosas, quas docti de hac materie præbent. Aliquatenus scientiarum progressui, quantum in nobis contribuere licet, sunt vota nostra sincerissima.

Caput primum.

ANATOMICA LIENIS DESCRIPTIO.

Sect. I. DISPOSITIO ORGANI GENERALIS.

IN hypochondrio sinistro abdominis, sub diaphragmate, supra renem et capsulam surrenalem sinistram portionemque sinistram intestini coli, inter et extremitatem majorem ventriculi et superficiem internam ultimarum tertiae et quartae spuriarum costarum duobus vel tribus pollicibus distans a columna vertebrali, situm obtinet lien.

In ætate infantili splen non omnino in hypochondrio sinistro collocatum est, sed parum infra costas spurias proeminet; ætate vero proiectiori magis a costis recedit et profundiùs invenitur, cum, illa ætate, evolutione thoracis costæ spuriæ magis et magis versus abdomen accedunt.

Miras varietates nobis offert forma istius organi, ordinariè prysmatica, convexa extrinsecus, concava vero intus, modo rotunda, modo allongata, quandoque denticulata, sulcata, vel plana, ad superficiem externam invenitur. Aliquando, pluribus in locis ejus circumferentiæ, tam profundè sulcata observatur, ut organon illud varias in portiones sectum videatur; attamen ut plurimum unicus est lien, quandoque vera corpora accessoria a se invicem distincta eadem formâ ac structurâ gaudentia, plus minusve voluminosa et inter duplicaturas omenti collocata, habet.

Admodum variat color lienii proprius, nunc ceruleus, nunc

ruber, luteus, etc., rarissimè æquabilis et unicus in totam superficiem organi dominatur, ut plurimùm compositus est e diversis et variis coloribus verum aspectum marmoris præbentibus.

Sect. II. CONFORMATIO EXTERNA.

Lien dividitur in binas facies, unam externam et alteram internam atque in circumferentiam.

Facies exterior convexa diaphragmati contigua (exceptis aliquibus adhaerentiis præternaturalibus) cum ultimis costis spuriis, ut tertia, quartæ et quinta, correspondet.

Facies interior parum est concava duas in partes, per limbum revolutum in modum canalis, ab auctoribus scissuram lienis vocatam, divisa est: duarum harum partium superficie internæ una, quæ anterior et major est, extremitati majori correspondet ventriculi, eò magis quò organon illud cibis repletur: altera pars, quæ posterior ut plurimùm applicata est parti illi vertebralis columnæ, quæ ei vicina est. Scissura enim nunquam totam longitudinem organi occupat, membranæque peritonæi non obducitur. Adnotandum, primas ramifications arteriæ splenicæ, nervis conjunctis, per hanc scissuram in textum lienis penetrare, ex illaque vasa venosa ejusdem nominis exire.

Circumferentia lienis correspondet per partem superiorem dia phragmatis, per inferiorem reni atque capsulæ surrenali sinistram, per posteriorem partem pancreati, per anteriorem, intermedio diaphragmatis, thoraci. Ut plurimùm admodum observatur irregularis, crassior ordinariè superius et posterius quam in alio sensu, marginem ut plurimùm offert æquabilem, in aliis casibus, laceratum et in variis ejus partibus sectum.

Sect. III. STRUCTURA INTERNÆ.

Membrana serosa exterius, fibrosa interius, multa vasa et nervi, sunt partes quæ ad formationem hujus organi concurrunt.

Membrana serosa hæc, prolongatio est membranæ peritonæalis,

totum obducit organon, parte illa excepta, per quam vasa et nervi in substantiam organi penetrant; loquimur de scissura lienis, in cuius margines reflectitur membrana haec, ut simul cum lamellis duplicaturae membranaceae quibus lien cum diaphragmate ventriculoque et omento gastro-epiploico connexus est, continuet. Inter lamellas hujus duplicaturae vasa splenica nervique collocantur: duplicaturae illae, quae partem posteriorem et ejus faciem posteriorem cum diaphragmate jungunt, ab auctoribus ligamentalienis vocatae sunt:

Membrana fibrosa sub priore, scilicet serosa, immediatè collocatur, cui, omnibus in ejus partibus fortiter annexa videtur, excepta, uti vidimus, scissuræ; ubi serosa reflectitur et organon relinquit ad efformandas duplicaturas illas, quæ vasa nervosaque ante ingressum in lienem sustinent; est verò in hoc loco quod membrana haec fibrosa evidens evadit, et sub forma sese offert tenuis membranæ, foraminibus perforata pluribus, per quæ vasa diversa, et nervi in organon penetrant aut excent.

A superficie hujus membranæ internâ innumeræ pullulant lamellæ, quæ millesimis modis inter se divergentes, mutuas adhesiones simul cum vasis nervis que efformantes ad efficiendum parenchyma spongiosum lieni proprium, concurrunt; parenchyma, quod cadaverum sectores evidentissimum reddiderunt lotionibus plus minusve repetitis; extrahiatur enim hoc modo omnis sanguis in viscere illo contentus, dilabitur organon, volumen ejus valde imminuitur, et tandem in massam spongiosam albicantem è pluribus lamellis fibrosis miro et vario modo inter sese junctis, conflatam, reducitur.

Nullum organon in humano corpore quam lien tantâ praeditum est copia vasorum respectivè ad ejus volumen, eò mirabilius quod nulla per illud organon peragatur secretio, nec ductus observetur, materiem aliquam secretam foras eliminans.

Arteriae a splenica arteria magno trunci cæliaci ramo procedunt, parvos ulterius a sinistra diaphragmatica arteria ramusculos accipit. Præterea e primaque lumbari pari parvæ adveniunt lienis ramifications. Ante introitum in organi textum splenica arteria

varios in ramos dividitur, quorum numerus nondum est determinatus; penetrant rami illi sine ulla regulari dispositione per scissuram sic dictam lienis in organon, iterum ibi subdividuntur et capillare efformant systema visceri illi proprium.

Nascuntur et alia in substantia lienis vasa ad sanguinem in textum organi per arterias allatum in venae portarum sistema deponendum, de ingenti illo agitur numero ramorum venosorum, quae postquam textum exiverint inter se juncta truncum sic dictum efformant venosum splenicum: adnotandum truncum hunc ab aliis differre corporis venis defectu valvularum.

Sese exonerant in truncum splenicum vel in aliquos ejus ramos varii ramusculi venosi originem sumentes a curvatura majori stomachi, comitantur et etiam hos parvae arteriae a gastrica superiore et splenica arteria procedentes: vasa haec a veteribus brevia nuncupata sunt, et illa, tantummodo ex venis efformata ea esse statuerunt, at experientia hodierna anatomica nobis demonstravit vasa illa tam ex arteriis quam e venis constare.

Gracilia in interiore parte organi, maiora quo magis externa fiunt, vasa lymphatica in duos vel tres trunco colliguntur, qui ad alia tendunt vasa lymphatica in canalem thorachicum sese exonerantia.

Nervi ad lienem destinati arterias amplectuntur et speciem efformant plexus splenici vocati, a plexu nervoso solari provenientis.

Caput secundum.

PHYSIOLOGICA LIENIS EXPOSITIO.

Inutile foret opiniones omnes auctorum hacce de re traditas, hic lato exponere sensu; sufficiat nobis principaliores in decursu harum considerationum allegare, et cum nostra comparare opinione.

Præcedenti in descriptione anatomica visum est, lienem tantummodo organon vasculosum molle nullum vestigium structuræ glandulosæ (1) præstare, nec ductu, nec canali excretorio, aut receptaculo fluidum aliquod continente, præditum esse: candidè fateimur difficilè verum esse modo directo in lucem asserrare illius organi functiones; at si animum omni opinione liberum tenemus, circa hanc rem aliquid assignare, impossibile non erit opus.

Dum solum superficialiter organi illius pensitatur dispositio, ejusque structura fluidumque, quod in textu circulat, primo intuitu autumandum esset; quod lien viscus vasculosum situm obtinens verticaliter in hypochondrio sinistro, costas spurias inter et ventriculum, principaliores deberet agnoscere conjugationes cum stomacho (2). Ast opinio hæc infirmo fundamento innixa nobis videtur: quænam enim invenitur inter lienem et ventriculum communicatio? prope stomachum splen situm tenens immutabilem prolongationibus peritonæi nullomodo, (nisi per ordinem vasorum (3), quæ nimis exigua sunt, ut inde dederetur, usum lienis tantummodo ligatum esse cum illo ventriculi:) cum priori nectitur. Sed quod maximi ponderis, si ab alia parte inspicimus quod lien modo directo cum systemate hepatico concatenetur ope

(1) *Malpighi* in liene corpora glandulosa dari affirmat cum *Vieussens*.

(2) Celeb. *Cuvier* lieni videtur assignare functionem quæ sanguis in textu ejus contentus ad secretionem succi gastrici partim destinatus esset. *Cuvier* anal. comparat. t. 4. prælect. XXII.

(3) De vasis brevibus loquimur. Vasa illa directè non communicant cum liene sed cum arteria, et vena splenica.

trunci venæ splenicæ, quod etiam omnis sanguis, qui in parenchymate circulavit, per hanc venam hepatici tradatur, plusquam probabile erit, ad evellendas functiones splenis, quod summo studio inquirendum sit in nexu illo, quem inter sese alunt bina illa organa; sed ut profundè rem intelligamus ordine, et methodo procedendum, quamobrem nobis sequentem proposuimus analysim in functione lienii propria detegenda. 1º Volumen splenicæ arteriæ et quantitas qualitasque sanguinis ante in lienem ingressum consideranda veniunt; 2º modificationes atque mutations, quas sanguis ille patitur in textu lienis; 3º denique qualitates, quibus, dum ipsum in vena splenica offendimus, pollet.

1º Quod tanta copia sanguinis, quæ ad lienem per arteriam splenici defertur unicè nutritioni illius organi destinata esset, supervacuum foret adnotare; in ratione organi magni voluminis, quantitas enim hujus liquidi nimia est, ut hæc admittatur sententia quoad physicas atque chemicas qualitates, omnes sanguinis arteriosi ostendit dotes.

2º Sed antequam ulterius modificationes diversas quas in lienis parenchymate sanguis subit, in apricum proferre conemur, quaestio hic offenditur ab omnibus arte peritis tentata; petitur scilicet: num arteriosus sanguis in lienis parenchyma allatus, in cellulis aut areolis istius organi ab extremitatibus capillaribus arteriarum deponatur et momentanè ibi tantummodo stagnet, et iterum ab ultimis vasorum absorbentium osculis in venas splenicas deferratur; vel utrum ille sanguis, solomodo in capillaribus ipsis vasis contineatur, et non in lienis cellulis effusus sit? res est herculeo labore major et nostris viribus multum impar. Secundum celeb. viros Caldani (1) et Ruysch (2) nullus in cellulis aut areolis effusus haberetur sanguis; nam secundum hos anatomicos spatium inter arteriarum extremitates capillares et illas venarum non daretur, in quo arteriosus sanguis per ultima capillaria vasa effusus, contineretur. Attamen opinio hæc nobis omnino admittenda non

(1) Caldani inst. anatom. par. II. splanç. pag. 156.

(2) Thes. quart. vide Hall. elementa physiol. t. VI. pag. 585.

videtur; hic vero cum acutissimo et celeberrimo physiologo petere possumus quare in cadavere semper invenitur sanguine turgidus lien, dummodo vasa omnia capillaria corporis latice illo destituantur; a regula generali exceptionem deberet pati lien.
 2º Si sanguinem in textum cellulosum admittamus deponi et per aliquot ibi temporis morari, melius concipiuntur modificatio-nes variæ, quas in liene subit fluidum illud: 3º si, aliis cum organis, eadem ferè structurâ gaudentibus, in quorum textu exhalatur sanguis iterumque organo afferatur, ut potè in corporibus pen-nis cavernosis, in placenta et aliis in similibus, cōparationem insti-tuamus, res minus dubia evadit. Tandem quidquid de hoc cogitatur, potius hypothesibus quam directis et veris innititur probis. Phenomenis sufficiat nobis studere, quæ subit in textu lienis san-guis, quam obscuram illam materiem fusiùs indagare; una vel altera harum opinionum multum lucis afferre nequit, functionem istius organi explicandi causā.

Licet intima lienis fabrica nos lateat, haud minus fas est dicere totaliter illam vasculosam reperiiri, sanguinemque a splenica arteria in ejus textum allatum, alias ibi accipere dotes, et nullum indolis vestigium præstare, quo gaudebat, dum in arteriis ipsis splenicis circulabat: id solùm desuper dici potest, quod disposi-tiones reperiantur variæ, ab organo ipso petendæ, quæ mutuo omnes concurrunt, ad sanguinis cursum in ipsis vasis tardiorem reddendum; ad quas merito referri valent sequentes: 1º admodum arteriæ splenicæ trajectus invenitur ante ingressum in organi tex-tum flexuosus; 2º venæ splenicæ atque variorum ramorum ejus-demi nominis capacitas amplior est, ac illa arteriarum; 3º textus præterea eorum minus robustus est quam in cæteris corporis ve-nis, parietes enim offerunt graciles, ac tenues; 4º et, quod notandum, valvulis carent venæ hæ; 5º tandem eorum vis tam infirma est ut nequidem ad sanguinis progressum sufficeret, ni contrac-tionibus muscularum abdominalium alternativis, fluxus sanguinis in venam portarum inde promoveretur.

(1) Biéhal, vide anat. descrip. I. V. pag. 65.

3º In ipso textum lienis hinc usque observavimus sanguinem; dispositiones, quibus cum minore velocitate circulat in organo hocce adnotavimus; reliquimus igitur liquidum illud in liene: videndum nunc erit qualitates illas novas, quas a concursu dispositionum in praecedentibus expositarum accepit. Sanguis vero in splenica vena contentus, sanguinis venosi offert qualitates, niger et principiis oleosis abondans est, sed quod illam a venoso sanguine alterius corporis partis distinguit, est, quod dum in vas excipitur in coagulum numquam tendat, fluidiorque magis carbonisatus et hydrogenatus factus sit. Contrarium hic occurrit, quod evenit in capillaribus pulmonum, fluidum sanguineum ex nigro quo constabat sit rubrum, spoliatur principiis hydrogenii et acidi carbonici et sibi assumit aliud principium, nimirum oxygenium: in liene vero corpora sunt illa duo, quae sanguini imprimunt splenico principaliores suos characteres.

Hæc sunt naturalia, et essentialia in liene conspicua phænomena, alia non dantur. (Præter illa, quæ ad nutritionem pertinent) concipitur jam functio ejus: sanguis arteriosus in illius textum propulsus, qualitates alias acquirit a venoso sanguine cæterarum corporis partium multum discrepantes; omne quasi ad unum et solum scopum ibi reducitur, ad circulationem scilicet sanguineam; et nullam aliam habuisse natura providens ideam in conficiendo liene, quam in cursu suo retardandi sanguinis videtur. Hæc, pro liene nobis sufficient: ast, si porrò sanguinis splenici persequimur cursum, in hepar fluidum hoc directè tendere, — videmus, undè arguatur principaliorem usum lienis cum hepate propè adnecti et tantummodo præparatorium esse bilis secretionis; id, quod non solum experimenta in animalibus vivis instituta, at quoque affectiones lienis variæ morbificæ alterationem plus minus validam inducentes in bilis secretionem, confirmant. Non latebat antiquissimis observatoribus in arte medica, dum lien vivis animalibus aufertur, semper languere secretionem bilis, et digestio-
nis negotia labe affici: atque quamvis physiologi multi de lienis sectione auferendi possibilitate disputatione, attamen vulnera, et

aliiæ ægritudines organi illius fusius explicandæ, hujus sententiæ veritatem testantur: sequentia adhuc melius assertum nostrum consolidabunt.

Sect. I. LIEN IN DIVERSIS VITÆ STADIIS CONSIDERATUS.

Liquet ergo ex prægressis, lienis functionem associari illi hepatis; videbimus, hocce conspectu, omni vitæ cursu constantem dari rationem inter validitatem bilis secretionis, et evolutionem lienis.

Splen capiamus in fœtu, istius organi status hic, statui inertiae viarum digestivartini, perfectò correspondet; proportionatè ad generalem corporis molem parvus invenitur lien. Meritò hic obiecti potest, tempore illo, hepar in ratione evolutionis omnium corporis partium, admodum voluminosum esse, et nullas habere rationes cum lienis volumine, quod illa ætate parvum et nullomodò evolutum est: res vera, sed sedulò perspicienda, nam connexionis voluminis lienis non inter generalem massam hepatis existit et illam splenis, sed apparatum secretioni bilis dicatum inter et volumen lienis. In fœtu non ob majorem activitatem in secretione bilis hepar tam magnum deprehenditur, sed propter ingentem sanguinis copiam, quam hepaticum organon ab utero materno accipit; at, bilis secretio, quæ nulla ferè est in fœtu, evolutioni tenui apparatus excretorii bilis comparata, perfectè cum magnitudine et evolutione exigua lienis quadrat.

Post nativitatem vero systematis sanguiferi abdominalis capacitas augetur, illa præsertim lienis, ob evolutionis speciem in visceribus abdominalibus observandam, alimentorum stimulo inductæ, quò, adversùs partes illas attrahuntur humores, et nutritio ibi majore eum vigore peragitur, omnia tandem digestionis organa citius illo vitæ periodo evolvuntur: excipi hic debet hepar; volumen ejus continuè immixtum quò magis ab origine recedit homo, docet observatio anatomica; verum ut anteà jam allatum, non ad hepatis est attendendum volumen, quod in fœtu respectivè ad

cæteras corporis partes propter sanguinem arteriæ umbilicalis, tam magnum invenitur, et quoque non solum respiciendum ad activitatem et vigorem bilis secretionis sed ad peculiarem partium apparatus bilis excretorium constituentium in omnibus vitæ stadiis evolutionem, est inquirendum; juvenili ætate enim systema venæ portarum parvum invenitur accretum, idem de apparatu excretorio bilis valet: versus stadium triginta vel quadriginta annorum organa illa evolvi incipiunt; volumen lienis increscit, secretio bilis validior evadit, affectiones animi variæ, illo stadio, specialem videntur determinationem habere in viscera illa; in senectute verò quid reperimus? connexiones iterum volumen lienis inter et illud excretorium bilis; nonnumquam parvus, retractus, et quasi cartilaginosus lien, statum insequitur hepatis apparatusque excretionis bilis, illa ætate, marcore et languore quasi affectorum.

Sect. II. LIEN IN DIVERSIS DIGESTIONIS TEMPORIBUS CONSIDERATUS.

Observarunt physiologi ab omni ævo volumen respectivum atque pondus lienis augeri in vacuitatis statu ventriculi, verò imminutum digestivæ actiones in eorum functionibus augmentum patiuntur. Plures physiologi uti *Lieutaud*, *Hallerus*, etc., secundum leges merè mechanicas omni ope atque opera innixi sunt, phenomenon hoc explicare.

Hisce a principiis procedentes auctores illi statuerunt, quod tempore vacuitatis stomachi imminuta sit circulatio in organo hocce, ob vasorum statum ventriculum ambientium, quæ in hac digestionis periodo, flexuosa deberent esse, et retracta. Addiderunt ulterius, quod lien organon molle in loco quem occupat liberius collocatus, majore penetrari possit copia sanguinis, cum sit affluxus in organa digestionis minor, et eatenus sine dubio augeri debeat volumen ejus, donec iterum compressione repleti stomachii ut bilis confectioni inservire posset, in venæ portarum systema, sanguis exprimitur.

Denegatum ab omni iudicio et pensata meditatione est pri-

nunq; horum auctorum assertum, nimis, quod lienis structura laxa in causa esset sanguinis derivationis in organi textum dum cibis est orbatus stomachus; minus verum quoque, quod a compressione hujus organi alimentis extensi, sanguinis celerior esset transitus per venæ portarum systema; nam ut lien comprimatur, a parte stomachi vis major deberet inveniri, id quod veritati impar. Hisce positis, quomodo debiliore præditum resistantia organon, alterum urgere posset, cui vis renitens est major, quemadmodum in liene? Itaque non compressionem pateretur splen, ast magis ventriculus, cum vis in eo minor reperiatur: res autem sese ita non gerunt in negotiis digestionis, quo magis enim cibis impletur stomachus, eò magis hinc anterior sit et a liene recedit.

Præterea, copiam laticis vitalis respectivam detrahi in ventriculi vasis, tempore vacuitatis hujus organi ob vasorum curvaturas, stomacho dilatato, non existentes, ab inspectione accurata anatomica planè et adamussim denegatur; nam arteriarum trunci principiores stomachum ambientium, ab hocce, dum vacuus est, recedunt, et non, ut aiunt, duplicantur, aut curvaturas efformant, quibus sanguis minus in corum cavitates affluere posset; breviora enim non fiunt vasa, sed magis distant a stomacho, cum manent collocata fixa inter lamellas omenti, tempore repletionis ventriculum obducentes, et ab illo dum vacuum est, recedentes: animadversio hæc ab ingenioso Bichat notata est: en ejus verba: » *Les troncs principaux artériels qui cotoyent les courbures de l'estomac en sont alors éloignés, parce qu'ils n'ont point abandonné le point des épiplois qui avoisinaient ces courbures au moment de la distension de l'estomac, de manière que les branches qui se répandent sur l'une et l'autre surface de ce dernier n'ont pas diminué de longueur et ne sont pas plus flexucuses qu'auparavant* (1).

Verum enimverò contulerunt aliqui scriptores (2), cum a liene accipiat hepar sanguinem ad conficiendam bilem, et cum ejus quantitas in ratione sit semper vacuitatis vel repletionis statutus ventri-

(1) Bichat, anat. descrip. I. 5.

(2) Portal, anat. medic. I. 5. p. 531..

culi, quod bilis secretio majore deberet fieri cum vi, dum a stomacho per alimenta distenso premitur lien, quod è contra ab alia parte bilis secretio minus viget cum sanguis non amplius; vacuo et contracto ventriculo, versus sistema hepaticum urgetur. Per momentum supponamus impletum et extensem per alimenta stomachum, lienem comprimere posse: naturaliter inde deberet exsurgere, quod compressum organon non tantam in ejus textum excipere posset quantitatem sanguinis arteriosi, quam solebat in laxitatis statu istius organi. Itaque intercludendo sanguinis aditu arteriosi, defici debet quoque quantitas sanguinis venosi bilis secretioni dicata, modo hoc, hujus liquidi secretio loco majoris, cum minore vigore perageretur, cum ad illam destinata alimenta magis deficerent, dum lien deprimitur.

Finem, illis meditationibus vagis et hypothesibus superstructis, ferè omnibus corporis functionibus alienis, imponamus, et loco mechanicæ explicationis, veris utamur legibus humanum corpus regentibus ad causam detegendam imminutionis et augmenti voluminis lienis, in actu digestionis conspicuæ: intelligere vero nequimus, quomodo glandulosum aliquod viscus, ut hepar, ex canaliculis inertibus construeretur, et sine ulla esset actione in laticem vitalem; in quo secretio continuè magis vigeret quantitatis in ratione ei advenientis sanguinis. Sed cum è physiologicis pateat, quod omnis, cuiuscunque glandulæ, actio in ratione sit semper proprietatum vitalium organo secretorio dicatarum, tenuitas hujus theoriæ clarè indè demonstratur. Quotiescumque igitur organi hepatici proprietates vitales alacrius e sanguine venæ portarum ad bilem conficiendam destinata elementa hauriunt, totiescumque volumen lienis propter depletionem momentaneam ab hepate inductam ob validiorem sanguinis dispensationem in hoc organo, collabesceri potest: concipere quidem possumus hoc modo, detractionem illam in pondere et volumine lienis digestionis diversis in periodis adnotandam; enī secundum nos, hujus phenomenis causa. Dum alimenta in vias digestivas introducta propter stimulum excitationem plus minusve validam in organon bilife-

rum impellunt, uti secundum antiquum Hippocratis essatum constat, ubi stimulus ibi fluxus; tunc humores ad secretionem bilis destinati, magis et promptius elaborantur, et eatanus ab una parte cum valida sit dispensatio sanguinis in hepate, necesse est ut ab alia parte indè sequatur depletio in organis, in quibus continetur aut quasi servatur fluidum illud, momentaneè sic volumen lienis decrescere potest, cum digestionis tempore quantitas sanguinis in organo hocce retenta, celerius detrahitur et cum majore vigore in hepate elaboratur; excitatione igitur cessante dum vacuae sunt viæ digestivæ, bilis secretio minus viget et minus est consequenter deperditio in sanguine venæ portarum; qui sanguis congeritur, et textum lienis adauget et distendit, donec iterum velocius auffertur, quum alimenta ob eorum stimulum confectionem bilis activant. Inutile quasi hic esset adnotatu statum intermittentem de quo, uti organa omnia glandulosa, jecur in ejus functionibus participat: inspectio sola hujus organi in diversis digestionis periodis ad demonstrandum sufficit quod, dum intestinum occupant substantiae alimentares, duodenum et eorum irritatione in canalis choledoci et pancreatici orificio consensuali excitationem in capillaribus bilem secernentibus determinant, bilis non solùm magis abundet, sed simili minus colorata et minoris sit consistentia.

Sect. III. PROPRIETATES VITALES LIENIS.

Gaudet lien nulla in naturali statu contractilitate animali seu cerebrali, sensibilitas cerebralis obscura et ferè nulla est. Sensibilitas et contractilitas organica ibi, uti in omnibus organis, præstant.

Cerebralis sensibilitas ut dicimus ferè nulla est in statu naturali: nam, liene in animalibus vivis irritato, dolor, qui indè exsurgit tolerabilis et quandoque nullomodo percipitur: illust. *Bichat* ad hoc observat dum loquitur de membranarum serosarum sensibilitate: » *J'ai vu plusieurs fois des chiens auxquels j'avais laissé la rate hors de l'abdomen pour en observer les phénomènes,*

» déchirer eux-mêmes cet organe sans être dans un état de fureur, » le manger même et se nourrir ainsi de leur propre substance (1). Quoad contractilitatem et sensibilitatem organicam, illæ existunt; verum enimverò unicè organi nutritioni dicantur, nam ut antea visum est, omne in organo hocce congregatur ad celeritatem sanguinis cursus infringendam: facile itaque captu est, cur immutabili Creatoris decreto, illi organo tam parva vitalitatis dosis destinata sit.

Omnia ferè, quæ nobis ostendit lien phenomena, ab hisce duabus procedunt proprietatibus. Illa vita lieni propria omni nostra digna est attentione, sub respectu segnitiei peculiaris, in omnibus phenomenis tam physiologicis, quam pathologicis conspicuæ: quis nescit inflammationem suppurationem, etc., solum aliquando indigere aliquibus diebus quinimò horis ut ad summum properat in pluribus corporis visceribus intensitatis gradum, dum status illi morbifici rarissimi sunt in liene, et summa cum tarditate ad punctum illum accedunt: præterea quod in quacunque parte œconomiae animalis vitalitatem designat aut ostendit, velocitas est ipsa, quâ sese gerit inflammatio in suis periodis, quemadmodum in ipso organo frequentia hujus affectionis.

Sect. IV. PROPRIETATES STRUCTURÆ LIENIS.

Veluti omnia quorum caracter est mollities, lien parva donatus est elasticitate; majore gaudere extensibilitate, variæ probant affectiones chronicæ atque injectiones in ejus parenchyma propulsæ, quibus, volumen illius organi ingenter augetur.

Multa, in corpore humano, non dantur viscera, in quibus ad talem gradum conduci potest extensibilitas uti videre est in liene; communem illam habet extensibilitatem viscus hoc cum textibus venarum. Ad illam magnam extensibilitatem, parva existente elasticitate, et etiam referri debet ingens dilatatio ad quam in ultimis vitæ spiritibus et post mortem conduci potest lien: fusiùs infrà materiem hanc explanabimus.

(1) Bichat, anat. général, vol. 4.

Sect. V. CONSENSUS LIENIS.

Hoc volumus adnotandum ad hunc articulum, dupli modo lienis consensum stabiliri posse; nimirum vel ab aberratione in naturalibus splenis functionibus turbæ nascuntur aliis in visceribus sive vicinis sive remotis: 2º aut ab affectione in aliis organis existente, secondariè afficitur lien.

Prægressis in considerationibus vidimus atque probavimus, intimam concatenationem inter splen et apparatus bilis se et excretorum existentem: quotiescumque igitur per mutationem quamcumque in functionibus licnis ortam, hepar abnormitatis subit in negotiis suis, totum digestionis systema motibus sympatheticis affici potest, 2º si ab altera parte ut secondariam associationem inter functiones splenis et hepatis inspicimus, tunc ab aliqua mutatione in secretione bilis inducta ut plurimum originem sumit.

Aliquis in casibus ægritudines encephali actiones produxisse consensuales in lienem observata docent auctorum.

Non rarum est videre ab alia parte secondariè consensum pati organon cerebrale, a liene in ejus functionibus læso; delirium melancholicum, mæstitia, dolores variæ capitis (1) et multa alia, encephali turbati, phenomena huic consensui adscribi possunt. Omnibus in hisce casibus, lien, qui in functionibus suis, cum organis digestionis commercium alit, cum hisce, facultatis motus producendi sympathicos in organon cerebrale et tam manifestos in hepatis atque stomachi valetudinis perturbationibus, particips esse videtur.

Sect. VI. LIEN IN CADAVERIBUS CONSIDERATUS.

Solum hic animadversioni instamus ad articulum proprietatum structuræ jam allatæ, de voluminis scilicet augmento lienis in

(1) Clarissimus professor Van Rotterdam in prælectionibus suis practicis factum refert ægrotantis ferè triginta annorum ætatis et mælena affecti cui tantus erat capitidis dolor ut ne quidem ullo remedio aut auxilio sisti posset, qui vero subito disparuit evacuatione copiosa sanguinis nigri per vomitum.

ultimis vitæ spiritibus. Cum splen magnam quantitatem sanguinis per arteriam splenicā a trunco cæliaco ei advenientis sibi sumit, ab illo punto, quo vires hujus organi, naturaliter infirmiores, debilitantur, sanguis ibi accumulari incipit, parietes vasorum distendit et tandem perfectò stagnat, adeò ut secundum statum vitalium proprietatum in ipso mortis momento, organon hoc plus minusve ponderosum, sanguine turgidum, et voluminosum, inventari potest; eo magis, quod debilitas aut atonia in capillari sisteme ante existens notabilior; quam ob rem funerum sectores sedulò inquirant in statum lienis detegendi causa utrum volumen auctum dependeat a statu morboso vel effectus circulationis turbæ sit, in ipsa morte adnotandæ.

Caput tertium.***Sect. I. DE MORBIS LIENIS CONSIDERATIONES GENERALES.***

Quamvis in innumeris corporis viventis organis, proprietates vitales modificationes diversas in eorum distributione patiuntur, attamen quævis organica pars harum proprietatum dosi quadam determinata gaudet. Est dosis illa, seu qualitas aut quantitas, qua cujuscumque organi determinatur vita, vel suas exerit functiones; est autem per hanc vitam vel per suam activitatem potius, quod corporis aliqua pars viva reagat aut supereret qualemcumque causam textui ejus applicatam et in destructionem agentem; tandem est illius vitalitatis ope, quod viscus aut organon quodecumque ad tales potius quam ad alium dispositum sit morbum: atqui cum specialis morborum essentia in turbata consistat ratione proprietatum vitalium, necesse est igitur effectus morbificos dispare debere, pro organi diversitate, in quibus sedent; observatio enim morborum hic nostrum consolidat assertum; natura vero in organis illis, maiore dosi vitalitatis donatis, et celerius et violentius in causam, destructionem aequilibrii organi efficientem, reagit. Si ab altera inspicimus parte viscera illa, illius potentiae nervosæ minore gaudentia dosi, tunc, strictiore ita sermone loquendo, duntaxat defectus aut tarditas, in reactionibus ratione minoris vis in parte existentis, observatur: consideretur vero lién, dum aliquibus in circumstantiis, turbas patiuntur systemata, quibus vita quasi est in excessu, permanet, ut plurimum, illud tranquillum, inter omnes illos motus, quibus cætera concutiuntur organa.

Ab hocce itaque principio progredientes, facile visu est, quod lien, viscus molle, laxum, vasculosum, in quo vitales proprietates infirmiores existunt, in quo omne sive a parte fabricæ sive a parte vitæ peculiaris concurrit, ad tarditatem et moram sanguini ibi circulanti inducendas ad morbos defectum reactionis admittentes ratione minoris, in organo existentis vis reactionis aut vitalis, omnino dispositum sit; et quod è contrà, qui exaltationem in proprietatibus vitalibus agnoscunt morbi admodum rari in ipso observentur,

Jure merito, ex ante dictis stabiliendum, organon illud prædispositum omnino esse *a virium vitalium parte* ad morbos principium aliquod admittentes debilitatis, verbo, ad lento^s morbos et chronicos. Eadem reperiuntur rationes quoad ejus *structuram intimam*; ut visum est enim in anatomica descriptione, atque in physiologicis expositionibus, quod extensibilitas et laxitas textū vasculosi non parū conferat ad sanguinis in liene circulantis velocitatem infringendam; absentia in ejus venis valvularum summum sit obstaculum sanguinis progressui, et quod tandem parū organo illi motus muscularis comunicetur (tam necessarius ad circulationem venosam); si denique hic opinionem auctorum admittimus circa depositionem momentaneam et moram sanguinis in textu organi ejusque resorptioem per capillaria vasa absorbentia, novam inveniemus causam, ad ægritudines in circulatione tarditatem agnoscentes organon illud admodum disposituram: quotiescumque ergo causa aliqua e natura debilitans in absorbentia lienis vasa effectum exerit, totiescumque in cellulis organi morans in venam splenicam non amplius deferetur sanguis, et stagnationem pati debet; concipitur saltem hocce modo, cur e debilitate ortum ducentes morbi chronicī tam frequenter in hocce organo obseruentur.

Attamen quamvis unicè et essentialiter constitutus lien ad genus morborum chronicorum, affectiones, in quibus incrementum patitur vis nervosa, quandoque in liene deprehenduntur: hanc ob rem inflamatio inter ejus morbos non immerito recenseri potest.

Statum considerando inflammatorium, tenemus, quod organi naturalis dispositio summa digna sit attentione, quod et etiam effectus seu modus ex excitatione pullulantis ab applicatione causae statum inflammatorium producentis, non minus adnotandum veniat: prima harum considerationum suum locum obtinere videtur hic, nam quamvis, supponat semper qualiscumque inflammatio, exaltationem vitalium proprietatum in capillari systemate, qua in vasa capillaria sanguis protruditur majore vi, attamen haud abs re est dicere illam essentialiter dissonare, tam pro ejus frequentia, et exitu multisario, quam pro proprietatum vitalium statu diverso in organo naturaliter existente. Percipitur enim eur inflammatio et frequentior atque violentior futura sit in organis illis, quibus vasorum capillarium proprietates vitales, maximè sunt elatae, undè frequentiores et intensiores phlogoses offendimus illas in mucoso, dermoideo, membranaceo, seroso, et aliis hujus generis systematibus, dum rarissimæ sunt, in organis minore vitalitate præeditis, inter quæ splen eminentem locum tenere potest; nam ut jamjam allatum est, unicè et specialiter ad illius organi nutritionem sensibilitas et contractilitas destinatæ videntur: eorum munera quoque tam obscurè explentur ut ferè passiva sint et minimè in inflammatorium statum proclives.

2º Excitationis modus ex stimuli alicujus applicatione ortus et inflammatorium statum producendi capacis, nostram summoperè requirit attentionem. Cum verò omnis inflammationis existentis stadium in absolutè ratione proprietatum vitalium aucta aut imminuta consistat, consequi indè debet, quod et progressus et phenomena, quæ ex irritatione oriri valent inflammatoria, eo esse debeat intensiora, quo in statu sano majori donata est sensibilitate et contractilitate, organica pars inflammatione correpta. Comparisonem si instituimus phlegmasiam respirationis organorum inter et systematis glandulosi, fibrosi aut ossei, quam discriminem insigne! Priori tantum aliquibus opus est horis ut ad summum perveniat gradum, dum in altero casu tardissimè et segniter proserpit. Omne igitur a vigore in organo præexistente petendum.

Non solum in decursu suo discrimen efficit inflammatio, ratione systematis ea affecti, ast terminationes variæ ejus variant pro partis organicæ diversitate quam illa occupat.

Sentimus nos ab objecto deviantes, verum considerationes has tantummodo allegamus ad naturam et essentiam inflammationis dilucidandas, qua, aliquibus in casibus, corripi potest lien; sequentia, ad-hoc, nobis proposuimus corollaria circà viscus illud adnotanda.

1º Inflammatio lienis vera et acuta rarissimè observatur, chronicæ quamvis rara, magis de ejus essentia est.

2º Exitus inflammationis lienis, qui in vasis capillaribus activitatem supponit uti suppurationem, gravissimas debet agnoscere causas, et admodum rare occurrit.

3º Omnia symptomata spleniti propria uti dolor et calor mitiora et cum minore velocitate procedunt.

4º Modus terminationis potius in debilitate et torpore capillaribus organi inducta, excitatione prægressa, consistit.

Hucusque solum momento suo ponderavimus diversas lienis prædispositiones, quibus ad classem specialem morborum organon illud ex natura suæ fabricæ et vitalitatis modi obnoxium est; celeberrimos inter auctores artis medicæ nullus invenitur de alio genere morborum mentionem faciens scilicet nervosorum, attamen nervi splenici plexus a plexu solari procedentes et sese ad textum lienis distribuentes probabilitatem hujus expositi præsentire nos faciunt. Idcirco, absentia omnis structuræ musculosæ in liene a convulsionibus totaliter organon illud prævertit; hocce intuitu neuralgiæ (dolores et spasmi) ferè unicè ad nostram provintiam spectant: dolores lienis enim non raro observantur; quoad spasmos, de his ni fallimur auctores mentionem non faciunt, quamvis non dubitamus quin locum habere possint.

*Sect. II. DE ORGANIS SYSTEMATIBUSQUE IN MORBIS LIENIS
SECUNDARIÈ AFFECTIS, DISQUISITIONES GENERALES.*

Læsionum inductarum disquisitio a lienis alterationibus, attentionem maximam meretur; est per accuratam observationem ipsam morbificorum, in differentibus corporis systematibus secundariè ortorum phenomenu, quod modo directo aut saltem plausibili, vera lienis functio in lucem afferri potest. De prædispositione lienis morbifica hactenùs sermo fuit, agemus nunc de secundariis effectibus, quas hujus organi morbi post sese trahere valent, vel in alia corporis organa determinant.

Bina in lienis morbis morbosa oriuntur phenomena ex una eadem fonte profluentia, priùs consistens in turbata functione hujus organi, alterum systemati secretionis bilis turbas communicans: posterior horum effectuum necessariò consequentia prioris debet esse: organa hæc verò tales, ut clarè et adamus sim demonstratum, inter sese alunt consensum, ut nequidem nnum potest affici, quin alteri affectiones ipsius communicentur; sic igitur a momento hoc, quo in liene contensus sanguis qualicumque patitur alterationem in proprietatibus ejus, non amplius suo modo organicam sensibilitatem textus hepatici excitare valebit: ut apprimè notum enim est, in sanguine venæ portarum hepar sibi sclegit ad bilem secernendam principia convenientia, illa elaborat et indè liquidum viscosum amarum sub bilis nomine cognitum format: cæteroquin effectus præcipuus, quem in organo exerit biliferum sanguis splenicus, in excitatione quadam huic systemati communicata, consistere videtur; qua in hocce organo species continui erythismi oritur ad functionem illam in actum ducendam necessarii. Alius ipsi foret alienus stimulus.

Illis consideratis et indigitatis, quotiescumque morbifica lienis ægritudo talem in conditiones naturales laticis vitalis in textu ejus contenti, conversionem inducit, ut ne amplius ad bilis secretioni inserviendum aptus sit, totiescumque pro inevitabili con-

sequentia, primariam liquidi biliaris depravationem habebit. Primordialis hæc tristis, cui lien mörbificè affectus ansam præbet, sequæla est: secondariæ jam veniunt ægritudines ab alterata bile explicandæ; sed antequam materiem hanc ulterius ingrediamur, hoc adnotandum volumus, nostrum opus non esse, hic omnes successivè proferre et describere alterationes multiferas, quas in lienis vitiis, bilis pati potest; sufficit enim liquidum illud, uno altero modo in proprietatibus mutetur, ita ut ne amplius adimplere possit functiones ad quas destinatum est.

Massam alimentarem per aperturam pylori in intestinum delatum duodenum, novis a bile et succo pancreatico actionibus petendis, submitti, massam illam chymosam aliàs, ista præparatione accipere qualitates, et portionem chylosam a residuo excrementiali recedi, tandem bilem etiam ipsam duas in partes unam nutritioni non aptam, et contractionibus tubi intestinalis provocatis, cum materie excrementiali transeuntem, alteram, quæ cum nutrivo succo absorbetur et in sanguinis circulum defertur, separari, principia nos docent physiologica.

Dificilis igitur haud erit indagatio, in organon a priori post alterationem in elementis bilem constituentibus affectum: pars canalis intestinalis superior (ventriculus et duodenum) lapsu temporis brevissimo, labe affligitur, sive hæc ob bilis penuriam sive propter ejus qualitates perversas, quas acquisivit, oriatur. In priori casu cum organicæ partes illæ non amplius stimulo naturali et assueto iacentur, languescent atque debilitantur, exinde in stomachum introductæ substantiæ alimentares cum molestia digeruntur, cruditates acidæ generantur, nauseæ, vomitus frequentes et plurima hujus generis enascuntur mala. In altero autem casu non solùm carent irritamento naturali viæ digestivæ, at præter hocce, alieno et perverso torquentur liquido.

Partem amaram coloratam oleosam et stimulantem bilis cum residuo fœcali chyli, chylificatione peracta, per canalem intestinalem transire, stimuloque in intestinis ad materiarum excrementialium progressum debitam reactionem provocare, in præ-

cèdentibus enarratum est. Dum igitur ratione statùs morbosij lie-
nis, bilis perversa vel quantitas ejus minor erit, debilem, imo
nullam a parte istius liquidi inducendam, extractum nutritioni
aptum, subicit mutationem, et imperfectè ab excrementiali por-
tione disjungetur: itaque deficiet excrementis ad intestinales contrac-
tiones in actum ducendas stimulus conveniens, undè constipatio-
nes rebelles, quibus, morbo lienis affecti ægrotantes torquentur;
materies alvinae sicca et decolorata, uti in futuro videndum, de-
ponitur; at in aliis circumstantiis, in quibus bilis quantitas non
infringetur, ast ejus qualitates nocivæ sient, loco alvi adstricti, dia-
rhea foetida corrodens lienosos morbos nonnunquam concomitantur;
quæ pro causâ et etiam quandoque agnoscere potest cruditates
ab alimentis ægrè digestis, ob præternaturalem stimulum, peristalti-
cum motum atque secretiones intestinalium mucosas, perturbantes.

Ast quæ huc usquè consideratæ affectiones secondariae, ut levissimæ extimandæ sunt relative ad illas è detractione aut cessatione totali chyli absorptionis in tenibns intestinalibus, oriundas: sic primus effectus inde pullulans specialis, penuria est laticis vitalis; secundus exhalationum atque secretionum omnium depau-
peratio, et ultimus nutritionis læsio vel abolitio.

Ægritudines illæ omnes ex uno et solo antea jamjam late exposito principio surgunt: nutritio vero, assimilaticum functionum complementum inserviationem, ab illa subtractione, plus minusve insignem in functionibus ejus pati debet; in humanum corpus intromissum, et stomachi in chymum conversum actionibus, alimentum non amplius restituere valet deperditiones, quibus continuò stante vita, exponitur machina animalis: defectus vero sanguinis pro primaria malorum caterva, languorem, debilitatem, consumpcionem et ipsam organismi partium viventium mortem indubitanter post se trahit. Ab alia parte cum quantitas croris undique deficiat, exhalationibus secretionibusque dicata organa, clarè demonstrant turbas quibus assiciuntur.

Omne hactenius enodatum ad sanguificationem ratione chylifi-
cationis læsæ, relativum tantummodo est; ast apud ægrotantes

morbo lienis correptos, quædam ad sanguificationem lœsam in sensum venit alteratio; de perversa loquimur coloratione, qua defoedata ac inquinata est cutis: *quibus lien obstructus color cutis plumbeus*, pronunciavit divus *Hippocrates*.

Phenomenon illud jamjam ab antiquissimis ac remotissimis temporibus, uti patet observatum et descriptum fuit; de ejus tamen essentia parùm in medica re cogitatur: quæ, igitur, proxima causa hujus phenomeni? An propter perversam indolem sanguine inducāt absorptionē materiæ nigrescentis et in splene stagnantis, aut in sanguine retrogressæ? huic opinioni minimè fides adhibenda. Vel an a sanguine nimia quantitate carbonii et hydrogenii inquinato in sanguisero systemate circulante, dependet? num in haec theoriam aliquid afferre possumus, videamus.

Proprietates sanguinem arteriosum acquirere venosas in innumeris circulando viis systematis capillaris, ibi relinquere oxigenium suum et sibi assumere principia alia nova, carbonium scilicet et hydrogenium, per leges chemico-physiologicas liquet; præsentiamque elementorum horum in venoso sanguine scimus et etiam è manifestiore, quò lentiùs in corporis diversis vasis circulat fluidum hoc, et in eis, majora ipsius progressui occurunt obstacula. Si attentionem nunc nostram versus venæ portarum systema intendamus, facile perspiciemus, in hocce, sanguinem venosum onines præbere caracteres ipsi proprios, et ut ita rem explicemus carbonium et hydrogenium in excessu habere. Licet vero omne ibi a parte structuræ et vitalitatis modi dispositum sit, ad sanguini tarditatem et moram inducendam, principia attamen illa carbonii et hydrogenii multum bilis confectione arripiuntur et dispensantur. (1)

Hisce perspectis patebit, cur, quum bilis secretio debilitetur, alteretur, aut totaliter infirmetur, lienis quadam affectione, qua in eo contentus, sanguis ulterius idoneus haud est ad bilem pro-

(1) Quamvis affirmare nouum volumus organon esse hepar pulmonum auxiliare, quo carbonio et hydrogenio sanguis depauperaretur, tamen hoc solum volumus, ingentem horum principiorum bilis secretionem dispensari quantitatem.

ducendam, quamobrem aimus, corpora illa carbonium et hydrogenium, bile deficiente, extra corpus non amplius eliminantur; in nimia manent autem proportione in vasis, ut ab atmospherico aere, respiratione in systema pulmonale introducto, totaliter destrui aut decomponi possint: ob defectum dispensationis in hepate principia haec magis magisque increscent, systema respiratorium ea auferendi capax non est, quum hydrogenium et carboneum in sanguine nimis abundant, et sanguis arteriosus sic alteratus proprietates illas venosi acquirit; ita non solùm omnes partes corporis penetrat et colore sanguinis illius nigri communicat sed statu percentit stuporis et incuriae.

Si bene autem in coloris illius peculiaris naturam investigemus, et accuratè in periodum, qua in lienis obstructionibus occurrit attentionem intendimus, illam in bilis secretione abnormitatem agnoscere, convicti erimus: quodnam vero tempus, quo lienosis supervenit? quis ejus evolutionis modus, et quomodo ingravescit? nonne ut plurimum versus secundum morbi stadium, quo liquidi biliaris secretio imminui aut alterari incipit, uti ex alvi ad strictione pertinaci et aliis digestionis aegritudinibus patet: nonne modus ejus invasionis et progressus lentissimus et sensim sine sensu augetur et ad sumimum pervenit, in omne periodos perfecte comittans alterationis bilis? Itaque ideam saltem plus minus claram circa decolorationem entis lienosis propriam acquirere possumus, quae in sanguine nimis carbonisato ac hydrogenato secundum hanc doctrinam consistere videtur.

Quoad chemicas proprietates, tales sunt principaliores sanguinis permutationes. Dilucidandæ veniunt aliae ab obstaculo in ejus modo progrediendi oriundæ.

Intelligitur autem quum capillaria alicujus visceris vasa inertia sint, vel obstruuntur, sanguinem a tergo continuo per arterias impulsu[m] haud amplius in textum organi propelli posse, et eattenus vasorum majores truncos inter eos sitos et organon obstructum distendi debere, cum respectiva hujus fluidi quantitas in canalibus, in quibus circulat, augmentum patitur. Phenomenon

hoc in lienis morbis evenit, quando ratione obstructionis status in organo existentis sanguinis transitus arteriosus impeditur in venas; arteria igitur splenica expanditur ob laticis vitalis aditum continuum, et in verum tandem aneurismaticum statum abicit. Arteria aorta atque sinistram cavitates cordis codem nonnumquam afficiuntur statu, nam evictum est, dum aliquod vas ob majorem in ejus cavo contentam quantitatem sanguinis propter obstaculum in quodam organo existentis dilatatur, quod lapsu temporis tunicae ejus relaxari atque debilitari debeant.

De quo jam sermo est, *status ille varicoso aneurismaticus vasorum lienis morbis inductus, ex tumefactione ac livore in facie aut symptomatibus apoplexiæ similibus vel autem per diversos in diversis corporis regionibus sanguinis fluxus ut plurimum narium et pulmonum sæpè diagnoscitur.* *Lienosos, hæmorrhagia narium superveniente, levare : ait sagax medicinæ parens.* (1). Pulsus quoque ille durus et plenus quem practici in ægrotantibus lienis obstructione correptis, observant ad eamdem causam referri potest.

Secondariæ omnes ægritudines hactenùs descriptæ et dilucidatæ, ab una eadēque fonte originem sumunt; id est, phenomena omnia talem inter se sese ligationem alunt, ut, unum indubitanter ex alio procedere debeat; itaque visum, lienis morbos in bilis secretione vitia producere; perversa bile, indè systemata alia uti sanguineum, nutritivum et similia, i quæ imperio ejus reguntur, alterari; ast organi cerebralis gravissimæ turbæ, quomodo in lumen proferrendæ? qui explicandus status ille moestitiæ, quo miseri ægrotantes diu noctuque cruciantur? ad quam verū reſerendam causam, delirium illud melancholicum cuius tristissimam effigiem vix calamus describere queat? quo auxilio hæc obstructiōnibus lienis phenomena propria, perlustranda? admodum in arte medica celebri verbo uti sumus coacti; de consensu insigni qui inter vias digestivas et centrum encephalicum viget, quæſtio est; i

(1) Hippocrate in epidem. vide Riolan anthrop., pag. 115; Acad. ap. iii, 17, libro

riem, de qua jam, agitur tentaverunt, ast parum huic attulisse lucis, confirmat eorum circā hanc rem altum silentium; modus, quo consensus ille in actum ducitur, omnino nos latet; et eorum tantummodo effectuum non nescii sumus. Ast revera multiplex est numerus viscerum abdominalium morborum, aegritudines, et varii generis abnormitates, in organon cerebrale producentium; ita plurima dantur deliria, in abdominis visceribus originem suientes specialem; celeb. viri *Morgagni* et *Tissot*, organon cerebrale intactum in pluribus casibus delirii per autopsiam cadavericam demonstrarunt, dum viscera abdominalia, manifestis scabebant vestigiis laesionum in organis illis, existentium.

Quoniam hæ considerationes apertissimè et planissimè naturam nexus inter organon encephali et vias digestivas, enucleare non valeant, attamen integrum probant veritatem nostri, de sympathia cerebri cum digestionis organis, propositi.

Sed antequam huic articulo finem faciamus, cur in abdominalium viscerum obstructionibus, et præsertim lienis, passionibus cerebrum sit affectum tristibus, ab ingrata simplicissima et molesta sensatione, usquæ ad melancholicum perfectum delirium, haud inimerito petere licitum est; quare enim horum indolem indiscriminatim non offendimus vel mitem, furiosam, aut hilarem? omne desuper cogitandum meritis innititur hypothesibus; nihilominus id momento suo ponderari potest, omnia pathemata animi tristia specialem cum organis digestionis vinculum habere; 2º sensationes easdem, intacto cerebro, posse enasci a morbiſca eorumdem viscerum affectione.

Præter consensum hisce inter corporis regiones, quo intellectus organi abnormitates denucleantur, illi, accedere possunt causæ aliæ, ordinem naturalem hujus nobilis partis mutandæ capaces: sicuti vero a sanguinis penuria et perversis ejus qualitatibus omnes secretiones, omnes exhalationes infirmantur; et cum molestia munere funguntur; sicuti omnes corporis partes debito spoliantur nutrimento, et eorum functio tædiosè peragitur, ita cerebrum et omnia, que imperio suo reguntur organa, de hisce calamitatibus participia meritò esse possunt.

Quæ in tota œconomia animali oriri valeant jam delineatæ ægritudines secondariæ, opus hic non absolvunt; propter volumen ingens, quod multis in morbificis affectionibus lien acquirere potest, partes vicinæ, cum quibus mediatas aut immediatas alit connexiones, tali modo molestari possunt, ut eorum negotia planè inde pervertantur. Hujus visceris extensio non raro tam enormis evadit, ut ex œsophago alimentorum in stomachum transitus impediatur, cum inter hepā et lienem tumidum præmatur ventriculus.

¹ Apud illos, quibus lienis volumen nimis auctum propter impeditam diaphragmatis descensum, respiratio plus minus difficultis et anhelosa offenditur: pulmo in hocce casu lateris sinistri ægrè expanditur, consequenter in ejus cavitatem aer difficile introducitur et laboriosam reddit respirationem; functiones indè impedit cordis et palpitationes ingentes nonnumquam excitare solet.

Oedema extremitatum inferiorum brevissimo lapsu temporis in anasarcam et ascitidem abiens in obstructionibus lienis frequenter observatur (1).

Sect. III. DE LIENIS MORBIS IN SPECIE.

Ad sequentes referri possunt omnes lienis morbi: 1. ad obstructionem; 2. summam laxitatem; 3. ad inflammationem et ejus sequelas uti chronicam inflammationem, indurationem, suppurationem, adhaesivam inflammationem, tandem gangrenam; 4. hydatides; 5. statum callosum et cartilaginosum; 6. atrophiam; 7. plethoricum statum; 8. haemorrhagias; 9. nevralgias; 10. et mutatum positum.

Multiplicare horum numerum morborum, e symptomatibus foret creare morbos.

(1) *Vitio lenis hydrops nascitur.* — Riolan anthrop. lib. II. pag. 137. secund. Hipp.

OBSTRUCTIO LIENIS.

Synonyma: Morbus niger. Atrabilis. Mœlena. Splenalgia. Spleen. Emphraxis splenis. Physconia lienis (1).

P. I. Antequam historiam hujus ægritudinis aggrediamur, aliquas de *causis* lienis obstructionis considerationes generales præmittemus.

Primarias inter causas recenseri possunt *hepatis morbificæ affectiones*, in quibus bilis secretio impeditur, aut totaliter aboletur: morbi igitur lienis inde redundantes, pro primaria causa, obstatum, in hepate aliquod, per illud viscus sanguinis transitui obicem ponens, ut plurimum agnoscunt. Si enim confectioni bilis dicatum systema capillare debilitatur, infirmaturque, a quacumque supposita causa, sanguis a liene per portarum venam adveniens ad hepar, iter ulterius per organon illud facere nequit; necesse enim est ut stagnet cum ipsi via datur nulla aperta, per quam circulare liberè et comodè valet; debet autem refluxum versus illa organa pati, unde immediatè fluit; obstruitur igitur lien, ejus perturbantur functiones, tandem silent totaliter, non solùm quia comprimitur a venoso continuo refluentे sanguine et textum dilatante, sed quia arteriosus sanguis indesinenter in ejus substantiam proruens magis magisque organicum textum extendit. Sicuti lienis ægritudines hepatis producunt vitia, ita vitia quoque hepar male affectum in liene determinat.

Neque silentio prætereundus est *abusus spirituorum*; excitante-

(1) Multitudine illi affectioni deuominationum dicata artis libri abundant! Itaque obstructio lienis vel aliarum abdominis partium morbus, niger ab Hippocrate nominata fuit: atrabilis mœlena ab aliis: splenalgia a Zwediaur; in anglia sub nomine *spleen* cognita est. Inter illas, opiniones diversas fluctuantes, nullam harum designationum adoptare potuimus; nam hic atrabilis, morbi nigri etc., denominatio, tam obscura nobis videtur quam splenalgia, que accurato sensu nihil aliud quam lienis dolor designat; quoad significationem *spleen*, quæ tantummodo est verbi latini corruptio omnium maximè impropria. Ad causam itaque proximam configimus et morbum de quo sermo jam est sub nomine obstructionis designavimus; forsitan hæc vitiosè, sed sufficit rem intelligamus.

spirituosa et speciali vi in sistema hepaticum venamque portarum et per associationis vinculum in lienem agere, compertum habemus; eorumque nimis protractum usum et repetitum non solum propter nimiam prægressam excitationem, inactionem inducere, sed quoque in illo systemate nonnumquam obstructions produxisse, hodierna confirmat experientia. Potentia hæc propter functionum associationem languoris et debilitatis statum (legitima consequentia dum per longum tempus validiori irritamento pars aliqua vivens stimulatur) lienii communicant. Ad hanc causarum classem merito referri possunt, spirituosi liquores, ætherei, aromatici, stimulantes; opium, scilla, cortex cinchoninus, emetica, violentiora purgantia; cibi austeri duri sicci annosi, etc.

Alia datur series causarum, modo omnino opposito præcedentibus agentium; sunt in viis digestivis substantiae introductæ, non per stimuli excessum, laxitatem et debilitatem hisce organis inducentes, sed merè defectu debitæ stimulationis agentes (1) quo reactio vasorum in liquida infringitur et humorum stagnationi et congestioni ansam præbetur. Ad hanc revocantur seriem, potuum aquosorum usus præcipue tepidorum, ut thé, coffé, juscula carnium nimis aquosa, juscula herbarum, alimentorum defectus, mucilaginosorum et oleosorum usus, et alia ejusdem generis.

Motus muscularis. Contractiones musculares, ut notum per physiologiam, in venis sanguineam circulationem admodum activant, quarum defectus, ut causa efficacissima ad inducendum in lienem debilitatem nostrâ dignus attentione, quotiescumque imminuentur aut perfectè cessabunt; undè quies protracta, exercitii defectus positus curvatus, etc. ut potentiae debilitati determinandæ sufficienes in venæ portarum systemate, perpendi possunt.

Animi pathemata. Quod ferè omnium œconomiæ animalis in venæ portarum systemate lentiùs circulatio peragatur, ob rationes jam latè explanatas, allatum est. Si nunc perspectos tenemus effectus ex animi debilitantibus pathematibus et circulatorium

(1) Debilitas directa Brown.

systema affientibus redundantes, nemini non patebit, quare viscus, in quo a natura lentior sanguinis motus et minore fit facilitate, prius affici debeat, quum a quacumque causa energia generalis systematis circulatorii, infringitur. Efficient id, tristes animi passiones dupli modo; primò vires totius systematis cordis et vasorum diminuendo, et secundò specialem exercendo in viscera abdominalia effectum, præcipue in digestionis organa: deprimit enim animi pathemata illa vitales motus horum organorum, undè canales circulatorii minus urgunt aut propellunt fluida; tardius sit motus et ad quietem reducitur sanguis, et lienem plures ad affectiones eò graviores quò violentior atque diuturniòr fuerit eorum influxus, disponunt.

Aer humidus et calidus debilitatem et laxitatem inducendo ad obstructiones lienis viam struit.

Duae sunt *constitutiones* infarctni lienis obnoxiae, prima illa, quā donati homines, quibus in sanguine abundans est fibrina, immuno sero, hæc atrabilaris audit temperies; homines ad eam referri possunt, illi, qui per negotia coacti sese exponere aeris calidi aestuanti fervori, quo multum consequenter, sudoribus continuis, de sanguinis massâ dissipatur: alterum est temperamentum subjectis lymphaticis proprium, quorum fibræ laxæ et debiles minorem præbent resistantiam liquido circulant. Harum conditionum, una ad laticem vitalem, altera ad solidas partes relativa.

Obstructionibus specialiter afficiuntur lienis *œtate proiectiores fæminæ*, quibus menstrua remanent: prædisponuntur quoque matres, numerosâ prole effætæ. In universum generaliter in lienis obstructiones proclives sunt ii omnes coacti inflexo corpore munera peragere, uti hortulani, sedentarii litterati, scribæ, typographi compositores, coronarii, pistores, etc.: hic enim ex tali situ si consideremus canales abdominis exinde curvari et inflecti debere et per hos inflexos et curvatos sanguinem difficultius moveri, cum in eodem tempore ob difficultem agendi modum muscularum respirationis, et inactivitatēi systematis generalis motorii, sanguis venosus per venam portarum difficultius propellitur, lien omnino ab hacce parte obstructioni exponitur.

Quoad *ætatem*, compertum est obstructioni lienis specialiter homines disponi versus secundum vitæ stadium. (Circà quadraginta aut quinquaginta annos) hoc vitæ tempore in lienis morbos proclivitas facilè dilucidatur : legibus corpus humanum regentibus scimus enim arteriosum systema magis juvenili ætate adolescētiaque vigere, ætate proiectiore verò venosum; undè sequitur plethoram venosam circà stadium illud occurrentem, nonnumquam ut lienis obstructionis causa aspici posse : est igitur in hoc statu, quod prius venæ portarum systema superpondio sanguinis venosi afficitur, cum minorem undique sanguini in eo lentiùs circulantibz præbeat resistantiam.

Ubi endemicæ sunt lienis obstructions, *climata et regiones* observantur; sicuti in Anglia, in Hungaria, Italia, Hollandia septentrionali, etc.

Ultimam seriem causarum compleat *morbi prægressi variii*, capaces ægritudines lieni inducendi. Classes diversas perscrutando morborum, illos, quibus debilitas aut laxitas prædominat, lienis ægritudines concomitari, invenimus semper. Patet itaque, cur longi morbi, quibus signum characteristicum debilitas est, tam propensam ad istius partis morbos inducendos, ostendunt proclivitatem, undè in acutis, in quibus omnes natura intendit vires, rarissimi sint. Quamobrem intermittentes febres non infimum occupant locum in producendis alterationibus lienis, eò magis quò, quæ eas produxit, causa profundiùs nervosum systema attigit. Veniunt hic febres præcipue quartanæ, quotidianæ et tertianæ, protractæ, et a miasmate ortæ, palludosæ, perniciosæ, verbo omnes quarum indoles specialis est virium fractura et partium solidarum: laxitas, his adjungendæ intermittentes febres illæ, nimis citè per corticem cinchonæ, tonica aromatica, spirituosa, drastica, et alia ejusdem generis, jugulatæ.

Superfluum et inutile foret, omnes indicare succintè chronicos morbos, qui lienis obstructionem determinant, sicuti scorbutus, hydrops varii, icterus, scrophuli, etc. id enim nimis longum et tædiosum, ac de nostra non esset provincia.

Quoad *acutos mōrbos*, sunt illi, in quibus ad degenerationem proclivi sunt humores, uti in typhis, in putridis, aut in quibus metastatica sit depositio versus lienem, quōd obstructiones observari possunt.

Si omnia, de causis lienis obstructionis hucusque trādīta, benē revolvamus, noborum lienis causas in hoc commune focum convergere ut per parenchyma splenis laticis vitalis transitum impeditant, ejusque progressui obicem pónant et sic in vāsis hujus organi congestionē et stasi saveant, facile erit visu ac perspectu.

P. II. Perlustratis causis, opus hic erit paucis ideam causæ proximæ mirifici hujus morbi pingere, de qua tam obscura hucusquè habetur doctrina. A quacumque igitur causa lienis textus debilitatur relaxaturque, ita ut canalium parietes non amplius impulsu sanguini et ipsi advenienti, resistere possint, dilatari debent et in eis contentum liquidum, lentiū quam par est, propter vim resistentem minorem, sensim sine sensu promovetur; et uti jamjam saepius allatum, in textu lienis humores cum minore activitate circulant, obstructio faciliū atque citius indē enasci potest: quousque enim inter vasorum vim resistentem et cruentem debita est proportio, liberē et commodē per omnia vasa progredi potest liquidum hoc.

Itaque in parenchymate lienis contentus sanguis insensibiliter ad quietem et meram reducitur stagnationem; cum hujus fluidi transitus impeditur ob jam existentem iufarctum, liquida a tergo advenientia et ante obicem retenta magis, magisque volumen organi augent et distendunt: in hac periodo lien non amplius adimplere valet munus ad quod destinatum est; cum sanguis sibi viam facere nequeat per textum organicum, et quum consequenter per venam splenicam fluidum hac ad jecur parūm, aut totaliter non vehitur, bilis secretio si omnino non cessat multum tamen a naturali statu recedit.

Provectiore verò morbo, durus compactus atque ponderosus ulterius minimam admittere valet lien sanguinis quantitatem in ejus textum; in vasa vicina refluit atque remota fluidum hoc, ibi

stagnat, vasa distendit, et intestinorum aut stomachi oscula exhalantium vasorum transcendens, in canalem cibarium exhalatur, ibi depositum accumulatur, donec qualitate aut quantitate contractiones musculares illius tubi vellicans foras per vomitum aut alvi fluxum expellitur. Periodus, qua evacuatio haec in lienis obstructionibus evenit, sub nomine atrabilis mobilis designata fuit, et hujus haemorrhagiæ causa proxima, vasorum brevium stomachi erosioni tribuerant pathologi; ast doctrina haec, omni fundamento nobis denudata videtur, et ut exhalatio sanguinea passiva vera, sanguinis ille fluxus habendus (1).

Itaque, hisce perspectis, ut ordine aliquo symptomata exponamus, cursum totalem, quem obstructio lienis in ejus modo, progressionis ostendit, tria in stadia dividere non inutile duximus: nimirum 1º in stadium, quo sanguinis circulatio in liene imminui incipit; 2º in stadium stagnationis; et 3º in illud, in quo hemorrhagia observatur.

P. III. Per illustratis tam remotis quam proxima causis, ad enumerationem symptomatum pervenimus: ut plurimum incipit morbus cum ingrata molesta plus minusve sensatione; in initio tamen levi, quæ in abdomine persentitur specialiter: insensibiliter hypochondrium sinistrum et præcipue lienis regio, sedes fit sensus gravitatis et ponderis; de motu undulatorio in hacce parte admonentur ægrotantes; qui, post plus minusve longum tempus, in meram pulsationem, systoli et diastoli correspondentem cordis, abit; (2) præsertim si, ab animi pathematibus, musculari motu, digestione difficiili, causisve aliis sanguinis motus incitetur. Abdo-

(1) Quoniam ad nostram dissertationem non pertineat dilucidatio mechanismi, quo fit sanguinis haec evacuatio, attamen plusquam probabile est, illam non per erosionem vasorum fieri, sed per exhalationem, nam numquam in cadaveribus erosiones illæ reperiuntur, et si ab erosione aut ruptura vasorum dependet, quare haemorrhagia haec semper locum habet in aliquâ membranâ mucosâ portione et non in aliis locis tam vicinis quam remotis?

(2) Solertiss. obsrv. doct. Jacobs allegat ad hoc, aliquibus in casibus tam manifestè posse observari illam pulsationem, ut nudis oculis, trans vestimenta ægrotantis percipi valeat. Vide de mœlена multipl. J. Jacobs.

minis dolores et præcipue cardialgia, pro diversis circumstantiis variis illis accedunt. Sensim sine sensu de assidua sensatione ponderis circè ventriculum, atque de constipatione pertinaci conqueruntur ægrotantes; materies fæcalis sicca, quod hic ordinariū, quaudoque solida, argilacea, indurata, exiguique diametri aut potius applanatæ figuræ, transpressa, tardius parciusque cum inani et difficili desidendi conatu, prodeunt. Urina parca, aliquando profusa limpida aquosa, quandoque crassa expellitur. Apparere nonnumquam hocce tempore hæmorrhoides, sæpius ab artis observatoribus visum est.

Itaque, summo cum lentore, ad secundam periodum, in qua ob sanguinis perfectam stagnationem in liene, hepaticum systema labefactatur, proserpit morbus; symptomata autem, quæ hæcce in periodo aparere solent, ex bilis secretione læsa specialiter petenda erunt.

Quam in initio morbi observavimus, in loco, quem occupat lien in statu naturali, pulsatio illa insensibiliter evanescit; et in tumorem plus minus voluminosum, durum, tactu perceptibilem, et pressione dolorificum mutatur. Læditur digestio, nausea, materiae acidæ vomitibus frequentibus corripitur, siti afficitur intolerabili, insuper in latus affectum ferè impossibilis evadit decubitus, positionemque erectam cum summo querit delectamento ægrotans.

Quæ hucusque omnia vidimus symptomata, concentrata sunt in abdomen: temporis lapsu difficilis fit et anhelosa respiratio; de anxietate præcordiali summa, cordis palpitationibus frequentibus, indesinenter, conclamans est æger; tussi sicca quoque afficitur, et pulsus ejus rarus, durus, plus minus fortis invenitur: sensim sensimque in colore naturali cutis alteratio detegitur, qui prius pallidior, fusco luridus fit; lividæ et brunneæ maculæ regionibus in diversis corporis, circumcircè orbitas præcipue, sese monstrant: hæmorrhagiæ de tempore in tempus, et præsertim naris sinistri nonnumquam, ut memoriae tradidit summus *Hippocrates* (1),

(1) Lienosos hæmorrhagia superveniente levari. *Hipp.* in *civid.* Vide *Riolan* anthrop. p. 115.

observantur, idem de hæmoptisi et hæmorrhoidibus valet; tandem aliquibus in casibus, aut generalis macies cum vultu tumido et decomposito, aut anasarca, aut leucophlegmasia ægrotantis interitum præsagiunt: tanta alimentorum in hoc stadio est inappetentia ut ne ullum tandem ferri possit, exinde talis debilitas ut proeminentes, marcidi et torpidi musculi ad levissimum motum imbecilles evadant. In hac rerum facie, frigida, rufa, foeda, retracta et dura cutis est: oculi cavi in orbitas retracti luctuosam corporis imaginem præbent, observatorem horrore percutientem.

Si morbus hic diu perseverat, turbatur intellectus organon; morosi et inquieti fiunt ægroti, secundum observationem ornatiss. doctoris Jacobs (1), involuntario instinctu continuo versus speculum vertuntur, horridum vultus aspectum, explorandi causa; solitudinem querunt, et tempore somni tericulamentis immo noctambulismo nonnunquam afficiuntur: demum perfecto melancholico corripiuntur delirio, quod saepius ad suicidium ipsum observatum est. Alienus ægrotantium vultus, suspicosa eorum indeoles, et summa cum attentione attendunt ad omnia quæ circumcircum eos peraguntur; verbo concentrari in se ipsis videntur miseri illi.

Talia sunt symptomata principaliora, quæ secundam cum ultimâ ligant hujus morbi periodum. Dum igitur per totum organon completa evasit obstructio, ad membranæ mucosæ ventriculi aut intestinorum superficiem fit hæmorrhagia, unde sanguis saepè sub formâ liquidi summè tenacis et ferè picis duritiem habentis, acerrimi et acris, per vomitum aut per alyi fluxum expellitur; ast quam evacuatio haec tristissimam insequitur catervam symptomatum! Summa adest debilitas in omnibus corporis functionibus, foeda vultus est decompositio, ingratè pallet aut quandoque livida, lypothimis frequentibus, syncope, immo aliquando alicujus membra paralysi, superiorum præserti, æger afficitur; pulsus ejus frequens, parvus, quasi imperceptibilis; frigus marmoreum per totam corporis superficiem dominat, ita ut ipsissimam mortis imaginem, in omne referat.

(1) Jacobs de molena multiplico, pag. 69.

Dum jam per sanguinis evacuationem depletionem passi sunt vasa; et ægrotans morti non occubit, symptomata, quæ antea ægrum obseverant, quodam tempore alleviari videntur: quam perniciostum levamen! Ægroti interitum aperto ore invocant; post tempus enim plus minusve breve, reapparet priora enumerata, majore quidem vigore exsurgunt, et ultimum ægrotantis extinguiunt spiritum.

Autopsie cadavericæ, quæ hujus diræ affectionis existentiam demonstravere, amplè, celeb. a viris *Tissot* (1), *Morgagni* (2), *Lieutaud* (3) et *Portal* (4) descriptæ sunt. Ita loquitur *Lieutaud* de liene, quæ ferè totam implebat abdominis cavitatem (5). *Morgagni* de obstructo liene casum nobis refert, in quo organon illud æquum ac hepar habebat volumen, in alio casu invenit lienem quinque libr. ponderantem. Citatus *Lieutaud* (6) tricenarii ponderis descripsit splen.

DE LIENIS MORBOSA MOLITIE.

Præcedenti articulo adnectere potuissemus ægritudinem de qua hic agitur, ast cum sine ulla obstructione locum habeat morbosa-lienis molities, vel laxitas, conflavimus inde separatum genus.

Nimiam frequentissimè offendimus lienis textūs molitiem, in scorbuto (7), in febribus typhosis, in putridis, in paludosis præcipue intermittentibus, in et larvatis perniciosis, in hydropicis morbis, in ictero. Et nonnumquam in morbis pulmonum, uti in pneumonia (8). A clarissimo professore *Van Rotterdam* de venæ sectione in suo opere, casum allatum summæ laxitatis lienis, post pulmonis dextri destructionem, hic transcribimus: »*La cavité droite;*

(1) *Zimmermano, Tissot.*

(2) *De causis et sedibus morborum.*

(3) *Historia anatom.*

(4) *Anatomie médicale.*

(5) *Lieutaud, hist. Anat. tom. 1. pag. 218.*

(6) *Lieutaud, hist. Anat. obs. 955.*

(7) *Lieutaud, hist. Anat. med. obs. 965.*

(8) *Lieutaud, hist. Anat. obs. 856, 967, 990.*

(scilicet pectoris). » était toute remplie d'un pus ichoreux et très-fétide; et chose bien singulière, il n'existait plus aucun vestige du poumon droit qui était tout-à-fait consommé avec ses membranes, vaisseaux, nerfs, etc. tandis que les parties voisines étaient restées intactes. Cavité abdominale, tous les viscères sains à l'exception de la rate qui avait un volume double du naturel, et dont la consistance était si molle qu'elle se déchirait au moindre attouchement. (1).

SPLENITIS.

P. I. *Splenitis acuta.*

Synonyma: inflammatio acuta lienis.

Causæ. Longam seriem causarum lienis morborum perscrutando, nullæ ferè inveniuntur, statum proprietatum vitalium hujus organi augere valentes, omnes ferè illæ, quæ energiam vitalem splenis infringunt aut diminuunt, adamussim detegi possunt. Si verò ad inflammatorium statum facientes causas, nostram vertimus attentionem, nullam verū reperiemus speciālem ad phlogosim lienii inducendum idoneam, omnes enim, ut ita eloquamus, accidentales et tam obscuræ, ut ne quidem in artis libris de eis agatur. Itaque aliquas præter causas externas, ut ictus, lapsus et alia similia, re ipsa ignorantur aliæ omnes: cum omnibus organis circulatorii systematis, de hoc particeps est lien; quod verò cordis et vasorum mōrbos impenetrabile velum nostris desquisitionibus, non substrahit! Ita merito dici potest, organorum illorum solum, quæ cum ambientibus objectis immediatas alunt conjugationes, causas morbificas et effectus ex hisce oriundos perfectè et ritè a judicio observatore detegi posse.

De hujus ægritudinis causa proxima non agemus; materies hæc jam latè est tradita in capite tertio hujus dissertationis.

(1) Mémoire couronné, pag. 263.

Nosologica descriptio. (1) Séquentibus morbus hic stipatur symptomatibus; incipit ut plurimūm lienis inflammatio, cum dolore plus minusve obtuso, qui in hypochondrio sinistro ad lienis regionem persentitur, tenduntur parietes abdominales illius regionis, et a corporum externorum contactu admodum evadunt sensibles, imò tumesiunt, caloris et ardoris sensum ad partem, quam in naturali statu occupat splen, ægrotantes referunt. Omnibus illis addenda pyrexia inflammatoria.

Sed præter inflammationi hæc essentialia symptomata, cordis ingentes palpitationes, vomitus continui, sitis ardens, dysuria, stranguria, dolores colici, icterus et alia, nonnumquam hanc affectionem concomitantur. Originem et causam harum affectionum facilè intelligimus dum perspectum tenemus, diaphragmati, ventriculo, reni sinistro, contiguum esse lienem et partibus cætenuis illis vicinis alterationes posse communicare: sed antequam ulterius procedamus, in universum adnotandum tantum volumus, enumerata ad obstructionem lienis signa, circa bilis alterationem, tam acuratè in phlogosi lienis non posse observari, cum in hocce ultimo casu, in substantia splenis circulans, et ad bilem conficiendam destinatus sanguis, alterationes haud patiatur, omnia enim inflammationi propria phenomena, in ipsis capillaribus textuī organi constituentibus vasis, sedent; in obstructione lienis vero, in organo contentus crux alteratur morbifice afficitur secretioni bilis inserviendi impar est, tandem in ipso organo stagnat. Itaque summa est analogia inflammationem pulmonis inter et illam lienis, in ambobus vero casibus organicus textus inflammatur et in eo consensus sanguis per organon phlogosi correptum non cessat transire.

Funerum sectiones celeb. *Portalio* demonstravere lienis inflammationem aliquando et illam pulmonum insequi: »*Je l'ai trouvée*, ait egregius ille auctor, *dans quelques sujets qui avaient péri après avoir*

(1) Experiēntia adhuc parva, quā, hocce momento, in practica medicina pollio, modusque vagus, quā materies hæc ab auctoribus exposita propter hujus affectionis raritatem, amplè nosologicam descriptionem enodare, mihi non permittit.

éprouvé les signes de la périplemonie et dont le siège avait paru être borné dans le poumon gauche, cependant à l'ouverture de leur corps, on a trouvé non-seulement le poumon gauche enflammé mais encore la rate, qui était plus rouge et plus volumineuse (1).»

P. II. *Splenitis chronica.*

Quum acuta inflammatio, in principio haud totaliter extinguitur ut fieri possit resolutio, chronica provectione periodo evadere potest; supponit hæc ut plurimum alicujus stimuli actionem nimis protractam, impedientem quo minus ad resolutionem acuta inflammatio vergere valeat.

Lentissimè procedit morbus hic, et sæpè tam obscura edit signa, ut ne quidem ab expertissimo detegi possint observatore. Sicuti in splenitide acutâ, tumor plus minus voluminosus et obtusus dolor in hypochondriaca abdominis regione sinistra, deprehenduntur; pulsus plerumque frequens et debilis est. Morbus hic licet rarus, frequentius quam acuta inflammatio occurrit.

P. III. *Induratio Lienis.*

Sive inflammatio lienis chronica vel acuta, induratio virium necessariarum ad suppurationem in actum ducendam imbecilitatem ponit, aliis verbis, inflammationem minus intensam.

Quæ in lienis textu protrahitur inflammatoria irritatio ibi quasi continuam interinet fluxionem, ast non sat intensam, ut inde oriatur suppuratio: sanguinę turgida capillaria vasa densiora fiunt, sanguinis illius liquidiores absorbentur partes, crassiores aut melius concrescibiles coagulum efficiunt et nimis duræ ut auferri possint absorbtione, jam debilitatos capillarium vasorum canales obstruunt, et futuri squirri primum sistunt rudimentum.

Non semper induratio hæc totum occupat organi textum, aliquando sine ullo incommodo squirro lienis affecti ægroti ad pro-

(1) *Portal*, anat. medic., pag. 333, t. V.

vectiorem senectutem pervenire valent: *Portal ad hoc casum refert sequentem* (1) » *Madame de Maurepas eût vers l'âge de cinquante ans une maladie inflammatoire, qu'on crut avoir son siège dans la rate et malgré de nombreuses saignées, que Dumoulin et Vernage lui prescrivirent, il lui resta une tumeur considérable dans l'hypochondre gauche, qui le débordait de plus de trois travers de doigt comme je m'en suis plusieurs fois assuré par le tact. Les divers fondans furent prescrits inutilement, des voyages aux eaux minérales furent infructueux, la tumeur resta toujours grosse, très-dure, et madame de Maurepas mourût à l'âge de quatre-vingt-neuf ans. Casus illi rarissimi.*

Ex illis jam allatis, clarè patet diagnostica signa induratum lienum concomitantia admodum obscura esse debere, adest quidem tumor plus minus durus in regione lienis, digestionis functiones labascuntur, sed omnia illa signa tam confusè existunt ut difficilè ab aliis regritudinibus hujus organi distinguantur; et ut plurimùm, æ gri tali morbo correpti, cachexia hydropica mortem obcunt: nonnumquam observarunt auctores per totam corporis regionem sinistram, anasarcam locum habere in statu squirrositatis lienis (2).

Sedulò distinguendæ hæ squirrosæ alterationes ab illis, quæ scrophulosam agnoscunt causam.

P. IV. *Suppuratio et apostemata Lienis.*

Quamvis, uti antea enarratum, rarissimus sit morbus splenitis, aliquibus attamen in casibus in suppurationem abit. Ut nova secretio illa fieri possit, ordinarios pertransire debet inflammatio limites; supuratio verò in quocumque ex sua natura, parvâ vitalitatis dosi, donato organo efficiatur, necesse est autem, ut, causa ad phlogosim inducendam idonea, ad talem gradum proprietatum vitalium energiam augeat, qualis est necessaria; ad functionem illam novam puris secretionis in actum ducendam.

(1) *Portal*, anat. med. t. V. pag. 357.

(2) *Theop. Bordeu*, aquitan. mineral. aquæ. Paris., 1754.

Dum igitur ad summum inflammatio pervenit, pus secerri potest; deponitur tunc fluidum illud in areolis telæ cellulosæ organi, et ibi accumulatur ita ut quandoque plus minusve voluminosum efformet aposthema.

Aliquando totius textus organi puris præsentia et confectione destruitur (1); aliis in casibus pus est saccatum in diversis kystis nonnumquam modo ferè incognito in canalem cibarium penetra-
visse aposthemata illa, aliis in circumstantiis terminata fuisse per effusionem retrò peritoneum, et per aperturas sponte in cute ortas, foras evacuatum fuisse, asserit Portal (2) » *Alors le pus a parcouru un chemin plus ou moins étendu, s'est frayé une route à travers les muscles abdominaux et a donné lieu à une ou plusieurs ouvertures par lesquelles des fragmens de la rate sont sortis.*

Aliquis annis lapsis, in nosodochio civili Gandense, lien in cadavere inventus est ferè totaliter pure repletus, et quod mirandum, nullum, stante vitâ, detectum fuit symptoma præsentiam hujus abscessus ingentis decelans. Factum hoc et plurima ab auctoribus allata hujus generis nos docent, symptomata abscessus lieenis tam obscura esse, ut collectio hujus fluidi tempore vitæ exstare possit sine ullis manifestis signis: ast ut plurimum adsunt febris hectica post pastum exacerbans et vesperè, sudores profusi et enervantes, urina turbida, diarrhea colliquativa, oedema pedum, quandoque anasarca generalis et specialiter lateris sinistri notante Bordeu; verbo, cachexia completa, corpus contabescit. Status ille à nonnullis scriptoribus sub nomine pthysis lienalis designatur. Quoad secondarias ægritudines à functione læsa splenis dependentes, multum colunt analogiæ, cum illis affectionibus, quas in obstructione hujus organi descripsimus, uti digestionis turbæ, sanguificationis, secretionum, et nutritionis læsio. Sed, quoniam signa seu symptomata diagnostica tam difficile detectu sint in hacce affectione, sœpè mors subita, dum sponte

(1) *Portal*, anal. medic. t. V. pag. 535.

(2) *Anat. medical*, t. V. pag. 536.

aperitur abscessus, illa insequitur; hocce adamussim jam saepius citato non latebat celeb. *Portalio* (1).

In gignendo aposthemate, lienis phlogosis non semper est inculpanda, metastases illud saepius producere valent; quandoque in hepatis abscessibus collectum pus in splenis textum metastaticè deponitur; aliis in rarioribus circumstantiis, pus in thoracis cavo contentum, ope adhaerentiarum cum liene contractarum in parenchyma hujus organi penetrasse, repertum est.

Saepius ab inflammatione per causas externas uti vulnera, contusiones et alia similia, inducta, originem sumunt puris collectiones in organo illo observandæ.

Quibusdam in casibus merè sympathici sunt lienis abscessus, uti in commotione et fracturis crani.

P. V. *Inflammatio adhaesiva Lienis.*

Supponunt lienis adhaesiones cum vicinis partibus, 1º inflammationem alicujus membranæ peritonealis partis organon obvestientis: et 2º minorem phlegmasiae intensitatis gradum.

Ex talis phlogosis effectu, adhaesiones, sive cum ventriculo, diaphragmate, colo, rene sinistro, formâ concretionum ligamentorum aspectum præbentium suboriri possunt, quæ secundum diversitatem partis, quacum connectuntur multa et differentia in œconomia animali phænomena edere valent.

Inflammatio adhaesiva in liene novam saepè generat membranam, quæ nonnumquam totam organi superficiem obvestit (2).

P. VI. *Gangræna Lienis.*

Semper totalem abolitionem proprietatum vitalium supponit gangræna, inflammationi lienis superveniens. Etsi inter artis infrequentiores casus, attamen ab auctoribus allegata, et ab illis

(1) *Portal*, anat. med., t. V. pag. 335.

(2) *Idem*, anat. med., t. V. pag. 337.

descripta est; noscimus enim talem corporis partem, quosdam ad morbos magis disponi, quam quidem alia, sub proprietatum vitalium respectu: itaque lien multum, quoad gangrænam, colit affinitatis cum systematibus fibroso arterioso venoso osseo, etc. in quibus hic inflammationis exitus rarissimè occurrit.

Uti, in omni inflammatione, dum oboritur gangræna, symptoma iuflammatorium ad statum pertinentia, quasi modo repentinò in splenitide labascunt, vultus evadit decompositus; summa adest debilitas in musculis, pulsus intermittit debilis et frequens evadit, lymphatis frequentibus, imò quandoque convulsionibus corripitur ægrotans, pallit facies, sudoribus frigidis obducitur, ut plurimum tandem morti occumbit miser tabefactus.

Celeb. Portal contendit lienis gangrænam in febribus malignis observatam fuisse (1).

HYDATIDES LIENIS.

Hujus phenomeni cum pluribus corporis organis, participat lien: ita de hydatidibus lienis mentionem facit cel. Morgagni (2), vel coarctatæ sunt; vel à se invicem distantes et ad superficiem organi collocantur aut totum visceris textum occupant: J'en ai vu, ait Portal (3) qui étaient renfermées entre les membranes de ce viscère, d'autres qui étaient contenues dans son intérieur; quelquefois on en voit qui sont attachées à sa surface par des pédicules si grèles, qu'on comprend facilement que ces sortes d'hydatides peuvent s'en détacher et devenir flottantes dans la cavité abdominale comme on y en a trouvé sans en connaître l'origine.

LIENIS STATUS CARTILAGINEUS OSSEUS ET CALLOSUS.

Auctores unanimi affirmant voce, sëpissimè lienem cartilagineum, osseum aut callosum fieri, ita Lieutaud (4), së sëpiùs

(1) Anat. med., t. V. pag. 336.

(2) Morgag. de caus. et sed. morb., epist. XXXVIII.

(3) Portal, anat. med., t. V. pag. 338.

(4) Lieutaud obs. 961, t. I. pag. 229.

splen invenisse callosum et cartilagineum affirmat. Illustris *Hallerus* (1) de osseo loquitur liene. Concretiones lapideas frequentes inesse testantur à celeb. *Portal* institutæ variæ autopsiæ cadavericæ (2); et observat auctor ille, status illos ut plurimū concomitari hydropicos morbos, tamen sine ullo incommodo locum habuisse. Clariss. doct. Parisiensis *Broussais* (3) sèpè lienem invenit durum, callosum, aut tuberculosum. Omnibus hisce factis, addere possumus illa nobis propria, sèpissimè in differentibus cadaverum sectionibus, illos diversos callositatis cartilaginositatisque aut ossificationis status observavimus præsertim in ætate provectioni.

LIENIS PLETHORICUS STATUS.

Per plethoram intelligimus lienis, illum statum, in quo superpondium sanguinis in hocce organo contento offenditur. Frequens est apud foeminas, quibus menstrua parciùs, tardiùs, male fluunt; aut quibus fluxus ille totaliter cessat. Optimè illum descriptis et observavit statum clariss. *Baillou* (4). Non minus frequens est ante hæmorrhagiam narium, aut hæmorrhoidum apparitionem. In pluribus vitiis hepatis, uti in ejus inflammatione, suppuratione, induratione, obstructione aut destructione hujus visceris. Sic celeb. *Tissot* de autopsia loquitur, in quâ lien ab obstructo et indurato hepate » aequo major subnigri coloris, atro » fluido sanguine turgidus, quem facillimè parvo inflicto vulnere » effundebam (ita sonant verba auctoris), ut vix dubitare liceret » de effusione intrà cellularē, quæ vasa sustentat et neicit, aut » ea anastomosi, quâ ex unico vasa alia evanuantur; ab indurazione, quod notatu dignum, adeò alienus ut effluxo cruento marcesceret » (5).

(1) *Haller* elem. physiol., t. VI. pag. 388.

(2) Anat. med., t. V. pag. 342.

(3) Traité des phlegmasies, I. I.

(4) De virginib. et mulierib., t. IV, pag. 75.

(5) *Tissot*, Zimmerman, pag. 26.

Omnibus in illis casibus, plus minus voluminosus datur sub costis spuriis tumor dolorificus, et pro diversitate circumstantiarum vomitus, nauseæ, capitis gravitas statum illum insequuntur.

ATROPHIA LIENIS.

Quoniam hic status morbificus rarissimè observetur attamen de ejus existentia exempla inveniuntur apud Lieutaud, Thonerum atque Portal.

Aliquibus in subjectis magnitudinis instar nucis juglandis inventus fuit lien. In melancholico, de quo loquitur Thonerus non ultrà unciam ponderabat splen; ad magnitudinem nucis moschatae reductum vidit illud organon celeb. Portal.

Causæ, plures in censum veniunt volumen lienis diminuendi capaces, uti nimia hujus visceris compressio, tumoribus in vicinis partibus duris, inducta; telæ cellularis atque vasorum hujus organi induratio aut ossificatio, uti videre est proiectiori in ætate; arteriam comprimens splenicam, tumor uti vidit Portal (1), vel tandem ipsa istius organi suppuration (2).

Quæcumque in omnibus hisce casibus sit causa imminutionem in lienis statum voluminis inducens, semper aut nimiam in partibus solidis ablationem aut defectum appositionis materiarum nutritivarum supponit, aut denique penuriam cruris in textu organi deponendi à splenica arteria.

LIENIS POSITUS MUTATUS.

Affectionem illam ut plurimum, obstructiones aut alii morbi, in quibus lienis volumen multum augetur, eruunt. Sic Morgagni (3) de splene agit in inguine dextro collocato, tres libras ponderante.

(1) *Portal*, anat. med., l. V.

(2) *Lieutaud*, obs. 961.

(3) *Morg. epist. XXXIX. art. 42.*

Alicujus feminæ cui post partum in hypogastrio supervenit tumor, quem à lienis positione mutata ortum duxisse sectio demonstraverat cadaverica, historiam reliquit *Ruysch.* Liberè hærentem in abdomen vidi lienem *Cabrol* (1).

In, *Mémoires de l'académie de sciences de Paris* (2), circà lienem maximo præditum volumine situm in pelve habentem, observatio invenitur.

De liene in iliaea regione sinistra collocato, in provectionis ætatis homine exemplum assert *Portal*: «elle avait la grosseur de la tête d'un enfant. »

Propter quas lienis positio mutari valet, tres reperiuntur rationes; vel ob partium summam laxitatem, organon illud in sua positione retinentium in naturali statu, dè sic dictis lienis ligamentis, atque vasis et nervis agitur: 2º vel quia partes hæ disruptæ sunt; 3º aut quia nimis, propter auctum volumen, est ponderosus lien.

LIENIS HÆMORRHAGIÆ.

Lienis haemorrhagiæ ad quatuor reduci possunt species, 1º vel in ipso organi sit textu, sine ulla externa evaçuatione; cum debilitate solidorum et humorum jactura morbis propria est; species hæc uti in scorbuto, in putridis febribus, in typhis, accidit.

2º Vel locum habent hæmorrhagiæ, per membranæ mucosæ, canalis cibarii portionem aliquam: obstructionibus splenis utjamjam enarravimus familiares.

3º Aut à læsione, rupturâ, laceratione aut alia causâ simili dependent. Semper species hæc ut funestissima est habenda; è textu læso sanguis continuò in abdominis cavitatem profluit, ægrotantis perduntur vires et ultimum brevi tempore spiritum exhalat. Hæmorrhagia hæc in lienis ingenti obstructione, in quo organicus textus admodum est tensus, nonnumquam evenit, uti ex variis constat

(1) *Alph. anat.*

(2) Anno 1767.

auctorum observatis. *Hunault* de morte subita post ruptum lienem agit. *Richard* (1) de rupto loquitur liene. *Scheid* (2) de lienibus ruptis tractavit.

Species hæc ab externa causa oboriri etiam valet.

4º Vel per serosam membranam organon obducentem fit haemorrhagia, frequens animadvertisitur in scorbuto, in febribus putridis, in ascidie, etc. vide *Lieutaud* (3).

DE SPLENALGIA NERVOSA.

Ad considerationes generales circa pathologicam lienis dispositionem (caput tertium) jam observatum est, ad dolores et spasmos organon illud esse dispositum; inquirendum nunc erit in causas, quæ affectioni illi ansam dare possunt et in symptomata illam concomitantia.

Acutus, vel obtusus, aut gravatus, dolor lienis in hypochondriaca regione, sinistra ubi splen situm suum obtinet, observatur; transitorius est, sine ullo signo inflammationis præsentis, cum pulso retracto, frequente, pallore aut rubore faciei, et urina pallida; compressione non exacerbans, è contrà quandoque ex illa allevatio manifesta.

Ante haemorrhagiæ naturales, aut in morbis criticis ut plurimum evenit, uti, ante epistaxim, fluxumque menses præcipue: sèpissimè, sine ullo organico vitio in liene existente; præsertim animadvertisitur dolor splenicus in infantili aut juvenili ætate, in violentioribus et prolongatis cursibus, aut in exercitiis laboriosis, saltu chorea et aliis ejusdem generis.

Hicce in casibus, propter circulationis incitationem, cor frequentioribus atque validioribus contractionibus, dato tempore, majorem in lienis textum propellit sanguinis quantitatem, quam

(1) Journal de médecine, t. XXVII.

(2) Argent. 1725.

(3) *Lieutaud*, hist. anat. med. obs. 962.

capillaria vasa parva donata vitalitate, suis vicibus, in splenicam venam protrudere possunt; ita sanguis celerius allatus in organi textum, vasa distendit, nervos organon illud circumdantes irritat, et causa nonnumquam doloris violentis evadit: unde Belgæ idiomate suo exprimunt *van de milt gestoken*. ut plurimum subito dolor ille nascitur et cum magna animi dejectione observatur.

COROLLARIA EX ANTE DICTIS DESUMPTA.

I.

Quæ lienis textum constituant elementa, cognita sunt. Intima vero structura nos latet: scimus quidem membranam serosam membranamque fibrosam, nervos et vasa, ad organicum textum efformandum, concurrere, ast modum, quo sese in parenchymate gerant, plane ignoramus.

II.

Quoniam lienis intima fabrica nos lateat, tota attamen vasculosa reperitur,

III.

Ab arteria splenica in lienem allatus sanguis in textu ejus omnino mutatur.

IV.

In splenica vena sanguis contentus, ut venosus quidem aspici valet, ast ab eo tamen est distinctus, nam fluidior, magis oleosus et niger, numquam e liene effusus in coagulum abit.

V.

Hepatis organon est auxiliare lien, et novas in eo contentus sanguis qualitates acquirit, quibus secretioni bilis inserviendi efficax evadit. Quod è sequentibus probatur. 1º Per directam operem splenicae communicationem inter lienem et hepar; 2º per arteriosi sanguinis quantitatem ab arteria splenica allati nimiam ut solùm lienis nutritioni inserviat; 3º dum lien in vivis animalibus extirpatur aut laceratur, bilis secretio langescit et organo-

rūm digestionis functiones turbantur; 4º in omnibus ægritudinibus lienis, in quibus sanguinis in textu ejus contenti qualitas à naturali statu recedit, labefactatur bilis secretio; 5º in omnibus hepatis affectionibus in quibus bilis secretio alteratur vel impeditur, ægritudines particeps est lien; 6º volumen et evolutio splenis in diversis vitæ stadiis, cum apparatu excretorio bilis, semper quadrant; 7º dum digestionis tempore secretio bilis augetur, ob depletionem momentaneam sanguinis, lienis volumen imminuitur.

VI.

Proprietates vitales unicè ferè ad organi nutritionem destinatae sunt; alteræ organo alienæ.

VII.

Laxa et admodum extensibili structura gaudet lien.

VIII.

Principaliores lienis associationes sunt cum organo bilis secretionis et viis digestivis; consensum quoquè cum organo encephalico alit.

IX.

Propter minorem vitalitatem et laxitatem textus organici, omnino ad morbos circulationis debilitatem agnoscentes, lien disponitur. Minimè ob easdem rationes ad inflammatorium statum.

X.

Frequentissimi sunt morbi lienis, obstructio et mollities, rarissimus inflammatorius status et omnes ejus sequelæ.

XI.

Quæ imminuunt aut infringunt lienis vitalitatem causæ aut ejus laxiorem reddunt textum ritè cognoscuntur; illæ quæ phlogosim in illud organon inducere valent inter obscuriora artis latent.

XII.

Lienis affectiones vitia in bilis secretionem inducunt; bile vitiata, digestio, chylificatio, sanguificatio, exhalationes, secretiones et nutritio laeduntur.

FINIS.

CAROLI LIBBRECHT,

EX INGELMUNSTER,

RESPONSIO

AD

QUÆSTIONEM, AB ORDINE JURIDICO

ANNO M. D. CCC. XVIII PROPOSITAM:

Quænam sunt principia de portione legitima, tam secundum Jus Romanum quam hodiernum?

In hujus quæstionis solutione hic in primis ordo observandus est: Enarretur primum universa de necessaria hæreditis institutione et legitima portione historia, idque inde a Legibus XII Tabb. usque ad Justiniani Novellam CXVIII. — Deinde, explicita hujus matriei historia, exponantur: 1.º Quibus competit legitima, et quænam sit inter jus legitimam postulandi et succedendi ab intestato differentia. 2.º Quanta illa esse, quâ ratione determinari, et quomodo hæredibus relinqu debeat. 3.º Expositis Juris hodierni de legitima portione principiis, comparentur hæc cum Juris Romani constitutionibus. Et denique in fine exhibentur rationes, quæ legislatorem impulerint, ut a principiis Juris Romani recederet.

QUÆ PRÆMIUM REPORTAVIT A. D. IV. OCTOBRIS M. D. CCC. XIX.

Quæ est igitur melior in hominum genere natura, quam eorum, qui se natos ad homines juvandos, tutandos, conservandos arbitrantur.

Cic. Tusculi quæst. lib. 1 cap. 14 n° 32.

PROOEMIUM.

ET si probò scio, longe supra vires juveniles esse, difficultates et controversias in juris scientia obvias penitus perscrutari, et ordine exponere velle, idque vix fieri posse a viro egregiis animi ingenii que dotibus ornato, et insuper etiam longo rerum usu subacto; tamen credidi, neque a proposita quæstione alienum esse, neque mihi parvæ utilitati fore, tentare pro viribus meis illos nodos quoquomodo dissolvere, qui sese mihi in elaboranda hac quæstione proposita oblaturi essent. Jam autem, quantum in illo negotio humeri valuerint, et quid ferre recusaverint æquis judicibus dijudicandum merito relinquo.

Interim tamen in hac commentatione ordinem illum ubique sequi conatus sum, qui in ipsa proposita materie nobis indicatus est. Utile duxi eam in duas dividere partes, quarum in priori juris romani, in posteriori principia juris hodierni exponere tentavi. In utraque parte ordinem et subdivisiones easdem secutus sum, ut lucidius principia juris romani cum illis juris hodierni comparari possent, et exhiberi rationes, quæ legislatores impulerint, ut a principiis prioris juris recesserint. Omnia juris hodierni principia, quæ cum illis juris

romani in priori parte enucleatis congruunt, breviter tantum proposui, ne latius hanc commentationem extendere coactus fuerim. Circa loca autem discrepantia, rationes differentiae fusius exponere, easque e legislatorum mente eruere conatus sum. Cæterum, postquam principia juris romani exposui, haud inutile existimavi, paucis tradere verbis, quantum a principiis, secundum jus romanum expositis, consuetudines patriæ recesserint.

In tam ampla materia rite explananda innumerarē quæstiones contentionesque, quibus in utroque jure ortum præbuit, non fuisse latèque exponendas esse existimavi. Plurima hanc ob rationem sæpius rescidi ab illis, quæ primitus sive ad enucleandam controversiam, sive ad stabiliendam mēam opinionem scriptis consignaveram. Porro haud obsonum duxi, circa difficiliores contraversias sententiam, quamjūris principiis magis aptam credidi, non raro celeberrimorum scriptorū auctoritate corroborare; et afferre opinionēm illorum, qui contrariæ suffragentur sententiæ.

CONSPPECTUS

COMMENTATIONIS.

PARS PRIOR,

DE JURE ROMANO ET CONSUETUDINARIO.

Hæc pars in septem capita divisa est.

PARS POSTERIOR,

DE JURE HODIERNO ET DE RATIONIBUS

DIFFERENTIÆ INTER JUS ROMANUM ET HODIERNUM

Hæc pars etiam septem capita continet.

СУЩЕСТВОВАНИЕ

ПРИРОДЫ

СВОИХ ПРИЧИНОВ

ОБЪЯСНЯЕМЫЕ СОВРЕМЕННОЙ

НАУКОЙ

ЧТОБЫ БЫТЬ СОВРЕМЕННЫМ ЧИСЛАМИ

ПОЧИТАВШИМ

СВОЕ ВЛИЯНИЯ НА ОБЩЕСТВО И ЧИСЛА

МНОГОЧИСЛЕННЫЕ ПРИЧИНОВЫЕ

ЧИСЛА ПОДАЮЩИЕ ПОДСКАЗКИ

Caput primum.

HISTORIA.

VI legis quibusdam personis, quae *necessarii* hæredes nominantur, certa debetur honorum defuncti portio. Hæc bonorum defuncti portio, in quâ ex legis dispositione hæredes necessarii sunt instituendi, nisi justa eos exhaeredandi causa adsit, dicitur *legitima*. Arg. l. 8. § 8 et 10 ff. de inoff. test. l. 6. C. eodem.

Portionem illam a lege stabilitam invectamque ipsa vocis etymologia arguit, nam et ideo legitima dicitur, quia debetur ex lege, uti ait Faber (1) arg. l. 31 C. de inoff. test. l. 5. C. de inoff. don., ubi debitum legis subsidium appellatur.

Legitima, ut subsidium illis, qui injustè penitus a successione parentum amoverentur, concessa, non *scripta sed nata lex* dici potest (2). Legem hanc cum ipso humano genere proditam natura homines docuit, eorumque cordibus veluti insculpsit, autem quam leges civiles de illa exstarent. Quid enim naturæ hominum rectæque rationi magis consentaneum, quam ut parentes liberis amorem præstent, et in tempus, quo mors amoris curarumque finem secerit, unde bene sustentent vitam, relinquant. (3) Quod igitur tam altè mentibus ingeneravit natura, legibus humanis nequaquam confirmandum videtur. At quem fallit hominum infirmitas, ad mala perpetranda præceps, et officiorum persæpè incuriosa? Parentes, pravis abrepti cupidinibus non continuo

(1) In codice definitionum lib. 8. tit. 39. def. 7. n^o 9.

(2) D'Aguesseau, vol. 2. pag. 80 ope. édit. Par. 1761.

(3) Cic. pro Roscio Amerino; cap. 19. dicit: »Multa opportet esse vitia, atque peccata filii, quibus parens potuerit animum induere, ut naturam ipsam vinceret, ut amorem illum penitus iniitum ejicret ex animo, ut denique patrem esse sese oblivisceretur.»

boni rectique viam calcant; sed extraneum nonnumquam maximis cumulant bonis, liberis, quos carissimos cuique natura esse voluit, turpiter repudiatis. Legislatores, utilitatis et securitatis publicæ promovendæ studiosi tantas injusticias, imo inhumanitates prohibere conati sunt. Ita apud Græcos leges nonnullæ partem honorum, de quâ statuere liceret, decernentes, latæ fuerunt. De hac re argumenta invenimus plurimis in locis, uti apud Demosthenem in oratione *contrà legem Leptinii*, et præcipuè in legibus illis Solonis, quæ ad nos perveuerunt, quarum in lege undecima hæc perspicuntur verba :

Ω βούλεται τις τὰ αὐτοῦ, εἰ μὴ
παιδεῖς ὄστιν αυτῷ, δοῦναι ἔξειναι.

*Cui voluerit quis, bona sua dandi
Nisi filios habeat, jus esto. (1)*

Romani, qui leges suas a Græcis præsertim petiverunt, uti testatur Plinius (2), officium illud humanum neglexerunt, et durioribus moribus imbuti quam Græci, illud penitus ferè ignorare visi sunt. In eorum primis legibus, quarum ad nostrum tempus fragmenta pervenerunt, quanquam Cicero (3) eas bibliothecam omnium philosophorum et Livius (4) fontem omnis publici et privati juris dicit, nullam tamen tam præstantis naturæ principii memoriam, at omnino planè contraria cernimus. Populus ille summa potestate parentes in liberos armaverat, ita ut ne hæsitaverit quidem, jus vitæ et necis illis concedere, sicuti videre est in *tabula 4. cap. 2.* Patres summum imperium exercentes, in familiam suam saepius ut tyranni in suos sævierunt : nec contentis quidem tanta potestate, libera quoque dispositio honorum concedebatur, ut post mortem sævitiam in liberos persequi possent. Lex duodecim tabularum, sancito hoc principio : *Pater familias uti legasset super pecuniæ tutelæ suæ rei, ita jus esto (5)*, iis libertatem indulxit;

(1) Vid. Samuelis Petili commentarius in leges atticas, p. 576 et seq. et conf. Ihes. Jur. Rom. Everardi Ottonis. v. 4. pag. 403.

(2) In lib. 8. epist. ult. » Habe ante oculos, inquit, hanc esse terram, quæ nobis miserit jura, quæ leges non iuvitis, sed penitibus dederit. »

(3) In orat. cap. 44.

(4) Histor. lib. 3. cap. 34.

(5) Tab. 5: de hæreditatib. et tutelis.

non solum liberos prætereundi aut injustè exhaeredandi, at etiam alienum summis beneficiis cumulandi, et illis, sibi sanguine et naturæ vinculo junctis, anteserendi (1). Brevi Romanorum inhumanitas mitigabatur; illi, qui parentum crudelitatem timebant, undique querelas tollebant, et paterna potestas arctioribus sed æquis terminis circumscripta fuit. Exolevit primum jus vitæ et necis patribus concessum, remansitque modica tantum castigatio, quæ videri potest in titulo Pandectarum *de his qui sui vel alieni juris sunt.* Præterea submittebantur, uti ait D'Aguesseau (2), sententiæ judicis dispositiones paternæ, in testamento scriptæ. Si pater sua potestate perversè usus esset, si temerè liberos exhaeredasset, eosque inhumaniter omni re orbatos reliquisset, eis querela contra testamentum paternum competebat. Hæc, *querela inofficiosa testamenti dicta*, introducta fuit a Jurisconsultis, et per praxin iudiciorum centumviralium (3), sub colore, quod liberi, potestati paternæ subacti, singantur unam eamdemque personam constituere cum patre, et quod proinde etiam in vita patris rerum omnium paternarum sint condomini; ex quo consequitur, patrem non posse dominium illud in personam alienam transferre, nisi prius illud liberis validè ademerit.

Si vero ademtio illa non æquè et ob æquas causas facta esset, testamentum inofficium dicebatur, utpote contra officium pietatis factum, et parentes non sanæ mentis fuisse existimabantur, cum tale testamentum condiderint, et alienos liberis suis antetulerint.

L. 2. ff. de inoff. test.

Simul tamen introductum est, hanc liberorum querelam cessare, si ipsis certa bonorum pars, quam legitimam portionem nominatam ad quartam bonorum desinierunt; a parentibus fuerit relieta. De origine autem legitimæ portionis JCti quam maximè dis-

(1) Parentes sæpiissime sine ulla causa liberos exhaeredasse probant exempla in Plin. lib. 6. ep. 33 et Valer. Max. lib. 7. cap. 7.

(2) Vol. 2. pag. 80.

(3) Videatur Licineccius antiquitatum romanarum, etc. lib. 2. tit. 18. p. 150 et seq. Pr. Int. de inoff. testam. Plinius lib. 5. ep. 1. lib. 6. ep. 33. Valerius Maximus lib. 7. cap. 7. et ita querela ita sepe iudicium centumvirale nominatur. Cic. de orat. lib. 1. cap. 38. l. 13. ff. de inoff. test. Corn. van Bynkershoek obs. jur. rom. lib. 5. cap. 5.

sentiunt (1). Sunt qui eam ex jure romanorum scripto derivent; qui tamen iterum inter se dissentunt. Alii enim contendunt legitimam lege quadam *Glicia* introductam fuisse (2). Alii lege Falcidia (3). Alii constitutionibus Imperatorum præsertim Marci Aurelii (4). Hæc tamen JCTorum opinio solido fundamento caret. Legis cujusdam *Gliciae*, quam Cujacius a dictatore quodam *Marco Claudio Glicia* anno 504 u. c. latam contendit, ne minima quidem vestigia occurunt, nisi in legis 4 de inoff. test. inscriptione admodum suspecta: *Cajus liber singul. ad legem Gliciam.* Quod si enim Cajus revera commentarium ad legem *Gliciam* scripsisset, magnoperè mirandum foret, cur Pandectarum compilatores unum dumtaxat, eumque minoris momenti locum ex illo exscripsissent; et multò magis adhuc, cur Justinianus legem gravissimam silentio in Institutionibus planè prætermisisset, si revera legitima et inofficioſi querela per eam fuisse introducta.

Legitimæ originem ex lege Falcidia derivari non posse, probat l. 8. § 9. *ff. de inoff. test.* in quâ Ulpianus legitimam a Falcidia distinguit, et statuit, quod, si hæres ex asse institutus tot liberalitatibus oneratus esset, et quartam integrum non habeat, inofficioſi querelam instituere non posset, quia habeat Falcidiam.

Neque constitutione quadam Marci Aurelii legitima fuit introducta; nam ex Plinii epistola i lib. 5 id evidenter appareat. Plinius enim hæres institutus a Pomponia Gratella, hæc epistolâ responsum mittit filio defunctæ, qui de inofficioſa matris dispositione querebatur, eique scribit, ipsum ad querelam non admittendum esse, «nam, ait si mater te ex parte quarta scripsisset haeredem, num queri posses?» His verbis enitet, quartam bonorum liberis relinquendam diutius viguisse ante Marcum Aurelium, qui ad

(1) Historiam legitimæ optimè perscrutatus est Zepernick in diss. historiæ juris civilis de legitimâ portione parentum.

(2) Cujacius observ. lib. II. cap. 21. et in Papinian. lib. XIV. ad leg. 15. ff. de inoff. test. Gravina de legibus et SCstis cap. 80. Dion. Goihofredus ad leg. 4. ff. de inoff. test.

(3) Jacobus Gotbosfredus in comment. cod. Theod. ad leges 4 et 5 de inoff. test. J. a Costa ad tit. 1. de inoff. test. § 6. Anton. Schultingius ad Pauli recept. sentent. lib. III. tit. 8. § 3. Heineccius in syntagm. antiqu. rom. lib. II. tit. 18. Pothierus comment. ad Pand. lib. V. tit. 2. de inoff. test.

(4) Pancirollus in thesau. variar. lect. lib. I. cap. 39.

imperium venit anno 158^s; cum Plinius junior natus sit anno 62 regnante Nerone, et generatim a scriptoribus vita functus dicatur anno 46 aetatis suae, ideoque sub Trajano, qui ante Marcum Aurelium summum imperium tenuit.

Vero itaque similior eorum videtur sententia, qui contendunt legitimam auctoritate prudentum tanquam medium fuisse introduc tam, excludendi querelam inofficiosi, et ita hujus abusum restrin gendi (1); illius tamen quantitatem et naturam ex legis Falcidiæ analogia definitam postea fuisse. Ob hanc quoque rationem *legi* *gusta* sæpius *Falcidia* in legibus nominatur (2). Hæc tamen legitimæ quantitas et natura aliter determinata est a Justiniano, uti perspici potest in *Nov.* 18 et 92.

Quidquid de controversiis circa originem hujus legis sit, omnes fatentur legitimam primum liberis concessam, postea quoque aliis personis traditam fuisse. Initio non adeo favorabilis, nec eadem erat, uti postea per Justinianum præscripta fuit: ita huic Imperatori præcipuam hujus institutionis adimpletionem debemus, qui eam auxit et certis stabilivit principiis. Omnes fere populi, natura et recta ratione moti, principium tam humanum, statuendi legitimam, amplexi sunt atque voverunt. Id apud Gallos nobis testantur eorum consuetudines (3); apud Anglos Blak stone (4); apud Germanos Heineccius (5); nec non in consuetudinibus nostræ regionis, hac de re dispositiones inveniuntur (6).

(1) Quam ob causam Ulpianus dicit 1. 8, § 8 ff. de inoff. test. quarta debitæ portionis sufficit ad excludendam querelam.

(2) L. 31 C. de inoff. test. L. 5 § 3.^o c. ad lég. jul. majest.

(3) Videatur Toullier, Droit civil français suivant l'ordre du code, vol. 5.

(4) Pag. 98. commentaires etc. lib. II chap. 23.

(5) Elem. juris germanici lib. II § 357.

(6) Videantur cons. Gand. rub. 12 art. 1. Brug: tit. 7 art. 6 Corr. rub. 14 art. 1. Alost. rub. 11 art. 1. Aldenard. rub. 8 art. 1.

Caput secundum.

SECTIO PRIMA.

QUIBUSNAM DEBEATUR LEGITIMA.

§. I. Variis personis jure romano legitima conceditur; inter illas primitus numerantur descendentes 2.^o ascendentēs 3.^o collaterales quidam 4.^o patroni; de quibus omnibus singulatim agendum erit.

§. II. Antequam de personis, quibus legitima debetur, agam, quædam præmittenda esse generalia principia existimo. Legitima a lege introducta multum cum jure ab intestato succedendi similitudinis habere videtur: atque inde plurimi facile in errorem ducuntur, cum in hac re reciprocatione argumentandi utantur, et ita falsas eruant consequentias. Ut in hacce ideo materia rite procedere possimus, duplex principium animo insigendum est. Prius nobis præscribit, *de successione ab intestato ad legitimam recte argumenta negativa procedere*, ita ut recte dicere possimus, quod ille, qui jus non habeat ab intestato succedendi, ad legitimam admittendus non sit. Legitima enim portionem efficit bonorum, quæ ab intestato ad aliquem pervenissent l. 8 c. *de inoff. test*; ita ut, si lex tibi nihil ab intestato concesserit, merito legitima tibi denegetur. Ulpianus in l. 6 § 1. *ff. de inoff. test.* principium modò memoratum quoque stabilivit, cum voluerit, ut si quis ex his personis, quæ ad successionem ab intestato non admitterentur, de inofficio egerit, et casu obtinue-

rit, eis non prodesset victoria; sed his, qui haberent ab intestato jus succedendi. Itaque, hac lege parentibus, qui liberis suis ab intestato non successerint, omne emolumentum ex querela denegavit Jurisconsultus. Ubi verò posterioribus legibus aliquando, quosdam ad legitimam admissos legimus, qui ad successionem ab intestato nullum jus haberent, id tum ex expressa legis concessione promanavit, quæ uti exceptio, ad alios casus produci nequit. Cæterum celeberrimi auctores (1) huic principio suffragantur, illudque tanquam jurisprudentiae præceptum recipere non dubitant.

Posterior regula observanda prohibet, *affirmative argumentari de successione ab intestato ad legitimam*. Hæc regula paucioribus controversiis ortum præbuit; et contra fere omnes interpres illam agnoscere ut æquam et justam solent, quum perpendant naturam legitimæ, quæ lege tantum concessa est certo personarum ordini, ubi tamen sæpius personæ extra illos ordines ab intestato succedendi jus habent.

SECTIO SECUNDA.

DESCENDENTIUM LEGITIMA.

§. I. Quemadmodum sana mens et ratio legi ortum præbuerunt, quæ liberis hæreditatem parentum addicit, *l. 7 ff. de bon. donat.* et parentes ex voto communi omnia liberis suis servant *l. 7 ff. unde liberi*, ita in favorem liberorum primùm concessa fuit legitima portio.

Sub nomine liberorum computantur descendentes tum prioris tum posteriorum graduum; qui ab intestato succedendi jus habent, sive nati sint sive posthumi, *l. 6 §. 1. ff. de inoff. test. § 2. Inst. eodem.* Nec minus hoc verbo comprehenduntur filiæ; genus enim masculinum in toto jure comprehendit foemininum nisi aliquid obstet *l. 195 ff. de verb. sign.*

(1) Voetius ad ff. lib. V tit. 2.^o n.^o 42. Van Leeuwen, Censura forensis, part. 1. lib. III. cap. 4 n.^o 5.^o qui plurimorum aliorum resert testimonia.

Nepotibus æque legitima debetur ex hæreditate avi et proavi ; si, defunctis jam parentibus, ad ipsos jus succedendi ab intestato devenerit, l. 7 Cod. de inoff. testamento, l. 8 § ff. eodem.

Ut igitur nepotibus et generatim ultiorum graduum descendentibus legitima beatetur, requiritur, ut eorum parentes ante testatorem fuerint defuncti, alias enim legitima eis non competit, quum in ea petenda nulla graduum successio locum habeat. Fac itaque patrem exhæredavisse filium, et ex hoc nepotem præteriisse, filium autem post testatorem, sed antequam hæres adiverit hereditatem, decessisse. Nepotem neque inofficiosi querelam movere, neque testamentum rumpere potest (1). Quum enim nepotes avo non ab intestato succedant, quamdiu parentes adhuc vivant, consequens est, illorum præteritionem testamentum avi rumpere nequaquam posse : cum nec exhæredari hujusmodi nepos deberet ab avo, quem pater præcedebat, ut Ulpianus dicit l. 6 pr. ff. de injusto rupto irrit. testam. Vinnius (2) quidem et Noodt (3) contendunt, nepotibus querelam competere casu, quo pater eorum exhæredatus eam movere vel non potuisset vel non voluisse : sed l. 51 ff. de inoff test. (4), quæ opinionem defendunt, de successione ordinum, in querela inofficiosi certè locum habente, non autem de successione graduum loquitur.

§. 11. Legitimati per subsequens matrimonium eodem jure gaudent ac legitimi, legitimam postulandi ex hæreditate omium parentum, quum legitimatione omnia jura obtineant quæ habent, si legitimi ab initio fuissent. Nov. 74 et 48.

Dubitant aliqui, utrum naturalibus liberis, rescripto principis plene legitimatis, legitima relinquenda sit? Id affirmandum existimo ex § 2 inst. de hæred. quæ ab intest. deferunt etiam si legitimi liberi posteà extarent, cum concurrat factum principis, quod in locum legis succedit, nec non potestas et voluntas patris

(1) L. 9 § 2 ff. de liber. et posth. l. 6. ff. de inj. rupto et irrito test. l. 7 ff. unde liberi Ant. Faber de error pragmaticor. dec. XXIX, err. 5. Voet ad ff. h. l. § 6.

(2) Select. juris quæst : lib I cap. 20.

(3) Comment. ad Pand. h. l. operum tomo II, p. 163.

(4) Si is, qui admittitur ad accusationem, nolit aut non possit accusare, an sequens admittatur, videndum est; et placuit posse, ut fiat successionis locus.

qui potest de bonis suis libere disponere , et legitimatione filium suum ut hæredem assumere , ut ita remotores excluderet cognatos affinesque . Accedit , quod hac legitimatione liberi consequantur eadem jura , ac si legitimè nati essent , ut appareat ex Nov. 74 cap. 2.^o et Nov. 89 cap. 9. Neque obest , quod in eadem Nov. 74 in fine dicatur , quod *suis existentibus , deinde naturalibus procreatis , aut primitus natis , nequaquam legitimorum jus iis adjiciatur* . Nam verborum horum ille est sensus , liberos ordinariè non legitimari , si anteà legitimi nati adsint , at si post factam legitimationem nascentur legitimi , valida manebit legitimatio ex principio : *quæ semel ritò constituta , durat ; § 14. Inst. de leg.* (1). Aluid dicendum esse existimo circa legitimam in successione cognatorum , cum legitimati eis ab intestato succedere nequeant , nisi aliter foret expressum in rescripto .

Quoad legitimatos per oblationem curiæ , dubium nullum , quiu legitimam petere possint ex successione patris legitimantis , non autem ex illa coequatorum , quibus ab intestato succedere nequeunt . Nov. 89 cap. 2^o et seq. l. 9. C. de nat. liber. (2).

§ III. Illegitimis liberis non debetur legitima ex hæreditate paterna , cum patris testamentum non impugnant , quia ille incertus habetur . Nec pater inofficiosus erga illos dici potest , cum justis liberis existentibus , non licet patri plus unciæ illis relinquere . Nov. 89 princ. Etsi , cum uxor et liberi legitimi desint , illis eadem nov. 89 cap. 12 § 4.^o duea unciæ concedantur , id ex speciali legis concessione profluit , adeoque ad alias casus nou est extendendum . Respectu matris , liberi illegitimi catenùs legitimam postulare possunt , quatenus matri ab intestato succedunt (3) ; inde spurii legitimam frustra vindicarent in successione matris illustris originis ; et quæ liberos ex justo matrimonio habet . l. pen. C. ad SCstum Orphitianum .

(1) Confer. Voetius ad ff. lib. XXV tit. 7^o n^o 13 et 14, et Perezius ad cod. lib. 5 tit. 27 n^o 20.

(2) Conf. Voetius loco cit. n^o 50.

(3) Ulpianus expressè dicit : *de inofficio testamento matris. spurii quoque filii sunt dicendi*: l. 29 § 1 ff. de inoff. test. l. 8 ff. unde cognati.

§ IV. Minus plenē adoptatis, jure antiquo quum transirent in potestatem patris adoptantis, querela concessa erat contra testamentum illius patris, si a successione remoti injustè essent; porrò cum adoptio imitetur naturam, ut legitimi habebantur liberi adoptati, et legitimam eis relinquiri oportebat. § 4.^o *Inst. de inoff. testam.* At jure novo, æqua ratione ductus, illud mutavit Justinianus, statuitque, ut in potestate patris naturalis remaneret adoptatus, et jus ad successionem ejus retineret, l. 10 *C. de adopt.* Itaque adoptati jus ad legitimam habent ex hereditate patris naturalis, nullatenus ex illa adoptantis, cum querela contra ejus testamentum eis denegetur; l. 10 *C. de adopt.* § 2.^o *Inst. de inoff. testam.* (1). Contrarium tamen jure novo quoque obtinet, si ascendens sit adoptans; § 2.^o *Inst. de inoff. test.*; tum juris veteris dispositiones servantur, et legitima adoptato competit in successione adoptantis.

Si queritur an, qui arrogati dicuntur in jure Romano, legitimam haheant ex bonis patris arrogatoris, distinguendum est: si puberes, gaudent legitimam in bonis arrogatoris l. 10; § 5.^o *C. de adopt.*, l. penult. § ult. ff. eodem. Si impuberis, legitimam amplius non vindicare possunt, sed remedium eis conceditur quartæ Divi pii, quod est *actio personalis* l. 1 § 21 *de collat. bonor.*, et quod querelam excludit l. 8 § 15 ff. *de inoff. test.* In successione cognatorum nunquam eis legitima debetur, cum arrogatio non jura cognitionis tribuat; l. 23 § 5 ff. *de adopt.*

§ V. Cum emancipatione liberi tantum excedant patriam potestatem, sed cætera jura inter illos et patrem remaneant, ideo emancipatis competit legitima; *vid. nov. 118 cap. 1 et 4*; quemadmodum querela ipsis non denegatur; § 2^o *Inst. l. 4 C. de liberis præteritis.* Confer. *Voetius ad ff. lib. V tit. 2.^o n.^o 5.^o*

§ VI. In consuetudinibus nostris serè eadem principia servabantur atque in jure Romano. Legitima quoque ante omnia liberi debebatur, uti videri potest in textibus jamjam allatis post historiam legitimæ. 2^o Legitimatio per oblationem curiæ sicut et

(1) *Conf. Voetius ad ff. lib. V tit. 2.^o n.^o 11.^o*

adoptio atque emancipatio exoleverat, uti nobis testatur Groenewegen (1). 3º quoad naturales liberos, principia eadem ac de jure romano leguntur in consuetudinibus *Gand.* rubr. 26 art. 11 *Brug.* tit. 9 art. 2. *Ipren.* rub. 10 art. 5 *Cortrac.* rub. 15 art. 34 et *Aldenar.* rub. 25 art. 39 etc.

SECTIO TERTIA.

ASCENDENTIUM LEGITIMA.

§ I. Liberis deficientibus, parentes semper jure rom. secundo loco vocati fuerunt ad legitimam, l. 17 et 28 *de inoff. test. nov.* 115 cap. 4º *Authent. licet. Cod. de nat. lib.* imo id ita obtinebat etiam jure veteri, quamvis parentes fratribus postponerentur in successione ab intestato; nam «*etsi parentibus non debeatur hæreditas, propter votum parentum et naturalem erga filios charitatem, turbato tamen ordine mortalitatis, non minus parentibus quam liberis piè relinqu debet*» l. 15 ff. *de inoff. test.*

§ II Legitima tamen parentibus non nisi *naturalibus* debetur haud verò *adoptivis* (2). Et quoque adversus testamentum filii in adoptionem dati pater *naturalis* rectè de inofficio testamento agere potest, ita ut *adoptio filii plena patris naturalis jus ad legitimam minimè excludat.* l. 30 pr. ff. h. t. Hoc jam diù antea edicto prætoris *Calpurnii Pisonis* introductum fuit, uti testatur *Valerius Maximus.* (3)

Legitima tamen non proximis dumtaxat ascendentibus debetur; non autem parentibus solis, sed quoque, his præmortuis, avo vel proavo vel remotissimis ascendentibus, ita, ut tamen proximiore

(1) De legibus abrogatis p. 7 et 9 editio Lugduni-Batavorum 1649.

(2) Gluck diss. de constituenda legitimæ portionis parentum quantitate, sect. i § 3. In opusc. jur. fascic. III pag. 22 et seq.

(3) Lib. VII cap. 7 § 5: «Egregia quoque est C. Calpurnii Pisonis, prætoris urbani, constitutio. Cum enim ad eum Terentius ex octo filiis, quos in adolescentiam perduxerat ab uno, in adoptionem dato, exhaeredatum se querelam detulisset: bonorum adolescentis possessionem ei dedit, hæredesque lege agere passus non est. Movit profectò Pisonem patria majestas, dominum vitæ, beneficium educationis.»

semper remotiores excludant. Quod, si tamen ascendens defuncto proximus, cui legitima debebatur, præteritus aut exhæredatus querelam instituere aut noluerit aut non potuerit, remotiores ascendentes in legitimam minimè succedunt, sed exclusi tenentur, quia, quum de legitima et inofficiosi querela agatur, *graduum* successio nulla locum habet (1).

§ III. Quum jura successionis sint *reciproqua*, sequitur, *illegitimis* eatenū tantum ascendentibus legitimam debere, quantumū ipsi ab ascendentibus legitimam petendi jus habeant. Quam ob causam itaque mater a sobole illegitima, dummodo huic ab intestato succedat, legitimam petere, et præterita vel injustè exhæredata querelam movere potest; filius tamen naturalis patrem præterire potest, quum ab hoc quoque præteriri possit; nisi tamen plenā legitimatione jura legitimi adquisiverit. Quod ad hanc ascendentium legitimam denique attinet, hoc adhuc observandum venit, illos tunc demum ex descendentium bonis legitimam postulare posse, si ipsi testentur, et ideo testamenti factionem habeant. Quòd si enim liberi adhuc minores nequeant testari, pater in testamento, vi substitutionis pupillaris, pro illis confecto matrem impunè potest excludere, l. 8 § 5 ff. *de inoff. test. cap. 1 de testam.* in 6º *Ant. Merenda* controv. jur. lib. III cap. 40; contra *Westenberg* de portione legit. diss. II cap. 3 § 8º.

§ IV. Florentibus consuetudinibus, hæc legitima ascendentium generatim admittebatur. Testantur id nobis *De Ghewiet* (2) et *consuet. Alden.* rub. 8 art. 1, nec non illa *Gand.* rubr. 12 art. 2. quæ jus scriptum invocat.

(1) *Ant. Faber* err. *pragmat. dec. 29* err. *Hofacker* princ. jur. romani, qui § 1697 notā 6 rationes optime exposuit.

(2) *Institutions du droit belgique* part. 2 rit 4 § 14 art. 7.

SECTIO QUARTA.

COLLATERALIUM LEGITIMA.

§ I. Deficientibus liberis et parentibus, quibus legitima debetur, vel his exclusis, et querelam instituere nolentibus vel impotentibus, legitimam postulare possunt 3º *fratres sororesque defuncti* § 1º *Inst. de inoff. test.* l. i l. 8 § 5 ff. eod. Quibus tamen legitima tunc demum debetur, si persona turpis a testatore praelata illis fuerit. Quam ob causam Justinianus nov. 1ª præf. § 2 dicit. « Considerandum est, legem quibusdam testatoribus necessitatem impo- « nere, partem aliquam certis personis tribuendi, tanquam a na- « tura iis debitam, ut liberis, nepotibus, patribus et matribus, « interdum etiam fratribus. » et § 1º *Ins. h. t.* « soror autem et « frater, turpibus personis scriptis hæredibus, ex sacris constitu- « tionibus prælati sunt, non ergo contra omnes hæredes agere « possunt. »

Constitutionis autem integræ, qua hoc principium stabilitur, legis scilicet 27 *C. de inoff. test.*, verba clara sunt, nec dubium relinquunt. Hæc autem l. 27. c. *de inoff. test.* per Tribonianum consarcinata est e duabus diversis Constantini Magni constitutionibus, lege scilicet i et l. 3 *cod. Theodos. de inoff. test.* quarum dispositiones nosse juvabit, quum ex iis tanquam fontibus l. 27 *C. Just.* promanaverit l. i *Cod. Theod. de inoff. test.* ita sonat: « *Fratres uterini ab inofficiosis actionibus arceantur, et ger- manis tantummodo fratribus adversus eos dumtaxat institutos hæredes, quibus inustas constiterit esse notas detestabilis turpitudinis, agnatione durante, sine auxilio prætoris, petitionis adi- tus referretur.* »

Legis autem 3 Cod. Theod. verba: « *Servus necessarius instituen- dus est, quia non magis patrimonium quam infamiam consequi videtur; unde Claret actionem inofficiosi fratribus relaxatam, cum infamie adsperrgitur vitiis iis, qui hæres exstitit omniaque fra-*

« tribus tradi, quæ per *Turpitudinem*, aut aliquam *levem notam* capere « non potest institutus. Ita in hac quoque parte, si quando libertis « heredibus institutis fratres fuerint alieni, inofficiosi actione pro- « posita, prævaleant in omnibus occupandis facultatibus defuncti, « quas ille perperam ad libertos voluerat pertinere.» Hisce constitutionibus inter se comparatis principia duo sequentia profluunt.

§ II. Non omnibus fratribus sororibusque querela inofficiosi competit, sed fratribus sororibusque dumtaxat *germanis* atque *consanguineis*. Constantinus quidem in l. 1 C. Theod. fratum non nisi germanorum mentionem facit, et Tribonianus *consanguineos* dicit loco *germanorum*. Sed jam Gothofredus in comment. ad l. 1 C. Theod. h. t. observat, Constantimum voce germanorum omnes fratres sororesque ab eodem patre procreatōs complecti, non itaque solos fratres sororesque ab eodem patre cum eadem matre (germanos str. s. d.) sed quoque ab eodem patre cum diversis matribus progenitos (consanguineos) quod quoque ex eo appareat, quod Constantinus uterinos opponat Germanis. Eodem quoque modo vocabulum *consanguinei*, quo Tribonianus in l. 27 C. h. t. utitur, germanos quoque comprehendit, eo, quod tunc temporis fratres sororesque *bilaterales* sive *germani* et *consanguinei* eisdem succedendi juribus utebantur, et ideo vocabula *germani* et *consanguinei* synonima saepius in legibus nostris occurserunt, ut demonstravit J. H. Boehmer diss. de querela inoff. fratum consanguineorum § 18. Quam igitur ob causam magnoperè errant qui credunt, *consanguineos* tum dénum, si turpis persona iis prælata fuerit, germanos autem semper inoff. querelam movere posse quia l. 27 C. h. t. consanguineis dumtaxat hanc conditionem imponat. Hanc opinionem esse inanem probavit rite J. H. Boehmer diss. laud. §. 17, 18. In eo tamen Constantinus et Tribonianus consentiunt, quod uterini ab utroque sub nulla conditione ad legitimam admittantur. Inter fratres autem sororesque *uterinos* non solum intelliguntur, qui à diversis patribus cum eadem matre, in justo matrimonio, sed quoque qui ab eodem patre cum eadem matre, sed extra matrimonium procreati, ne-

que postea plenè legitimati, matri quidem non autem patri plenè succedunt (1). Constantinus primus fuit, qui uterinos a querela excluderet, quum leges ante Constantinum omnes de fratribus sororibusque sine distinctione facta loquuntur, l. 1 ff. l. 21 *C. de inoff. test.* : quam ab causam uterinjs quoque, dummodo bonorum possessionem unde cognati antea obtinuerint, querelæ movendæ via patuit *Ant. Faber in rational. ad l. 6 ff. de inoff. test.*

Conditiones, sub quibus germanis consanguineisque querela conceditur, secundum Constantini constitutiones sunt sequentes.

1.^o *Agnatione* dumtaxat durante ius querelam movendi concessum iis est, quia Constantini temporibus ius agnationis emancipatione sublatum est. Tribonianus autem l. 27 *C. de inoff. test.* id mutavit, et expressè ita scribit : *Durante agnatione vel non*; ita ut legitima tam emancipatis quam non emancipatis jure Justineaneo competit. 2.^o Querela fratribus sororibusque germanis atque consanguineis non contrà omnes hæredes institutos, sed contrà eos dumtaxat ex Constantini constitutionibus concessa est, *quibus inustas constiterit esse notas detestabilis turpitudinis*, et tales institutæ in testamento personæ patribus sororibusque præteritis omnia remittere debent, *quæ per turpitudinem aut aliquam levem notam capere non potest institutus*. Tribonianus autem in l. 27 substituit : « si scripti hæredes infamiae vel turpitudinis vel levis notæ macula asperguntur. »

§. III. Ex verbis legis citatæ 27 *Cod. de inoff. testam.* : *Si scripti hæredes infamiae vel turpitudinis vel levis notæ macula asperguntur, maximæ controversiæ ortæ sunt inter interpretes* : Quisnam scilicet gradus turpitudinis vel infamiae hæredis instituti requiritur, ut legitima fratribus vel sororibus competit? Infamia autem est diminutio famæ vel existimationis; quæ est dignitatis illæsæ status legibus ac moribus comprobatus; l. 5 §. 1 ff. *de extraord. cognitionibus*. Duplicem infamiam omnes distinguunt interpretes, *juris nempe et facti*.

(1) Conf. Koch de successione ab intest. § 83 et seq.

Infamia juris, illa dicitur, quæ ex turpi vitæ facto, per jus notato irrogatur. *Vid. l. 12. Cod. ex quib. caus. inf. irrog.*

Infamia facti, quā quis apud honestos viros pro infami habetur, quamvis eum neque lex, neque judicis sententia infamem declaret, *vid. l. 39. ff. de furtis, l. 20 de his qui notant. inf.*

De infamia juris nulla difficultas: omnes consentiunt, personas, quæ illa notentur, comprehendendi dispositione legis 27 *Cod. de inoff. test.* At controversia movetur circa illas personas, quæ infamia facti notantur, inter quas 1.^o numerantur debitores, qui insolvendo facti sunt suā culpā. *Nov. 115. cap. 1.^o 2.^o* Qui artis ludicræ pronuntiandive causā in scenam prodierunt *l. 1. ff. de his qui not. infam.* 3.^o Qui ab exercitu ignominiæ causā demittuntur *l. 2. ff. de his qui inf. not.* 4.^o Mulieres, quæ turpiter vivunt, et vulgo corpore questum faciunt, vel fecerunt, *l. 41. et 43. § 4.^o ff. de ritu nupt.* Van Leeuwen (1), et alii quos memorat, et quorum sententiæ suffragamur, existimant, personas tali infamia notatas excludi a legitima per dispositionem *l. 27 C. de inoff. testam.*; cum turpis persona in eadem definiatur, quæ vel turpitudinis vel infamiae vel levis notæ macula aspergitur, quibus verbis haud dubii infames anteā memorati comprehenduntur.

§. IV. Dubitaverunt aliqui, an liberi ex conjunctione illicita procreati, infamia notati dici possint? Voetii (2), Huberi (3) et Van Leeuwen (4) sententiam amplector, illos nulla infamiae nota maculari. Æquitas et recta ratiō non patiuntur, ut infames dicantur; nihil enim commiserunt, quod existimationem suam offenderet apud justos viros, et crimen paternum nullam maculam filiis infligere potest *l. 26. ff. de pœnis, l. 5. et 6. ff. de decurionib., l. 7. ff. de nat. lib.*

(1) In cens. forens. lib. 3 cap. 4 n^o 7.

(2) Ad ff. lib. 5 lit. 2 n^o 10.

(3) Ad inst. lib. 2 lit. 18 n^o 4.

(4) Censura forensis part. 1 p. 181 n^o 8.

Nec ulla distinctio admittenda est inter naturales et illos, qui ex damnato coitu nati sunt, uti aliqui volunt. *L. 26 ff. de pœnis generalis* est, nec patitur exceptionem ullam, præsertim cum odiosa restringenda sint, et nulla lex distinctionem illam confirmet.

Alii frustrâ vero objiciunt nostræ sententiæ *l. 3 § 2.^o ff. de decurionibus*. Quamquam vero hæc lex legitimè procreatos naturalibus quoad munera publica anteferat, inde tamen consequi nequit, naturales liberos infamia maculatos esse, è contra lex in eodem paragrapho testatur, illos ad munera *et re et vitâ honestâ* admittendos esse.

§ V. Non minoris difficultatis est, utrum infamia proroganda sit ad liberos, quos pater per testamentum reprehendit, aut contumeliae notâ designavit? Primo intuitu affirmativè cum *Accursio* (1) decidendum esse videtur ex dispositione *l. 13 C. ex quib. causis infam. irrog.*, quæ expressè decidit, quamvis reprehensio patris in testamento non inuerteret ignominiam liberis, tamen apud graves et honestos viros existimationem illorum onerari. Nihil vero re accuratè perpensa iniquius quam illa Accursii sententia. Huic merito obstat opinio Le Brun (2), cui suffragamur. Quid enim frequentius quam reprehensio paterna? *Hoc enim pater circa filium solet facere*, ait legislator in *l. 132 ff. de verb. oblig.* Aliquando vero natura et auctoritas paterna patres impellit, ut filios redarguant, ut ita illos ad meliores mores ducant. At ex verbis illis paternis non erendum, liberos illos infamia notatos esse; nam si iniquum illum juris rigorem cognovisset pater, haud dubiè filium suum non redarguisset. Nec ullo modo illa legis conditoribus sententia tribui potest, cum *l. 4 de inoff. test. aperte dicat*; *non est consentiendum parentibus, qui injurias adversus liberos testamento indicunt*.

§ VI. Mutatio morum hæredis instituti num impediat, quoniam fratres sororesve præcedentem turpitudinem invocent, ut

(1) Cuius sententiam tradit Le Brun: *Traité des succ.* liv. 2 chap. 3 sect. 2, n° 23 pag. 226.
(2) Loco laudato.

legitimam obtineant, quæstio est? Naturalis ratio solutionem hujus quæstionis dictat, distinctionesque faciendas esse præscribit.

Si hæc mutatio ante obitum testatoris evenerit, et infamis non tantum infamiae notam exuerit, sed insuper sententiam, restituentem famam et honorem suum, obtinuerit, dubium non datur, quin ille, acsi nunquam ignominia notatus fuisse, habeatur: ita si aliquis furti reus sententiæ iniquè dictus fuisse, et posteà, vero reo cognito, sententiæ honoris restitutoria liberaretur, sanè non infamia notatus dici posset. At si poenitentia tantum adesset a parte instituti, qui sese ad meliora verteret, tamen perseverat nota infamiae, quamdiu sententiam, restituentem famam suam, non obtinuerit; ita mulier questuaria ad mores integros reversa tamén infamia non purgatur *l. 43 § 5° ff. de ritu nuptiar.*

Si post obitum testatoris accédat morum mutatio, indistinctè fratres et sorores, dum legitimam salvam non habeant, ad querelam admittuntur; nec quidquam iniquum in illa dispositione reprehenderis; nam testamenta confirmantur morte testatoris; ideo ab hoc momento, jus querelam movendi acquisitum est fratribus et sororibus, et quod nostrum semel est, ad alium transferri nequit *l. 11 ff. de reg. jur.*

Si autem nota infamiae tantum obveniat post mortem testatoris, querelæ locus non est, nec legitimam requirere possunt fratres. Nullam enim injuriam illis fecit frater, cum illis extraneum antetulerit, qui infamia nondum notatus erat: injuria enim non intelligitur nisi ubi intentio et factum concurrunt *l. 5 § 2 ff. de injuriis.*

§ VII. Auctores disputant, si persona infamis instituta una sit ex fratribus vel sororibus defuncti, an tum etiam cæteris jus sit petendi legitimam? Contraria opinio nobis æquior et juris principiis accommodatior videtur. Lex enim *27 C. de inoff. test.* nullas admittit distinctiones, itaque et nos distinguere valide non possumus.

§ VIII. Incidit quæstio, an fratres sororesve querelæ jus vindicare possint, si ipsimet notati sunt eadem infamia, quam exprobrant instituto hæredi. Plurimi auctores negativè respondent (1)

(1) Confer. Donnelly comment. de jure civili, lib. 6 cap. 15 n° 8.

eorumque sententia admittenda videtur. Hæc conditionis paritas non permittit; ut querelam movere possimus, et fratri exprobrare eamdem turpitudinem, quæ in fronte nostra eluet, et unde erubescere debemus *l. 47 ff. soluto matrim.* Huic casui applicari possent Juvenalis versus (1).

Quis inlerit Græchos de seditione querentes?
 Quis cælum terris non misceat, et mare cælo
 Si fur displiceat Verri? homicida Miloni?
 Clodius accuset mæchos? Catilina Cethegum?
 In tabulam Sullæ, si dicant discipuli tres?

Nostra opinio pluribus quoque juris Romani textibus corroboratur. Ob eamdem enim rationem pater non poterat exhæredare filios, ob id, quod gladiatores essent, si ipse pater eodem munere functus fuisset; uti expresse testatur *l. 11 C. de inoff. testam.* Objectio non minoris ponderis hic verò fieri potest. Jus Romanum tantum tres causas determinavit, ob quas frater fratrem præterire aut exhæredare potest, etiam institutæ turpi personæ, inter quas causas species hujus controversiæ non numeratur.

Sed 1º nov. 22 cap. 47 causas tres allegat ob quas fratres et sorores *a successione ab intestato exclusi sunt*; non itaque causas exponere voluit, ob quas fratres et sorores *in testamento* justè exhæredari vel præteriri possent. Dubitari quidem nequit, fratribus exhæredati vel præteriti querelam, contra personam turpem institutam, nullum effectum producturam, si hæc unam ex illis tribus causis probaverit, sed exinde nondum concludi potest, fratres atque sorores ex nulla alia causa quam ex iis tribus, ob quas propter ingratitudinem a successione legitimæ removeantur, exhæredari vel præteriri posse. 2º Ab indignitate ad successionem ab intestato consequentiam trahi non posse ad exhæredationem per testamentum, exinde clarum erit, quod Nov. 115 cap. 3, 4 plures alleget causas, ex quibus ascendentes et descendentes per testamentum possint exhæredari, sed ex his *paucas* tantum recenset, ob quas *a successione ab intestato* etiam remo-

(1) Sal. 2 vers. 24.

veantur. Neque 3.^o credendum est, Justinianum tribus dumtaxat causis quoad exhaeredationem fratrum sororumque acquievisse, quem quoad ascendentium exhaeredationem octo, descendantium autem quatuordecim causas statuerit. Ex omnibus hisce appareat, judicis arbitrio relictum esse debere, inquirere, utrum fratres atque sorores justè fuerint exhaeredati vel præteriti, nec ne. Quum autem fratres et sorores ipsimet infames de injuria conqueri non possint, quod persona turpis in testamento illis prælata sit, querela illis competere nequaquam potest.

Si fratres vel sorores, qui legitimam portionem vendieant, non tantā infamiæ maculâ aspersi sint, quantā hæres institutus, tum, deficiente paritate conditionis, jure legitimam postulant.

§. IX. Si testator simul instituat personam infamem et personam honestam, cum Voetio (1) et Brunnemanno (2) opinor, querelam pro ea parte concedendam esse, pro qua scriptus est infamia laborans, rata manente defuneti dispositione quantum ad reliquos institutos, nullā infamia notatos. Haec sententia expressis verbis sustinetur l. 24. § de inoff. test. Nec obstat regula: *Nemo pro parte testatus pro parte intestatus mori potest.* Nam testamentum integrum existit tempore mortis testatoris; aliter non locus foret rescissioni per querelam, sed penitus nullam esset, inde testamentum ex postfacto meritò pro parte rescindi potest, uti testantur l. 15 C. de inoff. test. et l. 15 § 2 ff. eod.

Si in hac specie persona infamis renunciaret hæreditati testatoris, non accresceret pars personæ honestæ; at fratres sororesve, quibus legitima non relicta est, haberent querelam adversus hæredem honestum pro parte alterius instituti; et hoc, sive renunciatio gratuita fuerit sive onerosa. Qui enim acquirit jure accrescendi jus sui cohæredis, tenetur ad omnia onera l. 1 § 4^o C. de caduc. toll. In specie pars hæredis infamis subjacebat querelæ: ita huic obnoxia permanet (3).

(1) Ad ff. lib. 5 tit. 2 n^o 9.

(2) Ad ff. lib. 5 tit. 2 n^o 24.

(3) Confer. Brunnemannum loco landato et auctores ab ipso allegatos.

§ X. Præter infames et turpes personas aliæ quædam dantur, quarum institutio jus tradit fratribus sororibusve ad querelam et legitimam *l. 27 C. de inoff. test.* Illæ personæ sunt liberti, qui, ut *l. 27* dicit, « perperam, et non bene merentes, maximis que beneficiis suum patronum assecuti non sunt. » In hac lege vocabulum non omissum est, ut optimè probavit Puttmann in interp. et observ. Jur. Rom. Cap. 29 p. 143. Constantinus in *l. 3. C. Theod. de inoff. test.* sine distinctione patribus sororibusque, si, libertis institutis, a successione fuerint alieni, querelam concedit. Quum autem Justinianus in *l. un. C. de latinor. lib. toll.* libertis jura libertatis et ingenuitatis concessisset, hanc quoque Constantini dispositionem mutavit.

§ XI. Hactenus principia juris romani de personis, quibus legitima relinqu debeat, exposui; sed quæstio certe maximi momenti solvenda occurrit, utrum Justinianus per nov. 118 illa immutaverit nec ne, quum per illam novum succedendi ab intestato ordinem introduceret. Nam 1º secundum *Nov. 118* fratres sororesque bilaterales cum ascendentibus in successione ab intestato concurrunt. Quam ob causam plures (1) contendunt, illos etiam cum his jus idem ad legitimam habere, dummodo persona turpis illis sit prælata.

2º Secundum *Nov. 118* liberi fratum sororumque prædefunctionum jure repræsentationis gaudent, vi cujus cum fratribus sororibusque defuncti in successione ab intestato concurrunt, eamque hæreditatis partem capiunt, quam parentes præmortui accepturi fuissent. Ex hâc ratione *Otto* (2) opinionem sequitur, illos etiam quoad legitimam fratribus sororibusque æquales esse.

3º Secundum *nov. 118 cap. 3* fratum sororumque bilateralium liberi in successione ab intestato fratres sororesque unilaterales præcedunt. Nonne etiam idem jus præcipuum illis quoad legitimam competit, si testator personam turpem instituerit?

(1) *Vinuus* comineut. ad § 1 de inoff. test. et *Boehmer* in diss. de querela inoff. patrum consanguineorum § 25.

(2) *Comment.* ad § 1 J. de inoff. test. n° 4.

J. H. Boehmer id contendit. (1) Sunt denique JCTI., (2) qui conteundunt, secundum nov. 118 cap. 4. nullum amplius discriminem inter uterinos atque consanguineos quoad jus ad legitimam intercedere: legem 27 C. de inoff. test. enim uterinos eam ob causam a legitima exclusisse, quia *cognati* essent, qui antiquo jure succedere ab intestato non potuissent. Justinianum autem omnem *cognatos* inter atque *agnatos* differentiam nov. 118 cap. 4 sustulisse, adeoque cessante legis ratione cessare quoque illius dispositionem.

Omnis difficultas in eo hæret, utrum a jure succedendi ab intestato argumentum affirmativum quoque valeat et deduci possit ad jus legitimam postulandi, nec ne. Hacce quæstione soluta omnia, quæ ab auctoribus citatis moventur, dubia evanescunt. Voëtius comment. ad Pand. de inoff test. § 11 et Gluck opuscula jurid. fascic. III pag. 47 seqq. firmissimis argumentis evicerunt, à jure succedendi ab intestato argumentum affirmativum ad legitimam duci haudquaquam posse, ita ut jus ab intestato succedendi alicui posset competere, quin tamen legitimam sibi vindicare queat.

Leges enim 1º in illis personis, quibus jus ad legitimam, et inde ad querelam concesserunt, neque agnationem, neque cognationem, sed solum *sanguinis vinculum*, quo quis cum defuncto junctus fuerit consuluerunt: quam ob causam non ordinem succedendi ab intestato vi jurium familiæ et agnationis securæ sunt in dispositionibus suis circa legitimam et querelam inofficiosi, sed solum pietatis officium, quod defunctus erga personam quandam habuit, solainque injuriam, per inofficium tale testamentum personæ illatum, respexerant. Documento sunt l. 2 et 8 ff. de inoff. test. Quo arctiori sanguinis vinculo quis cum defuncto junctus, quo gravior injuria per præteritionem vel exhaeredationem ei illata esset, eo potiori jure querelam movere potuit. Quam ob causam

(1) Dissert. cit. § 25 ita dicit: « si fratum germanorum liberi, una cum consanguineo defuncti patris exclusi sunt a testatore, soli fratum germanorum liberi ad querelam admittuntur, quia paria cum germanis jura in successione accepérunt, et præterea consanguincis præferuntur. »

(2) Otto comment. ad inst. ad tit. de inoff. test. § 1 Boehmer diss. laud. § 27 Huberns præl. ad inst. lib. II tit. 18 n^o 4.

parentes præcedunt fratres sororesque in movenda querela, et jura horum ad legitimam conditionibus restricta erant. Quam ob causam cognati, qui tamen hæredes jure civili non erant; perindè ac agnati querelam instituendi jus habebant l. 5 pr. l. 6. pr. ff. de inoff. test.

2º. Inofficiosi querela, quum sub furoris colore moveretur, remedium legibus odiosum fuit. Constitutionibus tituli Codicis de inoff. testam. cum illis tituli de legitimis hæredibus inter se comparatis clarius apparebit, Justinianum ex una parte inofficiosi querelam, quantum fieri posset, restringere, ex altera autem successionis legitimæ limites magis proferre voluisse. Quoniam jure igitur contendere quis posset, Justiniani consilium fuisse, tot constitutiones atque leges expressas, principia de legitima et inoff. querela continentis, per nov. 118 tacitè abrogandi, quæ non nisi successionem ab intestato regens querelæ et legitimæ ne verbo quidem mentionem facit? Quomodo fieri potuisset, quod Justinianus querelam ac legitimam silentio plane præteriisset, si ordinem succedendi ab intestato, novella 118 constitutum, etiam quoad legitimam atque querelam introducere voluisse? Nemo certe de Justiniano contendet, cum tacitè jus antiquum abrogare voluisse, cui notum est, imperatorem, quotiescumque juris antiqui præcepta immutaverit vel abrogaverit, eorum speciatim mentionem facere, suarumque constitutionum divinas quasi virtutes prædicare et extollere solere, quod jam Vinnius select. juris quæst. lib. 2 cap. 20 21 observavit.

Liquet itaque, quamvis fratres sororesque germani unà cum ascendentibus ab intestato succedant, eos tamen cum his ad legitimam concurrere, et querelam conjunctos movere non posse; quod clarius adhuc exinde sequitur, quod illi jure ad legitimam conditione restricto, ergo hypothetico dumtaxat gaudeant. Quodsi a jure succedendi ab intestato ad legitimam argumentum affirmatum valeret, fratres sororesque germani, etiam turpi persona non institutæ, ad querelam admitti deberent, quia etiam ab intestato sine illa conditione succedunt; quod tamen nusquam introductum

videmus. Hanc opinionem quoque defendunt Voetius (1) Hofacker (2) et Huberus (3).

Neque fratrum sororumque liberis legitima competit, quamvis jure Justiniane cum illis in successione ab intestato concurrant. Nam 1º. Leges (4) expressæ eos a legitima et querela remotos volunt, quarum dispositiones posteâ abrogatæ non sunt, neque tacitè abrogatæ præsumi possunt, ex ratione suprà exposita. 2º. Jus repræsentationis fratrum sororumque liberis tanquam privilegium concessum est; Justinianus enim expressè in nov. 118 cap. 3 dicit: « Hujusmodi privilegium in hoc ordine cognationis « solis præbemus fratrum masculorum et seminarum filiis aut filia- « bus: *ut in suorum parentum jura succedant.* » Quum autem privilegia interpretationis restructivæ sint, sequitur, jus repræsentationis fratrum sororumve liberis in successione ab intestato concessum esse, neque ad legitimam protrahi posse (5).

Ex supra dictis denique luce clarius appareat, uterinos per nov. 118 nullum jus ad legitimam accepisse, quamvis per hanc nov. unà cum consanguineis ad successionem ab intestato vocentur, omnisque agnatos inter atque cognatos differentia quoad successionem ab intest. sit sublata. Neque opponi possunt sententiæ nostræ verba cap. 4 nov. 118. Huberus (6) his verbis probare conatus est, Justinianum *uterinos* unà cum *consanguineis* ad legitimam vocasse: sed si verba hujus capitii sequentia legamus et attentè consideremus, consentire cogimur, ea non nisi de successione ab intestato loqui, quod verba præfationis extra omnem dubitationis aleam ponunt. « *Cum multas — quæ nunc definimus.* » 2º Longe jam ante nov. 118 anno 543 promulgatam, Justinianus anno 534 l. 15 § 2 C. de *legit. hæred.* edidit, quā uterinos perindè ac consanguineos ad

(1) Comment. ad ff. tit. de inoff. test. § II. lib. 5 tit. 2.

(2) Principia juris rom. II § 1693 et 1697.

(3) Ad ff. lib. 5 tit. 2 n° 9.

(4) § 1º in fine inst. de inoff. test. I. 1 ff. 1. 21 C. eod. nov. 1 in præf. § 2, in fine.

(5) Voet comment. ad ff. lib. 5 tit. 1 2º § 11. Lebrun, Traité des successions, I. 2 chap. 5, sect. 2 n° 27. Hofacker, Princ. jur. rom., tom. II § 1693.

(6) Prælec. ad inst. lib. II tit. 18 n° 4.

successionem ab intestato admittit; verba legis videantur: «*Sed nec fratrem — esse sancimus.* » Nihilominus tamen in eodem codice l. 27 de inoff. test. recepit, quae uterinos a legitima excludit. Oppugnant quidem adversarii, Justinianum l. 27 codici jam inseruisse, antequam l. 15 tulerit: et postea, quum l. 15 in codice repetitæ prælectionis exciperet, illam tollere oblitum esse. Sed hæc adversariorum opinio mera est conjectura, solido fundamento destituta. Ratione falsa nititur, quasi uterini a legitima fuerint exclusi, quia cognati sunt. Leges autem in dispositionibus suis circa querelam et legitimam, neque agnationis neque cognationis vinculum respxisse, supra jam probavi, et clarus adhuc ex ipsa l. 27 C. de inoff. test. fluit. Quæ enim lex ex duabus Constantini constitutionibus consarcinuata est, nempe ex l. 1 et 3 C. Theod. de inoff. test. In priore Constantinus dicit: «*Germanis tantummodo fratribus, agnatione durante, petitionis aditus refertur.* » Tribonianus autem in l. 27 C. de inoff. test. substituit: *Durante agnatione, vel non, quibus verbis indicare certe voluit, in fratrum sororumque legitimâ et querelâ, jura agnationis minime respicienda esse.* Liquet itaque uterinos a l. 27 non eam ob causam a querela esse exclusos, quia agnati non sunt. (1)

§ XIII. Ex consuetudinibus nostris hæc legitima fratribus sororibusque debita etiam recepta erat. Id primum expresse dicitur in consuet. Alden. rub. 8 art. 1. Cæterum consuet. Cortr. rub. 14 art. 4. Brug. tit. 13 art. 2. Gand. rub. 28 art. 2 etc. omnes generaliter statuunt quod, si inossiosæ sint testamenti dispositiones, quisque hæres possit vindicare portionem sibi a lege concessam. Itaque omnis disparitas inter fratres germanos, consanguineos et uterinos adempta videtur, et admittendi sunt nepotes cum patruis et avunculis ad legitimam. Tamen quum illi omnes hæredes fratris aut patrui avunculive existant, interpres consuetudinum, legitimam quoque collateralibus illis tri-

(1) Confer. Donnellus comment. jur. civ. lib. 6 cap. 15 § 1 Voetius ad II. lib. 5 tit. 2 n° 9 van Leeuwen censura forensis lib. 3 cap. 4 n° 9.

buunt. Ita van den Hane (1) dicit, *non tantum in linea directa sed etiam collaterali* jus ad legitimam habent. Insuper sententiam suam sustinet opinione Rat ad *Consuet. Pictaviens.*, qui ait: « *Consuetudo statuit sine discrimine, duas hæreditatis antiquæ partes filiis deberi, vel nepotibus in directa, hiscē cēsantibus, collateralibus. Quamvis jure scripto, tantus collateralibus ipsis favor non tributus sit. Ejusdem sententiæ est Argentreus ad Consuetudines Brit. art. 418.* »

SECTIO QUINTA.

PATRONORUM LEGITIMA.

§ I. *Patronus*, quoniam libertos vitâ civili donabat, apud Romanos parens alter est habitus. Ita Schulting. (2) affirmat, in iura agnationis patronum inter et libertum intercedere, quod patet, uti ait, ex græca constitutione, quam edidit *Cujacius lib. 2 cap. 34, etc.* Lex 12 tabularum vocabat patronos, ad successionem libertorum, si illi ab intestato absque suo hærede mortui essent. *Proœm. Inst. de succes. liber. l. 5 princ. ff. de suis et legit. hæred.* At si in testamento præteritus esset patronus, nullum ei concedebatur remedium. Postea Prætor Rutilius edixit, ut societatis lege patronus dimidiā partem bonorum liberti haberet: posteriores prætores jus illud paulo immutaverunt, patronum dimidiā bonorum partem successionis jure habere edixerunt, et contra tabulas testamenti liberti bonorum possessionem polliciti sunt, nisi aliquem ex naturalibus liberis hæredem libertus scripsisset: § I *Inst. de success. libert. l. 1 ff de bon. lib. Ulpianus ad tit. 29 cap. 1 de bonis libert.* (3).

Decursu temporis lege Papia Poppæa adacta fuerunt jura pa-

(1) In notis ad consuet. Gand. rub. 28 art. 2.

(2) In jūrsip. ante-Justin. pag. 488.

(3) Videat. Schultingius jure ante-Just. pag. 675 n°. 7.

tronorum circa legitimam. Videat. hæc lex in § 2 *Inst. de succes. libert.* et apud *Ulpianum* in *tit. 29 n° 3 et 4 de bonis libert.* (1).

Tandem Justiniaus ultimam manum huic apposuit materiæ § 3. *Inst. de succ. libert.* et voluit, ut libertus si sine liberis dederet, patrono legitimam relinqueret.

Jure consuetudinario servitus extincta erat, proinde hæ dispositiones in desuetudinem abierant; uti testatur Groenewegen (2).

(1) Vid. Schulting. loco laudato.

(2) De leg. abrogatis ad *Inst de success. libert.* pag. 44 edit. Lugduni-Batav. 1649.

Caput tertium.

QUIBUS IN CASIBUS JUS LEGITIMÆ VENDICATIONIS AMITTITUR.

Diversæ jure Romano dantur causæ, ob quas jus in legitimam adimitur illis personis, quibus aliter competenter; inter illas causas præcipue enumerantur 1º justa exhaeredatio 2º incapacitas 3º indignitas 4º renunciatio 5º substitutio pupillaris 6º præscriptio 7º defectus inventarii, de quo disputatur: de quibus singulis singulatim dicendum.

SECTIO PRIMA.

EXHÆREDATIO.

§ I. Exhaeredatio, quæ definitur exclusio ab hæreditate legibus deferenda, variis formulis jure Romano præscripta erat. § 1. 2. 3. 4. *Inst. de exhær. liber.* Cum Justinianus imperium obtinuerit, penitus illud mutavit legislationis punctum in constitutione sua, quæ exstat in *I. ult. Cod. de exhær. liberor.* § 5. *Inst. eod. et nov.* 115.

§ II. Jure receptum suit, ut aliquis hæredem exhaeredare posset, ita, ut legitimam in successione non caperet; ne pater aut frater teneretur bona sua relinquere huic, qui maximis crimini-

bus maculatus esset, aut sæpius perversè meruerit de testatore. At ne levius procedat exhaeredatio, in primis requirit legislator, ut justa sit, et porro eam variis conditionibus circumscrabit, quæ, si non observantur, exhaerationem nullam faciunt, et querelam inof- ficiosi tradunt exhaeredatis legitimariis (1). Prima harum conditio- num est, ut fiat in testamento, non in codicillis; 2º ut fiat nominatim l. 3 ff. de lib. et posthumis. 3º; ut pure fiat, sine conditione l. 3 § 1 ff. eodem.; 4º a tota hæreditate l. 19 ff. eodem.; 5º ab om- nibus hæredibus, nec non ab omni hæredum gradu l. 3 § 2 et 6 ff. cod.

§ III. Ob justam rationem fieri dicitur exhaeredatio, quoties ob satis gravem et veram ingratitudinis causam, testamento insertam, et ab hærede probatam, ab hæreditate fit exclusio l. 3o Cod. de inoff. test. et nov. 115 cap. 3. Insuper justa est exhaeredatio si bona mente facta sit absque proposito lædendi.

Ad justitiam exhaerationis quid requiratur, olim erat in arbitrio centum virorum, teste. Quintiliano (2) et Valerio Maximo (3) Justinianus rem tanti momenti arbitrariam esse noluit; proinde quatuordecim causarum canonem condidit in nov. sua 115, ob quas justa exhaeredatione a successione parentes liberos suos repellerent, et quæ causæ antiquis versiculis variis ab interpretibus traduntur (4).

Causæ, propter quas parentes a liberis exhaeredari possunt, quia facilius ingrati inveniuntur liberi, quam inhumani parentes, re- censentur tantum octo, quæ videri possunt in nov. 11 cap. 4 et apud Van Leeuwen antiquis versibus enumeratae (5).

Sunt quidem JCti, (6) qui credunt, Justinianum in nov. 22 cap. 47, etiam causas quasdam præscripsisse, ob quas solas fratres sorores-

(1) Confer. Voetius ad ff. lib. 5 tit. 2 n° 23. Perezius ad cod. lib. 4 tit. 28 n° 18 Huberus ad inst. lib. 2 tit. 13 n° 13.

(2) Inst. orator. lib 7 cap. 4.

(3) Lib. 7 cap. 7.

(4) Vid. Van Leeuwen censura forensis lib. 3 cap. 4 n° 21 partis prioris, et De Ghewiet inst. du droit Belg. part. 2 tit. 4 § 18 art. 2.

(5) Cens. for. loco laud.

(6) Voet. ad Pand. lib. 5 tit. 2 § 24 Westenberg. princ. jur. rom. secundum ord. digest. tit. de inoff. test. § 39. Malblanc princ. jur. Rom. secundum ord. digest. part. II sect. ult. § 700 Contra. sententi. Coccei jur. civ. controv. de iuoff. test. quest. 9 et Hofacker princ. jur. civ. tom. II § 1694.

que possint exhaeredari. Hanc tamen opinione fundamento solido destitutam esse supra jam probavi. Hoc loco monendum adhuc est, Justinianum ordinem succedendi, nov. 22 institutum, postea per nov. 118 iterum mutasse. Quoad fratres itaque et sorores nullae præscriptæ sunt causæ instæ exhaeredationis, sed judici relictum est inquirere, utrum juste sint exhaeredati, nec ne.

§ IV. Omnes illæ causæ, in Pandectis et Novellis enumeratæ, non similes aut graviores causas ejusdem naturæ excludunt. Verum Justinianus aperte asserit in nov. 115 cap. 5, præter causas in dicta nov. expressas nemini licere, ex alia lege ingratitudinis causas apponere. At hæc verba, ut plerique scriptores faciunt, ita interpretanda sunt ut aperte similes vel atrociores ejusdem generis causæ non excludantur, sed leviores, aut toto genere diversæ. Insuper hæc Imperatoris verba diriguntur ad causas anterioribus legibus expressas, et quæ non satis graves videbantur, ut ingratitudinem producerent. Prætereà ut dicit. Julianus l. 12 ff. de legibus, non possunt omnes casus singulatim legibus comprehendendi, sed cum in aliqua causa sententia earum manifesta sit, is, qui jurisdictioni præest ad similia procedere, atque ita jus dicere debet. Nec obstat, quod odiosa restringenda sint; nam causæ in novellis enumeratæ odiosæ dici nequeunt, si pares causæ, imo atrociores eamdem pænam non mereantur. «Quis non absurdum arbitretur, exclamat Voetius (1), excludi ab haereditate velut indignum, «qui captum ab hostibus parentem non redemerit, aut carceri inclusum suam non receperit fidejussionem, nov. 115 cap. 3 § 8, si exhaeredari a patre nequeat, qui patrem ipse aut publicis curavit «mancipari carceribus, aut privato carcere scelerate detinuit, quod «tamen causarum serie non comprehensum?» Præter Voetium eamdem opinionem amplectuntur Huberus (2) Van Leeuwen (3) Fchinæus (4) Vinnius (5) Bynckershoek (6) Westenberg (7). At ob-

(1) Ad ff. lib. 5 tit. 2 n° 24.

(2) Ad Inst. lib. 2 tit. 13 n° 10.

(3) Cens. forens. part. 1 lib. 3 cap. 4 n° 24.

(4) Controv. jur. lib. VI cap. 78.

(5) Ad Inst. de inoff. test.

(6) Observ. jur rom. l. V cap. 5.

(7) Loc. laud. § 59.

servandum tamen, ne leviter, sed maxima cum prudentia aliæ causæ ad exhæredationem admittantur.

§ V. Non sufficit, ut causæ insertæ sint in testamento, requiritur insuper, ut hæres illas probare queat nov. 115 cap. 3 in princ. Si vero plures testator exhäuserationis causas expresserit, et in quarunidam probatione defecerit institutus, ratum tamen mansurum est testamentum, cum singulæ causæ per se sine aliarum adminículo sufficientes sint; nov. 115 cap. 3 in fine.

Quanquam hæres plurimas causas probare possit, si nulla expressa sit in testamento, equidem non valide procederet exhäuseratio, uti testatur nov. 115 princ. cap. 3.

§ VI. Præter exhäuserationem, quæ fit ob causam ingratitudinis, justa quoque dicitur illa, quæ ex bona mente facta est et absque proposito lædendi (1). Hæc exhäuseratio in jure dicitur non inofficiosa; quia potius prodest quam nocet, quemadmodum nobis exempla proponunt l. 18 ff. de liberis et posth. l. 16 § 2 de curat. furios. Quarum ultima proponit patrem, qui filium prodigum a sua excludit hæreditate, institutis nepotibus ab eo progenitis, et addita causa judicii sui. Quod de hac lege dixit illustris d'Aguesseau (2) referre utile duxi. « *Si un père observe les formalités prescrites par cette loi, s'il a institué ses petits enfans, s'il a marqué le motif de son jugement, ou du moins s'il est clairement établi; il est sans difficulté que le fils ne peut se plaindre de son père, et ne peut attaquer son dernier jugement qu'il a mérité par sa conduite. Il est même de l'intérêt public, que cette exhäuseration soit exécutée, et que les fils dissipateurs apprennent que les pères ont en mains un remède moins sévère que l'exhäuseration de rigueur, mais toujours également salutaire pour les faire rentrer dans leur devoir.* »

Ex lege illa 16 § 2 de cur. fur. satis requisita ad exhäuserationem non inofficiosam enotescunt. Requiritur enim in primis,

(1) Confer. Van Leeuwen censura forensis lib. 3 cap. 4 n° 19 partis prioris. Poilhierius Pandect. Just. tom. II tit. de curat. furioso dando n° III Puffendorf observ. jur. univ. tom. I, observ. 192 § 3 Hofacker princip. jur. civ. tom. II § 1702 Voet. ad ff. lib. 5 tit. 2 § 22 Stryck, usus. mod. pand. lib. 28 tit. 2 § 11.

(2) Vol. 2 pag. 84. Oper. edit. Par. 1761.

ut pater nepotes ex filio exhaeredato instituat, 2º. ut alimenta adscribat filio 3º. ut causa exhaeredationis expressa sit.

Si vera causa officiosae exhaeredationis cessaverit, uti si furiosus ad sanam mentem redierit, cessare quoque exhaeredationem existimamus; *cessante enim causa, cessant et ejus effectus.*

§ VII. Nullas ingratitudinis causas extingui per solam poenitentiam existimo, cum illis illata fuerit testatori injuria, quæ sola poenitentia extingui nequit; arg. *l. 65 ff. de furtis.* Atqui nulla est ratio, cur magis exhaeredationis causæ per solam poenitentiam extinguantur, quam illæ ingratitudinis causæ, quæ, nonobstante poenitentia, perdurant, nisi aliter speciali dispositione voluisse legislator (1).

Dissentient auctores, utrum per reconciliationem tollatur exhaeredatio? Huic quæstiōni affirmativè respondendum esse credo, absque ulla distinctione, quam tamen faciunt nonnulli interpres (2), ita, ut sive expressa sive tacita sit reconciliationis modo sat ex factis testatoris erui possit voluntas, favorem tradendi exhaeredato, semper tollatur exhaeredatio. Sententiam nostram erimus ex *l. 4 ff. de adim. vel trans. leg. et § ult. inst. de injur.* ubi statuitur, quod extincta censeatur injuriarum actio, quoties injuriam passus in gratiam cum eo, qui eam fecit, redicit (3).

§ VIII. Si exhaeredatus aut infamis ante testatorem mortuus sit liberosque reliquerit, liberi illi ob factum paternum legitima sua portione in successione testatoris privari nequeunt. *Nihil iniquius* ait Seneca (4) *quam aliquem hæredem paterni odii fieri.* *L. 33 in fine Cod. de inoff. test.* eamdem manifestat sententiam, nec vult, ut exhaeredationis poenam subeat ille, qui testatorem numquam offendit: videatur quoque *l. 26 ff. de pænis et Pothierus* (5).

§ IX. Exhaeredatio sub consuetudinibus nostræ regionis etiam

(1) Confer. Voet. ad ff. lib. 5 tit. 2 n° 29. Perez ad Cod. lib. 6 tit. 28 n° 21.

(2) Perez loc. laud. Huber ad ff. lib. 6 tit. 28 n° 21.

(3) Confer. Voet. loco citato et Pothier, sur les Successions, pag. 74 édit. 1784. Paris. — Item Le Brun, sur les Successions, liv. 3, chap. 9, sect. 2, n° 15.

(4) Lib. 2 de Ira. Cap. 34.

(5) Loco laud. pag. 72.

locum obtinuit, uti testantur *consuet.* *Gand.* in *Concess. Carolina* art. 48, *consuet.* *Contrac.* art. 23, *Aldenard.* in *Concess. Carol.* art. 21, et pleræque aliæ consuetudines; nec non Anselmus (1). Principia circa exhäuserationem tunc temporis obtinentia, eadem fere erant ac juris Romani; id citatæ consuetudines nobis manifestum faciunt, quemadmodum et van den Hane in notis ad *consuet. Jprens. rubr.* 10 art. 35, ubi easdem exhäuserandi causas resert., quas novellæ continent, sicut et de Ghewiet (2), qui insuper ut causam justam adjecit: si liberi minorennes absque consensu parentum nuptias iniverint, de qua latius loquitur Voetius (3).

SECTIO SECUNDA.

INCAPACITAS.

§ I. Incapacitas diversis modis procedit, uti si alicui facultas adimitur aliquid dandi, accipiendo aut faciendo. Qui autem inter hæredes nihil accipere potest, aut per se, aut interventione tertii, tempore, quo persona, cui succedere potuisset, moritur, ille ab intestato succedendi incapax dicitur, et pars ei competens ad alios transit hæredes. Jure antiquo plurimi numerabantur incapaces, uti peregrini, personæ incertæ; § 25 *Inst. de leg.*; plurimæque aliæ, quæ fere omnes jure hodierno capaces habentur; uti testantur *Authen. omnes peregrini. Cod. commun. de success.* et § 27 *Inst. de legat.*

Jure novo variæ tamen personæ dantur, quibus jus succedendi ab intestato adimitur, ita personæ, quæ maximam aut medium capitum diminutionem passæ sunt, aut incapaces aut indignæ succedendo dicuntur *l. 13 ff. de bonor. possess.* 12.º Filii naturales respectu patris, nec non adulterini et incestuosi generatim nec patri nec matri succedunt; arg., *nov. 89 cap. ult. et nov. 74 cap. ult. Con-*

(1) In suo Triboniano Belgico cap. 54, n° 4.

(2) Institutions du droit Belge part. 2 tit 4 § 18.

(3) Ad ff. lib. 5 tit 2 n° 27.

feratur Domat (1) qui optime et latius de incapacitate succedendi scripsit.

§ II. Incapaces ab intestato succedendi nullum ad legitimam jus vendicare posse omnes interpretes fatentur, veluti Praeses Faber (2) Voetins (3) et de la Champagne (4) Nec dubium fere ea opinio pati potest, ad quam sustinendam afferemus frustra argumenta, quibus supra (cap. 1 sect. 1), stabilivimus, recte procedere argumentum negativum a successione ab intestato ad legitimam.

§ III. Uti Jure Romano, etiam consuetudinibus nostris causæ numerantur, quibus aliquis fit incapax ab intestato succedendi; id nobis testantur variæ consuetudines, uti illa *Gand. rub. 26 art. 21 et art. 10; Brug. tit. 4 art. 1; Aldenar. rub. 23 art. 43 et rub. 4 art. 17 etc.* Non minus receptum erat, quod incapaces ab intestato succedendi nullum ad legitimam jus haberent; consuetud. allegatæ id nobis manifestum faciunt, cum semper requirant, ut aliquis sit hæres (*elk hoir*) ut legitimam obtineat. Idem expressé dicitur in *decisione 22 relata à Stockmans n° 4 et 5.* Cæterum id expressis verbis affirmat de Ghewiet (5) suamque opinionem sententiis latis corroborat.

SECTIO TERTIA.

INDIGNITAS.

§ I. In jure generatim indigni dicuntur, qui officio suo defuerunt erga defunctum, sive durante ejus vita, sive post mortem, quibus ideo jus, defuncto illi ab intestato succedendi, auferitur, et jure romano sæpius fisco traditur *l. 1 ff. de jure fisci.* Nonnullæ inter-

(1) Sur les lois civiles liv. 1 tit. 1 sect. 2 des héritiers en général.

(2) In Cod. definit. lib. 3 tit. 19 def. 1.

(3) Ad ff. lib. 5 tit. 2 n° 42.

(4) Traité de la légitime pag. 43. Paris édit. 1720.

(5) Opere laudato part. 2 tit. 4 § 15 art. 6.

cedunt differentiae inter incapacem et indignum. Ille enim nec acquirere nec accipere potest, cum indignus et acquirere et accipere possit, at ex postfacto res acquisitae ei auferuntur. Indignitas ex pravis moribus et saepius e crimine vel delicto procedit, ut ait Domat (1); incapacitas e contra oritur ex causis, quae ab ipsa incapacis persona, non pendent, nec spectant ad officia, quibus incapax perfungi tenetur erga defunctum.

§ II. Variae indignitatis causae in jure offeruntur, veluti 1º si cōprobatum sit hæredes ita egisse, ut per negligentiam aut dolum eorum is moreretur, a quo instituti sunt l. 3 ff. de his quib. ut. indign. 2º indignus est hæres, qui violentam testatoris necem in jure vindicare neglexerit l. 1 Cod. de his quib. ut ind. 3º. Si hæres testatorem in jure reuni dixerit criminis capitalis l. pen. § pen. ff. de adim. vel trans. legat. Plurimæ adhuc causæ, quas hic enumere superfluum esset, occurrunt, quæ videri possunt in tit. ff. et Cod. de his quibus ut indign., ad quem titulum brevitatis causam remitto. Maxime tamen notandum, quod et aliae causæ, quamvis non enumerentur in legibus citatis, etiam indignitatem producere possint, modo ejusdem naturæ et ejusdem gravitatis, aut gravioris sint. Valent. hic argumenta, quæ proposuimus sectione 1. § 3 hujus capituli circa causas similes exhaeredationis, et sententia Domat (2) qui eamdem amplectitur opinionem.

§ III. Privatio, quæ plectitur indignus, an extendatur usque ad legitimam, in eo dissentient auctores. Quidam distinctionem faciunt, utrum procedat indignitas ex una causarum ingratitudinis, quas rescenset nov. 115, an ex causa, quæ e quocunque alio fonte proveniat. Priori casu orbatur indignus tam hæreditate quam portione legitima, posteriori autem jus ad legitimam retinet. Varia argumenta pro illa distinctione militare videntur. Imprimis si causa emanat ex nov. 115, indignus æque inhabilis est ad succendum, ac si exhaeredatus fuisset a testatore ob causam justam; nam neque æquitas neque legis ratio patiuntur, ut indignitas eosdem

(1) Sur les lois civiles liv. 1 tit. 1 sect. 3 des heritiers en général.

(2) Sur les lois civiles loco laud. n° 2.

non producat effectus. At si ex alia causa profluit indignitas, iniquum esset, legitimarium privari sua legibus debita portione, cum causa non sit ex illis, ob quas exhaeredatio rite fieri potest, uti patere videtur *ex nov. 115 cap. 3.* Cæterum quanquam incapaces succedendi, a legitima repudientur, non inde sequitur, indignos ab ea æque amovendos esse. Magnæ enim dantur differentiae, uti vidimus, inter utrumque, ita ut incapax ab intestato non succedat, cum e contra tantum ex postfacto res e successione acquisitæ indigno auferantur. Tandem corroboratur ea sententia *nov. 1 cap. 1. § 1.*, quæ adimit successionem hæredi instituto, qui voluntatem testatoris intra annum non adimplevit, cique tamen legitimam relinquit.

Quanquam hæ rationes magni videantur ponderis, attamen illis assentire nequeo, omnemque distinctionem hoc in puncto supervacuam esse credo. Distinctio supra allata originem duntaxat dicit ex analogia; quam auctores ipsi statuunt inter causas ingratitudinis aut indignitatis, quæ *ex nov. 115* promanant, et illas, quæ aliundè profluunt. Dissert tamen quam maximè indignitas ab ingratitudine. Prior locum obtinere potest, simul ac causa satis gravis existat, et in tantum, ut quamvis in testamento adjecta non sit, tamen hæres, qui ea laborat, excludi possit ab hæreditate; ingratitudo e contra non procedit nisi causa expressa sit in testamento, et ab hærede probata; *nov. 115 cap. 3* « *nisi forte san probantur ingrati.* » Inde enitet, analogiam supra deduc tam minime admittendam esse, cum aliter sequeretur, ut nulla daretur indignitatis causa, quæ, si non expressa sit in testamento, aliquem à successione excluderet: insuper falsum est, quod exhaeredatio tantum valide procedat ex causis *nov. 115* enumeratis; graviores aut similes sæpius admitti posse ostendimus supra *cap. 3 sect. 1 § 4.*

Itaque generatim affirmandum esse existimo, indignitatem tollere et jus ad successionem et ad legitimam. Nec obstare potest *nov. 1 cap. 1.* Nam ejus decisio speciali legis dispositione nilitur, quæ protrahi nequit. Insuper *l. 5 Cod. de his quib. ut indigni:* non

vult, ut generatim et in omni casu indignus dicatur ille, qui voluntatem testatoris non adimplevit.

Corroboratur nostra sententia naturā ipsā legitimā, quae introducta fuit tamquam remedium legis adversus liberalitates inofficiosas testatoris, non autem, ne hæres aliquis sibimet ipse hæreditatem adimat, et ob pravos suos mores plectatur. Tandem accedit nostræ opinioni *l. 21 ff. de his quæ ut indig. auf*, quæ ademit hæreditatem patrono, qui liberti mortem vindicare ueglexit, et *l. 26 ff. de lege cornél. de fals.* qua filio aufertur tota hæreditas paterna, quia testamentum ejus delevit. Quibus verbis tota hæreditas haud dubie legitima comprehenditur.

§ IV. Si defunctus jam diu cognovisset factum, ob quod aliquis indignus dici possit, cumque a suā hæreditate non repulisset; eo ipso silentio defunctus existimandus est remissionem tradidisse læsionis sibi illatæ. Injustum enim foret, hæredes lucrum æstuantes ab hæreditate illum amovere posse, quem exhædere noluit testator. Pothierus (1) et Le Brun (2) eandem amplectuntur sententiam.

§ V. Consuetudines nostræ indignitatem succedendi receperant, et iisdem fere principiis stabiliverant ac jus romanum. Consulantur *consuet.* - *Gand. rub. 24 art. 26 et 81. Brug. tit. 4 art. 10. Alden. rub. 2 art. 15* sicut et de Ghewiet (3) qui nobis testatur concubinas a minorenibus nihil per donationem accipere posse. Videantur insuper Anselmus (4) et Pothierus (5).

(1) *Traité des successions* pag. 75 édit. in-8°.

(2) *Des successions* l. 3 chap. 9 sect. 2 n° 15.

(3) *Instit. du droit Belge* part. 2 tit. 4 § 4 art. 22.

(4) *In suo Triboniano Belg.* cap. 62.

(5) *Sur les successions* pag. 75 édit. laud.

SECTIO QUARTA.

RENUNCIATIO.

§ I. In solvenda quæstione , an renunciatio interposita ab eo , qui alioquin jus ad legitimam habuisset , progignat legitimæ ademptionem , distinguendum esse credimus inter renunciationem factamante mortem illius , e cuius successione legitima petenda foret , et inter illam post mortem ejus factam.

Priori casu , si quis a testatore certas res vel pecunias receperit , et pactus fuerit , quatenus de inofficiosa querela adversus testamentum minime ab eo moveretur , hæc renunciatio nulla , et perinde est , ac si juri suo non renunciasset , ita , ut vel exhaeredatus vel præteritus inofficiosi querelam nihilominus movere posset. Justinianus in l. 35 § 1 Cod. de inoff. test. dicit : « Illud etiam sancimus : ut si quis a patre certas res vel pecunias accepisset , et pactus fuisset , quatenus de inofficiosa querela adversus testamentum paternum minime ab eo moveretur : et post obitum patris filius , cognito paterno testamento , non agnoverit ejus iudicium , sed oppugnandum putaverit , vetere jurgio exploso , hujusmodi pacto filium minime gravari , secundum Papiniani responsum , in quo desinivit , meritis magis filios ad paterna obsequia provocandos , quam pactionibus adstringendos . » Et Paulus sentent. recept. lib. IV tit. 5 § 8. In Schulting. jurisprud. antejustin. pag. 399. « Pactio talis , nede inofficiose testamento dicatur , querelam super judicio futuram non excludit. Meritis enim liberos , quam pactionibus adstringi placuit . » Ratio itaque , cur ejusmodi renunciations jure Romano sint prohibitæ , non tam in eo posita esse videtur , quia pacta de non succedendo jure romano sint nulla (1) . Sed præsertim , ut Justinianus et Paulus ipsi dicunt , quia meritis magis filii ad paterna obsequia provocanda sunt , quam pactionibus

(1) L. 94 ff. de acq. vel. omitt. hæred. l. 16 ff. de suis et legit. hæred. l. 5 C. de collatione.

adstringendi; vel ut Basilica tom. V lib. XXXIX tit. I pag. 216 dicunt : μᾶλλον εὐεργεσίαις προκαλεῖσθαι πρὸς ὑπακοὴν, εἰς τὰς πατρικὰς ὑπηρεσίας ἀπὸ τῶν πατέρων τοὺς πᾶιδας, καὶ μὴ διὰ συμφώνων συμφίγγεσθαι.

Militat quoque pro nostra sententia ipsa legitimæ natura. Legitima enim introducta est, ne liberi priventur rebus ad vitam agendam necessariis; itaque magna viget paritas legitimam inter et alimenta, quæ leges liberis concesserunt. Quemadmodum itaque prohibitum est de alimentis futuri transigere, *I. 7 § 2 l. 8 ff. de transactionibus*, sic etiam æquitas et juris ratio suadent, ut ad legitimam eadem decisio protrahatur. (1)

§ II. Nec obstaret, si renunciatio facta foret in tabulis dotalibus, ita ut, si filii filiæve, accepta dote, aut ante nuptias donatione, sese nullam post parentis obitum controversiam moturos promisissent, nulla equidem foret stipulatio. Nec magis impediret, si parentes liberorum suorum dotales tabulas, pacta renunciationis successioni continentis, subscrispsissent; nec etiam, si renunciatio in ipsis testamenti tabulis facta esset. Semper enim eadem pro nostra sententia militant rationes, cum ubique agatur de renunciatione legitimæ nondum acquisitæ; quam renunciationem rejiciunt leges, etiam in pactis dotalibus, quorum tantus esse non potest favor, ut leges eludere et defraudare possint.

Etsi necessarius hæres jam ante testatoris obitum partem legibus ei debitam accepisset, ne querelam moveret, nihilo tamen minus exhaeredatus vel præteritus testatoris judicium posset querela impugnare. *Ulpianus* quidem in *I. 1 § 3 ff. si quis a parente manumiss.* dicit: «*Si parens vel accepit pecuniam, ut emanciparet, vel postea vivus in eum filius, quantum satis est. (i. c. legitimam) contulit, ne judicia ejus inquietet, exceptione doli repellit*» Sed *Justinianus* id mutavit *nov. 115 cap. 3 et 4*, ubi expressis verbis dicit, neque parentibus liberōs, neque liberos parentes exhaeredare vel præterire licere, et si quacunque donatione, vel legato

(1) Confer. *Voetius lib. 5 tit. 2 n° 35*, et *De la Champagne*, opere laud. pag. 238.

vel fideicommisso, VEL ALIO QUOCUNQUE MODO partem legibus illis debitam dederint, nisi ex causa justa et in nov. 115 allegata.

§ III. Si post mortem illius, e cuius successione legitima petenda est, renunciatio facta foret, valida esset, atque suos produceret effectus l. 35 § 1 C. de inoff. testam. « sed hoc ita admittimus, nisi transactiones ad hæredes paternos (i. e. cum hæredibus paternis) filius celebravit, in quibus apertissime judicium patris agnoverit. »

§ IV. Ut renunciatio legitimæ valida sit, necesse est, ut expresse fiat l. 31 § ult. ff. de inoff. test. l. 35 § 2 Cod. eod. Per requisitum illud, *expresse*, intelligitur, ut fiat *specialiter* circa legitimam; si vero fieret *generaliter* circa jura omnia aut totam successionem, non extenderetur ad legitimam. Legitima non dicitur pars successionis, sed quota bonorum, adeoque si juribus successionis renuncio, inde erui non potest voluntas renunciandi legitimæ. Insuper nemo in dubio presumitur voluisse suum jactare, neque donationes, quibus annumerandæ juris successiones, præsumendæ sunt, quoties nulla urget necessitas, et res aliter explicari potest l. 25 ff. de probation.

§ V. Maxime controversa est inter interpretes questio, utrum renunciatio *tacita* sufficiat in illis casibus, ubi expressa sufficeret; nempe post obitum illius, de cuius successione agitur? Ratio dubitandi ortum dicit ex l. 10 § 1 ff. de inoff. testam., e qua eruitur, solam tacitam renunciationem sufficere ad excludendam querelam, ita et legitimam. Sententiam illam tuentur Voetius (1) et Perezius (2).

Quanquam auctoritates horum virorum magni ponderis vindentur, tamen illorum sententiæ suffragari nequeo. Æquitas et l. 35 § 2 Cod. de inoff. test. quæ aperte dicit: *nisi hoc specialiter scripserit, vel pactus fuerit, quod contentus reicta vel data parte de eo, quod deest, nullam habeat questionem, non patiuntur*, ut unquam renunciatio legitimæ procedat, nisi *specialiter* et *expresse* facta sit. Quod ad argumenta de querela ad legitimam, magna inter-

(1) Ad ff. lib. 5 tit. 2 n° 52.

(2) Ad Cod. lib. 3 tit. 28 n° 7.

utramque disparitas. Prima enim maximè odiosa est, cum tendat ad evertendam ultimam patris voluntatem, et præcipue ad probandum, parentem testatorem non sanæ mentis fuisse, neque consułisse officio pietatis, sed potius inhumanitati. Legitimæ petitio e contra naturam favorabilem habet, tradit substantiam illis, quibus natura jubet, ut alimenta relinquantur. Ex illa disparitate, et principio, *odiosa restringenda sunt*, quanquam querela per renunciationem tacitam tollatur l. 10 § 1^o ff. de *inoff. test.*, ea dispositio tamen non extenditur ad legitimam, præcipue cum l. 35 § 2 de *inoff. test.* penitus hinc aduersetur opinioni. Cæterum, quid hac de re dixerit celeberrimus Cochin (1), hic asserre utile duxi :

« En effet, dit-il, pour étendre cette garantie à la légitime, qu'il était en droit d'exiger, il aurait fallu une stipulation expresse, » parce qu'on ne renonce à un droit de légitime qu'en termes formels et bien marqués. Les lois nous administrent une infinité d'exemples qui justifient la faveur qu'on a accordée en tout temps à la légitime, et les précautions scrupuleuses qu'on a coutume d'employer pour n'en point dépouiller ceux qui n'y ont point formellement renoncé. » Assert arg. l. 35 § 2^o C. de *inoff. test.*; porro auctoritate Mornacii et illa Ricard des donations sententiam suam corroborat, et ita persequitur : « Comment donc, après de telles autorités osera-t-on soutenir qu'un fils, qui n'a pas reçu sa légitime, n'a plus de pouvoir, d'en informer la demande, parce qu'il s'est engagé dans des termes généraux, etc.

§ VI. Liberos patrem renunciantem successioni avi aut proavi, in eadem representare non posse manifestum est; nemo enim plus juris in alterum transferre potest quam ipse habet; nov. 118 cap. 3^o. At nihil impedit, quominus liberi renunciantis proprio capite veniant ad successionem avi aut proavi.

§ VII. Pacta de non succedendo, quæ jure romano prohibita et improbata vidimus, sub consuetudinibus nostris generatimi recepta erant, et hæreditati futuræ renunciari validè poterat, quod ordinariè in stipulationibus antenuptialibus fieri debebat. Mani-

(1) Dans sa cause 52, vol. 3 page 7 et 8 de ses œuvres. édit. de Paris 1760. 6

festum id nobis faciunt de Ghewiet (1), Zoesius (2), Stockmans (3) nec non Voetius (4).

At questio datur inter interpretes, qui indè maximè dissentient (5), an talis renunciatio ad legitimam extendi possit? Principia explanata juris romani hic applicari non posse existimo, cum legitima sub consuetudinibus non concedatur nisi hæredibus; (ut infra ostendemus), itaque, simul ac renunciatione valida aliquis hæres non amplius est, jus quoque nullum habet ad legitimam. Illud ita judicandum esse refert Christinæus loco laudato (6). Pleisque quoque auctores, qui de jure consuetudinario egerunt, rejiciunt renunciationem tacitam in casibus, ubi expressam admittunt, nempe post mortem illius, de cuius successione agitur. Jamjam opinionem celeberrimi Cochin attulimus; Andreas Gaill in observationibus suis (7) eandem sequitur sententiam; nec non huic suffragari videtur Stockmans (8), cum velit, ut renunciatio tantum effectus suos producat ad casus designatos in stipulatione.

SECTIO QUINTA.

SUBSTITUTIO PUPILLARIS.

§ I. Substitutio, quæ generatim dicitur subrogatio in locum hæredis instituti, varias complectitur species, inter quas pupillaris numeratur de qua hic solum agendum.

Pupillaris substitutio definitur illa, qua pater hæredem scribit liberis suis impuberibus in potestate sua constitutis, nec post mortem ejus in alterius potestatem recasuris, pro casu, quo liberi

(1) Institut. du droit Belg. part i.^e tit. 4 § 4 art. 19.

(2) Ad ff. lib. II. tit. 14 n.^o 36.

(3) De jure devoluti. cap. 18 n.^o 19.

(4) Ad ff. lib. V. tit. 2 n.^o 56.

(5) Cœns. Christinæi decis. curiæ Belgic. vol. 4 dec. 28 n.^o 1.

(6) Decisiones curiæ Belgicæ vol. 4 dec. 28 n.^o 1.

(7) Lib. II observ. 119 n.^o 8. observ. practic.

(8) Decis. Brabantiae. dec. 128 n.^o 6.

illi post eum ante pubertatem morerentur. In illa substitutione illud speciale occurrit, quod tertius non testetur de propria hæreditate, sed de illa alterius. Illud contra principium generale receptum fuit in favorem impuberum, quibus licitum non erat testari, ne ab intestato morerentur, quod apud Romanos dedecori erat *l. 2 princ. ff. de vulg. et pup. subst.*

§ II. Triplex hujus substitutionis distinguitur species, 1^o expressa, seu dispositio paterna, qua filio hæres scribitur pro casu, quo ante pubertatem moriturus sit 2^o *Tacita*, quæ sub expressa vulgari continetur; v. g. si pater scripsisset, *si filius mihi hæres non erit, Caius mihi hæres esto*; quamquam filius in hoc casu hæres extiterit, si ante pubertatem obierit, Caius hæres erit: *l. 4 ff. et l. 4 C. de vulg. et pup. subst.* 3.^o *Compendiosa*, qua filio substituitur, qualicunque tempore morietur. Hæc vero etymologicè *compendiosa* dicitur ob causam, quod breviter, et quasi per compendium in omni casu substituatur, inde complectitur etiam pupillarem expressam et vulgarem expressam.

Si substitutio pupillaris debità et ritè facta sit, tum effectum producit, ut tota hæreditas transeat ad substitutum, si filius ante pubertatem moriatur, proinde substitutus acquirit omnia bona pupilli, tum illa, quæ a patre ad pupillum pervenerunt, tum ea, quæ aliundè pupillus acquisivit *l. 10 § 5 et l. 41 § 8 ff. eod.*

§ III. Ex effectu generali substitutionis quæstio sese offert, an substitutio pupillaris impedit possit, quominus mater aut avus legitimam capiat ex successione filii aut nepotis, cui substitutum est? Dum substitutio expressa est, affirmativa responsio nullum patitur dubium, arg. *l. 8 § 5 ff. de inoff. test.*, quæ ab omni successione pupilli matrem in illo casu excludit, adeo, ut nec de inofficiose testamento mater agere possit; nec sola mater, sed etiam avns et alii ascendentis eadem ratione a querela repulsandi sunt. Itaque cum querela alicui denegetur, meritò ei auferitur legitima, quæ præsupponit jus querendi de inofficiose testamento, et his tantum conceditur personis, quibus querela competit: *nov. 18 Cap. 1 in fine*; ob eamdem causam indicavit legislator in *l. 8*

§ 6 et 8 ff. de *inoff. test.*, legitimam portionem relinquendam esse, ut illi, qui aliter querelam movere possunt, ab illa excluderentur.

Ratio hujus dispositionis in ipsa l. 8. § 5 ff. de *inoff. test.* allegata est. Dicit enim Ulpianus: *quia pater testamentum fecit*; pater autem non tenetur legitimam relinquere uxori suæ, cum conjugi adversus conjugis dispositiones querela non concedatur: itaque querela matri non datur contra dispositionem substitutionis pupillaris, cum non reperiatur in testamento filii, sed in illo quod pater pro filio condidit, et quod junctum testamento huic, quod pater pro semetipso antea facere debet, unum idemque testamentum efficere videtur, quemadmodum et haereditas filii cum illa patris unam tantum haereditatem efformat l. 2 § 4 ff. de *vulg. et pup. subst.* magis corroboratur l. 20 ff. *eodem*.

§ IV. Utrum eadem decisio valeat in casu, ubi substitutio pupillaris tacita est, acerrimè disputatur. Multi juris interpretes negativam defendunt sententiam (1) quam sequentibus argumentis stabilire conantur. Substitutio tacita, aiunt, fundatur præsumpta testatoris voluntate, quæ eosdem effectus habere nequit ac expressa, aliter periculum incurrimus, ne sacra justitiæ præcepta lædamus. Non credendum, patris voluntatem fuisse, ut excluderetur mater per illam personam, quam pater non expressè filio suo substituit; inde ex eo solo, quod ascendentes existant, qui amoverentur a debita ipsis successione, pater præsumi debet, non tam iniquam habuisse voluntatem. Ulterius allegant l. 8 C. de *impub. et alior. subst.* et l. ult. Cod. de *inst. et subst.*, et inde consequentias in favorem suæ opinionis eruere volunt. Contraria opinio, nonobstantibus his rationibus, præferenda mihi videtur. In primis quod contineatur substitutio pupillaris tacita sub expressa *vulgari*, id nos docet l. 4 ff. de *vulg. et pup. subst.* Porro substitutio pupillaris tacita eosdem effectus producere debet ac expressa, ex principio *eadem vis tacitæ ac expressæ*: ergo nulla ratio, cur non idem dicemus de substitutione pupillari tacita, ac de ex-

(1) Confer. Ricard, des Substitutions directes et Fideicommissaires, traité 3 chap. 2 part. 1 n° 65. Perez ad Cod. lib. 6 tit. 26 n° 50.

pressā; cum ex illa nou minus testamentū et hæredem recipiat pupillus, quam si expressa foret. 2º Ex circumstantia illa, quod pater reliquerit ascendentēs, nullatenus sustinēri possunt adversarii, patrem noluisse comprehendere substitutionem pupillarem tacitam; nam ex ipsa substitutione jam elucet, quod pater antetulerit substitutum omnibus ascendentibus filii sui. 3º Duarum legum textus perperam nobis opponuntur: *quoad l. 8 expedita responsio: decisio Imperatoris spectat ad testamentum militis, quod non legibus aut constitutionibns regitur, sed ex simplici, et prout verbis expressa est, voluntate existimatur l. 6 C. de testam. milit.* Porro *l. ult. Cod. de inst. et subst.*, non magis applicanda vénit, cum mater in illa lege instituta supponatur simul cum posthumo; ex inde jam eruitur et enitet præsumptio, patrem noluisse, ut substitutus anteferatur matri, erga quam partem relinquendo, amorem suum ostendit. Secundo extraneus substitutus solummodo est in illo casu, quo posthumus non nasceretur; natus vero est posthumus; adeoque conditio adjecta deficit, et inde omne jus substituto recusari potest. Cæterum quis non videt, hanc constitutionem, speciem singularem efficere, ac proinde non facile ad alios casus porrigendam esse. Ostendunt hoc verba, *in hac specie, in hujusmodi casu*; quo colore JCti, post constitutionem Marci et Veri, de qua agitur in *l. 4 ff. de vulg. et pup. subst.* hac in lege responderunt.

Huic ultimæ sententiae suffragantur plurimi celeberrimique juris scriptores uti Donellus (1), Faber (2), Vinnius (3); quibuscum conferantur Voet (4) et Huberus (5).

§ V. Superest ut de *compendiosa* videamus substitutione. Inter omnes interpres satis convenit, eam excludere a successione ab intestato, at an eadem exclusio ad legitimam extendenda sit, omnes disputant. Affirmativa sententia mihi æquior et juris prin-

(1) Ad leg. 8 C. de impub. ei aliis subst.

(2) In Cod. Def. lib. 6 tit. 8 def. 1.

(3) Ad inst. l. 2 tit. 16.

(4) Ad ff. lib. 5 tit. 2 n° 21

(5) Ad ff. cod. n° 7.

cipiis conformior videtur. Etenim hic sustineri validè nequit, uti volunt, qui contrariam tenent sententiam, compendiosam substitutionem non virtualiter continere expressam pupillarem. Hoc mera juris cavillatio dici potest; nam quid his verbis evidentius; quocumque tempore filius meus decebat, Mævius hæres ejus est; sive enim moriatur filius durante pubertate, sive postea, volo, ut Mævius hæres ejus sit. Audiatur Faber (1) «Compendiosa substitutione, ait, apta est comprehendere pupillarem substitutionem, sicut et cæteras omnis substitutionis species, si aliud nihil repugnet, argum. l. 15 et l. 7 ff. de vulg. et pup. subst.» Præterea ut mater aut avus, dum substitutione compendiosa datur, legitimam requirere possent, oportet, ut admittentur ad successionem ab intestato, cum argumentum negativum a successione ab intestato ad legitimam rectè procedat; itaque cum extra controversiam sit, ascendentes excludi a successione, dubium dari nequit, quin excludantur a legitima.

§ VI. Alia quæstio hic enucleanda sese offert, utrum filius ipse, cui pupillariter substitutus, distrahere possit legitimam ex bonis sibi a patre sub substitutione pupillari relictis, eamque transmittere ad hæredes? Responsio prompta est ex dispositione l. 8 § 7 ff. de inoff. test. qua dicitur: *si quis impuberi filio substituit, secundas tabulas faciendo, non ob hoc admittemus ipsum impuberem ad inofficiosi querelam;* ideoque per consequentiam non ad legitimam. Ratio hujus legis perspectu facilis; querela tantum conceditur ob injuriam præteritione aut ex hæredatione illatam: pater autem in specie, filium minimè injuriā affecit, sed e contra pupillo honorificum est et utile, hæredem testamentarium, patris judicio datum, habere; arg. l. 42 ff. de adq. vel amitt. hæred.; et ob id præsertim utile, quia ea ratione fit, ut agnatorum odio minus exposita sit vita pupilli, quoniam ignoratur, quis ejus successor futurus sit. Cæterum pupillus non præteritus aut ex hæredatus a patre dici potest, cum vocetur ad totam hæreditatem paternam,

(1) In cod. definit. lib. VI. tit. 7 def. 4 n.º 1.

et legitima sua gandeat , at non eo modo , ut in tempus , quo non amplius erit , de ea disponere possit præter voluntatem patris.

Nihil obest , quod legitima onerari nequeat substitutione fideicommissaria. Magnum enim discrimin inter substitutionem pupillarem et fideicommissariam. Posterior onus constituit , quia diminuit jus proprietatis , et id reducit ad simplicem usumfructum ; cum prior ne minimam læsionem alferat juri dominii , nec quidem impedit , quoniam proprietas plena redeat in personam pupilli ; effectus non alios producit , nisi quod pupillus non possit de bonis disponere in tempus , ubi non amplius erit , si impubes moriatur. L. 22 § 1 ff. de adoptionib. hanc disparitatem nobis evidenter tradit.

§ VII. Jure consuetudinario pupillaris substitutio exoleverat ; nam etsi patres quoque potestatem in liberos suos haberent , non talis tamen erat , qualis apud Romanos , qui etiam ad bona liborum propria sese extendebat. Sic ait Groenewegen (1) : «moribus hodiernis , singulari illa patria potestate , quæ Romanorum ci-vium propria fuit , ejusque peculiaribus effectibus obsoletis , pupillaris quoque substitutio in desuetudinem abiit. » Idem expressis verbis testantur Vinnius ad instituta (2) , et Voetius ad Pandectas (3) .

SECTIO SEXTA.

PRÆSCRIPTIO.

§ 1. Jus legitimæ petitionis æquè ac omnis alia actio tolli potest per præscriptionem , quæ introducta est in utilitatem publicam , ut aliquando constaret de rerum dominio. Hæc potestatem suam in omnes extendit res , quæ ab illa expressa legis disposi-

(1) De leg. abrogatis pag. 56 edit. 1649.

(2) Lib. II. tit. 16 ad § 9.

(3) Lib. XXVIII. tit. 16 n.º 26 et lib. V tit. 2 n.º 4.

tione non eximuntur, itaque frustra quis sustineret, legitimam præscriptioni nulli subjectam esse, cum nullæ jure romano reperiantur leges, quæ legitimam a præscriptione eximant.

§ II. In statuendo tempore, quo præscribitur legitimæ petitio, maximè dissentunt auctores. Hæc tamen controversia non, nisi soluta quæstione dirimi potest, quoniam remedio testamentum sit impugnandum, et legitima persequenda? Plurimi (1) contendunt, remedium illud etiam post nov. 115 esse querelam inofficiosi, quum Justinianus nullis verbis hanc sustulerit, aliudque remedium introduxerit, sed naturam tantum, ejusque fundamentum mutaverit; et hanc itaque querelam inofficiosi quinquennio præterlapso præcriptam esse secundum l. 8 § 17 l. 9 ff. de inoff. test. l. 16 l. 34 in fine l. 36 § 2 Cod. de inoff. test. Hanc autem opinionem, tamquam solido fundamento destitutam rectè impugnavit vir. clar. Schneidt in diss. de querela inoff. inter parentes et liberos et in jurisprud. for. in ordine systemat. redact. tom. 1 § 642 et contendit, querelam inoff. post nov. 115 locum amplius habere non posse, mutato per hanc novellam illius fundamento. Sublatis enim actionis vel legis cuiusdam fundamento et natura, ipsam actionem vel legem cessare quoque debere: Justinianum autem novum per novellam 115 remedium introduisse, nempe condicitionem ex nov. 115, i. e. actionem personalem ad persequendam legitimam. Præstantissima ejus verba, quibus hanc opinionem probare conatur Schneidt allegare utile duxi. Dicit enim § 19 dissert. « Si alicujus actionis aut legis ratio fundamentalis semel et effectus principalis deficit, certum est, et legem et actionem cessare, præcipue, si alia magis utilis substituatur, et prior concessa tantum sit actio subsidiaria; jam post nov. 115 cap. 3 et 4 cessat fundamentalis furoris ratio, utpote restricta testandi facultate, non amplius necessaria. Cessat principalis hujus furoris

(1) Vinnius comment. ad princ. inst. de Inoff. test. et in quæst. jur. select. lib. 2 cap. 21. Noodt comment. ad Pand. ad tit. de inoff. test. pag. 160. Huberus ad inst. de exhær. liberor. §. 2. Voet comment. ad ff. de inoff. test. § 23. Fachinæus controv. juris lib. 4 cap. 9. Perezius ad cod. de liberor. præter. no 13. Puffendorf observ. jur. univ. tom. 4 obs. 76 § 12 et 13. Westenborg ad tit. de liber. et posth. § 10.

» et inde natæ querelæ effectus, infirmatio scilicet integri testamenti, et actio nova, seu *condictio ex nov.* 115 est data, quæ certè utilior est priore; cum per eam voluntas testatoris, in quantum impia non est, conservetur, neque alii legatarii, qui vera innocentes sunt, per talem testamenti partialem rescissionem læduntur, sed solummodo illi, qui contra pietatem Iæsus est, subvenitur, et tantum extraneo instituto impietatem causanti hereditas adimitur; ex quo plano fluere alveo videtur, quod querelæ inofficiosi, utpote subsidiariæ, post novellam locus amplius esse haud possit. »

Huic opinioni, firmissimiis argumentis probatae, suffragandum esse censeo. Legitimæ igitur petitio, sive *condictio ex nov.* 115 tanquam actio personalis 30 annis præterlapsis præscriptione extinguitur.

Porro actionem ad legitimam tantum præscribi intra triginta annos existimo, cum petitio hæreditatis tantum præscribatur illo tempore, uti videre est in *l. 3 C. de petit. hæred.* et nulla ratio sit, cur potius præscribatur legitima, quæ favorabilioris quidem naturæ est. Cæterum rectius actionibus personalibus adnumeratur petitio legitimæ; nam datur adversus illos, qui hæreditatem tenent; nec certa bona designari possunt, in quibus legitima capienda est. Quod attinet tertios possessores bonorum, e quibus legitima petenda est, quin bona illis avocari non possint post possessionem 10 vel 20 annorum, mortuo illo, e cujus bonis legitima petitur, non dubito.

§ III. Sponte sese hic offert quæstio, a quonam temporis termino illa præscriptio incipiat? Solutio haud difficilis, si animadvertiscas; nunquam præscriptionem incipere, nisi ius, de quo præscribendo agitur, ita acquisitum sit, ut illud exerceri possit *l. 7 C. i et 4. de præscr. 30 vel 40 ann.* Ex inde jam patet, legitimæ petitionis præscriptionem non incipere, nisi a morte aut naturali aut civili illius, e cujus bonis legitima petenda est.

Attamen hujus regulæ quædam sunt exceptiones, quæ etiam in aliis præscriptionibus obveniunt, et faciunt, ut initium præscrip-

tionis non a die ordinarie fixo procedat. Numerantur in primis, si legitimarius minorenus sit, ex axiomate recognito, *adversus minores non currit præscriptio l. 3 Cod. quib. non obj. longi temporis præscr. l. 2 cod. in quibus caus. restit. in integ. necessaria non est.* 2.^o Si legitimarius adhuc patris potestati subjacet, tum ususfructus portionis legitimæ patri debitum, et principium in jure viget, quod nunquam currat adversus filios familias præscriptio quoad bona, quorum pater usumfructum habet l. 1 C. de bonis maternis, et matern. gen. quia nullam poterit exceptionem opponere filiis quandocunque rem suam vindicanibus. Urgent quoque l. 1 § 2 de ann. except. et l. 4 C. de bonis quæ liber. 3.^o Quotiescumque legitimarius impeditus fuerit jus suum exercere; quod profluit ex principio: *contra non valentem agere non currit præscriptio*: argum. l. ult. § 11 Cod. de jure delib. et de adeun. vel acq. hæred. l. ult. § 3 C. com. de leg. 4.^o Non currit præscriptio, quamdiu legitimarius in communi vivens, ex ipsa successione, e qua legitimam petere debet, haurit alimenta sibi necessaria, et quæ sub hoc nomine intelliguntur. Legitimarius enim in hoc casu possedit ipsas hæreditarias res, quibus legitima sua complectitur. Sententiam nostram haurimus ex leg. 7 § 5 C. de præscript. 30 vel 40 ann.

§ IV. Florentibus consuetudinibus nostris, cum hæredes recte in testamento præteriri possent, nec institutio hæredis extranei admitteretur, sed hæres esset ille, qui proximus erat habilis ad succedendum; *Cons. Gand. rub. 28 art. 1. Alden. rub. 10 art. 3* et in omnibus reliquis; valebat quod legitima portio hæredibus debita, tantum per liberalitatem testatoris lædi posset. Simul ac hoc accideret, reducebantur liberalitates factæ, et legitimæ portiones ex illis dæducendæ erant: vid. *Cons. Gand. rub 28 art. 2* et *Van den Hane in notis ad eundem articulum; consuet. Brug. tit. 4 art. 2. Ald. rub. 20 art. 6.* Itaque hæredibus tantum actio competit, quæ, cum nullæ dispositiones speciales hæc de re existerent præscriptioni subjacebat; ac aliæ actiones reales et personales, quæ pleræque tempore 30 annorum præscribebantur: *consuet. Gand. rub. 19 art. 1. Ald. rub. 15 art. 2. Contrac. rub. 11 art. 1.* Ulterius

quoad initium præscriptionis, tempus jure romano statutum servabatur; excepiebantur quoque casus, ubi adversus minores currebat præscriptio, nec non adversus interdictos, aut absentes, ita ut aequo vigeret principium, contra non valentem agere non currit præscriptio; vid. *Cons. Gand. rub.* 18 art. 1. *Ipren. rub.* 17 art. 1. *Ald. rub.* 15 art. 2.

S E C T I O . S E P T I M A.

DEFECTUS INVENTARII.

§ I. Quæstio, utrum jus ad legitimam etiam tollatur defectu inventarii, multis controversiis locum dedit et in ea quam maxime interpres dissentunt. Quanquam Voetius ad Pandectas (1). Perezius ad Codicem (2) affirmativam sententiam sequuntur, tamen cum Brunnemano ad Codicem (3), Hubero ad inst. (4), And. Gaill (5), negativæ sententiæ suffragor, quam æquitati et juris principiis magis concordantem credo. Ante omnia observandum est, filium, qui ad consecrationem inventarii tenetur, et illam negligit, nihil deducere posse a creditoribus hæreditariis; itaque, dum plura dantur debita quam bona in successione, quæstio de legitima oriri nequit; legitima autem est portio bonorum, quæ non intelliguntur, nisi deducto aere alieno l. 8 § 9 *ff. de inoff. testam.* Quæstio itaque tantum hæc est, utrum donatarii et legatarii filio, qui neglexit inventarium, legitimam auferre possint? Quod plane negandum esse dixi, cum secundum leg. 32 *Cod. de inoff. testam.* nunquam fieri possit, ut, extra casum justæ exhæredationis, legitima per dispositiones testatoris tollatur: nec ulla lex in jure Romano statuit, quod ob defectum inventarii jus petendi legitimam auferatur.

(1) Lib. 28 tit. 8 n.^o 27.(2) Lib. 6 tit. 30 n.^o 13.(3) Lib. 6 tit. 30 n.^o 28 et 29.(4) Lib. 2 tit. 19 n.^o 16.(5) Lib. 2 observ. 138 n.^o 15.

Objiciunt huic sententiæ adversarii præcipue *l. ult. § 14 Cod. de jure delib. et de adeun. vel adq. hæred. et nov. 1. cap. 2.* Prior vero lex quartam Falcidiam adimit hæreditati instituto in poenam neglecti inventarii; at inde nullatenus deduci potest, hanc poenam ad legitimam producendam esse: principium enim, *odiosa restringenda sunt*, hic maxime obstat. Nec facit, quod interdum in jure et in quibusdam Pandectarum textibus (uti probavi in historia legitimæ) sub nomine Falcidiæ comprehendatur legitima. Quis docet nos a falcidia argumentari ad legitimam, cujus multo æquior ratio, et major necessitas? Etenim proprio verborum sensu magnopere differt legitima a Falcidia; et quidem eo magis jure novo, quod hæc Falcidia semper sit quarta, ubi e contra legitima aliquando sit triens, semis, et varietur pro numero liberorum. Itaque extendi non potest poena, præsertim in specie, ubi legitima jure naturæ liberis debetur, et Falcidia ex iure civili omnem vim dicit. Ulterius ex lege ipsa, quam afferunt adversarii, erui-mus, poenam applicari non posse legitimæ: *nov. 1. cap. 2* in fine autem dicit: *si vero expressim designaverit, non velle hæredem retinere Falcidiam: necessarium est testatoris valere sententiam.* Hæc verba nullo modo de legitima loqui possunt, quia hanc a testatore non posse prohiberi nota res est; adeoque perspicue enitet, imperatorem non de legitima, sed de Falcidia specialiter loqui voluisse.

Frustra objiciunt, rationem, cur introducta sit pena amissionis Falcidiæ neglecto inventario, quoque militare pro poena amissionis legitimæ. Ratio, aiunt, poenæ amissionis Falcidiæ est fraus præsumpta hæredis, cui facile fuit, res quasdam hæreditatis distrahere, et ita efficere, ut quartam Falcidiam salvam non habeat, et locus sit reductioni. Eadem autem ratio respectu filii datur circa legitimam suam; itaque principio standum: *ubi eadem est ratio, eadem esse debet legis dispositio.* At responsio in promptu est. Principium hoc non potest latius operari, quam rei veritas operaretur; ideo frustra invocatur si textus legis huic refragetur, uti hic obvenit in *nov. 1. cap. 2 et 3*, nec non in *l. ult. § 10 Cod.*

de jure delib. etc., quæ statuit poenam, qua in duplum tenetur hæres, qui fraude egit in confectione inventarii, non autem multatur amissione legitimæ. Secunda disparitas est inter legitimarium et extraneum, qui negligit repertorii confectionem. Hæres autem extraneus fraude efficere potest, ut quartam obtineat Falcidiā, cui, si fraudem non adhibuerit, locus non fuisset, cum forte ultra tres quartas gravatus non esset. Legitimæ vero petitio semper obtinet, quin ulla fraude opus sit. Porro facilius præsumptio fraudis extraneum afficit, cum ille nullam æquam rationem asserre possit suæ negligentiae; ubi filius excusandus esset, quia confectione inventarii penitus detegit arcana familiæ, quæ obtigi ipsius saepius interest. Ex his patet, non casdem militare rationes, ut poena amissionis Falcidiæ etiam legitimæ, applicetur. Alia objec-*tion*, quæ sententiæ huic opponitur, exoritur ex nov. 1 cap. 2, ubi Justinianus statuit, ut, qui inventarium non fecerint, amitterent jus crediti; unde deducunt, legitimam, quæ verum debitum constituit, amitti, si legitimarius inventarium neglexerit. At paritas nulla inter legitimam, et alia debita patris. Ante introductam inventarii institutionem, quæ jure novo tantum invaluit, hæres succedens jus crediti amittebat per confusionem, quoniam defunctum semper representat; tamen filius, paternam hæreditatem adiens, jus ad legitimam retinebat. Porro cum postea Justinianus concesserit hæredi, qui inventarium confecit, beneficium crediti, favorem junxit confectioni repertorii. Favoris illius recusatio, si inventarium non conficitur, nullatenus poena dici potest, cum jure communi credita hæredis extinguantur per confusionem. Si autem filius legitimam suam amitteret, id meram poenam constitueret, cum jure communi illam retineat. Itaque ut argumentum adversariorum valeat, oporteret, ut Imperator amissionem legitimæ portionis introduxisset in poenam neglecti inventarii.

Tandem asserunt, Justinianum in *leg. ult. § 1 et 2 Cod: de jure delib.* locutum esse de suis hæredibus, et de extraneis sine distinctione. Justinianus vero vult in hac lege, ut inventarium tam a liberis quam extraneis conficiatur, si beneficium

inventarii vindicare velint , at poenam nullomodo Imperator ad legitimam extendit. Nec quoque validiori fundamento nititur objectio , quod concedendo legitimæ deductionem filio una manu tribuatur , quod altera adimitur , cum legitima sit major ac Falcidia. Nam quanquam legitima ordinarie sit major Falcidia , non tameu hoc semper obtinet ; cum legitima e contra ubique favorabilem suam naturam secum ferat.

§ II. Tempore consuetudinum non magis , ac jure Romano quædam dispositiones reperiuntur , quæ in poenam neglecti inventarii amissionem legitimæ indicant ; itaque eadem principia ac illa , quæ explanavimus , observanda fuisse existimo. Verum consuet. *Gand. rub. 24 art. 26, Brug. tit. 4. art. 1, Ald rub. 2 art. 15 et aliae poenas quasdam statuunt circa negligentiam confectionis inventarii ; at nullibi de legitima portione quæstio est , merito itaque eas poenas ad legitimam extendi non posse credo.*

SECTIO OCTAVĀ.

TESTAMENTUM MILITARE.

§ I. Novimus , jure Romano maxima privilegia concessa esse testamentis militum ab Imperatoribus variis , inter quos numerantur Julius Cæsar , Titus Domitianus aliique ; uti videre est in *l. 1 § 1 ff. de testam. milit.* Omnes illi imperatores ob imperitiam militum , ob continuum periculum , in quo versantur , et præcipue , ut faveant militiae illa concesserunt privilegia , non solum milibus , sed etiam iis personis , quæ castra sequebantur , ac periculis subjacebant , *l. 1. § 1 ff. eod. et l. 3. Cod. eod.* Simul ac rationes illæ desinerent , ita ut nulli periculo amplius subjacerent milites , cessabant quoque privilegia. Inde milites , qui in expeditione , aut castris non versabantur , et jam per annuni honestè dimissi erant , vel personæ non milites , quæ castra relique-

rant, eisdem privilegiis non amplius gaudebant. Varia inter privilegia numerabatur præcipue, quod miles, si certus de liberorum existentia; eos præteriisset, perinde haberetur, ac si liberos diserte et juste exhaeredasset *l. 7. ff. cod. l. 12 proœ. de bonis libert. l. 9 C. de testam. milit.* Nec contra eorum testamentum querela aut honorum possessio concedebatur *l. 27 § 2 ff. de inoff. tesam. l. 9, 24 et ult. C. eod.*

§ II. Neque admittitur querela adversus testamentum militis, sive id jure militari, vel civili factum fuerit, sive a patre familias, sive filio familias de *castrensi peculio* conditum. *L. 9 l. 24 C. de inoff. testamento*, ita, ut ne miles quidem in eo præteritus aut exhaeredatus de inofficio quéri possit. *L. 27 § 2 ff. de inoff. test.* Illud autem militibus concessum privilegium non solum ei, qui in militia defunctus est, prodest, sed quoque vires suas retinet intra annum post missionem impetratam, quia ad hoc usque tempus jure militari testamentum ejus valet. *l. 8 § 4 ff. de inoff. test.*

Id singulare jus filiis familias paganis, sive olim milites nunc ad vitam paganorum tranquillam redierint, sive nunquam sagam militiam fuerint professi, imperatoria constitutione, nempe *l. 37 § 1 C. de inoff. test.* indultum fuit, ut eorum testamenta de peculio castrensi vel quasi castrensi facta querelā inoff. nunquam expugnarentur. Sed quod filio familias pagano tribuitur privilegium, patribus familias paganis, cum de rebus, in vera vel quasi tali militia quæsitis, testamenta condant, nominatim in legibus denegatur *l. 8 § 2 ff. de inoff. testamento*, quæ dicit: «*Pat- pinianus l. 2 responsorum, ait, contra Veterani patris familias testamento esse inofficiosi querelam, etsi ea sola bona habuit, quæ in castris quæsicerat.*» Cum enim id privilegium ad *peculium* filii familias propriè pertineat, causa aperta est, cur patri familias, quantumvis de rebus ex militia quæsitis testatus fuerit, illud non proficiat. Imperator enim *l. 37 in fin. C. de inoff. test.* præcipit: «*Si is (filius familias) sui juris efficiatur, nomen peculii interiit, resque ad illud spectantes aliis rebus confunduntur, et similem fortunam recipiunt, quemadmodum-*

» et cæteræ res eorum, quæ in unum congregantur ex omnibus patrimonium. »

Sed controversum est, utrum hoc jus singulare, filiis familias concessum, per nov. 115 cap. 3, et 4 sublatum sit, nec ne. Plures (1) contendunt, filiis familias hoc privilegium tunc esse ademum, si de peculio castrensi et quasi castrensi *jure communi* testarentur, et non, nisi testamentis vere militaribus illud concessum manere. Probant sententiam suam per verba cap. 4 nov. 115, ubi Justinianus præcipit: « Non licere liberis parentes suos prætereire, aut quolibet modo a rebus propriis, in quibus habent testandi licentiam, eos omnino alienare. »

Sed contraria opinio præferenda mihi videtur. Nam 1º Justinianus in nov. 123 cap. 9. clericis, patriæ potestati subjectis præscribit, ut, si de peculio quasi castrensi testarentur, parentibus legitimam relinquerent. Hæc autem constitutio plane superflua et inutilis esset, si verum esset, Justinianum jam in nov. 115 cap. 4 omnibus filiis familias de peculio castrensi vel quasi castrensi jure civili testantibus præscripsisse, ut relinquerent legitimam parentibus. Verius itaque videtur, Justinianum illud privilegium, filiis familias paganis concessum, nusquam revocasse, et nov. 123 cap. 9 exceptionem a regulâ communi constituere.

2º Principium juris est, privilegia speciali lege priori concessa per legem posteriorem *generaliter* loquentem minime revocari, nisi ex hac lege novā legislatoris consilium sufficienter appareat, jus singulare illud tollendi; quod autem de verbis citatis cap. 4 nov. 115 dici nequit. Hanc quoque opinionem plurimi eique clarissimi Jurisconsulti defendunt (2).

§ III. Magna vero controversia datur inter interpretes, utrum hæc testamentorum militum privilegia nostris admittatur con-

(1) Noodt. comment. ad ff. iit. de inoff. test. circa finem. Struvius syntagma jur. civ. exercit. X. thes. 39. Stryek usus modern. Pand. tit. de inoff. test. § 14. V. Zuichemius comment. ad princ. inst. de militi. test.

(2) Donellus comment. jur. civ. L. XIX cap. 5 Gocceii jus. civ. controversum de inoff. test. quæst. 19. Boehmer introd. in jus. dig. de inoff. test. § 14. Malblanc princ. jur. rom. tom. III. § 699 n.º 2. Huberus ad inst. lib. 2 tit. 13 n.º 8 Perezius ad Cod. lib. 6 tit. 22 n.º 16 Vinquius ad inst. libr. 2 tit. 13 § 7 n.º 3.

suetudinibus? Quanquam multi contrariam defendunt sententiam, attamen affirmativa mihi adoptanda videtur. Verum consuetudines de testamentis militum nullam specialem continent dispositionem; at dum illæ nostræ leges silebant, principium receptum erat, quod jus scriptum, scilicet Romanum, in subsidium valeret. Illud enim jus nostris moribus receptum erat, et vigebat in omnibus casibus, ubi ei contrariæ non erant dispositiones consuetudinariæ. Cæterum causæ, cur legislatione Romana privilegia illa concessa fuerint, eadem sub consuetudinibus exstabant; inde nulla ratio, cur tum temporis non admissa dicantur illa privilegia, cum nullis specialibus dispositionibus abrogata essent. Inde sub consuetudinario jure æquè ac sub illo Romanorum, modo recta adessent requisita, liberos aut parentes testamento militari à petione legitimæ excludi poterant. Hac de re nobis exemplum memorat idque, corroborat auctoritate rei judicatae Huberus (1); insuper eamdem sequuntur sententiam plurimi scriptores, uti De Ghewiet (2), Vinnius (3), Christinæus (4), Groenewegen (5) et quamplurimi alii.

(1) Ad ff. lib. 29 tit. 1 n° 2.

(2) Institut. du Droit Belgiq., parl. 2 tit. 4 § 6 art. 1.

(3) Ad inst. lib. 2 tit. 11 ad § ult.

(4) Decisiones curiæ Belgicæ, vol. 5 dec. 149 n° 24 et seq.

(5) De leg. abrog. pag. 32 edit. 1649.

Caput quartum.**DISPARITAS INTER JUS AD LEGITIMAM ET SUCCESSIONEM.****AB INTESTATO.**

S. I. Ex iis, quae jam supra fusius probavi, quod scilicet personæ, ad successionem ab intestato legibus vocatæ, nondum etiam per hoc solum legitimam possint exigere, differentia quædam, eaque maximi momenti legitimam inter atque successionem ab intestato descendit. Hoc loco quæstio non minoris ponderis occurrit, utrum legitima *bonorum* vel *hæreditatis* sit portio quædam. Hujus autem quæstionis gravitas in eo cernitur, quod ab ejus solutione pendeat, utrum legitimarius hæreditati posset renunciare, et nihilo tamen minus legitimam suam postulare nec ne? Controversa est maximè hæc quæstio. Vinnius (1) et Huberus (2) eam partem esse hæreditatis existimant; Voetius (3), Andraeas Gaill (4), præses Faber (5), aliique plurimi contrariam defendunt sententiam, cui suffragandum esse credo.

Nam 1º, non ante ineunda est legitimæ ratio, aut præstatio facienda, quam si deductum fuerit æs alienum atque funeris impensæ. L. 8 § 9 ff. de *inoff. test.*, quo facto non *hæreditatis* sed *bonorum* denominatio superest. *Bona* enim propriè non sunt, nisi quæ deducto ære alieno supersunt. L. 59 § 1 ff. de *V. S.*

(1) Ad inst. lib. 2 tit. 17 ad § 6.

(2) Ad inst. lib. 2 tit. 18 n° 9.

(3) Ad ff. lib. 5 tit. 2 n° 44.

(4) Practicar. observ. lib. 2 observ. 119 et 120.

(5) Ad cod. defin. lib. 2 tit. 5 def. 18 n° 2.

L. 72 ff. de jure idol. l. 6 C. de collation. Aebini eo bona distant
 ab hæreditate, quæ et æris alieni onus includit, ac damnosa hæ-
 redi esse potest; cum ex adverso bona, a beando dicta, damnosa
 non sint *l. 49 ff. de V. S. 2.* Jure antiquo Romanorum, legitimi-
 ma quovis titulo relinquere poterat, sive illo institutionis sive legali
 et fideicommissi et mortis causa donationis, § ult. *de inoff. test.*
 inde absque dubio, tum præ se non ferebat naturam hæreditatis,
 sed partem bonorum efficiebat: quanquam hoc mutatum sit jure
 novo, ita, ut hodiè titulo institutionis relinquere debet nov. 115
cap. 3.; tamen inde frustra credunt adversarii, legitimam jure
 novo partem efficere hæreditatis: illa enim semper retinuit natu-
 ram favorabilem, semper ob easdem rationes liberis conceditur.
 Etsi Justinianus titulum institutionis requisivit, id introduxit in
 favorem liberorum, quia ille titulus et honorabilior et fructuosior
 ipsis est propter ius accrescendi; adversarii itaque, qui inde volunt,
 legitimam partem esse hæreditatis principio impingunt in jure re-
 cepto *l. 25 ff. de leg.:* Nulla juris ratio patitur, ut quæ pro utilitate homi-
 num introducuntur, illa contra ipsorum commodum producamus ad
 severitatem. 3.º Nostram opinionem affirmant, dispositiones *l. 6 C. de inoff. test.* et *l. 5 C. de inoff. donat.* quarum in priori
 legitimia dicitur: quarta bonorum pars, quam mortis tempore testator
 reliquit, et in altera, debitum bonorum subsidium. 4º Nov. 18 cap. i
 in nostram sententiam non minus abundat, cum determinet
 legitimam non ad quotam hæreditatis, sed ad propriam substanciam,
 quæ denotat bona, in quibus alimenta sumuntur, et quorum
 in numero certe passiva non comprehenduntur; quibus ratio-
 nibus adjungi potest, legitimam, nullum accipi posse gravamen *l. 36* § 1 *Cod. de inoff. testam.* Gravamen autem non leve esset, si
 filius legitimarius in sola institutus legitimam, eamdem percipiens,
 impediretur vindicare pro parte res suas, a patre defuncto nullo
 jure distractas, et cogeretur, ultra legitimæ ipsius vires agnoscere
 æris alieni molem, quod tamen eveniret, si legitimam pars es-
 set hæreditatis. Insuper 5º qui legitimæ supplementum petit, agit
 actione personali, puta condictione ex lege; tamen petitione hæ-

reditatis experiri deberet , si pro portione legitima fuisset hæres l. 54 ff. de hær. petit. Tandem 6.º omne dubium evanescere debet coram dispositione l. 8 § 9 ff. de inoff. testam. ; quæ expressis testatur verbis , quartam autem accipi « *deducto ære alieno et fūneris impensa.* » Porro quid per bona in jure intelligitur , videmus ex textu l. 39 ff. de verb. sign.

Argumenta auctorum , qui contrariæ opinioni dediti sunt , non parvi sunt ponderis , attamen omnia æquitatis et juris principiis facile destrui possunt. Objiciunt nobis in primis , legitimam constitutere portionem portionis ab intestato debitæ , et inde deducunt consequentiam , eam esse partem hæreditatis. Responsio facilis. Verba illa definitionis legitimæ accipienda sunt de parte bonorum , quæ ab intestato debentur , deducto ære alieno ; ita quoque jure veteri hæc definitio obtinebat , quanquam tum certum habebatur , legitimam efficere quartam honorum. Nec quidquam hic facit , quod objiciunt adversarii , non licitum esse argumentari a jure veteri , cum jus novum illud legislationis punctum immutaverit. Non enim magis licitum est , ex definitione , jure veteri stabilita , deducere , legitimam esse partem hæreditatis. Secundam objectionem eruunt ex l. 27 § 13 ff. ad SCtum Trebell. , ubi legitima patroni vocatur pars hæreditatis. Notandum , quod ita dicantur , quia titulo institutionis a testatore reicta creditur , et ob eamdem rationem legitima in § 3 Inst. de inoff. testam. pars hæreditatis dicitur , quia titulo institutionis a testatore reicta est. At difficillorem objectionem ex eadem lege. 27 § 13 eruere volunt. Ex illa , aiunt , patet , quod institutus in legitima cogi possit adire hæreditatem , eamque restituere tertio ; atqui solus hæres ad additionem cogi potest , non autem legatarius. At falsum , quod institutus in sola legitima ad adeundam et restituendam hæreditatem constringi possit , cum legitimæ nullum gravamen , aut restitutionis onus imponi posse , principia juris nos doceant ; nec id voluit lex citata , qua solummodo nobis proponitur patronus , ab initio ex asse institutus , et rogatus , ut retenta sua legitima , cæteram hæreditatem liberto suo restituat. Ad illud adimplen-

dum non tenetur patronus , nisi in quantum legitimam suam salvam habeat : id suadent partes sequentes legis.

Tändeni opponunt nobis , quod jus accrescendi obtineat in legitima , quod non obveniret , si legitima partem bonorum efficeret . Concedam jus acerescendi obtainere in legitima ; at inde nulla posfluit consequentia , contra nostram sententiam ; cum jus illud non solum locum obtineat in hæreditate , at etiam in aliis casibus ; v. g. si alicui titulo institutionis relieta fuit res certa , obtinet jus accrescendi , attamen res certa non magis partem hæreditatis constituit quam legitima .

§ II. Hac quæstione enucleata , facilè enotescunt omnes minores differentiæ legitimam inter et hæreditatem . Huc in primis numerari potest , legitimarium non teneri ultra legitimam suam ad debita successionis , cum haeres simplex teneatur ad omnia debita , etiam ultra vires . 2º Qui legitimam tantum vindicat in successione quædam , non debet præstare facta omnia sui auctoris , sed e contra rem suam , a defuncto nullo jure ab alienatam , uti extraneus , vindicat . Contrarium autem obtinet respectu hæredis l. 14 *Cod. de rer. vindic.* 3º legitima portio , debitum naturale constituens , relinquenda est sine ullo onere , conditione aut gravamine , et si impositum fuerit onus , ipso jure tollitur , l. 32 *Cod. de inoff. test.* Hæreditas autem gravamen recipit . 4º Legitima petitur condicione *ex nov.* 115 ; hæreditas e contra obtinetur per petitionem hæreditatis : l. 54 *ff. de hæred. pet.* 5º Vidimus suprà in sectione de renunciatione , renunciationem tacitam circa legitimam non admittendam esse ; tamen eam procedere validè circa hæreditatem , nos docet l. 17 § 1 *de acquir. vel. amitt. hær.* 6º Imperator Justinianus *in nov. 1 cap. 1 et 4* affirmat , hæredem legitimarium , quavis jussum testatoris non impleverit , non amittere legitimam . E contrario si haeres institutus voluntati testatoris non pareat intra annum , indignus ab hæreditate saepius repellitur : *authen. Hoc amplius Cod. de fideicomm.* 7º Imperator æquè decidit in *nov. 123 cap. 38* , liberos parentis , qui religioso ordini nomen dedit , amittere hæreditatem paternam , legitimam portionem autem retinere .

I. § III. Ex omnibus his principiis, nec non ex illis, quæ exposui, ubi de renunciatione tacita egi (in § 5 sèct. 4 cap. 3), evidenter elucescit, titulum hæreditis non requiri, ut aliquis ad legitimam portionem admittatur. Principium illud; uti recta consequentia, pronanat ex omnibus differentiis, quas hæreditatem inter et legitimam stabilivimus, et præcipue ex illa, quod legitima pars bonorum sit non hæreditatis. «*La prodigieuse différence, ait de la Champs pagne* (1), qui se trouve entre l'hérité et la légitime, fait bien connaitre qu'on peut avoir l'une sans l'autre, ou être privé de l'une, et avoir l'autre, etc. . . . » Videatur insuper Voetius ad ff. lib. 5 tit. 2 n.º 44.

II. § IV. Sub consuetudinibus nostris non minoris difficultatis erat quæstio, utrum legitima portio partem hæreditatis an partem bonorum constitueret? Contrariam sententiam illi, quam jure romano sustinui, admittendam esse jure consuetudinario existimo. In primis observandum, quod institutio hæreditis non admissa esset, itaque tum tantum locus esset actioni ad legitimæ supplementum, ubi portio relinquenda per liberalitates læsa erat. Omnes consuetudines, dum legitimam stabilunt, portionem eam tantum concedunt hæredi, quam conditionem semper requirere videntur. Ita in illa *Gand. rub. 28 art. 2*, dicitur, *elk hoir*; nec non in *Alden. rub. 20 art. 7*: *Elk hoir van den testateur moet de twee decelen van zyn successie etc.* *Cortr. rub. 14 art. 6*: ita, ut ubique soli hæredes jus habeant ad legitimam, et reductionem postulandi liberalitatum; unde jam consequentia sponte pronanat, legitimam efficere partem hæreditatis, uti eam nuncupat Stockmans (2). Plures aliæ differentiæ legitimam inter et hæreditatem evanescunt, ex inde, quod legitima partem hæreditatis efficeret, non vero partem bonorum.

(1) *Traité de la légitime*, chap. 25.

(2) In dec. 22. n.º 4.

Caput quintum.

DE QUANTITATE LEGITIMÆ.

§ I. Legitimæ portionis quantitas sub diversis legislationis Romanæ periodis diversa quoque fuit. Ab initio judicia centumviralia pro arbitrio eam definierunt: postea tamen ex analogia legis Falcidiæ, legitimæ portionis quantitas quadrans seu quarta pars determinata est bonorum, quæ ab intestato ad legitimarium pervenissent. Quam ab causam legitima portio sæpius quarta Falcidia in legibus nominatur. *L. 31 C. de inoff. test. L. 5 § 3 C. ad leg. Jul. majest. Nov. 92 præf.* Legitima tamen portio semper quarta honorum fuit, vel si tres aut quatuor, vel si decem vel viginti essent legitimarii; quum horum numerus ad augendam vel minuendam legitimæ quantitatem nihil faceret. *L. 8 § 6 et 8 ff. de inoff. test. l. 6 et 31 C. eod. L. 2 C. de inoff. donat. § 3 et 6 inst. de inoff. test.* Exinde consequebatur, ut liberi patris opulentis, quorum magnus erat numerus, ad misericordiam sæpius redigarentur, legitimâ portione inter plurimos divisa. Quam ob causam Justinianus legitimam portionem auxit per nov. 18 cap. 1 et *Authent. novissima lege Cod. de inoff. test.*; et voluit, ut legitima nunc triens, nunc semis sit totius substantiæ defuncti, pro numero personarum, quibus debetur; ita ut, si quatuor aut pauciores existerent legitimarii, trientem vindicare possint, si plures autem, quam quatuor, semis seu sex unciae ad illos pertineant.

§ II. Cum hæc nov. 18 cap. 1 tantum mentionem faciat de le-

gitimia liberorum, nec memoret illam ascendentium aut collateralium, inde controversia orta, utrum legitima ascendentium jure novo aucta fuerit, æque ac illa liberorum? Ad hanc quæstionem, affirmativam sententiam plerique interpres defendunt, uti Voetius ad Digesta (1), Van Leeuwen (2); Perezius ad Cod. (3), Domat, sur les *Loix civiles* (4). Quorum opinioni suffragari non dubito. Quanquam autem novella allata nihil de ascendentibus dicat, tamen in verbis finalibus statuit imperator, quod hanc dispositionem circa liberos statutam, etiam intelligat extendere ad omnes personas, quibus jure antiquo quarta competebat. *Hoc observando, ait, in omnibus personis in quibus ab initio antique quartæ ratio de inofficio lege decreta est.* Cæterum in nov. 89 cap. 12 § 3 Imperator adjicit: *Si vero habuerint hi, quos prædiximus, aliquos ascendentes, legitimam eis relinquant partem, quam lex et nos constituimus, quæ verba non nisi ad constitutionem nov. 18 referri possunt.* Domat loco laudato miram movit controversiam: « *Ces paroles de la Novelle 18, dit cet auteur, semblent comprendre assez clairement les ascendans, et ne peuvent s'entendre que d'une suite légitime, sans distinction de leur nombre, puisqu'on ne doit pas supposer qu'il se rencontre plus de quatre ascendans.* » Quanquam raro eveniat, ut plusquam quatuor ascendentes quis habeat, malè tamen inde concludit Domat, ascendentes tantum habere trientem, non semiensem, si plusquam quatuor numerentur, quod evenire potest, et quidem, ut octo numerentur ascendentes.

§ III. Majoris controversiae est, an hoc augmentum circa legitimam etiam in favorem fratrum sororumve, quibus persona turpis antelata est, extendi possit? Voetius ad Pand. (5) et Vinnius ad Inst. (6) negativam defendunt sententiam. Argumenta sua eruunt ex verbis Imperatoris in proœmio constitutionis nov. 18

(1) Lib. 5 tit. 2 n.^o 46.

(2) Censura for. part. lib. 3 cap. 4 n.^o 12.

(3) Lib. 5 tit. 28 n.^o 32.

(4) Liv. 3 tit. 3 sect. 2 des Testamens.

(5) Lib. 5 tit. 2. n.^o 46.

(6) De inoff. test. § 3.

nitimus aliquid adinvenire semper et naturæ consequens. Ex illis deducunt, Imperatorem non loqui voluisse de legitima fratrum sororumve; nam naturalis pietas, aiunt, non adeo præscribit, ut legitima relinquatur fratribus æquè ac filiis. Cæterum, adjiciunt, ultimos terminos legis dispositionis sese extendere ad illas personas, quibus ab initio quarta competit; cum fratres autem, nec jure veteri, nec novo, statim ab initio illud jus ad legitimam habuerint, sed tantum ex postfacto, nempe si defunetus instituerit personas turpes. Et indè, si propriè loquamur, nulla competit fratribus legitima, sed querela, qua agunt, si persona turpis instituta sit. Contrariam amplectuntur opinionem Huberus (1), Van Leeuwen (2), Perezius (3), quorum sententiæ assentire mihi æquius et juris principiis conformius videtur. In primis nullatenus dicitur in nov. 18, hoc augmentum tantum locum habere in favorem illorum, quibus legitima sola naturali ratione concedatur; contra Imperator hoc observandum dicit in omnibus personis, quibus olim quarta debebatur, ne de inofficio agerent. Urget et illa ratio, quod motus fuerit Imperator ad augendam legitimam propterea, quod minor esset ejus quantitas, dum inter plures personas erat dividenda, quæ ratio etiam obtinet inter fratres.

Vocatis ad corroborandam suam sententiani abutitur verbis illis *ab initio*. Verba illa non volunt, quibus *ab initio post mortem testatoris* legitima debetur; sed, quibus antiquitus i. e. *ante nov. 18*, quarta legitimæ concessa fuit. Hic sensus naturalis est, et fratrum legitimæ augmento non oppugnat.

Porro, quod fratres non proprie habeant legitimam, sed querelam, id verum sophisma dici potest. Inde deducere, quod jus ad legitimam non habeant fratres, involveret exclusionem liberorum, qui præteriti sunt; illis enim quoque solum competit remedium querelam movendi, et æquè ac fratres, totam institutionem subvertunt. Itaque fratres præteriti, quibus antefertur persona infamis, eandem conditionem tenent ac liberi præteriti; et uti pater te-

(1) Ad iust. de inoff. test. n° 11.

(2) Censura for. part. 1 lib. 3 cap. 4 n° 12.

(3) Ad Cod. lib. 3 tit. 28 n° 53.

netur legitimam liberis relinquere ; si eos à querelā amovere studet , ita frater , si turpem personām instituat , ut testamentum suum salvūm maneat , legitimam fratribus sororibusque relinquere debet.

Quæstio , utrum legitima patronorum etiam aucta sit jure novo , nou sæpe difficultati locum dare potest , quoniam raro libertus plusquam quatuor patronos habet . Si tamen evenerit , eadem valerent ; ac de descendētibus et ascēdētibus cum patronus parens civilis liberti habeatur .

§ IV. Alia , non miuus controversa quæstio est , quanta sit ascēdētium legitima ? Quæstio distinguendo decidenda est . 1º Si ascēdētēs primi dumtaxat et secundi gradūs adsint ; clarum est , eorum legitimā nunquam *trientem* excēdere posse , propterea quod nunquam plures , quam quatuor ascēdētēs adesse possint . 2º Sin autem ascēdētēs tertii gradūs , in successione descendētis legitimā , concurrunt , legitima singulorū , si quinque vel plures adessent , ad semissem producenda est ; in quam semissem tamen in *lineas* succedunt . Contrarium tamen contendit *Gluck de constituenda legitimæ portionis parentum quantitate* § 18 , et quidem ex hac ratione : quod si ascēdētēs ab intestato successissent , hæreditas pro duabus lineis in duas partes divisa fuisse , quasi duæ dumtaxat personæ adsuissent , quum itaque legitima sit portio portionis ab intestato , consequens est , eam in hoc casu trientem esse debere , quia duæ dumtaxat *lineæ* succedunt , non autem quinque personæ aut capita . Sed perperam : nam *Justinianus* in *nov. 18 cap. 1* voluit , ut legitimæ quantitas pro legitimariorū numero determinetur . In casu igitur supposito legitima pro quinque personis est *semis* , sed successio in hanc semissem sit in *lineas* .

3º Difficilior tamen quæstio hæc est : quomodo ascēdētium legitima sit determinanda , si præter eos fratres sororesque germani , vel horum prædefunctorum liberi adsint , qui cum ascēdētibus ab intestato successissent . Antequām diversas recensem diversorum opinōes , casum quemdam exempli gratiā proponam . Titius defunctus est relicta matre , cui legitimam tantum reliquit , uxore hærede institutā , et quatuor fratribus consanguineis . Quanta

sit legitima matris quæritur? Tres adsunt diversæ opiniones. Alii (1) credunt; fratres, quia ab intestato successissent, non solum partem, sed quoque numerum facere in computanda legitima, i. e. non solum ad computandam portionem ab intestato, sed quoque ad determinandam legitimæ quantitatem concurrere, quamvis ipsi legitimam capiant nullam. In casu itaque proposito legitimam matris esse semissem ejus, quod ab intestato accepisset, sive $\frac{1}{10}$ totius successionis.

Alii (2) fratres neque partem, neque numerum facere, legitimam itaque matris esse tridentem totius hæreditatis.

Sed neque una, neque altera opinio menti nov. 18 cap. 1 et naturæ legitimæ consentire videtur. Legitima enim est portio *portionis ab intestato debitæ*. Ut itaque definiri possit, quanta sit legitima, prius determinari debet portio, quam legitimarius accepisset, si defunctus decessisset *intestatus*. Ut autem hæc portio rectè possit determinari, omnes numerandæ veniunt personæ, quæ cum legitimario ab intestato successissent; in casu proposito autem fratres cum matre ab intestato venissent; ergo quoque, in determinanda matris portione ab intestato, numerandi veniunt, i. e. partem faciunt. Mater itaque $\frac{1}{5}$ totius hæreditatis ab intestato habuisset. Definita portione ab intestato; legitimæ quantitas determinanda est. Ad determinandam autem hanc, illi dumtaxat numerari possunt, qui jus ad legitimam habent, ergo non fratres. Ex nov. 18 cap. 1. enim mente apparet, Justinianum, ex solo legitimiorum numero, legitimam vel tridentem vel semissem voluisse. Ex his itaque sequitur, fratres partem quidem, non autem numerum facere, et in casu proposito matris legitimam esse $\frac{1}{5} : 3 = \frac{1}{15}$ totius heræditatis. Hanc opinionem etiam defendit Anton. Faber in error. *Pragmat. Dec. XV err. 4.* Neque obstat, quod secundum hanc opinionem exhæredatus in determinanda legitimæ quanti-

(1) Noodt comm. ad dig. tit. de inoff. test. § sed apparet. Struv. syntag. jur. civ. exercit. io. Holzacker princ. jur. civ. § 1714.

(2) Domat sur les lois civiles, l. 3 tit. 3 sect. 2 des testaments. Voet ad pand. tit. de inoff. test. n° 47.

tate numerum non faceret, quia nullum ius ad legitimam habet. Exhaeredatus enim numerum facere debet; quia jus ad legitimam certe ab initio habuit, quod tamen propriâ culpa amisit. Culpa autem aliena innocentibus reliquis liberis nullum præjudicium neque damnum asserre potest.

§ V. Quomodo autem *nepotum* legitima determinanda est? Distinguamus: 1º si nepotes *ex pluribus filiis* præmortuis succedant, sive soli adsint, sive cum patruis concurrant, in computanda legitimæ quantitate, nunquam ad nepotum, sed parentum, quos repræsentant, numerum attenditur, quoniam nepotes ayo semper ex jure repræsentationis ab intestato succedunt. (1).

Quod si autem 2º plures nepotes *ex uno filio filiave* adsint, res controversa est. Plerique (2) auctores credunt, nepotes *non in capita sed in stirpes* succedere, nepotum numerum non esse computandum, sed eos tantum accipere, quantum præmortuus, quem repræsentant, habuisset, i. e. semper trientem portionis ab intestato, licet quinque adsint *ex uno filio filiave* nepotes. Quidam e contra contendunt, legitimæ quantitatem in casu posito secundum nepotum capita esse determinandam, ita ut, pro eorum numero, legitima vel triens vel semis esse possit illius, quod nepotes ab intestato accepissent. Rationem ex eo deducunt, quod in casu, de quo loquimur, successio ab intestato etiam in capita, non vero in stirpes fiat, et legitima semper secundum principia successio-nis ab intestato sit computanda. Attamen prior Voetii opinio præferenda mihi videtur, quia nepotes, qui præmortuum repræsentant, nunquam plus possunt habere, quam ipse pater materve habuisset, si mortuus non fuisset.

§ VI. Gravior quæstio hic datur, nempe, an legitima portio diminui aut gravari possit? Negativam amplecti sententiam non dubito. Leges legitimam considerant ut bonum proprium legitimarii, nec volunt, ut privatus eam diminuere possit, et ideo debitum legale legitimam constituere, voluerunt. Porro, uti nemo rem alie-

(1) Voet ad ff. de inoff. test. § 48.

(2) Confer. Voet. loco laud. Hofacker § 1713.

nam valide onerare possit , ita legitima absque mora aut dilatione præstanda est , l. 33 *Cod. de inoff. test.* , atque relinquenda nullo adjecto gravamine , nulla sub conditione , aut suspensione a die certa ; l. 30 pr. l. 32 l. 36 pr. et § 1 *Cod. de inoff. testam.* , ita ut , si quidquam gravaminis aut conditionis legitimæ relietæ appositum foret , ipso jure tolleretur , et pro non scripto haberetur , l. 32 citata ; nisi tamen bona mente et in favorem legitimarii conditio adjecta sit , uti exemplum habemus in l. 25 *Cod. de inoff. testam.*

Legitima quoque fideicommisso gravari non potest , uti statuit l. 36 § 1º *Cod. de inoff. test.* Et quanquam legitimarius non recusaverat , legitimam illam acceptare , inde equidem non deducere liceret validitatem impositi fideicommissi , cum , uti vidi-
mus , renunciatio tacita circa legitimam admittenda non sit .

Nec magis substitutione gravari potest legitima , exceptâ tamen pupillari , quia in hâc pater et filius pro unâ eâdemque personâ habentur , et talis substitutio non gravamen sed potius honorem constituit l. 26 *Cod. de inoff. testam.* At non validè ex illa lege deduceretur , legitimam substitutione reciproca gravari posse : nam lex 31 *Cod. de inoff. testam.* expressè requirit , ut legitima omni conditione et gravamine immunis relinquatur ; substitutio autem reciproca gravamen constituit , cum incertam reddat proprietatem legitimarii . Nec obstat nostræ sententiæ l. 12 *Cod. de inoff. test.* , quæ imperatori Alexandro debetur ; nam ex illa nullatenus probatur , substitutionem reciprocam nullum gravamen efficere in damnum legitimiorum . Cæterum hæc lex 12 abrogata videtur per imperatorem Justinianum in lege 31 *Cod. de inoff. test.*

Etsi generatim substitutione gravari nequeat legitima , speciem tamen quandam substitutionis videmus , quâ legitima onerari potest , et quam sub nomine exhaeredationis officiosæ protulimus ad exemplum l. 16 § 2 *de curatore furios.* , quæ nomine exhaeredationis usa est . Quæ de illa dicenda sunt , videantur supra cap. 3 sect. 1 § 6.

§ VII Legitima præstari debet de rebus substantiæ hæreditatis

paternæ l. 36 princ. Cod. de inoff. test. Ex hoc legibus sancito a xiōmate profluunt consequentiæ, quod liberi instituti in nuda proprietate, alterā autem personā in usufructu generali institutā, aut vice versa, huic institutioni stare non debeant, et possint totius portionis legitimæ plenam vindicare proprietatem, ita, ut et nudam proprietatem, et usumfructum possideant, ut sancitum est in nov. 18 cap. 3: et quod verba legis 36 supra allatæ, *ex ipsa substantia*, satis evidenter volunt.

Attamen, si pater reliquisset filio suo usumfructum bonorum, aut si malit legitimam suam integrum, talem stipulationem validam esse, existimo. Filius enim querendi causam non habet, eum optio ei sit, et facultas, aut legitimam suam salvam habendi, aut capiendi usumfructum omnium bonorum. Idem dicendum est circa clausulam, qua pater filium instituit ex asse, sub onere fideicommissi vel substitutionis, aut, si velit, pro parte legitimæ suæ salvæ.

Non solum gravari aut diminui nequit legitima respectu legitimariorum, sed etiam respectu illarum personarum, quarum sub potestate sunt legitimarii. Ita avus in testamento frustra scriberet, ne pater usumfructum haberet legitimæ filiis suis debitæ. Qui contrariam admittunt sententiam, opponunt huic opinioni *Authent. excipitur Cod. de bonis quæ liberis*; at non considerant, hanc legem per novellam 117 cap. 1 princ. abrogatam esse, quæ novella expressè concedit patri usumfructum legitimæ filiis suis debitæ. Eaudem amplectitur sententiam Huberus (1).

§ VIII. Sub consuetudinibus nostris quantitas legitimæ varia erat, prout modi erant, quibus disponebat de bonis ille, e cuius successione petenda erat. Si per donationem inter vivos de bonis disposuisset defunctus, legitimæ quantitas statuebatur, uti jure Romano, nempe triens, si pauciores aut quatuor tantum, et semis omnium bonorum defuncti, si plures quam quatuor legitimarii existerent. *Consuetud. Gand. rub. 12 art. 1. Brug. tit. 7 art. 6.*

(1) Ad ff. lib. 5 tit. 2 n^o 12 et alii.

Contrac. rub. 14 art. 1 etc. Illa Aldenard. indistinctè duas tertias partes in legitimam relinquere statuerat. Si autem per testamentum de bonis suis aliquis disposuisset, generatim consuetudines pro legitima statuebant, absque respectu circa legitimariorum numerum, duas tertias partes omnium bonorum defuncti. *Gand. rub. 28 art. 2. Alost. rub. 21 art. 1. Alden. rub. 20 art. 6, 7, 8.* Cum consuetudinibus hæredis institutio prohibita esset, et hæredes soli jus ad legitimam haberent, inde nullum dubium, quin legitima inter hæredes dividi deberet, ratione habita ad portionem, quam quisque ab intestato cepisset.

Quod ad quæstionem, utrum gravamen legitima recipere possit, nec ne, eadem principia vigebant, quæ attulimus Jure Romano. Id nobis exponit Groenewegen (1), qui expressè dicit, quod legitima ex substantia relinquendi debeat, ideo usumfructum non recipiat; porrò ad l. 8 *ff. eodem* nobis testatur: *Legitimam nullum accipere gravamen: nec non ad l. 25 C. eodem;* ubi tamen sustinet, quod, æque ac jure romano, onus recipiat in commodum legitimariorum, et plurimos ita sentientes affert auctores.

Cæterum id nobis quique exponunt ipsarum consuetudinum textus, uti Alden. rub. 20 art. 7: « *Elk hoir moet de twee deelen van zijn successie vry en ombezwaert hebben, zuyver van alle testamenteire dispositien als van eenige clausulen, conditien ende reseruen by testament gedaen last importeren.* » Videantur quoque reliquæ consuetudines locis citatis. Ita insuper sæpius judicatum fuit secundum Stockmans (2).

(1) De legibus abrogatis ad § 3 de inoff. test.

(2) In decisione 35.

Caput sextum.

QUA RATIONE LEGITIMA DETERMINARI DEBEAT.

Ut recte et lucide rationes omnes perpendendæ in determinatione legitimæ portionis exponi possint, in quinque diversas sectiones hoc caput dividendum venit, in quarum prima enucleare conabor, quænam personæ numerandæ sint ad legitimam determinandam; 2.^a quænam bona in legitima computanda; 3.^a quomodo instituantur reductio; 4.^a Quale tempus inspiciendum, ut legitima determinetur; tandem 5.^a quasnam imputaciones portio legitima sufferre teneatur.

SECTIO PRIMA.

DE PERSONIS IN STATUENDA LEGITIMA PORTIONE NUMERANDIS.

§ I. Certa est in jure regula, nec unquam controversiis inter interpres locum præbuit, computandas esse in determinatione portionis legitimæ omnes personas, quæ jus ad legitimam habentes illud revera exercent, aut saltem constituti sunt hæredes illius, de cuius successione legitima petenda est. Hæ tamen personæ vario modo legitimam capere sæpius vidimus, prout jure proprio, aut jure repræsentationis ad illam vindicandam admittuntur.

Majoribus autem difficultatibus ortum præbuit quæstio, utrum li-

beri, testamento paterno validè justèque exhæredati, partem faciant in legitimæ computatione, et ita ad eam determinandam connu-
randi sint? In hac controversia plurimi Juris Romani interpre-
tes sudaverunt. In illa quodammodo rerum caligine cum Vinnio (1),
Hubero (2), De la Champagne (3) et aliis plurimis sententiæ affir-
mativæ suffragor. Adversarii hujus opinionis plurimas faciunt dis-
tinctiones, quas omnes ex proprio capite et ratiocinio, non au-
tem ullis ex legibus quærunt, et inde majori difficultate quæsti-
onem obducunt. Indistinctè decidendum esse existimo, exhæ-
redatos in determinatione legitimæ numerandos esse. Argumenta
pro hac opinione militantia præcipue eruo ex l. 8 § 6 ff de *inoff. test.* quæ legitimam expressis verbis nuncupatur: *quartam partem ejus, quod ad aliquem esset perventurum; si intestatus pater familiæ decessessit.* Huic legis dispositioni, ut ipsi consenserunt, aucto-
tores opinionis contrariæ, nihil immutavit Justinianus in nov. 18
cap. 1. Itaque ut portio, quam quis ab intestato cepisset, deter-
minetur, omnia consideranda veniunt perinde, ac si testamen-
tum nunquam exstitisset, et exhæredatio, quæ ex testamento pro-
fluit, locum non obtinuisse. Inde nulla ratio, cur exhæredatus
excludatur a computatione, sufficit enim, modo succedere po-
tuisse, si defunctus ab intestato mortuus foret. Id lucidius ad-
huc statuitur per exemplum propositum in eadem lege 8 § 8 ff.
de inoff. testam., quæ in sensu nostræ sententiæ respondet Pa-
pinianus, filium exhæredatum partem facere.

Objicitur his rationibus, l. 1 § 5 ff. *de conjungendis cum eman-
cipato liberis*; in hac lege vero dicitur, exhæredatum pro mor-
tuо haberi; sed illa dispositio extendi non potest ad speciem hu-
jusce quæstionis; nam in dicta lege pater exhæredatus pro mortuo
habetur, quatenus liberis suis in bonorum possessione a prætore
non jungitur; at haud dubie magna datur disparitas inter bono-
rum possessionem et successionem ab intestato, quæ ultima hic

(1) Quæst. select. lib. 1 cap. 21.

(2) Ad pandect. lib. 5 tit. 2 n.º 4.

(3) Traité de la Légitime chap. 5.

sola spectari oportet. Nec magis urget *I. 10 § 4 ff. de bonor. posses. contra tabulas*, quæ statuit, exhaeredatum partem non facere. Id enim denuo procedit ex illa ratione, quod exhaeredatus pro mortuo habeatur respectu bonorum possessionis, sed id non evenit respectu possessionis ab intestato, quod luculenter probatur *I. 8 princ. ff. eod.*, quæ exhaeredatos liberos ad querelam admittit, his expressis verbis: *sane si velint inofficiosi querelam instituere, est in ipsorum arbitrio.*

Qui validè renunciaverunt legitimæ suæ post mortem illius, de cuius successione agitur, æquè ac exhaeredati indistinctè computandi sunt, ut determinetur portio legitimaria. Illis enim facultas fuit succedendi ab intestato, imo jamjam jus successionis in illos translatum erat. Nostra opinio corroboratur *I. 17 ff. de inoff. testa.*

Qui incapaces aut indigni succedendi sunt, vel per statutum a successione ab intestato exclusi, nullatenus numerantur in determinanda legitima; quod ex eodem semper profluit principio; quia illis omnibus personis spes succedendi ab intestato denegatur. Hac de negativa sententia nullas dari posse controversias existimo.

Jure Romano, si quis e legitimariis absens aut captus ab hoste forct, et liberos non reliquisset, qui eum repræsentant, non computabitur in statuenda legitimæ portione; quia per fictionem legis Corneliae mortuus existimetur a prima die ejus absentia, donec revertatur, quo tempore denuo resurgere creditur.

Aliqui dubitaverunt, utrum illi, quibus jus ad legitimam petitionem præscriptione ablatum est, numerandi sint? Quæstio illa ne minimum dubium quidem patitur, si consideremus, præscriptionem haberi jure uti veram solutionem; itaque legitimarii, de quibus quæstio movetur, æquè computandi, ac si legitimam jam accepissent.

§ II. Jure consuetudinario omnis difficultas extincta erat circa personas, ad stabiliendam legitimam portionem connumerandas. Hæreditis institutio prohibita erat, et soli veri hæredes legitimarii existere poterant; uti nobis omnes testantur consuetudines, quarum textus jam sæpius attulimus; itaque nunquam computandi veniebant illi, qui hæredes non erant, aut hæreditatem rejiciebant.

SECTIO SECUNDA.

QUIBUS IN BONIS LEGITIMA CAPIENDA EST.

§ I. Quum legitima portionem bonorum efficiat, atque decissum sit, eam deberi ex substantia, seu bonis et corporibus paternæ hæreditatis, nov. 18 cap. 1; inde principium erendum, *omnia bona, quæ debita successionis excedant, numeranda esse*, ut recte statuatur legitima portio: l. 6 Cod. de inoff. testam. l. 30 § ult. ff. eod. Ex omnibus illis bonis, inter quæ computanda bona per liberalitatem testatoris abalienata, una eademque adunatio fictivè facienda est, ex qua, ratione habita ad estimationem bonorum et ad numerum legitimariorum, legitima portio statuitur. At antequam hanc rationem instituamus, prius ex bonis fictivè cumulatis deduci debent sumptus funebres defuncti et omnia debita, ad quæ ille naturaliter tenebatur; id expresse stabilit l. 8 § 9 ff. de inoff. testam. Quarta autem accipitur deducto cære alieno et funeris impensa. Eamdem fermè sententiam complectuntur l. 15 § 3 ff. ad leg. fal. et l. 6 Cod. eod.; ex quibus illi, adversus quos legitimarii in deductionem agunt, retinere possunt, quæcunque eis debebat defunctus. Hæ leges, cum eadem ratio decidendi detur, in specie applicari possunt.

Bona itaque, quæ per fideicommissum aut substitutionem restitutioni subjecta sunt, in legitima statuenda computari nequeunt; cum res, quas defunctus restituere tenetur, nunquam in bonis ejus numerari possunt, et id est, quod affirmant l. 8 § 9 ff. de inoff. testam. et Authen. res quæ ad Cod. communia de leg.: nec minus lex jam saepius allata 36 Cod. de inoff. test., quæ requirit, ut legitima in propria substantia relinquatur, cuius substantiæ partem non faciunt bona, de quibus agitur, sed potius extra patrimonium posita sunt: arg. l. 8 Cod. ad leg. falc.

Ob eadem principia hæres non potest eligere legitimam in qui-

busdam bonis, nec tenetur accipere legitimam in certis bonis a testatore assignatam; sed arbitrio judicis liberis portio legitima assignanda est, nisi legitimarius ex donatione sibi facta suam portionem jure retineret. Inde fit, ut parens non possit, invito filio, legitimam assignare in pecunia numerata *arg. lég. pen. proœ. Cod. de inoff. testam. nov. 18 cap. 1*, quæ volunt, ut in corporibus hæreditariis relinquatur (1).

§ II. Cum inter debita non numerentur liberalitates a defuncto factæ; bona per liberalitatem abalienata æquiparentur bonis adhuc in successione existentibus, et legitimæ deductioni subjacent.

Inter illas liberalitates, 1º numeranda veniunt legata et fideicomissa; quæcunque testator reliquit, uti rite ostendit *l. 8 § 6 de inoff. test.*, quā legitimarius partem habere debet omnium bonorum, quæ obtinuisse; si defunctus ab intestato mortuus esset. 2º Computantur, quæcunque bona per donationes mortis causa abalienavit testator. *l. 5 Cod. ad leg. Falcidiam.*

Interpretes aliqui hanc regulam quibusdam exceptionibus restringere voluerunt, et dubitaverunt, an legata ad pias causas facta cæteris legatis in hac specie æquiparanda sint, cum *l. 54 Cod. de Episcop. et Cleric.* talia legata e reductione Falcidiæ excipiantur? Negativa sententia verior videtur, si perpendimus, legem citatam introducere exceptionem, quæ secundum juris principia numquā extendi potest. Illud juris principium præcipue observandum venit in hac quæstione, quum legitima multum a quarta Falcidia differat, uti jamjam attulimus.

Nec magis ambiguitur, an legata, aut donationes, quas aliquis faceret in restitutionem furti, aut in mercedem bene meritorum conferendæ sint in legitimam portionem? In primis enim in hoc casu perscrutandum, an causæ allegatæ veræ sint, et ejus naturæ, ut naturale et æquum debitum efficiant: si momenta illa in his causis reperiantur, humanitas atque justitia nobis suadent, ut legatarii

(1) Confer. Faber in *Cod. definit.* lib. 3 tit. 19 def. 29 n° 9, et Perez. ad *Cod. lib. 3 tit. 28.*
n° 57.

anteferantur legitimariis , si è contra absint , contrarium deciden-
dum est.

§ III. Nec solum donationes mortis causâ reducendæ sunt et
computandæ , ut legitimæ portiones statuantur , sed etiam dona-
tiones inter vivos , uti testatur *l. 12 C. ad leg. falc.* , quæ lex legiti-
mæ applicari potest , propter easdem militantes rationes , et
quidem favorabiliorem naturam legitimæ. Insuper , quemadmodum
quæcunque donationes inter vivos , si immoderatae sint , querelæ
subjacent ; *l. ult. C. de inoff. donat.* , ita illæ reducendæ veniunt ,
ut legitima salva sit : id evidenter statuunt *l. 7 Cod. de inoff. do-*
nat. l. 87 § 3 et 4 ff. de leg. II et nov. 92 cap. 1.

Nec ab hac regula excipiuntur donationes ante vel post ma-
trimonium factæ. *L. 5. Cod. de inoff. donat.* quæ generalis est , et *l. 1*
Cod. de inoff. dotib. reductioni submittit in favorem legitimario-
rum tum donationes duraute vita mariti , tum illæ postea factæ;
ita ut nullas faciat exceptiones.

Ex verbis *immoderatae donationes* , quæ legibus allatis adjiciuntur ,
introducere quidam voluerunt , donationes , quæ immodicæ non
sint , reductionem pati non debere. At rejicienda mihi videtur
hæc opinio , nam quæcunque donationes , quæ legitimam lædunt ,
merito *immoderatae* dicuntur , cum contra officium pietatis factæ
sint *l. penult. Cod. de inoff. testam.* ; et illo sensu dicitur in
l. 7 Cod. eodem , quod tales donationes revocentur , in quantum
immodicæ sint.

Nec majori cum fundamento aliqui sustinere voluerunt , tales
donationes non reducendas esse , si in extraneorum favorem factæ
sint , quia *nov. 92 cap. 1* loquatur tantum de donationibus in fa-
vorem liberorum factis. Quanquam illa novella non expressè me-
morat extraneos , tamen *l. 1 Cod. de inoff. donat.* de extraneis ex-
presse loquitur , et etiam illas donationes inofficiosas dicit , si
immoderatae sunt. Porro *l. 7 Cod. eodem* statuit , quod omne il-
lud , quod donatum sit , et lædat legitimam , rescindi debeat. Cæ-
terum quanta foret iniquitas hujus legislationis , quæ prohiberet
lædere jura liberorum , dum læsio datur in favorem unius e li-

beris ; illudque autem permitteret, si extranens ex illa læsione commodum percipiat ? Justinianus autem non præsumi potest, talem voluisse iniquitatem , præsertim , quum in favorem liberorum expressè nov. 92 ediderit.

§ IV. Si autem evenerit, ut donatio inofficiosa sub specie contractū onerosi lateret, generatim dicendum, quod legitima ab illis quoque deduci debeat; cum tales donationes cæteris æquiparentur l. 36 ff. de contrah. emt. vend. l. 6 ff. pro donato.

§ V. Utrum ex bonis publicatis patris damnati legitima portio debeatur descendantibus , jure Romano nullum erat dubium ? Id expressè affirmatur in l. 1 et 7 ff. de bon. damn. ; ne ex crimen alieno innocentes luant poenam. Aliter erat, dum mater damnata esset : l. 6 Cod. de bonor. præscr. , aut pater damnatus crimini perduellionis causâ ; l. pen. et ult. Cod. eod.

Jure novo hæc legislatio abrogata fuit nov. 17 cap. 1, et tandem nova hac de re constitutio lata est in nov. 134 cap. ult. ; ubi bona damnatorum , quæ olim fisco tradebantur , ascendentibus et descendantibus usque ad tertium gradum reservantur. At nullæ illarum legum de collateralibus loquuntur ; inde nulla ratio, cur dispositiones earum ad illos extendantur , cum specialem concessionem tantum contineant.

§ VI. Quoad bona illarum personarum , quæ secundas inverunt nuptias , ut perspiciamus , quænam legitimam portionem augere possint liberorum prioris tori , aut illam liberorum secunditorum , varias ineundas esse distinctiones , existimamus. In primis parens , qui transit ad secundum matrimonium , amittit proprietatem rerum , quas ex facultatibus prioris conjugis , quovis lucrativo titulo , accepit , cumque transmittit in injuriæ solatium liberis prioris matrimonii , solo usufructu penes eum remanente , quamdiu vivit l. 3 Cod. de secund. nupt. , cui consequens est , ut illas res neque abalienare , neque pignore obligare possit : l. 5 Cod. eod. nov. 22. cap. 23 et 24. Inde illa bona nullatenus augere possunt legitimam liberorum secundi matrimonii.

2.º Idem dicendum venit de bonis , quæ ad parentes pervene-

runt morte unius e liberis prioris tori, modo ab intestato illa parens obtinuerit, et non per actum ultimæ voluntatis, id exprimit nov. 22 cap. 46 §. 1 et 2.

3.^o Porro ad lucra nuptialia, sicut et ad bona, quæ per mortem infantis obtinuit parens, observanda est distinctio inter liberos a diversis matrimonii procreatos; ita, ut liberi prioris matrimonii non possint præter lucrum, quod ab ipsorum parente profluit, habere etiam partem lucri, quod a secundo marito provenit. *Quid enim, ait Justinianus in nov. 22 cap. 29, hoc prioribus prodit? Quid autem invideant priorcs filii secundis, si non et illis tertiiis injuriam passi sunt nuptiis?* Vid. authen. *Lucrum Cod. de secund. nupt.*

4.^o Tandem prohibitum est parenti, secundo conjugi, plus donare aut testamento relinquere, quam uni ex liberis prioris matrimonii, qui saltem legitimam portionem habet: *l. 6 C. de secund. nupt. l. ult. Cod. eod.* si plus autem datum esset, Imperator Leo in dicta lege *6 C. de secund. nupt.* statuere videtur, ut illud dividatur inter liberos prioris matrimonii. Tandem Justinianus in *nov. 22 cap. 27 et 29*, plus donatum expressè addicit liberis prioris matrimonii, ita, ut legitimam non augeat liberorum secundi tori, cum injuriam illi nullam passi sint.

§ VII. Hic quæstio objici potest, an bis eadem bona in statuenda legitima numerari possint? Illud nullum dubium pati potest, cum aliter inde maxima iniquitas oriretur: v. g. si mater in testamento suo in favorem mariti disposuisset; bona donata prius subjacerent legitimæ liberorum defunctæ matris; posteà vero eadem bona, in successione mariti, ut legitima statuatur, computanda forent.

§ VIII. Quædam bona, titulo gratuito abalienata, in adunatione fictiva computanda non sunt: inter illa præcipue numerantur 1^o omnia, quæ reductioni et imputationi legitimæ legitimariorum non subjacent, de quibus posteà, et 2^o ea, quæ perierunt easu fortuito, ita, ut etiam periissent, si apud donatorem remansissent.

At si bona donata per culpam donatarii periissent, aut si hic

non solvendo factus esset, illa' euidem in adunatione computanda forent. Legitimarii autem ex inopia aut culpa donatarii nihil pati debent, sed potius onus illud incumbit cæteris donatariis. Cæterum leges, quæ submittunt res donatas reductioni, nullam faciunt distinctionem, ita et nobis distinguere prohibitum.

§ IX. Sub consuetudinibus eadem fere vigebant principia ac jure romano. Deducebantur quoque in primis debita, ut legitima nullo onere gravaretur; uti stabilivi supra in cap. 5 § 8. 2.^o Liberalitates, quæ per testamentum fiebant, computandæ erant, ut legitima quantitas determinaretur, nec non reductioni subjacebant, uti expressè statuunt *Cons. Gand. rub. 28 art. 2. Ald. rub. 2 art. 6, 7. Cortr. rub. 14 art. 3, 4, etc.* Nec quidem ab illa regula eximebantur legata ob piam causam facta, *non enim*, ait Zypæus (1) *est laudanda pietas quæ naturæ obliviscitur.* 3.^o Donationes inter vivos computabantur et reducebantur, si legitima salva non erat *vid. Cons. Gand. rub. 12 art. 1; Ald. rub. 8 art. 1;* et omnes alias. Inter has donationes non minus computabantur liberalitates, quæ sub specie contractū onerosi factæ erant ex principio; *malitiis hominum non est indulgendum* 4.^o Quod attinet bona publicata, in illis, jure consuetudinario, liberi legitimam ordinariè capere potuisse existimo; ita dicit Groenewegen (2) *in publicatione bonorum non veniunt alienari prohibita.* Tandem observandum, quod bona feudalia in patrimonio patris existere dici non poterant respectu illorum liberorum, qui jus succedendi ab intestato in illa non habebant; nisi id aliter consuetudinis dispositiones voluerint; latius hac de re tractat Voetius *ad ff. lib. 5 tit. 2 n.^o 57 et 58.*

(1) Vid. van den Hane in notis ad cons. Gand. pag. 363.

(2) De leg. abrogatis. pag. 352 edit. 1649.

SECTIO TERTIA.

QUOMODO REDUCTIO INSTITUENDA EST.

§ I. Quenam bona in stabilienda legitimæ quantitate numeranda sint, vidimus; superest itaque, ut enucleamus, quo ordine legitima ex illis sumenda sit. Ante omnia legitima portio deduci debet ex illis bonis, quæ ab intestato relicta sunt. Si illa non sufficient, tum liberalitates in testamento factæ contribuunt. Tandem si duæ priores species legitimam portionem non adimplent, ad donationes inter vivos progrediendum est.

Ab intestato relicta primum penitus haurienda sunt, quia adhuc corpora successionis constituunt, et voluntas defuneti ea abalienandi non exstat. Legitima ex omnibus illis bonis debetur in tota substantia, inde hæres institutus autem detractionem legitimæ illa bona non validè abalienare potest.

Si legitima deducenda esset e liberalitatibus per testamentum factis, primum reducenda veniunt legata universalia, ex principio: *in toto jure generi per speciem derogatur*. His legatis exhaustis, particulares liberalitates in testamento factæ, pro rata minuuntur, excepto casu, ubi testator expressè aut tacitè contrariam voluntatem manifestasset. Si autem res incorporalis aut individua objectum liberalitatis constitueret, legitima deberetur in illis, ad prætium aestimationis illius rei.

§ II. Quod donationes inter vivos attinet, magna datur controversia, utrum omnes donatarii pro rata teneantur ad legitimam, an prius penitus exhauriendæ sint donationes ultimæ confessæ? Plurimi posteriorem sequuntur sententiam, uti de la Champagne (1); at illorum argumenta fundantur in textibus consuetu-

(1) *Traité de la Légitime chap. 4.*

dinum. Secundum principia juris romani Perezius (1), Præses Faber (2), Dumoulin (3), contrariam amplectuntur sententiam, cui merito nos suffragari posse existimamus. Hic verba celeberrimi Faber referre utile duxi : « Pluribus , ait , separatim factis do- » nationibus , quæ simul juncæ inofficiosæ sint , non eæ tantum , » quæ posteriores factæ sunt , rescindi debent per querelam inost. » donationis , sed omnes conjungendæ sunt , ut priores quoque , » licet initio inspecto inofficiosæ non fuerint , pro rata revocen- » tur. Perinde namque ex pluribus donationibus simul junctis » fraudandi animus præsumitur atque ex una , quæ sit universa- » lis. Et vero necesse est in tempus usque mortis manere in sus- » penso , cum inofficiosa donatio futura sit. Nam etsi patrimonium » suum quis totum donaverit , non ideo tamen inofficiosa dici do- » natio statim potest. Quid enim , si postea donator alia bona » acquirat , ex quibus dari potest legitima liberis mortis tempore , » etc. » Cæterum hic adjici potest , falsè adversarios sustinere , patrem inanes reddere posse favores , quas in primos donatarios contulit ; nam pater ultra bona donare nequit inter vivos , cum traditio sequi oporteat ; inde donatariis prioribus ac poste- » rioribus tantum adimitur id , quod deest legitimæ portioni ; et ad cætera bona , validæ manent donationes.

§ III. Si in reductione facienda unus e donatariis non solvendo factus esset , et nulla amplius bona donationis existerent , legitimi- marii in anterioribus donationibus totam legitimam capere pos- sent ; cum legitima , lege naturali introducta , semper debeat , et vice alimentorum liberis concessa sit : itaque favorabilioris naturæ est , quam quævis liberalitas. (4)

§ IV. Jure consuetudinario eadem principia observanda erant. Donationes inter vivos factæ , etiam ultimæ inter liberalitates re-ductioni subjacebant , quia tempore priores sunt , et in bonis donatis quodammodo jus adquisitum habebat donatarius ; cum ta-

(1) Ad cod. lib. 3 tit. 29 n.^o 6.

(2) In cod. defini. lib. 3 tit. 20 def. 7.

(3) Conseil 35 n.^o 24.

(4) Confer. Le Brun des succ. l. 2 chap. 3 sect. 8.

les donationes irrevocabiles sint, et reductioni submittantur tum tantum, quando salva præstari nequit legitima ex bonis, quæ adhuc in successione reperiuntur, aut quæ nondum ab ea detracta sunt.

Si donationes inter vivos agredi oporteret, ut salva præstaretur legitima, illas omnes, uti jure romano, reductioni submissas esse, ratione habita ad eujusque valorem, existimo. Illud principium amplecti videntur consuet. *Ald. rub. 8 art. 2*, nec non van den Hane ad consuet. *Gand. rub. 12 art. 1* qui sententiam allatam Præsidis Faber (1) invocat.

SECTIO QUARTA.

DE TEMPORE INSPICIENDO, UT LEGITIMA PORTIO DETERMINETUR.

§ I. Non sufficit autem, ut bona omnia in adunatione fictiva computentur ad statuandam legitimam portionem, at illorum bonorum æstimatio fieri debet. Ut rectè illa æstimatio inceatur, inspiciendum est tempus mortis parentis, cuius e successione legitima petenda est; ita, ut bona æstimentur, ac si semper extitissent apud defunctum arg. *I. 3 § 20 ff. de bonis libert. I. 6, 30 § ult. Cod. de inoff. testam. I. 73ff. ad leg. Falc.* Eamdem sequitur sententiam Præses Faber (2), et inde asserit, quod circa legitimam portionem, quæ in dotem data fuit, inspiciendum sit non tempus constitutæ dotis, sed mortis donatoris.

§ II. Hic quæstio sese offert, an fructus portionis legitimæ debeatur a tempore mortis defuncti, si legitima diu tantum post mortem tradita fuerit? Voetius ad Pandectas (3), et Faber in Codice definit. (4) affirmativam merito amplectuntur sententiam. Legitima portio, a tempore mortis, omni jure debetur legitimario, ideoque et ei competit fructus, uti vult *I. 8 § 11 ff. de inoff.*

(1) In Cod. defin. lib. 3 tit. 20 def. 7.

(2) In Cod. defin. lib. 3 tit. 20 def. 7 et tit. 19 def. 27.

(3) Lib. 5 tit. 2 num. 53.

(4) Lib. 3 tit. 19 def. 11 et lib. 2 tit. 5 def. 30.

testam. Insuper fructus jure romano debentur ab illo ; qui rem hæreditariam detinet , ideoque nulla ratio , cur ab illis , qui portionem legitimariam detinent , non deberentur fructus , cum et ex hæreditate descendant , et hæreditatis partem constituant l. 9 *Cod. fam. erciscund.* Si mala fide foret detentor portionis legitimæ ; teneretur non solum ad fructus , sed insuper ad poenas ; quæ imponuntur possessori malæ fidei l. 25 § 11 ff. *de pet. hæred.*

§ III. De augmento hæreditatis aut ejus diminutione , quæ post mortem defuncti supervenit , dubitatum fuit , an quantitatem legitimæ ampliorem aut minorem reddat.

Ut rectè illa quæstio enucleatur , distinctiones ineundas esse mihi videtur. Si agatur de augmento , quod vivo patre exstitit , sive legitima portio jam stabilita erat , sive non , rectè dicere possumus , quod tale augmentum ampleat legitimam , quemadmodum augeat hæreditatem. Porro legitima tantum debetur ad mortem parentis , quo tempore capi debet in omnibus bonis , quæ in successione dantur , sicut et in fructibus l. 9 *Cod. fam. erciscund.*

Si autem augmenti causa extaret tantum post mortem testatoris , videndum , utrum hæc eveniat ; postquam jam ex voluntate succendentium , aut judicis officio , legitima portio stabilita sit , an vero ante. In priori casu nullum dubium , quin illa incrementa nullo modo legitimæ quantitati , jamjam stabilitæ , augmentum illatura sint ; at quisque tum hæres tum legitimarius , damnum aut lucrum capiet , quod in bonis sibi designatis superveniat. Id ex eo profluit , quod divisio facta ut permutatio habeatur l. 77 § 18 ff. *de legatis* 11 l. 1 C. *communia utriusque judicii & divisionem prædiorum vicem emptionis obtainere* ; ita , quemadmodum post venditionem , sic post divisionem factam , cuique acquiritur lucrum aut damnum , quod in bonis ei acquisitis accedit. At si hæc rerum incrementa obtinerent ante initiam legitimæ rationem , tum ea profutura esse legitimariis cum Voetio ad Pandect: (1) existimo , et id absqne ulla distinctione facienda , utrum

(1) Lib 5 lit. 2.

augmentum internum aut externum sit , vel utrum mobilibus aut immobilibus super venerit. Debetur enim legitima non in certis rebus, sed ex omnibus , et in ipsa substantia hæreditatis *l. pen. C. de inoff. testam. nov. 18 proœm. in fine et cap. 1*; ita ut , qui legitimam debet , eam solvere non possit ad arbitrium suum in bonis aliquibus successionis. Exinde post mortem illius , de cuius successione legitima petenda , in omnibus bonis defuncti suam partem capere debet legitimarius ; proinde portionem habere illorum bonorum , in quibus augmentum advenit , nec non utilitatem ex illis incrementis capere , ratione habita ad quantitatem sue legitimæ.

Inter augmenta , quæ prodesse debent legitimariis , numerari potest victoria obtenta ab hærede in lite , quæ jam fuerat per defunetum incopta; ut ait *Voetius loco citato*. Actio enim a defuncto instituta , inter ejus bona computari debet , *l. 143 ff. de verb. signif.* At legitimarii omnes , ratâ habitâ ad portionem suam , conferre debent in impensas ad sustinendam illam litem factas , ex principio : *qui sentit commodum , ejus et incommode est.*

Ex eodem axiomate profluere mihi videtur , quod , si hæres bonis incrementa attulerit proprio facto , legitimarii , si inde capere velint commoda , teneantur pro parte ad incommoda.

Quæcunque diximus de augmentis obvenientibus successionis bonis ; eadem observanda sunt circa decrementa , quæ his bonis obvenire possunt. Ad regulam jam allatam , secundum quam pericula sequuntur eum , qui rei commoda colligit *l. 10 ff. de reg. juris § 3 inst. de emt. vendit.* Tandem qui suâ culpâ decrementum intulerit rebus hæreditatis , aut legitimæ portioni , de dolo aut facto suo tenetur.

§ IV. Principia , quæ exposuimus secundum Jus Romanum , eadem obtinebant tempore consuetudinum nostrarum , et eisdem argumentis probari possunt. Voetius ad Pandect. (1) candem opinionem amplectitur , ex eo , quod renunciatio successioni futuræ valida esset , uti ostendi ad § 7 sect. 4 cap. 3 et inde ducit , filiam , quæ do-

(1) Lib. 5 tit. 2.

tem, adimplentem suam portionem legitimam, accepit, et renunciavit ulteriori successioni, tamen posse supplementum petere, si inter tempus constitutionis dotis et mortis parentis opes auctæ fuerint.

SECTIO QUINTA.

DE REBUS IMPUTANDIS IN PORTIONEM LEGITIMAM.

§ I. Antequam hanc aggrediamur materiam, ante omnia præmonere oportet, ea tantum in legitimam imputanda esse, quæ speciali legis dispositione huic oneri submittuntur. Id expressè vult l. 20 *C. de collation.* Ex ejusdem legis dispositione, nec non ex disparitatibus, quæ successionem ab intestato intercedunt et legitimam, et præcipue ob favorabiliorem naturam, quæ huic ultimæ conceditur, concludi possumus, in hac sectione regulam valere, *quidquid inferri non debet in successionem, imputari non debet in legitimam*, et secundò; *omnia non imputanda sunt in legitimam, quæ collationi submittuntur.* Has regulas exceptionibus immunes non dicimus, nam contrarium nos probat l. 10 *C. de collat.*, quæ eximit a collatione relictum a patre, quod tamen imputandum in legitimam (1).

§ II. Imputandum 1º venit, quidquid legitimarius titulo institutionis accepit l. 30 *Cod. de inoff. test.* 2º Quidquid legitimarius accepit titulo donationis mortis causâ, aut titulo legati, imputari debet in legitimam suam, uti vult l. 8 § 6 ff. *de inoff. test.* l. 35 § 2 *Cod. eod.* nisi testator circa certam rem expressè designaverit, se velle, ut non fiat imputatio nov. 18 *cap. 6*, et modo illa res non lædat legitimam cæterorum legitimiorum.

(1) Conferat. Perezius ad Cod. lib. 6 tit 20 n.º 14.

Nec obstat huic imputationi , si res aliena legata esset , cum æquè prætium æstimationis illius rei persolvendum sit ex substantia patrimonii defuncti. Itaque prætium illud imputationi subjacet l. 36 C. de inoff. test. Hæc lex nobis regulam proponit , quā cautè ponderare possumus diversos casus , in quibus ullum dubium datur , utrum imputatio facienda sit nec ne. Statuit in hac lege Imperator , imputationem faciendam esse harum omnium rerum , quæ descendunt ex ipsa substantia hæreditatis defuncti , non illarum , uti ait lex , *quas ex aliis causis filius lucratus est vel ex substitutione , vel ex jure accrescendi ut ususfructus.... Humanitatis enim gratiâ sancimus , ea quidem omnia , quasi jure adventitio cum lucrari ; repletionem autem ex rebus substantiæ patris fieri.*

Ex prædictis facilè intellectu est , an ille , qui in donatione sub conditione aut modo positus dicitur , in legitimam conferre debeat , quidquid titulo gratuito ita acceperit ? Distinguendum autem est , utrum illud capiat ex patrimonio defuncti , an aliunde ? In priori casu imputationi subjacet , in posteriori vero , quum non descendat ex ipsa substantia hæreditatis defuncti , sed aliunde , veluti si donatarius ex propriis pecuniis quidqnam solvere tenetur , ad dispositionem legis 36 Cod. de inoff. testam. legitimarius liberabitur ab imputatione. Idem principium tenet l. 3 § 19 ff. de bonis libertorum , quæ , quanquam præcipue loquitur de patronis , in specie applicari potest , cùm æquitas postulat , ut quidquid in favorem patronorum statutum sit , ubi de legitima quæstio , id etiam applicetur liberorum legitimæ , quæ favorabilioris naturæ est (1).

§ III. Imputanda est in legitimam portionem dos , quam filia aut neptis accepit ab ascenden te. L. 29 C. de inoff. test. id expressè statuit : *Cum pater , ait: non tantum eamdem dotem vel donationem conserri , verum etiam in quartam partem ad excludendam inof- ficiosi querelam , tam dotem datam , quam ante nuptias donatio- nem , præfato modo volumus imputari , si ex substantia ejus profecta sit , de cuius hæreditate agitur. »*

(1) Conf. Le Brun des successions liv. 2 chap. 3 sect. 9 n.^o 6.

Ex illa dispositione legis apparet, eam dotem in tantum solummodo imputandam esse, in quantum profecta sit ex substantia ejus, de cuius hæreditate agitur. Inde consequentiæ deduci possunt: 1º Neptem non teneri conferre in legitimam, sibi ab avo suo debitam, dotem, quam a patre accepit. 2º Dotem, a patre et matre in bonis communibus liberis traditam, tantum in successione paterna aut materna pro medietate in portionem legitimam imputandam esse.

Quemadmodum dotes imputandæ veniunt, ita quoque imputari oportet donationes in favorem nuptiarum, modo masculis factæ sint. Id oritur ex verbis citatæ legis 29: *cum pater vel mater pro filia dotem, vel pro filio antenuptias donationem.*

At ex illa deduci nullatenus potest, imputandos esse sumptus, quos parentes ob celebrationem nuptiarum faciunt, quia nihil ad filium pervenit, et pater, quod status, ejusque conditio ab eo postulabant, tantum persecisse creditur. Si tamen adamantia aurei vel gemmei ornati darentur, qui laedunt patrimonium parentum, dotis aut donationis loco illi aestinarentur, et earum rerum prætiūm imputandum foret.

§ IV. Alimenta, quæ parēns liberis suis præstitit, nullatenus in legitimam imputari possunt. Natura enim patrem et matrem obligat, ut alant illos, quibus lucem dederunt *l. 5 § 12 ff. de liber. agn. et alend.* Inde si pater fructus patrimonii alicujus cesserat filio, in vicem alimentorum, ille tantum teneretur imputare illud, quod superat alimenta ipsi ad vitæ rationem honestam necessaria.

Nec solum alimenta ab imputatione eximuntur, sed quæcumque sub nomine alimentorum intelligi possunt, ut sumptus educationis, studiorum, aut artium culturæ ab imputatione exempti sunt *l. 50 ff. fam. ercis.*; qua lege illi sumptus a collatione eximuntur, ideo quoque ab imputatione legitimæ; cum nulla detur specialis lex, quæ illos imputationi submittit, quod requirit *l. 20 C. de collationibus.* Ideo quanquam pater expressè illos sumptus impu-

tationi submisisset, ejus voluntas servanda non foret, cum nullum onus legitimæ portioni imponere possit.

Ex iisdem principiis profluit, imputandum non esse, quidquid pater erogavit, ut filius gradum doctoris in una aut altera scientia obtineat. Nec magis imputatur valor librorum, qui ad studium suum ritè perficiendum necessarii fuerunt *arg. l. 30 § 2 C. de inoff. test.* At si libri illi adeo numerosi sint, ut efficiant bibliothecam, cuius valor permagnus sit, respectu patrimonii parentis, tum, ne damnum inferatur cæteris liberis, sumptus illi imputandi sunt, in legitimam filii.

§ V. Quid decidendum sit circa sumptus, quibus parens unice liberis suis munus emit, sive civile, ecclesiasticum aut militare, id nobis exponit *l. 30 C. de inoff. test.* quæ imputationi submittit tales sumptus, modo munus venale sit, et inde lucrum capiat, qui illud obtinuit, et uti hæreditatem posteris transmittit. Justinianus tamen, in eademi *lege* 30 unam statuit exceptionem in favorem militum, quibus officia Palatii imperatoris incumbent, et silentiarii dicebantur, ut eadem *l. 30 C. de inoff. test.* testatur.

§ VI. Sumptus, quos ad redimendum filium ab hostibus præstitit parens, uti pietatis ratione facti, imputari non debent *arg. l. 10 C. de negot. gestis* (1). Valet in hoc casu *l. 17 C. de postlim. revers.*, ubi ait legislator: *pro pietatis itaque ratione, redempto ab hostibus filio, facti te pænitere, ac de prætio quidquam tractare non convenit.*

Ex eisdem principiis existimo, generatim imputationi non sub jacere, quod pater pro delicto filii voluntariè exsolverit; quia id pietatis causâ factum esse præsumptio datur. Attamen, si sumptus illi permagni essent ratione habita ad patrimonium parentis, tum ne delictum unius liberorum noceat cæteris, et ob præsumptionem, quod pater potius necessitatis causâ, et in honorem filii sumptus erogaverit, opinor, in illo casu sumptus imputandos esse, quia nemo in necessitate liberalis existimatur *l. 18*

(1) Confer. Faber in Cod. defin. lib. 3 tit. 19 def. 19 n° 2.

in fine ff. de adim. vel transf. legat. Voetius ad Pandectas (1) et Perezius ad Codicem (2) eamdem amplectuntur sententiam.

§ VII. Quod liberi ab illo, e cuius successione legitimā pētenda, mutuum acceperunt, inde actionem conferre in portionem legitimam tenentur; cum illud successionis debitum constitut, et res mutuo accepta partem patrimonii efficiat, quia nullo modo animus adfuit, eam abalienandi titulo gratuito.

Si filius itaque ut mutuum accepisset sumptus erogandos studiorum et educationis causā, nec non illos ad sese e captivitate liberandum, submitterentur illi sumptus imputationi l. 5 *Cod. ad Sctum Maced.* Idem dicendum est et ob easdem rationes de nummis, quos pater aut ascendens pro legitimario solvit, nisi animus adfuerit donandi, qui nunquam præsumitur.

§ VIII. Ad lucra facta a filio, qui sub potestate paterna adhuc constitutus est, distinguendum, utrum filius lucra acceperit ex sola sua industria et proprio labore, an ex pecuniis aut rebus paternis ipsi creditis? Priori casū, uti ait Præses Faber in Codice defin. (3), «quod per hæreditati actionem, operam et industriam accessit hæreditati, augere non debet legitimam in favorem aliorum liberorum, qui non egerunt»; arg. l. 42 § 2 ff. *de minor. 25 annis.* et l. 3 ff. *de rei vindic.* et præcipue arg l. 36 *Cod. de inoff. testam.*, quia ex substantia hæreditatis illa luera non descendunt. Secundo autem casu emolumenta imputationi obnoxia erunt, cum ex patrimonio ipso defuncti profluant.

§ IX. An donationes inter vivos simplices, quæ non factæ sunt propter nuptias, imputandæ sint, controversia enascitur ex l. 18 *Cdo. familiæ ercis.* et imprimis ex l. 35 § 2 *Cod. de inoff. testam.*, ubi Justinianus vult, ut tantum imputentur, si factæ fuerint sub conditione imputationis; itaque argumento a contrario, illas imputandas non esse, si expressa conditio non adsit, dedu-

(1) Lib. 37 tit. 6 n.^o 15.

(2) Lib. 6. tit. 20 n.^o 12.

(3) Lib. 3. tit. 19 def. 36.

cunt Voetius ad Pandectas (1) Faber (2) De la Champagne (3) quorum sententiæ suffragari non dubito. Objiciunt vero aliqui huic opinioni § ult. Inst. de inoff. test.; at frustra; nam ille paragraphus nullatenus vult, ut donationes inter vivos semper imputentur, cum adjiciat verba: « *in illis tantummodo casibus, quorum mentionem facit nostra constitutio* »; quæ constitutio alia esse nequit nisi l. 35 prædicta (4). Nec magis pollet, dispositionem illam mutatam esse a Justiniano in nov. 92 cap. 1. Verum in illa novella Imperator reductioni submittit donationes inter vivos, at inde male eruitur, illas imputandas esse in legitimam; nam ab illa reductione exemptæ sunt, simul ac legitimam non lœdunt, et tamen tum etiam imputandæ forent. Ita favorabilior haberetur donatio inter vivos extraneo facta, quam illa liberis, quod iniquum esset. Cæterum ex lege 20 Cod. de collationibus eruimus regulam, imputandum non esse in legitimam, quod collationi non sub jacet; porro l. penult. § 1 Cod. eod. aperte illas donationes a collatione eximit: *simplex donatio non aliter confertur, nisi hujusmodi legem donator tempore donationis suæ indulgentiæ imposuerit.*

§ X. Altera quæstio sese hic offert, an illud, quod legitimarius lucratus est per jus accrescendi sive, qualitate hæredis, sive legatarii, ei imputandum sit in portionem legitimam? Negativa responsio videtur profluere evidenter ex l. 56 princ. Cod. de inoff. test. ubi expressè sancitur repletionem fieri ex ipsa substantia patris, non si quid ex aliis causis lucratus est, vel ex substitutione, vel ex jure accrescendi, etc. At hæc decisio ad litteras non intelligenda est, sed mens legislatoris perscrutanda venit, ut dispositio legis recte perspiciatur. Scopus legis enim est, ut indicetur, legitimam unice implendam esse ex illo, quod provenit ex bonis testatoris illius, de cuius successione legitima petenda est. Hinc necessario distinguendum est, utrum jus accrescendi locum

(1) Lib. 37 tit. 6.

(2) In Codice. def. lib. 3 tit. 19 def. 30.

(3) Traité de la Légitime chap. 9.

(4) Confer. Vinnius ad iust. de inoff. testam. § ult.

habuerit, antequam cohæres legitimarius partem agnoverit ex hæreditate aut legato sibi debitam, an postea tantum. In priori casu portio devoluta ad legitimarium, necessario imputanda est in legitimam. Etenim directè provenit hæc portio ab ipso patrimonio defuncti, proinde constituit rem haustam ex substantia hæreditatis ipsius defuncti, inde ad *legem 36 Cod. de inoff. test.*, in legitimam imputanda est. Posteriori autem casu, bona jure accrescendi legitimario devoluta, nullatenus imputanda sunt. Disparitatis rationem dare possumus ex eo, quod in hoc casu portio deficiens per jus accrescendi non directe perveniat ad legitimarium ex patrimonio defuncti, sed mediante alia persona intermedia, ad eum pervenit, et ita impedit, quominus directe profiscatur ex substantia hæreditatis defuncti. Cæterum pro nostra militant sententia ipsa legis 36 verba: *vel ex jure accrescendi ut puta ususfructus.* Notum autem est, quod jus accrescendi, dum agitur de usufructu legato, aut aliter relichto, tantum obtineat post additionem hæreditatis *l. i § 3 ff. de ususf. accresc.*, in cæteris autem cessat jus accrescendi, simul ac portionem suam aliquis adiverit; atqui cum lex suam dispositionem restringat ad usumfructum, ex eo solo jam stabiliri potest distinctio, quam hac in quæstione faciendam esse diximus.

§ II. Si vocatus ad substitutionem moriatur ante gravatum, tum in favorem gravati jus quoddam accrescendi, vel potius non decrescendi, obtinet. Antea enim retinchat proprietatem restitutio-
ni subjectam, ita ut de illa disponere non posset; at simul ac moriatur vocatus ante gravatum, restricta possessio evadit plena. Inde quæstio, an hoc jus accrescendi imputandum sit in legitimam gravati? Resvolvi potest ex principio allato, quod tantum in legitimam portionem imputanda sint illa bona, quæ directè proveniunt ex substantia defuncti. Inde hoc jus imputandum venire dicendum est, quia planè ex patrimonio defuncti descendit, cum in defuncto totum resideret ante mortem suam.

Quidquid autem legitimarius acquireret jure accrescendi, ex substitutione pupillari aut fidecommissaria, id nullatenus imputa-

tioni subjacet; illa etenim bona non directe acquisivit ex ipsa substantia patris, sed per personam intermedium, itaque ad l. 36 *Cod. de inoff. testam.*, ab imputatione exempta sunt.

§ XII. Quæstio majoris momenti datur, utrum illud, quod filius a patre sub titulo ususfructus obtinuit, imputandum sit? Negativa responsio amplectenda mihi videtur. L. 36 *Cod. de inoff. test.* vult, ut legitima relinquatur in substantia hæreditatis paternæ, absque ullo onere vel gravamine. Si autem filio imputandum esset, quod in nuda proprietate aut in usufructu tñet a patre, sœpe tota legitima inde repleta esset, et ita onere grava ta, quod impedit l. 32 *Cod. eod.* Insuper nostram sententiam confirmare possumus per l. 6 *Cod. ad S. C. Tum Trebell.* et nov. 18 cap 5 quarum dispositiones eisdem nituntur principiis.

Nec obstat, quod tales concessions a patre factæ, si laedant legitimam aliorum liberorum, reducendæ sint; nam inde nullatenus consequitur, filium posse cogi, ut in fructibus legitimam portionem capiat, quod evenerit sœpius, si, quod titulo ususfructus a patre perceperit, imputaretur in suam legitimam.

Huic regulæ unicam stabilivimus exceptionem supra cap. 5 § 7, nempe, ubi pater usumfructum magni valoris reliquit filio, sub conditione, ut illum habeat loco legitimæ portionis, aut si malit legitimam salvam. In illo casu filius præferre potest usumfructum, aut saltem optio est filio, et pater ejus conditionem meliorem reddit, ita, ut legitima nullo gravamine onerata dici possit.

§ XIII. Ex illis principiis sequitur, filium gravatum fideicommisso, non debere imputationem pati fructuum, quos, e rebus fideicommisso datis percipit. At disputatur, an idem obtineat, si ascendens fideicommisso gravatus sit? Verior videtur sententia, nullam distinctionem faciendam esse inter liberos et ascendentes. Verum l. 6 *Cod. ad S. C. Tum Trebell.*, antiquæ legislationi derogavit tan tum in favorem liberorum; at si l. 32 *C. de inoff. test.* rite inspiciamus videbimus, eam expressè decidere, absque ullo onere aut delatione legitimam portionem reliquendam esse, tum descendantibus, tum ascendentibus. Huic posteriori legi potius standum, cum expressè legitimam respiciat, et ut rigor antiqui juris minuatur, lata sit.

§ XIV. Interdum contingit, ut imputationis onus incumbat illis, qui rem non acceperunt directè, sed capite alterius. Id evenit, si nepotes veniunt ad successionem avi ex capite patris sui; illis imputatur, quidquid pater ab avo titulo donationis aut repræsentationis pecuniæ (*avances*) accepit; idque procedit, sive extiterint hæredes patris, sive hæreditatem suam repudiaverint. De primo casu nullum dubium dari potest, in secundo dubitandi ratio evanescit, si observemus, "nepotes non aliter legitimam petere e successione avi, nisi jure repræsentationis, quod illis transmittit easdem obligationes quibus tenebatur pater eorum." l. 6 § 1 ff. *de hæred. inst.* Controversia datur, an debita patris erga avum contracta æquè ac donationes imputanda sint in legitimam nepotum? Si nepotes successionem paternam adierint, nulla ratio dubitandi; in omni casu sustinent patris personam, cuius, si cäpiant commoda, incommoda sufferre debent. At si repudiaverint illius hæreditatem, tum nullatenus imputanda sunt nepotibus debita, quibus obnoxia erat successio patris. Si autem illi, qui repudiant successionem, ad debita ejus tenerentur; inviti fierent hæredes, nec repudiatio eis prodesset.

Argumentum hic a simili opponi nequit, ex eo, quod dixerimus, pecuniæ suppeditationes a patre factas, imputandas esse nepotibus; nam prorsus alia est conditio illarum suppeditationum quam debitorum. Donationes enim et pecuniæ repræsentationes censentur factæ hacce mente, ut luant debitum, in favorem legitimarii ratione legitimæ suæ portionis, vel saltem partem illius debiti. Debita autem constituunt actionem gestione negotiorum, aut aliarum rerum, in qua pater et filius ut extranei considerantur; ubi donatio e contra debitum officiosum constituit.

Frustra objicitur, nepotes repudiantes hæreditatem paternam, tamen generatim per repræsentationem ad successionem avi venire, adeoque, in consequentiam istius repræsentationis, obligari iisdem oneribus ac ille, quem repræsentant. Verum patrem suum sæpissimè repræsentant in successione avi, at illa repræsentatio non adeo generalis est; pertinet tantum ad. jus succe-

dendi , et extendi nequit ad debita paterna , nisi implieamus principio : quod in favorem aliquujus introductum est , in ejus odium re- torqueri , nequit ; paucis , opinio contraria inutilem redderet repudiationem ; et aliquem invitum hæredem facheret.

§ XV. Enucleanda hic venit quæstio , an , quemadmodum nepotes tenentur ad imputationem rerum , quas pater ab avo accepit , ita quoque pater teneatur imputare in legitimam suam , quidquid liberi sui ab avo acceperint ? Affirmativè respondendum esset , si de l. 6 ff. *de collationibus* per analogiam argumentari possemus . Hæc sententia obstareret supra tradito principio , quidquid collationi subjacet , non inde in legitimam imputari debet . Magna quoque disparitas obtinet inter filios et parentes . Illi repræsentant patrem , cum hic personam liberorum nullatenus repræsentare debat . Ulterius si pater obligaretur ad illam imputationem , quid aliud foret , quam onus imponere legitimæ suæ ? Nam facultas in hoc supposito daretur avo , privandi filium legitimā , et eludendi leges , si quidem deberet tantum dare nepotibus partem , quam pater eorum , ut legitimam suam vindicare potest .

Nec validè nobis objici potest l. 6 ff. *de collationibus* , qua donatio facta filiis , in potestate paterna constitutis , eadem supponitur , ac si facta esset patri . Hæc autem dispositio non nimis generalis accipienda est ; alias inde sequeretur maxima iniquitas , scilicet quod pater-familias , a patre suo gravatus sive in commisso universalis in favorem liberorum , inde deducere non posset legitimam suam , cum donationem constitueret ; quod æQUITATI ET LEGUM PRINCIPII CONTRARIUM esset .

In illo casu tantum obtinet hæc regula , uti probat ipsa l. 6 allata , quando ille , qui donationem celebrat , declaraverit , sese liberalitate in facere nepotibus suis nomine patris eorum , uti dum aut de dote , aut de sumptibus educationis locus est ; et insuper dum de tali debito agatur , ad quod per naturam pater tenebatur . Hac in specie pater potius donatarius considerari potest quam filius , qui rem obtinuit , at hoc non ad alios casus protractendum .

§ XVI. Nonnullæ res, quæ per specialem legis dispositionem aliquibus e legitimariis conceduntur, ab imputatione eximi possunt; et primum quæstio est, an legitimarius teneatur quartam Falcidiam aut Tribellianicam in suam imputare legitimam? Facile solvitur hæc quæstio, si consideremus, neminem et legitimarium et hæredem simul existere posse, uti probat *l. 41 § 6 ff. de vulg. et pup. subst.* Simul enim ac aliquis hæres existit, defunctus aduersus illum nihil inofficiosè egit, nec locus est petitioni legitimæ. Inde numquam aliquis legitimam portionem et Falcidiam simul capere potest, adeoque nullæ difficultati locus.

Quarta divi Pii speciali legis concessione arrogatis traditur *l. 22 ff. de adopt.*; tamen imputanda venit illa quarta, quia id ita vult *l. 8 § 15 ff. de inoff. test.* Quod attinet usumfructum, quem pater habet in peculio adventitio filii, illum imputare non tenetur in suam legitimam, cum illum speciali legis dispositione teneat, nec ulla lex detur, quæ cumdem usumfructum imputationi submittit: nostram opinionem corroborat *l. ult. § 1 Cod. ad Sctum Tertull.*

§ XVII. Perspeximus nunc, quænam bona in portionem legitimam imputanda sint; quæstio adhuc superest, quid juris sit, si immodica donatio facta sit legitimario? 1º dubium non est, quin legitimarius æque, ac si extraneus esset, retinere possit, quidquid portiones legitimas non lœdit. 2º Legitimarius legitimam portionem ex illa donatione retinere poterit. Jure Romano aliquis vero hæres et donatarius aut legatarius existit *l. 34 § 12 ff. de leg.* 1º et quanquam legitimarius in specie renunciaverat hæreditati, tamen e donatione validè legitimam deducaret; cum hæres renuncians legitimam habeat, uti supra stabilire conati sumus.

Tandem jure Romano ordinariè res ipsa conferenda est, quæ reductioni subjacet, uti appareat ex *l. 1 § 11 ff. de collat.* Attamen si cæteri legitimarii aut cohæredes consentiunt, valorem aestimationis superfluae partis conferri posse, verius videtur: si autem dissentiant, res in specie conferenda foret, quoniam in *l. 1 in princ. ff. de col. dicitur*, quod debeant sua bona conferre.

§ XVIII. Circa imputationes in legitimam faciendas, in consuetudinibus nostris nullæ ferè dispositiones particulares reperiuntur, at omnes de collatione loquuntur, quæ etiam, prout variæ consuetudines, diversis stabiliebatur principiis. Ideo ad jus romanum sæpe consugiendum erat, et inde principia, quæ exposuimus ferè eadem, vigentibus consuetudinibus, servabantur. Maximè tamen observandum, quod sub consuetudinibus legitimarius necessarius hæres existeret; itaque in omni casu principia simplicis collationis locum obtinebant. Si de puncto quodam controversia movebatur, juris scripti principia inde decidebant; ita donationes simplices imputandas esse, reperimus in decisione 100^a relata a Stockmans. Van den Hane (1), et Van Leeuwens (2) nobis observant, nepotes quoque teneri, uti jure romano, ad imputandum illud, quod pater eorum ab avo acceperat.

Tandem maximè annotandum principium juris consuetudinarii, quod juri romano contrarium obtinebat, nempe *neminem posse et legatarium et hæredem existere*. Vid. *consuet.* Gand. rub. 27 art. 7 Brug. tit. 14 art. 1 Ipren. rub. 9 art. 3. Cæterum circa res feudales, quæ natu majori debentur, receptum erat, quod nec ad constituantem fictivam adunationem numerarentur, nec etiam imputationi subjacerent. Hoc ex eo prosluit, quod legitimarii non tenentur imputare, quidquid ex beneficio legis ipsis debetur. Insuper talia bona non perveniebant ex substantia hæreditatis ad legitimarium, cum, uti diximus, nunquam in patrimonio defuncti computata fuerint.

(1) Confer. Merlin répert. de jurisp., mot *légitime*, sect. 8 § 3 art. 2.

(2) Ad consuet. Gand. rub. 26 art. 12 in notis.

(3) Cens. for. part. 1 lib. 3 cap. 13 n.^o 11.

Caput septimum.

DE MODO RELINQUENDI LEGITIMAM ET DE ACTIONIBUS
AD EAM OBTINENDAM.

§ I. Ante Justinianum legitima portio relinquiri poterat quovis titulo, legati, donationis mortis causā, fideicommissi etc., § ult. *Inst. de inoff. testam.* Justinianus hoc jus immutavit, et voluit, ut tantum titulo institutionis relinquatur, *nov. 115 cap. 3*, tum, quia honorabilior sit legitimariis, *l. 5 § 6 ff. de legat. præst. tand.*, tum, quia illis fructuosior sit propter jus accrescendi *l. 1 § 4 ff. de hæred. inst.*

Legitimam onus aut dilationem temporis non recipere, jam-jam explanavimus supra in *cap. 5 § 6*. Si conditio aut gravamen illicite adjectum foret, observandum, quod non locus sit querelæ movendæ, sed conditio aut onus detrahatur, et uti purè relicta consideretur legitima, *l. 30 pr. l. 32 et 36 pr. et § 1 Cod. de inoff. testam.*

§ II. Justinianus non requirit, ut titulo institutionis tota legitima relinquatur ad excludendam querelam. Olim vero id ita obtinebat; at Imperator voluit, ut si minor pars ac illa, quæ in legitimam portionem debetur, relinquatur, legitimario detur actio ad supplementum legitimæ, *l. 30 Cod. de inoff. test.*; quæ actio non impedit, quominus legitimarius accipiat omnia, quæ sibi per testamentum relicta sunt. *l. 35 § 2 Cod. de inoff. test.* Jure itaque novo legitimarius, si ei legitima plane nulla relicta

sit, querelam intentare tenetur, ut institutionem hæredis evertat, et obtineat, quod sibi ab intestato debitum est, § 3 *Inst. de inoff. test.* At si quædam tantum pars ei relictæ sit, actionem ad supplementum aggreditur, quia tum nulla injuria ei facta est, cum nec præteritus, nec exhæredatus sit in testamento defuncti.

Differunt inter se pluriūm hæ actiones, et 1^o querela olim evertebat totum testamentum, jure novo autem, institutionem tantum. Actio ad supplementum nullatenus attingit testamentum, sed illud validum relinquit. 2.^o Per priorem petit legitimarius quod ab intestato habuisset, posteriori autem, quod sibi in legitimam portionem debetur. 3.^o Præscribitur querela per quinque annos, cum e contra actio ad supplementum legitimæ per 30 annos ritè intentari possit. 4.^o Illa fragilis naturæ est et odiosa, arguens testatorem neglectæ pietatis imo furoris; altera nihil odiosi continet, cum voluntatem testatoris in honore habeat. 5.^o Actio querelæ intentandæ, propter odiosam ejus naturam, non transit ad hæredes, nisi ubi jamjam intentata esset ante mortem auctoris, aut ita saltem præparata, ut animum eam intentandi ex aliquo facto facile colligi possit, vel tandem si pater injustè exhæredatus mortuus esset, antequam hæreditas adita erat per hæredem scriptum l. 34 *C. de inoff. test.* Actio e contra ad supplementum, ob favorabilem suam naturam semper transit ad hæredes sive præparata fuerit, nec ne. In hoc ultimo puncto controversiis nullatenus immuni, sententiam, quam exposui, amplectuntur Voetius (1) et Van Leeuwen (2).

§ III. Disputatur inter interpres, utrum actio ad supplementum legitimæ solummodo adversus hæredes intentanda sit, an etiam adversus legatarios? Sustinet Voetius (3), cuius sententiam æquiorum ereditimus, primum adversus institutos hæredes intentandam esse actionem ad supplementum, quia legitima debitum successionis constitutat, et legatarii ad solutionem æris alieni

(1) Ad ff. de inoff. test. n.^o 67.

(2) Censura for. part. i lib. 3. cap. 4 n.^o 54.

(3) Ad ff. § 15 fl. de inoff. test.

non teneantur l. 13 *Cod. de hæred. inst.* At quanquam primum contra hæredes scriptos actio illa intentanda est; nihil impedit, quominus etiam, si legitima non salva foret per bona in successione reicta, intentetur adversus legatarios, donatarios et quidem adversus tertios possessores, ut affirmat celeberrimus Præses Faber (1), quoniam legitima ex ipsis honorum corporibus debeat, nec quodammodo minui possit.

§ IV. E principio, quod legitima absque onere et conditione præstanda sit, evidenter emanat, omnia bona, quæ actione ad supplementum legitimario addicuntur, immunia præstari debere ab omni pignore aut hypotheca a parte hæredis instituti, donatarii, aut tertii possessoris. Si autem res, quæ in legitimam portionem tradita fuit, postea legitimario bonæ fidei evinceretur, æquitas postulat, ut legitimarius actionem habeat contra hæredes institutos et omnes alios, adversus quos ab initio agere potuit, ut illi ipsum indemnem præstent.

§ V. Consuetudines nostræ regionis non requirebant, ut titulo institutionis legitimia reicta esset; videatur Stockmans (2) et Wynandts (3), qui testantur, tempore consuetudinum quovis titulo legitimam relinqui potuisse. Cæterum Stockmans in *eadem decisione* n.^o 6, ait: « illa etiam prioris juris sanctio, quæ exigit gebat totam legitimam relinqui liberis, aut alioquin testamentum per querelam inofficiosi everti posse, non obtinet, cum sufficiat, id quod legitimæ deest, peti posse actione ad supplementum, ut posteriore jure constitutum est. » Inde evidenter apparet, hæredem, cui legitima salva non erat, per actionem ad supplementum contra legatarios et donatarios agere debuisse, ut legitima salva ei præstaretur.

(1) In Cod. def. lib. 3 tit. 19 def. 32.

(2) Dec. Brabant. dec. 3 n.^o 3 et 4.

(3) Dec. suprem. curiæ Brabant. dec. 182 n.^o 3.

PARS POSTERIOR.

JUS HODIERNUM.

Caput primum.

HISTÓRIA.

LEGITIMÆ portionis institutionem, quæ ab omni ferè populo recepta fuit, etiam sub consuetudinibus, tum nostræ regionis, tum Galliæ, diverso modo invaluisse, suprà vidimus. Postquam Galli regionem nostram invaserunt, denuò legitima mutationes varias subiit, per dispositiones legum *i⁹ nivosi anni II et 2 germinalis anni VIII*. Tandem codicis civilis promulgatione pro toto regno eadem principia circa legitimam stabilita fuerunt, quæ nobis nunc enucleanda veniunt.

Definitio legitimæ, in priori parte tradita, magis Juri Romano convenit, quam hodierno. Rectius hodie definiri potest legitima, portio bonorum, quam lex, in favorem quarumdam personarum, alienari prohibet. Differentia illa ex eo promanat, quod in determinatione legitimæ hodiè non portio, quam quis ab intestato cępisset, respiciatur, sed bonorum successionis valor.

Caput secundum.

SECTIO PRIMA.

QUIBUSNAM DEBEATUR LEGITIMA.

§ I. Jure hodierno non eisdem personis debetur legitima portio, ac illis, quibus secundum principia Juris Romani anteā explana-ta, competebat. Hodiè inter personas, quibus legitima portio relinquenda est, computantur et descendentes et ascendentes, art. 913, 915, 916 cod. civ.

§ II. Quandoquidem jure hodierno eadem natura sit legitimæ ac olim, inutile est, hic denuò exponere, argumenta negativa a successione ab intestato ad legitimam rectè procedere, cum e contra affirmativa respuantur. Etenim diversa natura, quæ legitimam intercedit et successionem ab intestato, sicut et recta ratio illa principia stabiliverunt.

SECTIO SECUNDA.

DESCENDENTIUM LEGITIMA.

§ I. Ut jus romanum, ita codex hodiernus civilis primitus legitimam, natura suadente, concessit liberis; id testatur art. 913 c. c.

Sub nomine liberorum comprehenduntur descendentes masculini seu feminei sexūs, cujuscumque gradūs, at ita tamen, ut nepotes tantum pro persona, quam repräsentant, legitimam vindicent, art. 914 c. c.

§ II. Legitimi autem per subsequens matrimonium æquè , ac illi , qui ex justis nuptiis procreati sunt , jus ad legitimam vindicare possunt ; cum legitimatione eadem obtineant jura , ac si semper legitimi fuissent , art. 333. c. c.

Quod legitimationes per rescriptum principis attinet , aut per oblationem curiae , hæ moribus nostris penitus exoleverunt.

§ III. Circa liberos naturales non hodiè , uti jure romano , distinctio facienda est patrem inter et matrem. Quæstio vero , utrum liberis naturalibus legitima debeatur , nec ne , maximè controvertitur varios inter interpretes (1). Nos existimamus , legitimam nullam competere liberis naturalibus , sive agniti sint , sive non , at vero *legitimis* tantum liberis , uti expressis verbis vult art. 913 c. c. Verum illis jus aliquod conceditur in bonis , quæ parentes suæ mortis tempore relinquunt , art. 757 c. c. ; at indè nullatenus concludi potest , illos jus ad legitimam habere. Lex enim , cum illis certam bonorum partem concedat , eos uti successionis creditores , nullomodo uti hæredes considerat. Sic *Bigot - Préameneu* in expositione rationum dixit. « *Ce droit n'est point acquis avant la mort , et c'est sous le titre de créance une participation à la succession.* » Cæterum expressis verbis nostram opinionem stabilit art. 756 c. c. « *Les enfans naturels ne sont point héritiers.* » Itaque cum hæredes esse nequeant , et argumenta negativa rectè procedant , a successione ab intestato ad legitimam , extra dubium manet , ipsos legitimam vindicare non posse. Tandem speciale privilegium , quod naturalibus liberis art. 757 c. c. conceditur , ab ipsa lege limitatur in art. 762 et 908 c. c. ; inde juris æquitas nullatenus permittit , ut protrahatur ad legitimam , præsertim cum id obstet , et utilitati ipsius liberi et sententia legislatoris , si illam ex discussionibus bauriamus. (2)

Quamquam filius naturalis ad legitimam nullum jus habeat,

(1) Toullier , droit civil Français , tom. 5 , pag. 126.

Grenier , des donat. et test. , tom 2 , pag. 405.

Ghabot , sur les succés. , ad art. 756 , n.º 5.

Malleville , analyse raisonnée de la discussion du Code civil , ad art. 756.

Levassieur , traité de la portion disponible , n.º 65.

(2) Vid. expositio facta coram tribunatu a Jaubert 9 floreal anni 11.

tamen Chabot (1) non assentio , filium illum posse orbari parte ei a lege concessa per dispositiones ultimæ voluntatis parentis. Etenim lex in art. 757 c. c. liberis naturalibus jus aliquod tribuit seu debitum legale in successione parentis ; itaque patris voluntas dispositionem legis in favorem alterius mutare nequit : nec debitum aliquod auferri potest , nisi effecta solutione , aut consensu creditoris , vel vi legis extinguitur.

Quod , jure romano ; filius naturalis hæres existeret matris suæ , non autem jure hodierno , id ex morum diversitate profluxit. Jam diu in Gallia hoc ita receptum erat , et legislatores codicis consuetudinum Gallicarum legislationem in eo secuti sunt (2).

§ IV. Jure hodierno distinctiones , uti jure romano , inter adoptatos et arrogatos non observandæ sunt. Paterna potestas , quemadmodum apud Romanos obtinebat , non amplius viget , indè evanuerunt illæ distinctiones. Hodie affirmare non dubitamus , adoptatis legitimam competere in successione adoptantium , cum per art. 350 c. c. , eis eadem tradantur jura , ac si legitimi essent ; exinde legitimis æquiparantur , et eo ipso dispositioni art. 913 c. c. subjacent. In successione vero cognatorum adoptantium omne jus filio adoptato denegatur art. 350 c. c. , et per rectam consequentiam legitima eis competere nequit.

§ V. Hodie in dubium vocari nequit , quin , uti jure romano , emancipati jus ad legitimam retineant. Evanuerunt enim rationes dubitandi , quæ , e singulare Romanorum paterna potestate , oriebantur.

(1) Traité des successions ad art. 757.

(2) Confér. Malleville , analyse etc. , ad art. 756.

SECTIO TERTIA.

ASCENDENTIUM LEGITIMA.

§ I. Iisdem rationibus moti, ac romani legislatores, illi, qui leges hodiernas condiderunt, legitimam secundo loco ascendentibus, proximiorem gradum occupantibus, dederunt, art. 915 c. c. Quod illa legitima etiam concedatur ascendentibus, qui non primi gradus sunt, uti avo et proavo, si pater et mater decesserint, id stabilitur per verba ipsius art. 915, qui generaliter vocat ascendentes absque ulla exceptione (1).

An idem dicendum sit, si avi aut proavi cum fratribus collateralibus succedant, magnæ controversiae jure hodieño locum dedit. Negativa nobis juri accommodatior videtur sententia; in hac enim specie ascendentes a successione ab intestato defuncti excluduntur art. 750 c. c. Itaque sententia nostræ contraria principio adversatur, qui succedere non possunt ab intestato, nullum jus ad legitimam habent. Cæterum art. 915 in § 2º, videtur ad legitimam tantum vocare ascendentes, qui jus succendi ab intestato habent.

§ II. Quemadmodum filii legitimati et emancipati jus ad legitimam obtinent in successione parentum, eodem modo parentibus illorum jus illud tribuendum esse opinor. Circa illegitimos ascendentes non assentio opinioni auctorum quorumdam (2), qui existimant, ascendentes illos legitimam habere, quia filii suis naturalibus agnitis succedant secundum art. 765 c. c. At præterquam, quod ex argumento affirmativo a successione ab intestato ad legitimam nulla conclusio æque deduci possit, etiam æquitas et juris ratio, quæ legitimis tantum legitimam concedunt, huic

(1) Confér., Toullier, sur le droit civil, vol. 5 page 137. Malleville, analyse raisonnée etc. ad art. 915.

(2) Des Pandectes françaises ad art. 915.

decisioni mihi obstare videntur. Natura enim suaderet potius, ut legitima liberis, qui criminis parentis participes non sint, concederetur: tamen leges illud noluerunt. Majori itaque cum aequitate legitimam parentibus abnuerunt. Ad filiorum adoptivorum hæreditatem, uti adoptanti omne jus succedendi denegatur, *art. 351 c. c.* ipsi quoque legitimam non competere, at patri naturali opinor (1).

SECTIO QUARTA.

COLLATERALIUM LEGITIMA.

§ I. Jure Romano atque consuetudinario legitimam fratribus atque sororibus, quibus turpis persona anteferebatur, concessam esse, latius suprà vidimus. Codex civilis hodiernus, nec unam nec alteram legislationem hoc in puncto secutus est, at penitus collateralibus legitimam recusavit. Non tamen absque controversiis disceptationibusque sententia illa prævaluit. Collegium, cui legum ferendarum munus in Gallia mandatum erat, ut videri potest in expositione facta a Bigot-Preameneu (2), primitus legitimam fratribus sororibusque, imo et eorum liberis concesserat. Illa dispositio in congregacione 28 *pluviosi* anni XI multis quæstionibus agitata fuit: illi, qui partem meridionalem Galliæ incolebant, et ubi Jus Romanum servabatur, penitus illam dispositionem rejiciebant: cum incolæ partis septentrionalis, uti conformiorem suis consuetudinibus, illam amplectebantur. Prævaluerunt posteriores, et fratribus sororibusque, non verò liberis eorum, legitima concessa fuit. At tribunatus et multæ curiæ (3) improbaverunt legitimam, in favorem collateralium, eorumque opinionem secutum est imperii con-

(1) Confer. Levasseur sur la portion disponible, n° 53.

(2) Procès-verbaux du conseil-d'état, vol. 2 page 315.

(3) Videantur Observations des tribunaux d'appel: rapport du tribunal de Paris, d'Agen, Dijon, Montpellier etc.

silium (*conseil-d'état*) , et ita legitima collateralium è codice hodierno evanuit.

Rationes , cur legislatores illam non admiserint legitimam , variæ sunt. In primis Jure Romano , et in Galliâ jure scripto , recepta erat legitima in favorem collateralium tantum unico casu , ubi defunctus fratribus sororibusve antetulerit personam turpem : quo in casu potius considerabatur ut ultio , quâ universa familia injuriam sibi illatam vindicabat. In consuetudinibus ipsis non propriæ legitima collateralibus concessa erat , sed potius sepositum consuetudinarium (*reserve coutumière*) (1) , inter quod et legitimam auctores maximam stabiliverunt differentiam. Secunda ratio fuit jus proprietatis , quod nisi ob maximas causas restringi potest , et cuius pro stabilitate militant et jura familie et securitas publica : « *Un tesseur a deux frères* , ait curia Parisiensis (2) , « *l'un sans besoins* , « *l'autre pauvre , ou qui , pendant toute sa vie , lui a témoigné une tendresse et une affection particulières. Par quelle raison de justice et d'équité ne pourra-t-il pas laisser son bien au dernier , plus tôt qu'au premier ?* » Tertia ratio ex jure naturæ hausta fuit. Nihil enim collateralibus debemus , quia nihil ab illis accepimus ; nemini licitum est , a fratribus alimenta jure expostulare ; itaque nulla ratio , eur magis legitimam in ejusdem successione vindicare posset. Descendentes et ascendentes inter jura arctissima naturæ locum obtinent , itaque legitima debitum naturale constituit , quod inter collaterales non reperitur. Tandem recusatio legitimæ collateralibus non vineula familie remittit , uti profitebantur , qui collateralibus legitimam portionem concedere volebant ; at contrarium potius obtinebit , quia spes successionis et timor , ne ipsis hæreditas adimiatur , infigunt collateralium animo principia prudenter , uti ait Portalis in disceptationibus hujus quæstionis (3) « *L'intérêt comme la crainte est le commencement de la sagesse.* »

(1) Confer. Malleville oper. laud. ad art. 916.

(2) Vid. observ. des trib. d'appel , sur le projet du code civil , tom. 3 , pag. 146.

(3) Procès-verbaux du conseil-d'état , vol. 2 , pag. 372.

SECTIO QUINTA.

PATRONORUM LEGITIMA.

§ I. De patronorum legitima sub hodierna legislatione nulla quæstio dari potest, cum mores illi barbari romanorum evanuerint, et humaniores successerint.

*Caput tertium.*QUIBUS IN CASIBUS JUS LEGITIMÆ VINDICATIONIS
AMITTITUR.

SECTIO PRIMA.

EXHÆREDATIO.

§ I. Gallorum legislatores *legibus 17 nivosi et 10 fructidoris anni 2* jamjam exhäuserationem receptam jure romano et consuetudinario abrogaverant. Codex civilis hodiernus hac de re silentium tenet; ex quo perspicuè enitet; ultimæ legislationis principiis standum esse circa exhäuserationem, quæ itaque penitus hodierna legislatione prohibita est. Rationes, cur novissima legislation prævaluérit, ex ipsis disceptationibus in codicem hodiernum variæ hauriri possunt. Malleville duas nobis causas me-

morat (1). 1º Injustum fuisset patri concedere potestatem , quæ vim suam eaperet ex factis , quæ semel probatis , liberos pœnis afflictivis submitterent. 2º Parentibus alia conceduntur media , quibus liberos ingratos majori parte bonorum suorum privari possunt. Præcipuas causas non enumeravit auctor ille ; audiatur Bigot-Preameneu in explanatione tituli de donationibus et testamentis *comram legislatoribus (corps législatif)* (2) : « un des motifs qui a fait sup-
» primer le droit d'exhérédation, est, que l'application de la peine à l'en-
» fant coupable, s'étendait à sa postérité innocente. Cependant cette pos-
» térité ne devait pas être moins chère au père équitable dans sa ven-
» geance ; elle n'en était pas moins une partie essentielle de la famille ,
» et devait y trouver la même faveur et les mêmes droits. » Tandem ut alia ratio adjici hic potest morum offensio , quam producunt sæpius in curiis contentiones , quibus exhæredatio ortum dat ; alii memoriam ascendentis acerrime inculpant , alii odium atque contumeliam contra universam familiam excitant , quum indigna personæ exhæredatæ facta in lucem proferant.

§ II. Quodanmodo tamen exhæredatio officiosa , de quâ locuti sumus in parte priori , capite 3 sectione 1 § 6 , jure hodierno recepta fuit : at ob easdem ferè rationes , cur exhæredatio proprie dieta prohibita fuit , illa restringitur ad portionem disponibilem , legitimamque attingere non potest . Vid. art. 1048 cod. civ.

SECTIO SECUNDA.

INCAPACITAS.

§ I. Incapacitas ab intestato succedendi in codice hodierno agnita est. Tres illius incapacitatis causæ enumerantur in art. 725 c. c. , quarum tertia , nempe mors civilis , rectè intelligenda est ; nam incapax non dicitur ille , qui condemnationi mortis ci-

(1) Analyse etc. , au chap. 6 des donat. et testam.

(2) Motifs du Code civil , vol. 3 , pag. 101 , édit. 1803.

vilis subjacet, sed in quem jam mors civilis effectus suos producit, secundum art. 25, 26 et seq. cod. civ. Quarta causa, quæ extraneos attinet illos, in cuius patriæ successionem vindicare nequeunt Belgæ, adjicitur in art. 726 c. c. His causis insuper jungi potest illa, quæ nobis proponitur in art. 756 c. c. cuius dispositione liberis naturalibus jus succedendi aufertur.

§ II. An omnes eæ causæ, quæ ad successionem ab intestato spectant, etiam legitimam vindicandi jus admant, quæstio illa non amplius movenda; et satis suprà hoc punctum enucleavimus. Argumenta eadem jure hodierno, ac illo Romanorum, pro nostrâ militant sententiâ. Cæterum jamjam veritatem hujus opinionis probare conati sumus, ubi de jure liberorum naturalium actum fuit.

SECTIO TERTIA.

INDIGNITAS.

§ I. Quin inter incapacem et indignum eadem hodiè existant differentiae, quas, dum de Jure Romano actum est, enucleavi, nullum dubium pati potest.

§ II. Causæ indignitatis hodierna legislatione per dispositionem art. 727 c. c. tres stabiliuntur, quarum ultima, quā indignus dicitur major, qui interfectum fuisse defunctum cognoverit, neque judici indicavit, sub modificatione articuli sequentis accipienda est; nempe si hæres ascendens, aut descendens, aut eodem gradu affinis esset interactoris, non tenetur delationi.

Cum variis interpretibus (1) sententiam amplector, poenam indignitatis nullatenus ex aliis causis, quam ex illis, quas codex enumeravit, prorui posse. Illa extensio tamen, Jure Romano, maximâ cum prudentiâ et certis sub conditionibus locum obtinebat;

(1) Confer. Maleville, analyse etc. ad art. 727. Toullier, droit civil français, vol. 4 pag. 120 et nouveau répertoire de Merlin, mot *indignité*, n° 9.

at tum temporis facilius indignitas procedebat quam hodiè , nec iisdem firmis principiis condita erat legislatio poenalis.

§ III. Quemadmodum causæ indignatatis a successione ab intestato repellant omnes , qui illis notati sunt, ita quoque indignitas legitimam vindicandi jus adimit. Hodiè illa quæstio minoris difficultatis videtur per dispositionem art. 729 c. c. , quæ vult , ut quidem fructus omnium rerum , quos e successione recepit , restituantur.

§ IV. Quæstio sese offerre potest, an , jure hodierno , indignitas per condonationem tolli possit? Si causa indignitatis talis sit , ut tantum poenam introducat in solam ultionem personæ læsæ , quæ condonat poenam , æquitas mihi suadere videtur , indignitatem tolli debere , cum et *odiosa restringenda sint*. Si verò crimen tale sit , ut etiam secundum codicem poenalem in securitatem publicam indignitatem produeat , tum condonatio privati poenam remittere nequit. Quod condonationem taeitam seu reconciliationem attinet , eam sufficere credo , si probari possit , defuncti voluntatem ultimam fuisse , poenam expressè condonandi. Condonatio ab imperante perpetrata non tollit indignitatem , quia semper permanet injuria erga illum , cui succedendi aliter jus nobis fuit.

§ V. Quod descendentes attinet , illi criminis paterni participes non sunt. Codex civilis illud principium æquitati consentaneum servavit in art. 730 ; noluit tamen , sicut et Jure Romano , ut liberi patrem indignum repræsentare possint , quod obstaret principio , vivus non repræsentatur; art. 744 c. c.

SECTIO QUARTA.

RENUNCIATIO.

§ I. Ut discernamus , utrum Jure hodierno validè legitimæ renunciari possit , nec ne , distinctio , quam Jure Romano stabilivimus , denuò admittenda venit: nempe an renunciatio facta sit antè , aut post mortem illius , de cuius successione agitur.

§ II. Sub novissimā legislatione exolevit jus consuetudinarium circa pacta de non succedendo. Primitus *art. 11 leg. 17 nivosi an.* II illa pacta, quocumque etiam modo fierent, prohibuit; posteā Codex civilis *art. 791* generatim stabilivit, juri sibi devolvendo ex successione viventis validē renuntiari non posse. Non itaque valida est renuntiatio legitimæ facta, cum et ea multo favorabilioris naturæ sit, ac successiō ab intestato, et locum teneat alimentorum.

§ III. Si post mortem testatoris facta sit renunciatio, valida erit; morte enim hæredes jus acquirunt in defuncti successionem, cui juri, ut illis acquisitō, validē renunciare possunt:

§ IV. Requiritur, ut renuntiatio expressa sit et non præsumata: Legislatores illud stabiliverunt respectu successionis ab intestato *art. 784 c. c.* Plures autem dantur rationes, cur illa dispositio ad legitimam extendenda sit, cum partem constituat bonorum liberis a lege servatam, ne penitus denudarentur. Quæstio verò maximi momenti hodiè est, an hæres, qui repudiavit hæreditatem, repudiasse censeatur legitimam? Quæstio hæc pendet ab illa, utrum titulus hæredis requiratur, ut legitima vindicari possit, nec ne? De qua postea *cap. 4 § 1* ubi de differentiis inter hæreditatem et legitimam agendum est: ad hoc caput, solutionis negativæ rationes hujusce quæstionis brevitatis causā remittimus.

§ V. Renunciationem tacitam, in casibus ubi expressa valeret, non admittendam esse existimo, cum pluribus interpretibus (1).

Nemo facilè supponit suum voluisse jactare, insuper contrariae sententiae obstat *art. jamjam allatus 784 c. c.* inde quanquam testamentum paternum facit approbasset, non teneretur tamen ad dispositiones exequendas ultra legitimam.

§ VI. Filii ad successionem, cui pater eorum renunciavit, per repræsentationem concurrere nequeunt, ut patet ex *art. 787 c. c.*: at si proprio capite jus ad successionem haberent, ut hæredes admittendi forent.

(1) Auteurs des Pand. franç. tom. 3, pag. 328.
Toullier, droit civil franç. n.º 5, pag. 185.

SECTIO QUINTA.

SUBSTITUTIO PUPILLARIS.

Substitutionem pupillarem jamjam exolevisse tempore consuetudinum nostrarum ostendi: jure novissimo etiam penitus abrogata fuit, primum per art. 61 legis 17 nivosi, anni 2, quam dispositionem retinuit codex civilis hodiernus in art. 896. Legislatores, qui mores temporis quam maximè considerare et perpendere debent, substitutionem pupillarem admittere non poterant, cum consequentia sit illius inhumanæ patriæ potestatis, quæ apud romanos vigebat, et nostris moribus exolevit. Principiis insuper rectæ legislationis illa substitutio adversari videtur; nam, ait Bigot-Préameneu (1) « *D'une part il est certain, que ce n'est plus un simple acte de transport de propriété ; c'est un ordre établi entre les personnes, que le donateur appelle pour se succéder les unes aux autres ; c'est constituer pour les générations futures, l'état et l'organisation de la famille ; c'est faire un acte de législation plus tôt qu'exercer un droit privé.* » Tandem quantis controversiis atque iniquitatibus ortum non præbuit substitutio pupillaris ? « *Il n'est pas possible de concevoir, ait prædictus auctor, que la famille entière doive être déshéritée pour enrichir l'un de ses membres, et que ce ne soit pas pour elle une cause de ruine et de dissension, plutôt qu'un moyen de prospérité.* »

Aliquæ quodammodo substitutionis species per codicem civilem permisæ sunt; uti videre est in art. 898, 899 et præsertim in art. 1048 et sequent. Disponendi illæ facultates potius nomine dispositionis officiosæ insiguitæ, uti diximus, officiosis exhæredationibus, quæ apud romanos vigebant, æquiparari possunt. Quidquid autem de eorum naturâ sit, manifestum est, illas substitutionis species difficultatibus circa legitimam locum dare non posse, cum illis portionem legitimam attingere prohibitum sit.

(1) Procès-verbaux du conseil-d'état, tom. 2, pag. 535.

SECTIO SEXTA.

PRÆSCRIPTIO.

§ I. Hodiè cum ob easdem æquitatis et utilitatis publicæ rationes , ac jure romano , recepta sit præscriptio , nulla causa memorari potest , cur non procedat circa legitimæ petitionem , quemadmodum admittitur adversus cæteras actiones (1).

§ II. Codex civilis hodiernus nullum tempus specialiter determinavit circa legitimæ actionis præscriptionem ; exinde voluit , ut actio illa subesset dispositioni generali art. 2262 c. c. , quâ tempus 30 annorum requiritur ad præscriptionem validam , tam actionum realium , quam personalium.

§ III. Tempus , a quo præscriptio incipit , idem statui potest ac jure romano ; nempe , simul ac jus ad legitimæ vindicationem acquisitum est , itaque a momento mortis illius , de cuius successione legitima petenda est . Exceptiones , quas huic principio generali in priori parte stabilivimus , hodiè quoque omnes ferè admittuntur : sic prior , quæ minores attinet ex dispositione art. 2252 c. c. promanat . Secunda hodie non viget , cum introducta esset in consequentiam exoletæ paternæ potestatis . Principium , quo tertia exceptio fundatur , scilicet , *contra non valentem agere non currit præscriptio* , in codice civili admissum videtur , argumento art. 2252 et 2257 c. c. Quartam exceptionem , quamquam indè dispositiones expressæ non dantur , attamen existimo , eamdem admittendam esse , ita ut hodiè minimè quoque currat præscriptio adversus legitimarium , quamdiu alimenta gratis sumeret è successione , de quâ legitimia sua deducenda est ; legitimarius enim , in illo casu uti et frui suâ legitimâ censetur , et ita eam in possessione sua habere . Eamdem manifestat sententiam Grenier (2) .

(1) Confér. Toullier , droit civil , vol. 5 pag. 192 , et Grenier , des donations etc. , tom. 2 , p. 401.

(2) Des donations , tom. 2 , pag. 402.

SECTIO SEPTIMA.

DEFECTUS INVENTARII.

Quæstio, an defectus inventarii impedimentum constituat petitioni legitimæ, hodiè non tantæ controversiæ est ac Jure Romano. Omnes ferè interpres (1) sententiam negativam merito amplectuntur. Hodiè autem leges definiverunt omnes personas, quibus impositum est onus consciendi inventarium, inter quas nusquam apparet legitimarius. Si vero favores, qui hæredi beneficiario tribuuntur, jure vindicare nequit, ideo tamen jus ei non adimitur, legitimam suam vindicandi, et reducendi tum inofficiosas donationes, tum legata, quæ portionem disponibilem superant. Cæterum timenda non est fraus legitimarii; nam donatariis et legatariis lex concedit jus ob-signationis, et facultatem conscribendi repertorium rerum omnium mobilium, ita, ut facillimè suis commodis prævidere possint.

SECTIO OCTAVA,

TESTAMENTUM MILITARE.

Hodie, quanquam quoad formas favores quidam conceduntur militibus, qui in expeditione testamentum condere volunt, illi nullatenus protrahi possunt ita, ut miles legitimæ portioni nocere possit. Exhæredatio etenim et paterna potestas apud nos nullomodo vigent, ut apud Romanos; priorem abrogatam esse jam vidimus, posterior autem secundum rectam rationem et æquitatem limitata est.

(1) Toullier, droit civil français, vol. 5 pag. 191. Grenier, des donations etc., vol. 2 pag. 521.
Auteurs des pandect. franç., tom. 8, pag. 331.

*Caput quartum.*DISPARITAS INTER JUS LEGITIMAM POSTULANDI ET
SUCCESSIONEM AB INTESTATO.

§ I. Præcipua hujus capitinis quæstio, quam Jure Romano plurimis controversiis inter interpres locum dedit esse vidimus, hodiè non minoris difficultatis est: nempe, utrum legitima partem constitutæ hæreditatis, et ita titulus hæredis requiratur; ut portio legitima vindicari possit, nec ne? Dissentient quam maximè interpres: Grenier (1) et Toullier (2) affirmativam defendunt sententiam. Quanquam tam claris auctoribus vix refragari audeam, equidem illorum favere opinioni principiis juris et æquitatis mihi contrarium videtur; ideo negativam conabor stabilire sententiam.

In primis supervacuè hic denuò in memoriam vocare insigne disparitates, quæ legitimam et successionem ab intestato distinguunt: ea, cum de Juris Romani principiis egimus, rectæ rationis et æquitatis argumenta, satis stabilitivisse credimus, ut hic ad primam meæ sententiæ probationem possint vocari: Nunc sola juris hodierni principia inquiram, et illis sententiam meam firmare conabor. 1.º Cum legislatores in art. 913, et 915 c. c. legitimam descendenteribus et ascenderibus concederint, nullatenus titulum hæredis perpenderunt, at proximitatem gradus parentelæ, et omnia vincula sanguinis et amoris, quæ personas illas sibimet invicem constringunt. Illis rationibus nititur totum legitimæ petitionis fundamentum; ita, ut, cum illæ adsint, ulterius nihil

(1) *Traité des donations*, vol. 2 pag. 319.

(2) *Droit civil français*, tome 5 pag. 126.

requiri videatur. Id evidentius perspicitur, si consideremus præcipuam causam, cur legitimā orbentur collaterales, fuisse absentiam illorum vinculorum sanguinis atque amoris, quae conjungunt descendentes et ascendentēs. 2.^o Art. 924 c. c. affirmat, aliquem legitimam suam vindicare posse, quanquam hæres existere recusasset, et ita respondet quæstionī quæ suprà Cap. 3 sect. 4 § 4 pertractanda erat, et ad hanc remisimus sectionem. Circa hanc quæstionem omnē tollunt dubium verba hujuscē articuli, qui ita concipitur; « *Si la donation entre vifs réductible a été faite à l'un des successibles, il pourra retenir, sur les biens donnés, la valeur de la portion, qui lui appartiendrait comme héritier, dans les biens non disponibles s'ils sont de la même nature.* » Qui contrariam defendunt sententiam, non solum opinionem expressis art. 924 c. c. verbis adversam sustinent, sed eis quoque vehementer obstat art. 843 c. c., qui vult, ut universæ donationes hæredi factæ conferantur, et inter omnes hæredes dividantur. Itaque, si legitimarius, cui donatio facta est, hæres esse deberet, ut fruatur beneficio art. 924 c. c.; articulus ille nou congrueret dispositioni art. 843 c. c. Cæterum, si aliter art. 924 interpretemur, inveniemus, nihil novi ejus dispositionem completi, cum jam art. 859 c. c. à collatione eximantur res donatae, modo res ejusdem naturæ in successione reperiantur. 5.^o Plurima hæredi incumbunt onera, quæ in art. præsertim 843, 870, 875, 1017 c. c. enumerantur; è contra legitimarius multis cumulatur beneficiis, e favorabili legitimæ naturæ pro manantibus, et art. 913, 914, 921, 925, 926 etc. c. c. expositis. Quam absurdum autem foret, si legitimarius simul hæres existere deberet! Ut hæres, auctoris personam assumens, omnia jura et omnes obligationes defuncti in se suscipit; ut legitimarius è contrâ viuculo quasi constringit nimis liberalem animum defuncti, cuius voluntatem, si portionem debitam lædat, irritam facit; ita, quod una manu accipere posset, altera, ut debitor restituere sæpius teneretur. 4.^o Art. 921 c. c. solis legitimariis concedit jus donationes inter vivos reducendi, illudque creditoribus defuncti re-

cusat. Si autem hæres esse deberet legitimarius, sæpius nullatenus ea dispositio ei prodesset, cum teneretur semper de omnibus successionis debitibus.

Ultra expressas legis dispositiones, mens legislatorum pro nostrâ sententiâ non minus militat. Malleville (1), cum art. 921 codicis civilis agitatus esset, coram supremo concilio (*conseil-d'état*) in medium protulerat, legitimarium petere reductionem, non tanquam hæredem, sed uti filium testatoris: adjunxit huic consul Cambacerès: « *La qualité de légitimaire ne présuppose pas nécessairement la qualité d'héritier.* » Si quidam legislatores aliter sensissent, suam exponere opinionem non neglexissent, quam tamen frustrâ quærimus. In tribunatu eadem viguit opinio, quæ apertè professa fuit a Jaubert et Favard (2) in orationibus, quas habuerunt circa titulum de donat. et testamentis: « *Ce n'est pas comme héritiers, ait Favard, que les enfans demandent ce retranchement; cela est si vrai, que la portion donnée, qui entamait la réserve légale, est retranchée de la succession.* »

His argumentis opponuntur præsertim art. 917, 918, 1004, 1006 et 1011 c. c. In illis vero legislatores legitimarios nomine *héritiers* insignierunt; at inde aliud nihil sequitur, nisi quod ille, qui vindicare velit legitimam, hanc qualitatem habere debeat, ut hæres existere possit dum velit; non vero, ut hæres realiter sese constituat. Ad objectionem quam ex art. 1004 deducunt, legitimarium pleno jure occupare hæreditatem, uti hæredem, responsio facilis est; dispositio illa introducta fuit unicè in favorem legitimariorum, *iniquum itaque foret, eam in eorum odium retorquere;* nec legislatores illam sententiam habuisse præsumi potest; nam, quod illi dispositionem hujusce art. unicè introduxerint in favorem legitimariorum, appareat ex art. 724 c. c. quo jamjam idem beneficium concesserant hæredibus, itaque si necessariè legitimarius hæres existéret, inutilis et supervacuus foret art. 1004 c. c.

(1) Confer. procès-verbaux du conseil-d'état sur la discuss. du code civil, tom. 2, pag. 436 et 457.

(2) Confer. motifs et rapports sur le code civil, vol. 5, pag. 188 et 213. Édit. 1805.

§ II. Hac quæstione enucleata superest enumерare cæteras dispartites legitimam inter et hæreditatem, quæ ferè cædem sunt, ac jure romano. 1.º Legitimarius ultra legitimam ad debita non tenetur, e contra hæres simplex tenetur ad debita etiam ultra vires. 2.º Hic facta omnia auctoris præstare non debet; hæres illa exequenda in se suscipit. 3.º Legitima nullo onere hodiè quoque gravari potest, aliud circa hæreditatem obtinet. 4.º Repudiatio tacita circa legitimam nulla existimatur, circa hæreditatem valida tandem. 5.º De legitima, uti de debito naturali disponere nequit, qui eam relinquere cogitur, cætera sua bona quidem abjicere potest.

Caput quintum.

DE QUANTITATE LEGITIMÆ.

Non eadem est legitimæ portionis quantitas hodiè ac jure romano. Legislatores codicis civilis art. 913 in favorem descendentium illam stabiliverunt ad medietatem omnium honorum defuncti, si ille unum tantum infautem reliquerit, ad duas tertias, si duos, ad tres vero quartas, si plures liberos reliquerit. Rationes non parvi ponderis sunt, ob quas a jure romano recessit codex hodiernus. Quantitas legitimæ portionis, quemadmodum jure romano stabilita erat, sæpè maximis iniquitatibus (1) ortum præbebat, uti si quis quatuor relinqueret liberos, legitima eorum

(1) Ob easdem iniquitates jamjam jure consuetudinario in Gallia mutata erat legitimæ portions quantitas. Conf. Le Brun des success. liv. 2, chap. 3, sect. 3, n.º 4 et 11.

erat duodecima successionis pars , cum si quinque essent , decimam partem haberent . Itaque legitima , quæ major esse debet quo pauciores sunt liberi , minor e contra erat : « *Ce renversement de l'ordre naturel ,* ait Bigot-Préameneu (2) *n'était justifié par aucun motif .* » Insuper humanitatis et æquitatis causâ legislatores majorem portionem legitimam liberis concederunt .

Quod attinet ascendentium legitimam , duplii in puncto legislatores hodierni a jure romano recesserunt . In primis legitimam ascendentium illi liberorum æqualem esse noluerunt , quia felicitas atque vitæ sors parentum non æquè pendent a parte , quam accepturi sunt a successione liberorum , ac sors liberorum pendet a parte recipienda ex hæreditate parentum . A prima illa differentia promanat , ut ascendentes non eamdem habeant portionem ac jure romano . Hodiè ipsis art . 915 c . c . servatur medietas bonorum , si unus pluresve dentur ascendentes in utrâque linea , quarta tantum pars , si solummodo in una linea ascendentes suspensit , quod ita statuerunt legislatores , ratione habitâ ad portionem , quam ab intestato caperent .

§ II . Hic enucleandum venit , utrum nullæ dentur dispositiones jure hodierno , quibus portio legitima , art . 913 et 915 c . c . determinata , mutetur . In primis dispositio art . 904 c . c . causæ dubitandi ortum dedit . Restrinxit ille articulus facultatem disponendi respectu minorum , qui nondum decimum septimum suæ ætatis annum attigerunt , et ita portionem non abalienandam auget . Grenier (2) sustinet , illa dispositione augeri portionem legitimam . Ejus opinio mihi contraria videtur menti legislatoris et legis texui . Art . 904 c . c . enim nihil aliud vult , quam magis constringere libertatem disponendi , respectu habito imprudentiæ minoris ; et nullatenus alias regulas introducere tendit , circa partitionem portionis non abalienandæ , cum jam stabilitæ essent in art . 746 et 753 c . c . Opinio mea corroboratur auctoritate Toullier (3) .

(1) Vid . Procès-verbaux du conseil-d'état , sur la discuss. , etc. , tom . 2 , pag . 309 .

(2) Des donations , tom . 2 , pag . 128 .

(3) Droit civil français , tom . 5 , pag . 142 .

Quandam mutationem subiit legitima portio per dispositionem art. 1094 c. c., quā donator conjux, qui nullos habet liberos, sed ascendentēs tantum, in favorem alterius conjugis disponere potest de bonis suis, ita, ut ascendentēs superstites tantum in legitimam retineant usumfructum portionis, cuius art. 915 c. c. plena proprietas illis competit. Si autem donator ille liberos haberet, nullā habitā ratione ad numerum liberorum, semper alteri coniugi dare potest plenam proprietatem quartae bonorum et usumfructum alterius quartae. Itaque si tres existant liberi, non tres quartas in plena proprietate obtinebunt in legitimam suam, prouti vult art. 913 c. c., sed tantum plenam proprietatem medietatis et nudam proprietatem unius quartae.

§ III. Quum, consuetudinibus vigentibus, non eadem esset quantitas portionis legitimae, ac illa, quae jure hodierno stabilitur; quæstio est, quanta foret legitima, si dispositiones bonorum reducentæ sub prioribus legibus confectæ forent, disponens autem mortuus post promulgationem Codicis civilis? Distinguendum esse existimo inter donationes inter vivos et liberalitates per testamentum factas. In priori casu, si donatio irrevocabilis sit, tum simul ac perfecta est, per donatarium jus acquiritur in rebus donatis, indè standum est principio, æquitatis causâ in jure recepto: *nemini jus debitè acquisitum auferri potest.* Itaque talis donatio comprehendere potest omnia bona, quæ secundum leges, vigentes tempore ejus confectionis, ab alienari poterant, et portio legitimariis debita in his donationibus secundum easdem leges determinanda est.

Quod donationes mortis causâ revocabiles attinet, æquiparantur testamentariis dispositionibus, quæ jus non transferunt, nisi tempore mortis disponentis; quo tempore tantum confirmantur; itaque secundum legitimam portionem stabilitam per Codicem civilem, sub cuius dominatione mortuus est donator, reduci debent, quemadmodum et testamentariæ dispositiones.

§ IV. Ut jure romano, hodiè quoque nepotes tantum admittuntur ad portionem legitimam jure repræsentationis, et non plus juris ha-

bere possunt, ae ille, quem repræsentant. Levasseur (1) existimat, illam regulam non procedere, si nepotes tantum supersint ex unico filio; at illum in errorem deductum esse, facile perspectu est. Art. enim 914 c. c. indistinctè dicit; « néanmoins ils ne sont comp-» tés que pour l'enfant qu'ils représentent dans la succession du dis-» posant. » Porro art. 740 c. c. in quibuslibet casibus repræ-
sentationem admittit.

§ V. Sub legislatione Codicis civilis dubitaverunt aliquando interpretes, an legitima, ascendentibus adscripta art. 915 c. c., portionem constituat partis, quam ab intestato haberent, aut portionem totius hæreditatis. Cum Levasseur (2) non assentior opinioni, eam efficere partem determinandam, ratione portionis ab intestato debitæ: nam in art. 913 c. c. apertè dicitur, *des biens du dispo-
sant*, cui articulo submittitur art. 915 c. c., qui nihilominus tam-
en denuo repetit absque ulla distinctione, *la moitié des biens*, ita, ut omné dubium tollat. Insuper nostra opinio manifestè con-
firmatur per dispositionem art. 922 c. c.

§ VI. Leges certam portionem servandam esse liberis et ascen-
dientibus statuerunt, noluerunt itaque, ut legitima quovis modo
gravari possit, cum nihil facilius esset, quam legum dispositio-
nes eludere, et legitimariis omnem prorsus abstollere utilitatem,
quam illis servat lex. Exinde gravamen, conditio aut terminus
aliquis frustrè legitimæ imponeretur ab illis, qui hanc salvam
relinquere coguntur; cum in illa portione illis omne jus adi-
matur. Principium hoc e jure romano promanat illudque jam
variis judicium sententiis stabilitum vidimus (3).

§ VII. Ex eisdem prosluit principiis, quod pater usufructu gra-
vvari nequeat legitimam portionem; id insuper manifestè erui po-
test ex art. 917 c. c.; qui yult, si dispositio, quæ legitimam por-
tionem lædit, usumfructum aut redditum contineat, ut electio in-
cumbat legitimariis, utrum hanc dispositionem exequi, an por-

(1) Traité de la portion disponible, n.^o 59.

(2) Traité de la portion disponible, n.^o 50.

(3) Arrêt de la cour de Nîmes, 13 juiu 1805, et de la cour d'Aix, 13 décembre 1805, rap-
portés en la jurisprudence du Code civil, tom. 7 pag. 88.

tionem abalienandam relinquere et legitimam intactam servare velint. Ita hic articulus nonnullis controversiis finem posuit, et permisit testatori, ut usumfructum bonorum tantum relinquoret legitimariis, aut, si malint, eorum legitimam; sufficit, modo electio detur legitimariis.

Quæstio, an electio legitimariis concessa *art. 917 c. c.*, illis tantum incumbat, postquam probaverunt, donationem lädere legitimam, an vero antè, controvertitur inter interpretes. Levasseur (1) primam defendit sententiam: Maleville (2), Grenier (3), Toullier (4) posteriorem tenent sententiam, quæ præferenda mihi videatur. Etenim onus imponeretur legitimæ, si impensis æstimationis submitterentur legitimarii. Legislatores dispositionem *art. 917 c. c.* tulerunt, ut finem ponerent plurimis controversiis (5); quantum autem a scopo suo divergerent, si contraria opinio prævalereret, cum æstimatio ususfructus sæpius maximè difficilis sit, quoniam a vita usufructuarii pendeat, et ita quamplurimis litibus ortum præbeat. Itaque si æstimationem antè optionem voluisse legislator, hac de re voluntatem suam manifestasset.

Huic optioni non omnes assentire debent legitimarii; legitimam enim rem divisibilem constituit; atque quisque legitimarius electionem particularem habet, et aut usumfructum retinere, aut portionem abalienandam præstare potest.

(1) De la portion disponible, n° 85; pag. 80 et seqq.

(2) Ad art. 917 anal. raisonnée sur le Code civil.

(3) Des donat., tom. 2, pag. 388.

(4) Sur le droit civil, tom. 5, pag. 171.

(5) Confér. procès-verbaux, séance du 28 pluviôse an XI, pag. 377: « L'objet de ces articles, ait Tronchet, est de prévenir une difficulté, qui s'est souvent présentée. »

Caput sextum.

QUA RATIONE LEGITIMA DETERMINARI DEBEAT.

SECTIO PRIMA.

DE PERSONIS IN STATUENDA LEGITIMA PORTIONE COMPUTANDIS.

Dubium dari non potest, quin personæ, quæ ad successionem veniunt et sese hæredes denunciant illius, de cuius successione legitima petenda est, numerandæ sint, ut certa legitimæ portio-
nis quantitas definiatur.

Quod ad exhæredatos spectat, hodiè nulla amplius controversia dari potest, cum exhæredatio moribus nostris penitus exoleverit.

Controversia vero datur inter interpres juris hodierni, utrum liberi, qui validè legitimæ renunciaverunt, numerum facere possint in determinandâ legitimâ portione? Sententiam, quam de Jure Romano protulimus, hic denuò admittendam esse existimo, ita, ut liberi, qui renunciaverunt legitimæ suæ aut titulo onera-
rio, aut gratuito, semper computandi sint. Non solum autem computantur hæredes, sed etiam omnes illi, qui *succedere potuis-
sent*, si defunctus ab intestato decessisset. Non enim a qualitate hæreditatis legitimam pendere suprà stabilivimus, sed sufficere, ut aliquis legitimam capiat, si hæres existere potuerit. Porro in hac specie renuncians non solum hanc facultatem, hæreditatem adeundi, habuit, sed reverà hæres jam extitit, cum renunciatio-

tantum valida sit post mortem testatoris , quo tempore jamjam hæres esset, ex principio: *le mort saisit le vijs*, arg. art. 724. c. c.

2.º Art. 913 c. c. nostram evidenter sustinet sententiam: ad legitimam autem vocat omnes liberos , qui tempore mortis testatoris existerent , nullam init distinctionem ; sive hæreditatem adeant , sive non : insuper æquitas suadet, ut computetur hæres renuncians ; tum etenim pars illius accréscit collegitimariis , uti art. 913 c. c. voluisse videtur , quum sine ullâ distinctione certam portionem abalienandam statuit , quæ augeri non potest in favorem extraneorum , si filius aliquis renunciat , sed potius per consequentiam art. 786 c. c. augere debet partem liberorum.

3.º Si dubium adhuc superesset , principium , quod potius pro liberis standum sit , quam pro extraneis , illud omne tolleret , nec non art. 845 et 924 c. c. qui concedunt facultatem renuncianti , ut è donatione ipsi facta portionem suam legitimam retineat ; itaque si renuncians non computaretur , sæpius maximo damno afficerentur cæteri legitimarii .

An illi , qui capite minuti sunt , et illi , qui codice hodierno indigni succedendi sunt , numerandi sint in determinatione legitimæ portionis , minoris hodiè difficultatis nobis videtur : negativam sententiam amplecti non dubitamus , cum capite minutus habeatur naturaliter mortuus art. 25 c. c. Tamen si liberos reliquisset , illi jure repræsentationis legitimam caperent , et ita pro persona patris computarentur art. 744 c. c. Quoad alias indigos , illi , quanquam defunctus ab intestato mortuus foret , etiam penitus ab ejus successione excluderentur ; ita per consequentiam , ad determinandam legitimam portionem , numerandi non veniunt , nisi notæ infamiae non amplius subjacent , secundum illud , quod diximus in cap. 3 sect. 3 § 4 hujus partis.

Quod autem attinet illos , quorum jus ad legitimæ petitionem præscriptione extinctum est , eadem , quæ de jure romano attulimus , principia , hodiè vigere existimamus .

Si legitimarius tempore mortis illius , è enjus successione legitima petenda est , absens foret , in consequentiam art. 155 , 156

et 137 codicis , eum computari non debere in determinanda legitimā credo , nisi collegitimiarii ejus manifestam facerent existentiam ; aut descendentes haberentur , qui absentem repræsentare jure possunt . Si verò postea appareat absens , legitimam portionem , quam ipse , aut liberi non habuerunt , vindicare poterit ab illis , qui legitimam illam colegerunt .

SECTIO SECUNDA.

QUIBUSNAM IN BONIS LEGITIMA CAPIENDA SIT.

§ I. Principia juris hodierni , in hac sectione pertractanda , multam cum illis Juris Romani similitudinem habent ; quā de causā ea tantum breviter exponere conabor . Imprimis legitimam deberi ex substantiā hæreditariā defuncti , id nobis satis indicat art. 922 c. c. , qui expressis verbis præscribit , annumeranda esse et fictive adunanda omnia , quæ successionis debita superant .

Recte intelligendus est art. 922 c. c. ; si litteras ejus sequamur , oportet deducere debita e tota successionis substantiā , quod penitus refragatur sensui art. 921 c. c. , qui vult , ut debita deductantur e bonis existentibus adhuc in successione , et e liberalitatibus per testamentū factis .

Non dubito , quin hæredi legatario , aut donatario , non licitum sit , pro portione debita legitimario partem assignare in bonis quibuscunque ; nec eamdem optionem tribuo legitimario , nisi in casu , ubi donatio ipsi facta foret , et bona ejusdem naturæ in successione superessent , art. 924 c. c. Alioquin ad judicem pertinebit , æquo judicio partem legitimario pro legitimæ valore adscribere . Nec hodie a testatore legitima portio relinqui potest in bonis quibuscunque . Huic dispositioni stare non deberet legitimarius , sed ex tota substantiā hæreditariā legitima portio ei competit . Cæterum art. 924 c. c. non obligavit legitimarium , ut donationi sibi factæ

staret , aut ex ea legitimam retineret , sed optionem reliquit legitimario his verbis , pourra retenir .

§ II. Inter debita successionis numerari nequeunt liberalitates a testatore factæ ; itaque reducenda veniunt , et in fictivâ adunatione computanda omnia bona , quæ tempore mortis possidebat ; hinc legata et omnia illa , de quibus per testamentum disposuit testator : art. 922. c. c.

Si autem quis legatum alicui condidisset in restitutionem furti , aut in mercedem benè meritorum , principia juris romani servanda esse existimò (vide supra parte priori .)

§ III. Quemadmodum jure romano , æquè hodiè reducendæ et fictivè coacervandæ veniunt omnès alienationes , quas defunctus ante mortem suam titulo lucrative fecit ; ita omnes donationes inter vivos , absque ullâ distinctione , sive modicæ sint , sive non , sive in favorem extranei factæ , sive in illum infantis computandæ sunt ; art. 922 id generaliter statuit , et ita controversias sub jure romano existentes tollit .

Nec eximendæ sunt ex illo principio donationes quæ in dotem , aut aliam causam factæ forent per contractus antenuptiales ad art. 1082 , 1084 , 1093. Tales donationes in adunatione fictiva computantur , art. 1081 , nec non reductioni subjacent , art. 1090.

§ IV. Liberalitätes , quæ sub specie contractū onerosi factæ forent , caeteris donationibus generatim æquiparantur ; ideo fictivè congeruntur , et reductioni submittuntur , quemadmodum et alia bona donata .

At si talis donatio confecta foret a conjugे in favorem alterius conjugis ; tum ad art. 1099 c. c. penitus nulla esset . Si vero in donatione quadam fraus lateret , tum secundum regulas , quæ singulis contractuum speciebus , aut quæ generatim conventionibus præscribuntur , donationis validitas dijudicanda foret .

Hic enucleanda venit dispositio art. 918 , quæ nonnullis controversiis ortum præbuit . In illa legislator statuit , ut imputentur in partem liberam res alienatæ successuro in directâ linea , sive titulo viaticæ pensionis , pecuniæ alienatæ , sive retenti ususfructus , et ut exceedens conferatur . Lex 17 nivosi anni 2

in art. 26 tales abalienationes restrinxerat ; quia s̄epuis sub specie contractū onerosi liberalitatem complectuntur. Codex civilis in art. 918 easdem fere dispositiones servavit, duplii tamen cum differentiā, quarum prima distinctio, quae stabilitur inter h̄eredes lineæ rectæ et lineæ collateralis; secunda, ut hujusce generis abalienationes imputentur in portionem abalienandam, et superfluum in successionem conferatur. Quibus dispositionibus adjunxit, ut illæ abalienationes imputationi et collationi solunimodo subjacerent, ad petitionem illorum, qui, dum succedere possent, illas ratas habere noluerunt, nec umquam ad petitionem cujusvis collateralis.

Verba istius articuli quibusdam disceptationibus locum dederunt, et primum oritur quæstio, utrum alienationes ad art. 918 c. c. factæ, pro toto earum valore adunationi fictivè faciendæ, ut portio legitima statuatur, annumerandæ sint, an solunimodo, in quantum exsuperent portionem abalienandam, cum art. dicat, « *et l'excédant, s'il y en a, sera rapporté à la masse* » ? V. G. Si quis tres reliquerit filios, quorum uni abalienationem fecit, sub titulo retenti usūsfructūs, valoris 4000, et insuper inveniantur in successione 8000. Adunatio fictiva comprehendet 9000, si non tota abalienatio computatur; constabit autem 12,000 si computatur. Absque dubio mihi videtur, quod universum pretium abalienationis computandum sit. Et enim lex tales abalienationes donationibus penitus æquiparat; atqui ad art. 922 c. c. omnes donationes pro toto valore in adunationem veniunt, nec ulla datur ratio, cur ab illa regula eximantur abalienationes secundum art. 918 c. c. factæ. Secunda quæstio est, an, quidquid filius ultra redditus persolverit, deduci possit a valore plenæ proprietatis, quem imputare requirit lex, *La valeur en pleine propriété?* Dissidentibus auctoribus (1) existimò, valorem illum diminui non posse, sive fructibus, sive impensis solutis. In primis verba articuli; *la valeur en pleine pro-*

(1) Maleville, anal. sur le Code civil, ad art. 918.
Toullier, droit civil franç. vol. 5, pag. 160,
Grenier, des donat., etc., tom. 2, pag. 394.

priétē expressa sunt, nee deductionem patiuntur: ulterius, uti jamjam diximus, tota abalienatio gratuita consideratur per præsumptionem legalem, quæ nullam probationem requirit art. 1352 c. c.

Tertia quæstio datur, an sufficiat, ut alienatio valida maneat, nec ulli imputationi submittatur, si succedendi (*successibles*) tempore confectæ illius abalienationis consensum suum, dederint, non autem illi, qui postea hæredes existunt? Affirmativam sententiam rectè præferre existimo, quum art.^{us} dicat *successibles*, eorumque consensum tantum requirat, nullatenus illum hæredum.

§ V. Ante legem nostram fundamētalem publicationis bonorum admissa erat art. 37 *Cod. pœn.* Prorsus tūm aliter sese principia habebant, ac jure romano, circa legitimam portionem liberis debitam. Art. 38 *Cod. pœn.* principia illa nobis præscribit, et vult, ut e bonis, quæ publicationis poenæ subjacent, generatim descendentes· damnati in legitimam portionem capiant mediā partem portionis, illis per art. 913 c. c. adscriptæ.

Quæstio esse poterat, au donationes, quas antè condemnationem suam fecisset pater, computandæ sint, ut statuatur legitima, et an etiam reducendæ sint: v. gr. si pater, qui unicum habet filium, 4000 donasset, postea poenæ confiscationis subjacerent sua bona, quorum valor 8000? Quum confiscatio introducta sit, ut quodammodo status publicus indemnisi præstetur, poena illa ut merum debitum consideranda est; ideoque existimo, in tantum solummodo reduci debere donationem, in quantum, si bona fisco addicta non adessent, filius legitimam suam haberet: ita in hypothesi filio competeret ad dispositionem art. 58 *Cod. pœn.* pars portionis, ipsi per art. 913 c. c. debitæ, seu 3000, haberetque status publicus 5000; quæ ut debita consideranda. Itaque adunatio fictiva tantum constabit ex 4000 data et 3000, undè titulo legitimæ portionis habere deberet 3500, art. 913 c. c.: ita ut reducentur e donatione 500.

Hæ quæstiones hodiè in regno nostro nullius momenti sunt, cum bonorum publicationis art. 171 legis fundamentalis abrogata sit.

§ VI. Si post dissolutionem matrimonii, unus e conjugibus ad

secundas convolaret nuptias; nullæ ei amplius poenæ irrogantur, uti jure romano obveniebat. Quæcumque enim bona e facultatibus prioris conjugis percepit, dummodo liberorum legitimam non laedunt, illa retinendi sibi jus est.

Nec hodiè bona, quæ ad parentem e successione filii prioris tori pervenerunt, art. 748 c. c., ad mortem illius parentis, magis prosunt liberis ex priori, ac illis ex posteriori matrimonio natis, sed omnes æqualiter in illis jus succedendi et legitimam capiendi habent. Art. 748 c. c. enim parenti jure successionis illa bona addicit, et in his parens jus acquisitum habet, inde bona illa suæ hæreditatis partem faciunt.

Si matrimonium dissolvatur per divortium, in poenam parentum statuitur art. 305 c. c., liberos pleno jure acquirere semissem honorum utriusque conjugis. Si autem unus e conjugibus ita se-junctis, secundas ineat nuptias, liberosqué ex illo matrimonio habeat, quæstio datur, an illa medietas in adunatione facienda computanda sit, ut portio legitima omnium liberorum statuatur? Dissidentibus auctoribus (1) affirmativa sententia mihi præ-placet; iniquum enim foret, ut tantus esset favor liberis prioris matrimonii per art. 305 concessus, qui læderet portionem legitimam liberorum, secundum leges civiles æquè legitimè procreatorum. Cæterum nulla datur ratio, cur illa iniquitas admittatur. Liberis enim non imputatur crimen paternum, nec quædam discrepantia inter liberos legitimos ejusdem parentis merito constitui potest, præ-sertim in hoc casu, ubi liberi posterioris tori etiam numerantur, ut eo minor sit pars, quam parens secundo suo coniugi abalienare potest per art. 1098 c. c.

Nec obstat nostræ opinioni, uti auctor quidam (2) asserit, art. 1496; nam ex illo nihil aliud sequitur, quam ut consensus liberorum prioris tori requiratur, ut liberis secundi matrimonii illa distractione uti possint: id ita statutum fuit, quia lex ratione existentiae et utilitatis liberorum prioris tori adeo restrinxit libertatem dis-

(1) Consér. Proudhon, cours du droit franç., tom. 1 pag. 317 édit. 1810. Paris.

(2) Proudhon, cours du droit franç., tom. 1 pag. 317 édit. 1810. Paris.

ponendi parentis, qui ad secundas convolat nuptias; at inde noluit lex, ut si simel actionem detractionis moveant, liberi quidam ejusdem parentis majori favore cumularentur ac exteris. Tandem hanc quoque fuisse legislatorum codicis hodierni sententiam, aperte manifestat Bigot-Préameneu in explanatione hujus tituli (1): « *On doit même y comprendre (dans la masse des biens) les biens, dont la propriété aurait été transmise aux enfans dans le cas du divorce; il ne peut jamais en résulter pour eux un avantage tel que les autres enfans soient privés de la réserve légale.* » (2).

§ VII. Ut Jure Romano, et easdem ab causas, dubium dari nequit etiam jure hodierno, quin bis in eisdem bonis legitima capi possit. (Vid. supra in parte priori.)

§ VIII. Quædam bona sub titulo gratuito alienata in adunatione computanda non sunt, ut illa 1^o quæ reductioni et imputationi non subjacent, v. g. quæ in dispositione art. 852 c. c. continentur.: 2.^o Bona, quæ perierunt casu fortuito et absque minimâ culpa donatarii art. 855.

Ex dispositione ejusdem art. 855 c. c. erui possumus, bona donata, si donatarius non solvendo factus esset, aut si bona illa ejus culpa perierint, tamen computanda esse (3). Legitimarii enim, ob inopiam donatarii, eulpandi non sunt, nec ideo minor esse debet eorum legitima portio. Id nullatenus permittunt æquitas nec juris principia, quæ in art. 922 c. c. volunt, ut in æstimando valore rei donatæ inspiciatur ejus status, ratione habita temporis, quo donatio confecta fuit, et præscribit, ut omnes donationes computentur, absque ullâ distinctione.

(1) Confer. motifs du Code civil, tom. 3, pag. 87 édit. 1803.

(2) Confer. Pothier, contrat de mariage, tom. 2 u^e 567 et seqq. ubi latius hanc quæstionem enucleat, édit. in-8.^e 1771.

(3) Dissentiunt auctores Confer. Malleville, anal. sur le Code civil, ad art. 930. Pothier, des donat. entre vifs, pag. 201. art. 3 § 5. édit 1777. Grenier, sur les donations, tom. 2 pag. 378. Toullier, droit civil franç., vol. 5, pag. 175.

SECTIO TERTIA.

QUOMODO REDUCTIO INSTITUENDA SIT?

§ I. Postquam diximus, quænam bona computanda sint, ut rectè legitima portio determinetur, superest, ut modum reductionis faciendæ definiamus. Universa fictivè facienda adunatio triplicem bonorum speciem complecti vidimus. Comprehendit 1.º bona, quæ nullam passa sunt alienationem. 2.º Illa, quæ per ultimam defuncti voluntatem ab hereditate detrahuntur. 3.º Quæ titulò gratuito durante defuncti vitâ exhausta fuerunt.

In primis observandum est principium, stare omnes dispositiones, seu inter vivos, seu testamentarias, quamdiu, extinctis debitis, legitima salva in priori bonorum specie capi possit: si autem læsa foret, reducendæ veniunt omnes dispositiones testatoris circa bona, quæ, ut statuatur legitima, computanda sunt. Art. 920.

At eæ dispositiones, quemadmodum diversæ sunt naturæ et conditionis, non eodem modo omnes reducentur. Codex noster civilis ordinem ferè eundem ac jus romanum secutus est, voluitque, ut prius penitus haurirentur dispositiones testamentariæ omnes, ratione habitâ ad valorem cujusque; art. 926 c. c.; nisi testator expressâ lege decreverit, ut tale legatum præ aliis intactum servetur; tūm hujusmodi legatum non, nisi aliorum prætiis legitimæ non sufficientibus, deductioni subjacet art. 927 c. c.

Olim prius reducendæ erant donationes ex asse factæ (1), quod etiam de Jure Romano obtinebat. Hodiè è contra omnibus indistinctè liberalitatibus per testamentum factis onus reductionis imponitur art. 926; et 1009 excipiatur tamen casus allati art. 927.

§ II. Si secunda illa bonorum species non sufficeret, ut legitimas av habeatur, ad donationes inter vivos progrediendum erit,

(1) Poher, des donat. et des testam., pag. 206 edit. in-8.º 1777

hoc observato ordine, ut harum ultimò consecuta primum exhauriatur, et sic de cæteris a novissimis ad remotiores usque. Id expresse continet art. 923 c. c. cuius dispositione legislatores maguæ controversiæ, Jure Romano vigenti, finem imposuerunt.

Quæstio esse potest, an donationes honorum, quæ in futurum adquisitus est donator, secundum art. 1093 c. c., aut quæ reliquit tempore mortis ejus art. 1082 c. c., reductioni non submittantur ante cæteras donationes, et simul ac liberalitates testamenteriæ? Negativa sententia amplectanda est. Donatarius enim, a tempore consecræ donationis jus quoddam irrevocabile acquisivit, et solummodo effectus donationis dilationem recepit art. 1083 c. c.

Si autem plures donationes uno eodemque contractu conscriptæ forent, tum omnes reducendæ sunt, habitâ ratione ad valorem cujusque. Aliter tamen foret, si diversis temporibus confirmatæ fuissent, ad art. 932 c. c.; tum principia art. 923 c. c. servanda manerent.

Si novissima donatio a reductione per donatorem expressè excepta foret, nulla habenda est ratio huic clausulæ, sed principium art. 923 c. c. stabilitum servatur, aliter enim nihil foret facilius, quam legem eludere.

§ III. Si principium art. 923 c. c. servari non potest, ex eo, quod novissimi donatarii penitus res eversæ sint, tum ad posteriores donationes procedendum esse, affirmare non dubito. Lex enim noluit, ut unquam legitima portio diminuatur, sed ut semper fixa maneat; ideo statuit, ut legitimæ portionis causâ reduncantur donationes omnes, quæ adeo favorabilis naturæ dici nequeunt, ac legitima. Cæterum principium art. 923 in odium legitimariorum produci iniquum foret, cum in eorum utilitatem introductum sit.

SECTIO QUARTA.

DE TEMPORE INSPICIENDO, UT LEGITIMA STATUATUR.

§ I. Legislatores maximā cum religione servaverunt principium, *neminem viventi succedere posse*: ex illo per art. 930 stabiliverunt, legitimæ petitionis jus tantum deferri cum ipsā successione, et in tantum quidem, quod noluerint, ut liberi, quemadmodum ante codicis civilis promulgationem pluribus in locis obtinebat, dotem a parentibus jure vindicare posseut art. 204. Hinc, ut aestimatio, fiat honorum, quæ reductioni subjacent, et fictivæ adunationi annumeranda sunt, inspiendum venit tempus mortis illius, de cuius successione agitur, ut valor rectè statuatur: tamen spernendus non est status, quo reperiebantur illa bona tempore consecræ donationis art. 922 c. c.

Quod attinet augmenta aut detimenta, quæ rebus donatis a tempore consecræ donationis ad illud mortis testatoris pervenerunt, observandæ sunt dispositiones art. 861, 862, 863 et 864 c. c. Proderunt itaque donatario impensæ necessariæ, quas fecit bonis, ipsis per donationem traditis, nec non illæ impensæ, quæ ad rei valorem augendum conferunt; nocebunt è contrâ illi, quæcunque detimenta suâ culpâ rem affecerunt.

§ II. Hodiè controversia, quæ olim inter jurisconsultos circa fructus portionis legitimæ obtinebat, evanuit per dispositionem art. 928 c. c. Illa dispositione tenetur donatarius ad restitutionem omnium fructum, quos e portione non abalienandâ a tempore mortis donatoris percepit; modo intrâ annum reductionis actio instituatur, alioquin tantum a die vindicationis debentur fructus.

Hæc exceptio, quæ hauritur ex art. 628 c. c., et qua intra annum actio movenda est, non applicari posset, si legitimarius minor esset: ut mera enim præscriptio hæc exceptio consideranda

est ; atqui eum *art. 2252 c. c.* non præscribatur contra minores , indè , quanquam per annum non instituat actionem ad reductio-
nem minor legitimarius , tamen eum fructus semper vindicare
posse existimo . Sed qui sui juris factus est , et ignoravit defuneti
mortem , non eodem gauderet beneficio , quum lex non distinguat ,
et principium , *contra non valentem agere non currit præscriptio* , non
admittatur , nisi ubi de impedimento juris quæstio est .

Non obstaret dispositioni *art. 928 , c. c.* , quanquam actio re-
ductionis causâ tantum instituta foret adversus donatarium , non
adversus tertium possessorem ; ille æque de fructuum restitutione
teneri , contra sententiam Grenier (1) , existimo . Non enim tertio
possessori bona fides magis prodesse potest , ac donatario ipso ; lex
nullatenus voluit , ut legitima portio donationibus laderetur , ideo-
que dedit actionem in reductionem contra donatarium , cuius in
potestate non fuit , eam actionem a sese amovere , aut plus ju-
ris in alterum transferre , quam ipse habebat .

Circa hæredes institutos , quoniam illi ignorare nequeunt , uti
donatarii , an reductioni subjaceat , quidquid e successione de-
functi accipiunt ; ideoque , si ob litem aut aliam causam quodam
tempore legitimam portionem detinerent , non dubito , quin obli-
gentur ad restitutionem fructuum , quanquam actio non intentata
foret intra annum .

§ III. Quaecunque spectant ad augmenta aut detrimenta , quæ
afficere possunt hæreditatem , e quâ legitima portio petenda est ,
illa jamjam suprà , ubi de jure romano actum est , latius enuclea-
vimus . Hodiè eadem obtinere principia et easdem distinctiones
ineundas esse credo ; ideoque brevitatis causa hanc quæstio-
nem remittimus ad priorem partem hujus dissertationculæ cap.
6 sect. 4 § 3.

(1) *Traité des donations* , etc. , vol. 2 , pag. 380.

SECTIO QUINTA.

DE REBUS IMPUTANDIS IN PORTIONEM LEGITIMAM.

§ I. Hodiè imputationis principia ab illis , quæ jure romano existentia exposuimus , parum differunt , nisi illis in punctis , ubi agitur de fideicommissis aut substitutionibus , quæ nostris moribus exoleverunt. Inprimis circa axioma , quod , cum de jure romano egerimus , obtainere vidimus , huic æquè hodiè standum esse credo , ita ut generatim dicere possimus , *omnia , quæ collationi non subjacent , etiam ab imputatione exempta sunt* , et secundo , *non omnia imputantur in legitimam portionem , quæ conferri debent*. Regulæ illæ , exceptionibus tamen non immunes , defluunt ex disparitatibus , quæ intercedunt legitimam inter et successionem ab intestato , quarum ad posteriorem , quæ non ejusdem favorabilis naturæ est ac legitima , collatio refertur.

§ II. Ut rectè discernamus , quænam in portionem legitimam imputanda veniant , servari oportet regula ; *quæcunque ex substantia patrimonii defuncti defluunt , imputanda sunt*. Hac regulâ facilè solvere possumus omne dubium , quod in uno alterove casu circa imputationem sese offere potest. Hinc imputentur 1.º quæ titulo institutionis ad legitimarium pervenerunt. 2.º Legata et omnes liberalitates per testamentum factæ : attamen si testator illas liberalitates ab imputatione emisset , atque , ut extra partem illæ legitimario pertineant voluisse , tum solummodo in tantum imputarentur , in quantum , exhaustis jamjami cæteris legatis , portio abalienanda adhuc superaretur art. 843 , 844 et art. 919 c. c.

Quidquid , de posito sub conditione , in donatione aut legato diximus , dum jus romanum explanavimus , hodiè quoque observandum esse credo : distinctio eadem ineunda erit , utrum ex substantia successionis defuncti lucrum profluat , an aliundè; v. gr. si pater meus fundum tertio daret sub conditione , ut mihi 100 præs-

tet, donatio illa ad portionem disponibilem reduceretur, si eam superat; ast ego, dum legitimam capio, centum in eam imputare non debeo, nec cæteris liberis querendi locus erit, quum ego nihil habeam, quod legitimam eorum lœdat, aut ex patrimonio defuncti directè profluat.

§ III. Quemadmodum dos reducenda est; et in fictivam adunctionem computanda, ita quoque, ut cæteræ donationes, imputationi subjacet, dummodo ex substantia successionis, de qua legitima petitur, hausta sit, et non e liberalitate tertii eujusdam profluat. Sumptus et munera, quæ nuptiarum causâ fiunt, generatim a collatione eximuntur *art. 852 c. c.*, itaque per debitam consequentiam imputationi subjacent; at si munera illa minuerent nimis successionem defuncti, damnumque inferrent legitimæ portioni cæterorum liberorum, tum ut donationes existimantur, et imputationi subjacent.

§ IV *Art. 852 c. c.* alimenta et educationis sumptus a collatione eximit, itaque, secundum principium supra traditum, ab imputatione quoque liberantur. Tamen si filius aliquis diu apud parentes maneret, maioresque redditus honorum haberet, tum ne nimis favorabilis sit ejus conditio, ratione illius cæterorum liberorum, ei certa summa pro sumptibus alimentorum imputari potest.

Quænam sumptibus educationis comprehendantur, de hoc silent legislatores codicis hodierni; at, quemadmodum omnia media, quæ ad finem ducunt, legis dispositione comprehendi censemantur, ita quoque sub sumptibus educationis intelliguntur, quæcumque necessaria sunt ad educationem debitam, ratione habitâ parentum conditionis. Hujus generis dici possunt 1.º sumptus studiorum nec non illi artium culturæ. 2.º Quæcumque pater erogavit ut filius gradum doctoris in una aut altera scientia obtinuerit. 3.º Valor librorum, qui ad studia perficienda necessarii sunt, modo valor ille facultates parentum non lœdat.

§ V. Quidquid pater erogavit, ut munus, sive hæreditarium, sive non hæreditarium filius obtineret, collationi submissum est dispositione *art. 851 c. c.* Non dubito, quin eodem modo imputationi ob-

noxium sit , cum veram constitutat liberalitatem defuncti erga filium , aut potius mutuum , quod semper ex defuncti patrimonio profluat.

§ VI. Quid juris , si pater filium ab hostibus redemerit , aut erogaverit quidquam , ut eum carcere liberaret ?

Nulla principia in codice hoc de casu referuntur. Æquitatis et humanitatis causâ eisdem principiis , quæ in priori parte (*cap. 6 sect. 5 § 6*) enucleavimus , suffragamur.

Alia quæstio sese hodiè offert , an filius imputare teneatur in suam legitimam illud , quod pater , ut eum militiâ liberaret , impenderit ? Ut huic quæstioni rectè responderi possit , variae circumstantiæ concommitantes considerandæ sunt. Haud dubiè , si pater absque filii consilio et interventione impensas illas fecisset , ipse solus de facto suo teneretur , nec quidquam in legitimam filii imputari posset. Aliter foret , si ipse filius intervenisset , et pater pecuniam erogasset consilio , ut quodam tempore id a filii portione duderetur.

§ VII. Quocunque legitimarius directè aut indirectè a defuncto acceperit , sive titulo lucrative , sive titulo pecuniæ suppeditatæ (*avances*) , illud omne in portionem legitimam imputandum est , quia ex substantia patrimonii defuncti promanat , et argumento *art. 843 c. c.* Ex eodem principio , quæcunque legitimarius titulo mutui acceperit , imputare tenetur : ideo si illo titulo accepisset sumptus educationis sue , validè obligari posset , ut illos in suam legitimam imputaret.

Si defunctus quidquam rectè solvisset , ut debitum legitimarii satisfaceret , aut fundum pro legitimario emisset , illud omne conferre tenetur legitimarius secundum *art. 851 et 843 c. c.* quorum dispositio extendenda est ad imputationem in legitimam , quia pater pecuniam illam erogasse creditur titulo repræsentationis , nullatenus titulo donationis.

§ VIII. Hodiè , cum paterna potestas non amplius eadem sit , ac jure romano , simul ac filius debitam ætatem obtinuerit ad ritè commercia perageuda , non tenetur imputare in suam legitimam luera , quæ sola sua ope et industria fecit ; imo codex civilis statuit in *art. 853 et 854 c. c.* , quorum dispositiones , secundum

meam opinionem, circa imputationem obtinere possunt, ut collationi non subjaceat, quod lucratus est hæres ex conventionibus cum defuncto initis, modo nullas liberalitates indirecte continent talia pæcta.

Si vero fraus in talibus conventionibus lateret, tum imputationi submitterentur, uti donationes sub titulo oneroso factæ.

§ IX. Hodiè circa donationes simplices nullum amplius dubium oriri potest; imputandæ sunt æquè ac legata. Id desluit ex eo, quod profluant ex substantiâ ipsius hæreditatis defuncti, at si donator ab imputatione expressè exemisset, tum solummodo imputandæ forent, in quantum, exhaustis cæteris omnibus liberalitatibus, legitima salva adhuc non foret, quod expressè statuit art. 919 c. c.

§ X. Jus accrescendi hodiè quoque locum obtinere potest, uti per indignitatem succedendi, per renunciationem, et præsertim in legatis secundum dispositiones art. 1044 et 1045 c. c. Ut cognoscamus, an, quidquid jure illo acquiratur, imputandum sit, distinctionem ineundam esse credo. Hodiè principium servatur, *le mort saisis le vif*, ita non amplius indigemus aditione hæreditatis, sed statim post mortem auctoris hæredes ipso jure successionem invadunt art. 724 c. c. Ille tamen, qui renunciaret nunquam hæres extitisse præsumitur, et pars ejus successioni accrescit. Itaque quotiescumque causæ, quæ juri accrescendi locum tradunt, uti illæ indignitatis, existant ante mortem testatoris, quidquid ad legitimos hæredes ex illo jure provenerit, ex substantiâ successionis devolutum dicitur, et imputationi subest. At si causæ illæ tantum supervenirent post mortem testatoris, aut ex legato conjunctim cohæredibus facto extra partem, tum illud lucrum non ex successione, sed per interventionem tertii caperent, ideoque id imputationi non subjacere existimo.

§ XI. Quæstiones, quas in hoc paragrapho ejusdem capitilis et sectionis secundum Jus Romanum explanavi, in parte priori hujus dissertationculæ, hodiè nullius momenti sunt, quum fideicomissa et substitutiones pupillares abrogata sint.

§ XII. Ne minimum quidem dubium hodiè haberi potest, an illud, quod legitimarius a defuncto sub titulo usūsfructūs detinet, imputandum sit in legitimam suam portionem? Legislator art. 917 c. c. noluit, ut tales liberalitates reductioni submittantur, quia sæpius indè maximæ difficultates circa æstimationem oriuntur; at reliquit optionem omnibus legitimariis, ut exequantur dispositionem paternam; aut derelinquant portionem abalienandam plenam integrumque. Vid. supra parte 2 cap. 5 §. 7.

Quod attinet abalienationes, successuro in linea recta factas, sub titulo viaticæ pensionis, pecuniæ aleatæ, seu retenti usūsfructūs art. 918 c. c., punctum illud penitus explanavimus supra cap. 6 sect. 2 § 4.

§ XIII. Controversia jure romano in priore parte eodem paragrapho enucleata, hodiè non amplius locum obtinet ob easdem rationes, quas in § 11 diximus.

§ XIV. Si nepotes ad successionem avi veniant per repræsentationem, ut jure romano tenentur imputare in suam legitimam portionem, quidquid pater eorum a defuncto accepit, sive titulo lucrativo, sive repræsentatæ pecuniæ (*avances*), modo illud non extra partem donatum fuerit. Id decidit art. 848 c. c., qui spectat ad collationes, sed non minus imputationi applicari potest, cum illud omne descendat ex patrimonio avi, et avus illud dare præsumatur animo, ut aliquando imputetur in debitum legitimæ portionis; quia nemo præsumi potest magis diligere unum filium ac alterum.

Quod debita paterna attinet, illa imputare non debent nepotes in suam legitimam, si successionem paternam repudiaverint. Ad argumenta, quæ, dum de jure romano egi, attuli cap. 6 sect. 5 § 14, adjici potest, quod art. 848 c. c. submittat tantum collationi, quidquid avus patri donavit, *ce qui avait été donné*. Magna autem datur differentia donationem inter et debita, quam discrepantium observat Codex civilis in art. 829. Itaque hic applicari potest principium, *inclusio unius est exclusio alterius*. 2. Qui repudiat hæreditatem alicujus, numquam hæres exstitit, et

generatim nullas in se obligationes suscipere cogitur art. 785 c. c.; dispositioni hujus articuli exceptionem introducit art. 848 c. c., quæ exceptio restringenda ad casum, quem complectitur. 3.º Tandem art. 744 c. c. admittit repræsentationem illius, cuius successionem agnoscere recusavimus, at indè deduci nequit, quod semper submittatur repræsentans obligationibus omnibus illius, quem repræsentat, sed tum tantum, si hæres ejus existat. Id ita decisum fuit sententia supremæ curiæ Parisiensis 5 frimaire, anni 7, et 8 februarii 1810 (1)

§ XV. Ascendens, quemadmodum repræsentatio in ejus favorem non admittitur, art. 741, merito quoque nunquam tenetur imputare in legitimam suam, quam habet in successione patris, quidquid filii ejus ab avo acceperint; expressa hac de re est dispositio art. 847.

Aliud dicendum fore existimo, si pater intercessisset, ita, ut respectu patris donatio nepoti facta foret; tum enim pater potius donatarius existimatur, quam nepos.

§ XVI. Nonnullæ res, quæ conceduntur aliquibus è legitimariis, per specialem legis dispositionem quoque ab imputatione eximuntur. In primis nulla amplius quisætio dari potest circa quartam Falcidiani et Trebellianicam, cum quartæ illæ in codice hodierno non admissæ fuerint inutilitatis causâ. In expositione tituli donationum ait Bigot-Préameneu: « *Les causes qui ont fait introduire la quarte Falcidie, n'existent plus. La loi, en déclarant que les legs particuliers soient tous acquittés par les héritiers institués ou les légataires universels, ne laissera plus de doute sur l'intention, qu'auront eu les testateurs de donner la préférence aux legs particuliers : s'il arrive que des testateurs ignorant assez l'état de leur fortune pour l'épuiser en legs particuliers, lors même qu'ils inscrirraient un héritier, ou qu'ils nommeraient un légataire universel, la loi ne doit point être faite pour des cas aussi extraordinaires.* » (2)

(1) Jurisprudence de la cour de cass. etc., par Sirey, tom. 1, part. 1, pag. 182, et tom. 10 part. 1 pag. 223.

(1) Motifs du Code civil, édit. 1803, vol. 3, pag. 100. Confér. Malville, anal. raisonnée sur le Code civil, ad art. 926.

Circa quartam Divi Pii hodiè non amplius quæstio est, quum consequentia esset exoletæ patriæ potestatis.

Hodiè nonnullæ quoque res dantur, quæ, quum per specialem legis dispositionem aliquibus e legitimariis, ob unam alteramve causam, concedantur, ab imputatione in portionem legitimam exemptæ sunt. Inter illas computantur 1.º ususfructus, qui dispositione art. 754 c. c. parentibus conceditur. 2.º Quidquid ascendentis reversionis jure detrahunt ex successione liberorum aut nepotum secundum art. 747 c. c. Inutilis enim foret illa legis dispositio, si bona illa legitimam portionem minuerent.

3.º Vidimus supra, donationes ad art. 1098 c. c. secundo coniugi factas, absque distinctione in adunationem fictive faciendam computandas esse, ut statuatur legitima; quæstio nunc est, an, si donationes tales immodicæ sint, liberi, quidquid ex illis distracterint, imputare teneantur in suam legitimam? Negare non dubitamus; lex enim id in favorem liberorum specialiter constituit, nullatenus voluit, ut extranei indè quamdam utilitatem caperent, quum in favorem successionis minime donationes illæ iniminuantur. 4.º Easdem ob rationes bona, quæ ob divortium parentum liberis conceduntur art. 305 c. c. non imputari debent in legitimam portionem liberorum, ita, ut hæc legis dispositio non prodesse possit extraneis donatariis, aut legatariis.

Tandem maxime annotandum venit dispositio art. 857 c. c., quæ vult, ut collatio tantum locum obtineat inter cohæredes, non autem ab hærede respectu legatarii. Circa imputationem in legitimam majori cum ratione eademi servanda sunt principia, quia legitima portio favorabilioris naturæ habetur, ac successio ab intestato.

§ XVII Quænam res imputandæ veniunt in legitimam, nunc cernimus; superest quæstio, quid juris sit, si donatio facta sit legitimario, qui, ut favorem sibi per donationem factam conservet, hæreditatem ab intestato repudiat? In primis stabilitum manet, legitimarium retinere posse res sibi donatas ad portionem usque abalienandam; art. 845 c. c. id expressè permittit. Insuper,

legitimam suam portionem ex eisdem bonis vindicare potest art. 926 c. c. Quidquid huic sententiae opponi potest, id jamjam cognati sumus destruere, dum stabilivimus, legitimarium non indigere titulo hæredis, ut legitimam capiat. Insuper nostra sententia adhuc corroborari videtur art. 843 et 857 c. c., qui collationem tantum admittunt inter cohæredes. Nec validè nobis objicitur inæqualitas inter liberos, quia unus plus habet quam alter. Quid licitum foret, ut extranei portionem abalienandam capiant, non autem liberi testatoris? id iniquitatem maximam efficeret, et ideo art. 919 c. c. statuit, filium posse habere et legitimam suam et bona abalienanda.

Si vero legitimarius, cui donatio facta est, hæreditatem adit, tum et portionem abalienandam, et suam legitimam ex donatione sibi facta retinere potest, si adhuc bona ejusdem naturæ in successione reperiantur, art. 924 c. c. At, si donatio reducenda constituta foret in fundo aut re, quæ facile dividi nequit, tum principia observanda sunt § 2 art. 866 c. c. Si illo modo procedamus, antynomia, quam quidam (1) animadvertere credunt inter art. 866 et 924 c. c. disparet, et remanet forte redundantia in art. 924, cui verba, *s'ils sont de la même nature*, adjecta fuerunt, ut congrueret cum art. 830 et 859.

(1) Ut Levasseur, portion disponible, n° 162 et 163.

*Caput septimum.*DE MODO RELINQUENDI LEGITIMAM ET DE ACTIONIBUS
AD EAM OBTINENDAM.

§ I. Hodiernà legislatione , cum pars quædam successionis , quæ alienari nequit , legitimam portionem efficiat , difficultas nulla dari potest , circa titulum , quo pars illa relinquenda sit , cum nullomodo in alium transferri possit , et legitimarius nunquam cogatur , ut stet donationi sibi factæ . Nec conditionem aut onus recipere potest legitima portio , uti jamjam perlustravi suprà cap. 5 § 6 , ubi sententias attuli , quæ id ita stabiliverunt , et quarum sententiarum præcipua argumenta e jure romano häusta sunt .

§ II. Hodiè ut legitimarius legitimam suam obtineat , actio in reductionem ei conceditur . Hæc actio competit legitimariis , eorum hæredibus , et illis , in quos delata jamjam legitima , jus suum transtulerunt . Generatim recusatur donatariis , legatariis et creditoribus defuncti ; ulteriores tamen , reductionem rectè petere possunt donationum , quæ credito suo posteriores sunt art. 1167 c. c. Nec non liberalitatum per testamenta factarum , quia illæ non intelliguntur , nisi deducto ære alieno art. 924 c. c.

Frustra creditores legitimarii alicujus hanc actionem vindicarent , siquidem ea actio personæ ipsius legitimarii inhæreat , et ad dispositionem art. 1166 c. c. creditores exercere nequeant jura debitoris , quæ ejus personæ inhærent .

§ III. Ut legitima portio semper certa eademque maneat , lex

non solum adversus donatarios actionem in reductionem conces-
sit, at etiam adversus quoscumque possessores illarum rerum,
quæ reductioni subjacent, modo idem ordo servetur, tertios
possessores conveniendi, ac ille, qui servandus est contra do-
natarios secundum dispositionem *art. 930 c. c.* Noluit lex, ut un-
quam aliquis plus juris in alterum transferre possit, quam ipse
habet. Principium illud tam strictè observandum venit, ut tertii
possessores contra legitimarios præscriptione uti nequeant, nisi a
tempore, quo præscriptio in favorem donatarii ipsius procedat,
scilicet a morte testatoris.

At antequam legitimarii tertios possessores aggredi possunt, re-
quiritur eodem *art. 930*, ut ante omnia executiant bona donatarii.
Nonnulli existimant, tantum executienda esse bona, quæ e dona-
tione ipsa profluxerunt; at legis exprimendi modus nimis gene-
ralis illam distinctionem rejicere videtur, et velle, ut non solum
in bonis donationis, sed etiam in propriis donatoris bonis, ex-
cussio facienda sit; ita, ut nec mobilia nec immobilia ab illa ex-
cussione eximantur.

§ IV. Legitima portio purè et absque uno onere ad legitimarios pervenire debet; ideo in *art. 929 c. c.* legislatores statuunt, ut omnia bona, quæ legitimario per actionem in reductionem ad-
dicerentur, immunia sint omnibus oneribus hypothecæ vel pi-
gnoris. Indè, si postea, legitimario bonæ fidei illa bona, quæ in
legitimam portionem tradita fuerunt, evincentur, æquitas sua-
det, ut legitimarius denuo agere possit adversus donatarium, qui
causam dedit evictioni, aut adversus legatarios vel novissimum
donatarium, si evictio e facto ipsius testatoris profluxerit.

TANTUM.

which was a very large one, and it contained a number of small pieces of wood, which were probably the remains of a small boat or canoe. The Indians said that they had found the remains of a small boat in the same place, and that it was made of a single log. They also said that they had found some small pieces of wood, which they believed to be the remains of a small boat or canoe. They also said that they had found some small pieces of wood, which they believed to be the remains of a small boat or canoe.

On the 1st of November, we took a walk in the woods, and found a number of small pieces of wood, which we believed to be the remains of a small boat or canoe. We also found some small pieces of wood, which we believed to be the remains of a small boat or canoe. We also found some small pieces of wood, which we believed to be the remains of a small boat or canoe.

We also found a number of small pieces of wood, which we believed to be the remains of a small boat or canoe. We also found some small pieces of wood, which we believed to be the remains of a small boat or canoe. We also found some small pieces of wood, which we believed to be the remains of a small boat or canoe. We also found some small pieces of wood, which we believed to be the remains of a small boat or canoe.

We also found a number of small pieces of wood, which we believed to be the remains of a small boat or canoe. We also found some small pieces of wood, which we believed to be the remains of a small boat or canoe.

JOHAN. ALEX. TIMMERMANS,

BRUXELLENSIS,

RESPONSIO

AD

QUÆSTIONEM, AB ORDINE DISCIPLINARUM MATHEMATI-
CARUM ET PHYSICARUM

ANNO M. D. CCCXVIII PROPOSITAM:

*Generalis theoria compositionis ac resolutionis
virium motuumque, e legitimis principiis de-
ducta, succincte exponatur, et idoneis exemplis
illustretur.*

QUÆ PRÆMIUM REPORTAVIT A. D. IV OCTOBris M. DCCC, XIX.

JOHAN. ALIX. TIMMERMANS.

PARVITATIS

RESPONSI

AD

QUESTIOMVM YB ORDINE DISCIPLINARVM MATHEMATI.
CURUM ET PHYSICRUM

ANNO M. D. CCCXLII PROpositum:

Generalis sygoita compositionis ac resolutio
unius problematis, et solitum plurimi qe
duplici, successivo et uno, et si hinc ex ea qe
difficiliorum.

DE PRACTICA MATH. ET DE 12 OCTOBRE 1702.

PROOEMIUM.

Cum me non lateret, *Viri Clarissimi*, quā benevolentia et indulgentia prima studiorum juventutis specimina exciperetis, hanc meam dissertationem tanquam responsum quæstioni ab ordine Scientiarum Mathematicarum et Physicarum de virium et motuum compositione propositæ præbendi periculum feci. Quam quidem dissertationem in duas partes, priorem, de virium compositione ac resolutione, alteram, de motuum compositione, dividi. Prior quidem pars ipsa in quinque capita dividitur quorum primum de virium compositione in eâdem directione agentium, secundum de virium concurrentium compositione et resolutione tractat; virium parallelogrammū novam demonstrationem adstruere, et vis mediae intensitatem alio modo determinare tentavi; formulamque generalem quā determinatur vis media virium pyramidis cujuscumque hedrarum lateribus expressarum quæsivi. Caput tertium theoriam compositionis virium parallelarum continet, earumque vis mediae disquisitionis demonstrationem tentavi; quartum ad virium paria spectat; illorum pro-

prietatibus et compositione expositis, ad peculiares proprietates virium polygonii lateribus expressarum seu cum illis ratione quādam connexarum, transii; quā ex proprietate facillimam deduxi methodum polygonii superficiem determinandi. Caput quintum, virium quoquo versūs in spatio agentium compositionem includit; determinatisque vi et virium pari tali systemati æquipollentibus, adæquatoque ad cyphram virium paris momento, æquationem conditionalem ut sistema vi unicæ æquipolleat, obtinui. Secunda hujus dissertationis pars quæ ad motūs compositionem spectat, uno capite absolvitur. Quod si hæc pertractatio mea, Viri Clarissimi, expectationi vestræ non omnino responderit, mihi tamen benevolentiam non denegatis, qui, si vestram meruero comprobationem, maximum mihi laboris præmium retulisse videbor, rogo.

DE VIRIUM COMPOSITIONE AC RESOLUTIONE.

PARS PRIOR.

Et si forsitan ex rerum Universitate ne punctum quidem absolutum quiete gaudet, attamen corpus in quietis statu versari dicitur, quum respectu aliorum corporum quibuscum illius status comparatur, quiescit; sic punctum quodlibet globi nostri terraquei quiescere dicitur, quum respectu ceterorum terrae punctorum immotum perstat. Ex analogia dicitur corpus quoddam moveri, quum non eundem respectu corporum ad quae refertur, situm servat; qui uterque quietis et motus status si attentè considerentur, clare perspicitur corpus a priori statu ad alterum seu ab altero ad priorem transire non posse nisi peculiari quadam causa impulsu; huic generatim causæ nomen *vis* aut *potentiae* tribuitur, hocque nomine insignitur quidquid statum corporis respectu quietis aut motus mutare valet; *directio vis* dicitur ea linea juxta quam punctum applicationis vi impellente transfertur, quae linea evidenter est recta; nulla enim existit causa cur potius in unam quam in alteram partem deflectat. (1) Hoc corpus nunc in statu motus consideretur; transitus ex hoc statu ad quietis statum necessario ope novæ vis producitur; si enim corpori nova applicetur vis æqualis directèque vi primitivæ contraria, corpus neutri vi cedere poterit, hoc est, corpus ad statum quietis reductum erit; hæc verò quietis species etsi evidenter eadem sit, effectum respectu, quam quies de qua jam supra actum est, ab illâ tamen potest distingui; in primo enim casu corpus ab omni vi liberum

(1) In staticâ, corpora tanquam gravitate destituta considerantur, sub è tamen lege ut gravitas tamquam vis corpori applicata, in sensum veniat.

supponebatur, dum in secundo, corpus a duabus viribus æquilibus, et directè oppositis quæ illud in statum æquilibrii adducunt, tractum esse suppositum fuit; status itaque æquilibrii et quietis etsi summo jure iidem, quamdam tamen differentiam offerunt, quæ in reliquis non considerabitur; corpora ergò æquibrantia, tanquam quiete priori sensu accepta, gaudentia considerabuntur.

Quæratur nunc quantitas ad virium intensitatem exprimendam, apta. Ex æquilibrii consideratione, primò nascitur idea duarum virium æqualium; ut exprimatur vis duplex, triplex, etc., alius cujusdam vis, duæ, tres, etc. vires inter se et huic æquales et in eadem directione agentes, considerabuntur; et si linea quædam vis constantis intensitas exprimatur, vires rectis exprimi poterunt, ratioque inter rectas exprimet rationem inter vires: sic vires æstimari poterunt; sique hæc linea in vis directione concipiatur, hæc linea simul et vis intensitatem et directionem denotabit. E congressu plurium virium eidem puncto applicitarum nascitur motus compositus; sique hæc vires non æquibrant, punctum applicationis evidenter lineam rectam sequetur, cuius directio è virium directionibus et intensitatibus pendet; evidenterque in ea directione nova applicari posset vis ejusdem effectus capax cuius simul aliæ vires; hæc vis dicitur *vis media seu composita systematis virium*, aliæque vires dicuntur *componentes*.

Ea operatio quæ quæritur vis unica quæ plurimis viribus æquipolleat eodemque effectu sit capax, dicitur *virium compositio*; operatio vero contraria, ea scilicet, quæ, datâ vi unicâ, ei substituendæ sunt plurimæ vires eodem effectu in puncto applicationis virium, capaces, dicitur *virium resolutio*.

AXIOMATA.

Fig. 1. Si vis quedam P in puncto A corporis B agit, hæc vis perspicie potest ut applicata puncto euicunque C directionis suæ, dum hoc punctum immutabiliter omnibus directionis punctis sit fixum; nam novum applicationis punctum moveri non potest quin omnia directionis puncta et quidem corpus moveantur.

2^{am} Punctum quoðcumque non plures unâ vias simul sequi potest.

5^{um} Duæ vires æquales sibique directè oppositæ sese invicem destruunt; nulla enim est causa cur punctum applicationis virium potius uni vi quam alteri cedat. Vicissimque duæ vires sese destruentes sibi æquales et directè sint oppositæ, necesse est.

4^{um} Si duæ vires P et Q simul agunt in puncto A, his duabus Fig. 2.
TAB. I. viribus substitui potest unica quædam vis R æquipollens, quæ necessariò per punctum A. Et in angulo duarum virium transire deljet.

5^{um} Hæc tandem vis media in planō duarum virium contineri debet; nulla enim est ratio cur potius in unam partem plani quam in alteram deflecat.

6^{um} Duarum virium æqualium angulum includentium vis media hunc angulum bissecare debet.

7^{um} Si duæ vires P et Q sunt inæquales, vis media eò propius ad viam P accedit, quo major erit respectu vis Q.

CAPUT I.

De Compositione ac Resolutione virium in eadem directione et in directione oppositâ agentium.

THEOREMA I.

Si duæ vires quæcumque P et Q in puncto A secundum eamdem directionem agunt, hoc punctum eamdem experietur actionem acsi secundum hanc directionem unâ quâdam vi summæ duarum virium P et Q æquali tractum fuisset.

DEMONST. Nam per axioma 1^{um}, vis Q applicata puncto A, Fig. 3.
TAB. I. spectari potest ut applicata puncto P; quo facto, potentia puncto A applicata, evidenter P + Q æquet.

Hinc, si numerus quicunque virium eodem puncto applicatarum secundum eamdem directionem agunt, his viribus substitui potest unica vis earum summæ æqualis, eodem punto applicata, et secundum eamdem directionem agens.

THEOREMA II.

Si duæ vires P et Q punctum A secundum directiones oppositas trahunt, hoc punctum eamdem experietur actionem acsi secundum vis fortioris directionem potentia quædam æqualis differentiæ virium P et Q applicita esset.

Fig. 4. DEMONST. Sit enim P ambarum virium P et Q fortior; hæc vis evidenter induabus viribus P' et Q' quarum una Q', ex. gr. æqualis sit vi Q, resolyi potest. At per axioma 3^{um}, duæ vires Q et Q' sese invicem destruunt. Corpus ergo A sola vi P differentia duarum virium P et Q æquali secundum vis P directionem movebitur.

COROLLARIUM.

Si ergo in directionibus directè oppositis numerus quicumque virium puncto cuidam applicitus esset, hoc punctum in directionem virium fortium vi æquali differentiæ summarum virium in directionibus oppositis agentium, moveretur.

CAPUT II.

De Compositione ac Resolutione virium concurrentium.

THEOREMA I.

Vis media duarum virium concurrentium, sequi debet directionem diagonalis parallelogrammi cuius latera has duas vires exprimunt.

Fig. 5. 1º Consideremus primò vires orthogonales, probemusque, quod si hæc proprietate gaudent vires P et Q, P et Q' eundem angulum includentes, eadem proprietate vires P et Q + Q' gaudebunt. Nam viribus P et Q substituatur vis media R', punctoque E resolvatur hæc vis media in duabus aliis P'' = P, Q'' = Q ipsisque parallelis, quod evidenter possibile est; consideretur

vis $P'' = P$, tanquam puncto C applicata, componanturque vires P'' et Q' ; harum virium vis media R'' ; per hypothesisim, sequi debet directionem diagonalis CF parallelogrammi ECDF; vis media R virium R'' et Q'' evidenter erit vis media virium P et $Q + Q'$; hæc verò vis media per puncta F et A transeat, necesse est; sequetur ergo directionem diagonalis parallelogrammi in viribus P et $Q + Q'$ formati.

2º Probandum est nunc, quod, si vis media duarum virium P et Q rectis AB et AC expressarum sequitur directionem diagonalis parallelogrammi ABDC, quod sit quum duæ vires sunt æquales, idem locum habebit pro viribus P et $\frac{Q}{2}$; puncto enim A et in directione opposita vi Q applicetur vis $Q'' = \frac{Q}{2}$; vis media virium P , Q et Q'' evidenter erit vis media virium P , et $\frac{Q}{2}$; puncto D resolvatur vis media R' duarum virium P et Q in duabus aliis viribus $P' = P$, $Q' = Q$, ipsisque parallelis; consideretur vis P' tanquam puncto C applicata, componanturque vires Q'' et P' ; sit R'' harum virium vis media; vis media virium R'' et Q' similiter erit vis media virium P , Q et Q'' ; quapropter per puncta A et F transeat, necesse est; vis R erit ergo vis media virium P et $\frac{Q}{2}$; cum verò R'' similiter sit vis media virium $P' = P$ et $Q'' = \frac{Q}{2}$, indè prodit positiones virium R et R'' respectu virium P et P' easdem esse debere; et cum vires R et R'' sese in rectâ BD secare debent, indè prodit $BF = FD$; quapropter AF diagonalis est parallelogrammi in viribus P et $\frac{Q}{2}$, rectis AB et $AE = \frac{AC}{2}$ expressis, constructi; cum verò vires P et Q sunt quæcumque, primò considerari possent vires P et P' ; et pro viribus P et $\frac{P}{2}$ hæc proprietas probaretur; tum vires P et $\frac{P}{2}$ considerans, pro viribus P et $\frac{P}{4}$ probaretur, sic per vices pro viribus P et $\frac{P}{8}$, P et $\frac{P}{16}$, P et $\frac{P}{32}$, etc. probaretur.

*Fig. 5 (bis)
TAB. I.*

Fig. 5 (ter) TAB. I. 3º Consideremus nunc duas vires quascumque P et Q orthogonales; pónatur harum virium P et Q rectis AB et AC expressarum vim medianam esse R'; evidens est inter puncta E et D, quæcumque sit horum punctorum propinquitas, punctum G inveniri posse ita positum ut recta AH = BG novam vim denotet æqualem n. $P + \frac{P}{2}$ seu $n. P + \frac{P}{4}$, seu, etc. observando fractionem $\frac{P}{2}$, seu $\frac{P}{4}$, etc. minimam fieri posse (littera n' numerum quæcumque exprimit qui e rectæ AH longitudine pendet); tum littera Q' vim rectæ AH expressam designans, duarum virium P et Q' vis media R'' sequetur directioni diagonalis parallelogrammi ABGH, uti duabus præcedentibus demonstrationibus 1º et 2º constat; habetur vero Q > Q', quum AC > AH; dum ang. GAC < EAC; quod impossibile est per axioma 7^{um}; similiter probaretur vini medium virium P et Q non posse esse ex. gr. R''; per punctum D ergo transeat, necesse est; hoc est virium P et Q vim medium sequi debere directionem diagonalis AD parallelogrammi ABDC.

Fig. 5 (quater) TAB. I. 4º Hucusque vires tantum orthogonales consideravimus; ponamus nunc vires P et Q, rectis AB et AC expressas, angulum quæcumque formare; puncto C in rectâ AB demittatur cathetus CD; punctoque C in hujus catheti directione applicentur duæ vires Q' et Q'' inter se æquales ipsique Q, et directè oppositæ; haec novæ vires in nullo modo systema mutabunt; vis media R' virium æqualium Q et Q' evidenter angulum ECF bissecabit; agantur DG = Q' = AC et DH = P = AB; cum vires Q'' et P sint orthogonales, illarum vis media R'' directio erit DK, rectanguli GDHK diagonalis; ut virium R'' et R' determinetur vis media, producantur harum virium directiones donec puncto L concurrant; harum virium vis media per puncta L et A transeat necesse est; cum simili sit vis media virium P et Q puncto A concurrentium; R erit ergo virium P et Q vis media; quæramus nunc hujus vis positionem; idcirco litteris α et β designans angulos DAL et CAL, e triangulo ADL ducitur

$$AL : DL = \sin HDK : \sin \alpha.$$

(9)

triangulus vero DKH præbēt

$$\sin HDK = \frac{HK}{DK} = \frac{Q}{DK};$$

quapropter

$$AL : DL = \frac{Q}{DK} : \sin \alpha.$$

Ex consideratione trianguli ALC prodit

$$CL : AL = \sin \beta : \sin \frac{ACD}{2};$$

hæc duæ proportiones inter se ductæ præbent

$$CL : DL = \frac{Q}{DK} \sin \beta : \sin \frac{ACD}{2} \sin \alpha; \dots \dots \dots \text{(A)}$$

Ex triangulo autem DLC datur

$$CL : DL = \sin GDK : \sin \frac{ACD}{2};$$

habetur vero

$$\sin GDK = \frac{GK}{DK} = \frac{P}{DK};$$

undè

$$CL : DL = \frac{P}{DK} : \sin \frac{ACD}{2}; \dots \dots \dots \text{(B)}$$

Proportiones (A) et (B) cōparans, pròdit

$$\frac{Q}{DK} \sin \beta : \sin \frac{ACD}{2} \sin \alpha = \frac{P}{DK} : \sin \frac{ACD}{2};$$

unde

$$P : Q = \sin \beta : \sin \alpha$$

seu

$$AB : AC = \sin \beta : \sin \alpha;$$

Vis media R sequitur ergo directionem diagonalis AM parallelogrammi ABMC.

THEOREMA II.

Duarum virium P et Q vis medice intensitas directioque exprimuntur diagonali parallelogrammi cuius latera has duas vires exprimunt.

Formatur parallelogrammus ABCD in rectis AB et AC vires P Fig. 6.
et Q experimentibus; AD erit vis mediae R directio; vi P rectâ AB TAB. 1.
expressæ jungatur nova vis quæcumque rectâ BE expressa; harum-

que trium virium vis mediae R' directio erit AF quae diagonalis est parallelogrammi AEFC; haec vero vis media R' similiter esse debet vis media virium R et BE = AG; quapropter haec vis media R' sequi debet directionem diagonalis parallelogrammi in viribus R et AG formati; jungantur vero puncta G et F; recta GF evidenter parallela erit vis R directioni; quumque FD similiter sit rectae AG parallela, inde prodit rectam AD vis R intensitatem exprimere; intensitas ergo dnarum virium P et Q diagonali parallelogrammi in viribus P et Q formati, exprimitur.

COROLLARIUM.

Fig. 7. TAB. I. Ut duae vires concurrentes in unam vim æquipollentem componi possunt, ita vis quedam unica in duabus viribus secundum datas lineas directis resolvi potest, dummodo rectarum visque directio sint in eodem plano, et concurrant. Nam haec vis linea AB sit expressa, et haec rectæ sint AC et AD; punto B ducantur BC et BD parallelæ rectis AD et AC; vis expressa recta AB, erit vis media virium rectis AC et AD expressarum; haec ergo vires vi unicæ substitui possunt.

PROBLEMA I.

Determinare vim mediam numeri cuiuscumque virium in eodem punto concurrentium.

Fig. 8. TAB. I. Sint P, P', P'', P''', P^{IV} haec vires concurrentes, partibus, AB, AC, AE, AH et AG ipsarum directionum expressæ; absolvatur parallelogrammus ABDC, viribusque P et P' substitutatur vis media Q = AD; virium Q et P'' determinetur vis media Q' quae similiter erit diagonalis AF parallelogrammi AEFD; haec vis AF evidenter erit vis media trium virium P, P', P''; simili modo determinetur vis media Q'' = AK virium P''' et P^{IV}, tandemque absolvatur parallelogrammus AKLF; diagonalis AL vis media erit virium rectis AK et AF expressarum; vires autem AK et AF vires mediae sunt virium P''', P^{IV} et P, P', P'', AL ergo erit vis media totius systematis.

COROLLARIUM.

Ut igitur iis datis viribus æquilibrium constituatur, determi-

nanda est vis media harum virium, et in directione oppositâ applicanda est vis æqualis huic vi mediæ.

ADNOTATIO. Hæc vis media facilius determinari potest. Sint Fig. 9.
TAB. I. enim P, P', P'', P''', etc. : hæc vires puncto A concurrentes, partibusque AB, AC, AD, AE, etc. expressæ. Puncto B ducatur BF = AC ipsique parallela. Puncto F ducatur FG æqualis parallelaque rectæ AD. Similiter puncto G ducatur GH æqualis et parallela rectæ AE; etc. et sic porrò donec ultima consideretur vis; junctisque punctis A et H vis rectâ AH expressâ totius systematis erit vis media. Nam vis expressa rectâ AF evidenter est vis media virium P et P', quum BFCA sit parallelogrammus; similiter vis expressa rectâ AG est vis media virium rectis AF et AD expressarum, quum FG = AD ipsique est parallela. Quapropter FADG est parallelogrammus; eamdem ob causam AH est vis media virium AE et AG, evidenterque totius systematis.

Facilè perspici potest eadem constructione determinari posse vim medium, etiamsi vires P, P', P'', P''', etc. non in eodem plano essent sitæ; minimè enim in demonstratione hæc conditio fuit introducta.

THEOREMA III.

Vis media trium virium in eodem puncto concurrentium et hedræ triangularis pyramidis expressarum, æquat triplam distantiam ex pyramidis apice ad duas tertias partes, ex quocumque angulo basis, rectæ jungentis hunc angulum cum lateris oppositi medio, et per hoc punctum transit.

DEMONST. Vis media duarum virium rectis SB et SC expressarum, evidenter per punctum F medium rectæ BC transire debet, Fig. 10.
TAB. I. et $\frac{1}{2}SF$ æquat; quapropter $DF = FS$; jungantur puncta A et D rectâ AD; vis media duarum virium SA et SD quæ simul trium virium est vis media, similiter per punctum E medium rectæ AD transeat, vimque medium litterâ R exprimens, habeatur $SE = \frac{R}{2}$, necesse est. Jungantur puncta A et F; recta SE necessariò rec-

tam AF secare debet; quum puncta S, A, E et F sint in eodem plano. Jungantur etiam puncta E et F; quia AE = DE, SF = DF, EF rectæ AS parallela sit necesse est; similia ergo sunt duo trigona SAD et EDF; cum vero AD = 2DE, concluditur AS = 2EF. Similiter duo trigona SAG et EGF similia sunt, quia EF parallela est rectæ AS; unde deducitur

$$AS : EF = SG : EG = AG : GF = 2 : 1$$

ergo

$$GE = \frac{SG}{2}, AG = 2GF$$

seu

$$3AG = 2(FG + AG) = 2AF; \text{ unde } AG = \frac{2AF}{5};$$

punctum G est ergo punctum basis supra designatum; et

$$R = 2SE = 2(GS + EG) = 2\left(GS + \frac{GS}{2}\right) = 3GS;$$

quod probandum erat.

THEOREMA IV.

Si hedrarum latera cujuscumque pyramidis exprimunt vires in pyramidis apice concurrentes, sique designatur littera n harum virium numerus, vis media harum virium transit per punctum rectæ quæ basis intersectionem vi mediâ n—1 virium, ultimæ vi jungit, ita ut hæc recta dividetur, ex intersectionis punto, in duas partes sese habentes uti 1 : n—1, visque media distantiam ex pyramidis apice ad hoc punctum, numero n ductam, æquat.

DEMONST. Jam theorema antecedens hanc legem in triangulari pyramide existere patefacit, quum recta AF quæ jungit intersectionem basis ABC vi mediâ DS duarum virium SB et SC, aliæ vi SA, puncto G vi mediâ trium virium ita secetur ut

$$AG : FG = 2 : 1 = n—1 : 1;$$

quumque vis media R triplam rectam GS æquet, n. GS æquabit; intensitas directioque duarum virium his similiter legibus submissæ sunt; nam eo casu $n = 2$, vis media $n—1$ seu unius vis, ipsa est vis; et recta quæ jungit has duas vires, vi mediâ duarum virium ita secari debet, ut duæ rectæ partes sint inter se uti $1 : n—1 = 1 : 1$; hæc

ergo, duæ partes æquales esse debent; visque media bis distan-
tiam ex anguli apice ad basis punctum æquat; quæ re ipsa jäm-
jam fuere demonstrata. Eadem proprietates in aliis pyramidibus
existere demonstrandum est. Pyramis tetragonalis his proprieta- *Fig. II.*
tibus gaudet; nam sit GS vis media trium virium SA, SB et SC,
quæ uti jam expositum fuit, determinanda est; sitque E inter-
sectio basis hæc vi mediæ; hæc vis media GS æqualis erit 3ES;
jungantur puncta G et D rectæ DG; vis media duarum virium SG
et SD, seu quatuor virium SA, SB, SC et SD evidenter transire
debet per punctum H medium rectæ DG; et habebitur $SH = \frac{R}{2}$;
junctisque punctis E et D, rectam DE recta SH secat facile pers-
picitur. Producatur SD ita ut $DK = SD$; punctum K et punctum
F medium rectæ EG, recta FK jungantur. Recta FK per punctum
H transire debet; nam cum

$SD = DK$ et $SE = EF$, quia $SG = 3SE$ et $EF = FG$,
recta DE rectæ FK parallela sit, necesse est; cum vero $GF = EF$,
recta FK transibit per medium rectæ DG, quapropter per punc-
tum H; cum autem DE parallela sit rectæ FK, et $SD = DK$,
inde sequitur

$$EL : FH = DL : HK;$$

at

$$FH = \frac{ED}{2} \text{ et } HK = 2DL;$$

unde

$$EL : \frac{DE}{2} = DL : 2DL$$

seu

$$EL : DE = DL : 4DL, ED - EL : EL = 5DL : DL;$$

unde

$$DL : EL = 3 : 1;$$

cum vero $SE = EF$, unde sequitur $SL = LH$; unde

$$R = 2SH = 4SL.$$

Hujus theorematis enunciato, rectarum EL et DL rationem visque
mediæ intensitatem et directionem satisfacere evidens est; nam
præsenti casu n æquat 4; vis media $n-1$ virium est SG, quæ

TAB. I.

puncto E basim ABCD secat. Recta ergo DE intersectionem $n-1$ virium cum basi, aliæ vi jungit; probatum vero fuit rectam DE vis mediæ directione SL in duas partes secari, ita ut

$$EL : DL = 1 : 3 = 1 : n-1;$$

præterea jamjam fuit demonstratum

$$R = 4SL = n \times SL$$

et SL exprimit distantiam ex pyramidis apice ad punctum L rectæ ED, intersectionem basis vi mediæ n virium.

Etsi e præcedentibus demonstrationibus concludi posset easdem proprietates in aliis pyramidibus ex analogia existere, attamen generali theoremate illas in quibuscumque pyramidibus existere, probandum est.

Evidenter scopum assecuti erimus, si probatum fuerit illas proprietates existere in pyramidibus n laterum, dum existant in pyramidibus $n-1$ laterum. Nam cum illas in triangulari pyramide existere probetur, ex sequenti theoremate concludi poterit illas proprietates in quadrangulari pyramide existere, deinde in pentagonali et sic porro.

Fig. 12. TAB. I. Supponatur SF vis media $n-1$ virium pyramidis cuiuscumque SABCD..., supponaturque E intersectio hujus vis mediæ basi; quum illarum proprietatum existentia in pyramide $n-1$ laterum supponatur jam demonstrata, evidenter $SF = (n-1) SE$; jungantur puncta E et F puncto C; vis media R numeri n virium evidenter transibit per punctum G medium rectæ FC, et $R = 2SG$; rectaque SG rectam EC secabit; jungatur punctum G puncto H medio rectæ FS; evidenter habebitur

$$SH = \left(\frac{n-1}{2}\right) SE;$$

puncto H ducatur HL parallela rectæ EC; cum

$$FG = CG \text{ et } FH = HS$$

recta GH parallela est rectæ CS; ergo duo trigona HMG et SML sunt similia; unde

$$GH : LS = GM : MS = HM : LM;$$

cum vero $FC = 2FG$, similiter $GH = \frac{CS}{2}$, et cum

(15)

$$ES : HS = 1 : \frac{n-1}{2} = CS : LS,$$

inde sequitur

$$SL = \left(\frac{n-1}{2}\right) CS$$

et

$$GH : LS = \frac{CS}{2} : \left(\frac{n-1}{2}\right) CS = GM : MS = HM : LM$$

seu

$$GM : MS = HM : LM = 1 : n-1;$$

cum vero CE sit parallela rectæ HL, inde sequitur

$$EK : CK = HM : LM = 1 : n-1;$$

at

$$SE : SH = 1 : \frac{n-1}{2} = SK : SM; \text{ unde } SM = \left(\frac{n-1}{2}\right) SK;$$

jam vero demonstratum fuit

$$GM : MS = 1 : n-1, \text{ ergo } GM : \left(\frac{n-1}{2}\right) SK = 1 : n-1;$$

unde

$$GM = \frac{SK}{2}; \text{ at } GS = SM + GM = \left(\frac{n-1}{2}\right) SK + \frac{SK}{2} = \frac{n}{2} \times SK;$$

unde

$$R = 2SG = n \times SK;$$

recta ergo CE vi media R ita secatur ut

$$EK : CK = 1 : n-1$$

et hæc vis media æquat $n \times SK$; quod demonstrandum erat.

COROLLARIUM.

Vis media numeri cuiuscumque virium hedraruin latéribus pyramidis truncatæ, basibus parallelis terminatæ, expressarum, evidenter per eadem ambarum basium puncta transibit perinde aesi pyramidis esset integra; hæcque vis media distantiam amborum punctorum basium multiplicatam per numerum virium, æquabit; nam si absolvitur pyramidis, litteraque n numerus virium designatur, vis media pyramidis truncatæ, erit differentia virium medium pyramidis integræ et pyramidis complementariæ; sit ergo S ^{Fig. 13.}
_{TAB. I.} pyramidis apex, et B et C sint intersectiones basium per vim medium pyramidis integræ, vis media pyramidis truncatæ, erit

$$SC \times n - SB \times n = n(SC - SB) = n \times BC.$$

Generales formulæ institui possunt, quarum ope exemplò numeri cuiuscumque virium in eodem puncto concurrentium, vis mediæ directio et intensitas deducuntur. Reipsa, sint P , P' , P'' , etc. *Fig. 14.* TAB. I. numerus quicunque virium puncto A concurrentium. Hoc puncto ducantur axes rectangulares X , Y et Z ; viribus P , P' , P'' , etc. evidenter substitui possunt novæ vires secundum axes directæ; sint a , b , c cosin. Angulorum inter directionem vis P et axes X , Y et Z , et x , y , z vires componentes vis P secundum axes directæ; jamjam probatum est hasce locum habere æquationes

$$x = aP, y = bP, z = cP;$$

similiter litteris a' , b' , c' designando cosin. Angulorum inter vim P' et axes, litterisque x' , y' , z' , ejusdem vis vires componentes, habebitur

$$x' = a'P', y' = b'P', z' = c'P';$$

similiter vim P'' considerando, orientur

$$x'' = a''P'', y'' = b''P'', z'' = c''P''$$

et sic de aliis; omnibus ergo viribus P , P' , P'' , etc. substitui possunt tres vires X , Y , Z secundum axes agentes: ita ut generatim

$$X = x + x' + x'' + \text{etc.} = aP + a'P' + a''P'' + \text{etc.}$$

$$Y = y + y' + y'' + \text{etc.} = bP + b'P' + b''P'' + \text{etc.}$$

$$Z = z + z' + z'' + \text{etc.} = cP + c'P' + c''P'' + \text{etc.}$$

Directioque virium componentium x , x' , x'' etc. y , y' , y'' etc. z , z' , z'' etc. pendet a signo cosin litteris a , a' , a'' etc. b , b' , b'' etc. c , c' , c'' etc. expressorum. Nunc tribus viribus X , Y , Z substituatur vis media R ; cum vires X , Y , Z sint orthogonales, emergit

$$R = \sqrt{X^2 + Y^2 + Z^2};$$

Litteris A , B et C designentur cosin. Angulorum inter vim mediam R et axes, cum habeatur

$$X = AR, Y = BR, Z = CR$$

inde deducitur

$$\text{seu } A = \frac{X}{R}, B = \frac{Y}{R}, C = \frac{Z}{R}, \text{ que } Z$$

$$A = \frac{X}{\sqrt{X^2 + Y^2 + Z^2}}, B = \frac{Y}{\sqrt{X^2 + Y^2 + Z^2}}, C = \frac{Z}{\sqrt{X^2 + Y^2 + Z^2}}$$

(17)

Ex his aequationibus vis mediæ directio et intensitas deduci possunt. Ponamus nunc has vires in eodem plano XY esse sitas; tunc anguli inter virium directiones et axem Z sunt recti; quapropter horum angulorum cosin. = o, et habetur

$$z = o, z' = o, z'' = o, \text{ etc. } c = o, c' = o, c'' = o, \text{ etc.}$$

Si hæc conditiones in formulas introducantur, siquic supponatur directionem vis P fieri axem X, quo casu $b, b', \text{ etc.}$ æquales sunt sin. Angulorum quorum $a, a', a'', \text{ etc.}$ sunt cosin. : emergent formulæ (1)

$$\begin{aligned} &= \sqrt{P^2 + P'^2 + P''^2 + \text{etc.} + 2PP' \cos(P, P') + 2P'P'' \cos(P', P'') + 2PP'' \cos(P, P'') + \text{etc.}} \\ &= \frac{P + P' \cos(P, P') + P'' \cos(P, P'') + \text{etc.}}{\sqrt{P^2 + P'^2 + P''^2 + \text{etc.} + 2PP' \cos(P, P') + 2P'P'' \cos(P', P'') + 2PP'' \cos(P, P'') + \text{etc.}}} \\ &= \frac{P' \sin(P, P') + P'' \sin(P, P'') + \text{etc.}}{\sqrt{P^2 + P'^2 + P''^2 + \text{etc.} + 2PP' \cos(P, P') + 2P'P'' \cos(P', P'') + 2PP'' \cos(P, P'') + \text{etc.}}} \end{aligned}$$

E puncto quocumque cuius coordinatæ sint x et y demittatur cathe-

tus in vis mediæ R directionē; si hæc cæthetus litterā r designetur, observeturque tang(X, R) æqualem esse $\frac{B}{A}$ seu $\frac{Y}{X}$; prodibit

$$r = \frac{y - \frac{Y}{X}x}{\sqrt{1 + \frac{Y^2}{X^2}}} = \frac{yX - xY}{\sqrt{X^2 + Y^2}} = \frac{yX - xY}{R};$$

unde

$$Rr = yX - xY;$$

cum vero

$$X = P + P' \cos(P, P') + P'' \cos(P, P'') + \text{etc.}, Y = P' \sin(P, P') + P'' \sin(P, P'') + \text{etc.}$$

erit

$$Rr = Py + P'y \cos(P, P') + P''y \cos(P, P'') + \text{etc.} - P'x \sin(P, P') - P''x \sin(P, P'') - \text{etc.}$$

sen

$$Rr = Py + P'[y \cos(P, P') - x \sin(P, P')] + P''[y \cos(P, P'') - x \sin(P, P'')] + \text{etc.}$$

vel

$$Rr = Py + P' \cos(P, P')[y - x \tan(P, P')] + P'' \cos(P, P'')[y - x \tan(P, P'')] + \text{etc.} \quad (1)$$

(1) Cosin. (P, P') significat cosin. anguli inter directiones virium P. et P', et sic de aliis.

Litteris p , p' , p'' , etc. designentur catheti e puncto cuius coordinatae sunt x , y in virium P , P' , P'' , etc. directiones, demissae prodibunt æquationes

$$p = y, p' = \frac{y-x \tan(P, P')}{\sec(P, P')}, p'' = \frac{y-x \tan(P, P'')}{\sec(P, P'')}, \text{etc..... (2).}$$

Ex æquationibus (1) et (2) eruitur

$$Rr = Pp + P'p' \cos(P, P') \sec(P, P') + P''p'' \cos(P, P'') \sec(P, P'') + \text{etc.}$$

cum vero

$$\cos \alpha \sec \alpha = 1,$$

fit

$$Rr = Pp + P'p' + P''p'' + \text{etc.}$$

Rr , Pp , $P'p'$, etc. dicuntur *virium R*, P , P' , etc. *momenta* respectu puncti cuiusdam; quapropter *vis medie momentum, summam momentorum virium componentium æquat.*

CAPUT III.

De virium parallelarum compositione ac resolutione.

PROBLEMA I.

Determinare vim medium duarum virium parallelarum, secundum eamdem directionem agentium, et inflexibili rectæ applicitarum.

Fig. 15. TAB. II. Sint P et Q duæ vires parallelæ punctis A et B applicitæ, catheïque rectæ AB ; resolvantur hæ vires rectis AC et BD expressæ in quatuor viribus AE et AF , BE' et BG ita ut vis AE æqualis sit et opposita vi BE' ; sic vis media virium AF et BG erit vis media virium P et Q ; ut hæc vis media determinetur, producantur rectæ AF et BG aganturque $HK = BG$, $HL = AF$, diagonalisque HO parallelogrammi $HKOL$ vis media erit virium AF et BG simul et virium P et Q ; ut probetur vim medium HO viribus P et Q esse parallelam, e triangulis ACF et BGD deducantur

$$CF : AF = \sin \alpha : 1, BG : (DG = CF) = 1 : \sin \beta;$$

(19)

hæque duæ proportiones inter se ductæ , dant

$$CF \times BG : AF \times CF = \sin \alpha : \sin \beta = BG : AF ;$$

similiter e triangulo HKO deducitur

$$HK : KO = \sin OHL : \sin (LHK - OHL)$$

seu

$$BG : AF = \sin OHL : \sin (LHK - OHL),$$

undè

$$\sin \alpha : \sin \beta = \sin OHL : \sin (LHK - OHL) ;$$

evidenter vero angulus AHB = KHL = $\alpha + \beta$; quapropter litterā V designando angulum AHB , prodibit

$$\sin \alpha : \sin (V - \alpha) = \sin OHL : \sin (V - OHL),$$

undè

$$\sin \alpha \cdot \cos OHL = \sin OHL \cdot \cos \alpha .$$

seu

$$\sin (\alpha - OHL) = 0 , \text{ unde } \alpha = OHL ;$$

unde prodit vim medium HO viribus P et Q esse parallelam. Ut nunc determinetur punctum applicationis N vis mediæ , e triangulis similibus ACF et ANH , BDG et BNH deducantur

$$AN : HN = CF : P , HN : BN = Q : CF$$

hæque proportiones inter se ductæ , præbent

$$Q : P = AN : BN$$

quæ determinatur punctum N applicationis vis mediæ.

Ut ejus intensitas determinetur , ponantur proportiones e triangulis ACF et BDG deductæ :

$$P : AF = \cos \alpha : 1 , \text{ undè } AF = \frac{P}{\cos \alpha}$$

$$Q : BG = \cos \beta : 1 , \text{ undè } BG = \frac{Q}{\cos \beta}$$

quapropter

$$AF : BG = \sin \beta : \sin \alpha = \frac{P}{\cos \alpha} : \frac{Q}{\cos \beta}$$

undè

$$P : Q = \sin \beta \cos \alpha : \sin \alpha \cos \beta$$

unde deducitur

$$P + Q : \sin \beta \cos \alpha + \sin \alpha \cos \beta = P : \sin \beta \cos \alpha = AF \cos \alpha : \sin \beta \cos \alpha$$

seu

$$P + Q : \sin (\alpha + \beta) = AF : \sin \beta ;$$

E triangulo vero HKO deducitur

$HO : [\sin HKO = \sin KHL = \sin(\alpha + \beta)] = (KO = AF) : (\sin KHO = \sin \beta)$
quapropter $P + Q = HO = R$, quod vis mediae intensitatem determinat. Puncto N ducatur recta quæcumque A'B'; e triangulis similibus A'AN et B'BN deducitur

$$AN : BN = A'N : B'N$$

undè

$$A'N : B'N = Q : P.$$

COROLLARIUM

Fig. 16. TAB. II. Ut ergo viribus parallelis P et Q æquilibrium constituatur, puncto C ita posito ut

$$AC : BC = Q : P$$

applicanda est vis æqualis $P + Q$ et, in directione parallela sed directè oppositâ agens.

PROBLEMA II.

Vim quamcumque in duas vires parallelas in eadem directione agentes, et datis punctis applicatas, resolvere.

Fig. 17. TAB. II. Sint R vis resolvenda, A et B puncta applicationis virium P et Q; proportione

$$P : Q = BC : AC$$

determinari potest intensitas virium P et Q; indè enim deducitur $P + Q : BC + AC = P : BC$ seu $R : AB = P : BC$ unde $P = \frac{R \times BC}{AB}$;

cum vero $P + Q = R$, sponte patet

$$Q = R - P = R - \frac{R \times BC}{AB};$$

eadem evidenter proportione puncta applicationis A et B, hisce viribus rectaque AB datis, determinari possent. Si vis R in tribus viribus, datis punctis applicatis, esset resolvenda, primò in duabus viribus quârum una, uno e datis punctis, altera, alio quocumque puncto inter dua alia puncta sita, resolvenda est, deinde haec ultima vis, in duabus viribus, duobus datis punctis applicatis, iterum est resolvenda.

Si tres vires P, Q et R æquilibrant, quæcumque trium virium Fig. 16.
TAB. II.
P, (ex. gr.) ut vi mediæ duarum virium Q et R æqualis et directè
opposita perspici potest; cum virium Q et R vis media cum vi P
æquilibrium constituere debeat. Quapropter vis R'' = P et directè
opposita virium Q et R est vis media; at R = P + Q unde P = R''
= R - Q; præterea habetur proportio

$$BC : AC = P : Q = R'' : Q$$

unde punctum applicationis A vis mediæ R'' deduci potest; at

$$BC + AC : R'' + Q = AB : R = AC : Q \text{ unde } AB = \frac{R \times AC}{Q};$$

supponantur nunc vires Q et R æquales; tunc habebitur AB = AC et
 $R'' = R - Q = 0;$

at dum BC non æquabit o, recta AC rectam AB æquare non po-
terit nisi AC = ∞ ; ut ergo viribus Q et R æquilibrium constitu-
retur, ad distantiā a puncto B infinitam applicanda foret vis
æqualis o; quod impossibile est; ergo duæ vires æquales, paral-
lelæ, et in directionibus oppositis agentes, vim medianam habere
nequeunt.

PROBLEMA III.

Determinare vim medianam numeri cuiuscumque virium parallelarum
in eâdem directione agentium, quârum applicationis punctâ inter
se immutabiliter sunt fixâ.

Primò determinetur vis media R' duarum virium P et P'; deinde Fig. 18.
TAB. II.
jungantur puncta F et B, determineturque vis media R'' duarum
virium R' et P'', hæcque vis media æqualis est R' + P'' = P + P'
+ P''; jungantur puncta G et D; visque media R''' duarum vi-
rium R'' et P'' aquat

$$R'' + P'' = P + P' + P'' + P'';$$

si denique jungantur puncta H et C, determinari potest duarum
virium R''' et P''' vis media R quæ æquat

$$R''' + P''' = P + P' + P'' + P''' + P'';$$

undè concludi potest vim medianam numeri cuiuscumque virium pa-

parallelarum in eadem directione agentium, summam harum virium æquare, illis esse parallelam et in eadem directione agere.

Si vires P, P', P'', \dots etc. semper parallelæ manentes, nec intensitatem, nec puncta applicationis, sed tantum directionem mutant, fiuntque p, p', p'', p''', p'''' , etc. harum virium vim medium, ut prius, determinando, K evidenter erit punctum applicationis vis mediæ r quæ æquat $p + p' + p'' + p''' + \dots$ etc.; unde perspicuum est virium P, P', P'', P''', \dots etc. parallelæ manentium, directionem mutando, vis mediæ punctum applicationis ejusque intensitatem non mutari; hoc punctum K dicitur *centrum virium parallelarum*. Si ex his viribus aliæ in quâdam directione, aliæ vero in directione oppositâ agerent, separatim determinandæ forent vires mediæ virium in eadem directione agentium; omniumque virium vis media generatim differentiam harum duarum virium mediarum evidenter æquabit; uno tantum casu hoc principium claudicat, quum scilicet duæ vires mediæ, parallelæ, æqualesque sunt non vero directè oppositæ; quod iam probatum fuit. De hoc virium systemate postea amplius loquemur.

Fig. 19. TAB. II. consideratione momentorum deduci possunt generales formulæ quarum ope determinatur punctum applicationis vis mediæ numeri cuiuscumque virium parallelarum. Sit enim R vis media duarum virium parallelarum P et Q, punto quocumque D in virium plano sito ducatur cathetus BD. Ducatur æquatio $R = P + Q$ rectâ BD; ex hac multiplicatione prodit

$$R \times BD = P \times BD + Q \times BD$$

seu

$$R \times CD + R \times BC = P \times AD + P \times AB + Q \times BD;$$

sed ex proportione

$$P : Q = BC : AC$$

deducitur

$$P + Q \text{ seu } R : AB = P : BC$$

unde

$$R \times BC = P \times AB;$$

quapropter

$$R \times CD = P \times AD + Q \times BD.$$

(23)

$R \times CD$, $P \times AD$, $Q \times BD$ dicuntur *momenta virium* R , P , Q respectu puncti D . Unde eluet momentum vis mediæ æquale esse summæ momentorum virium componentium. Si recta BD non esset cathetus viribus P et Q , similiter haberetur

$$R \times DC' = P \times A'D + Q \times B'D$$

nam

$$R : A'B' = P : B'C'.$$

Quum vires P , Q et R non in eadem directione agunt, vis mediæ momentum æquale est differentiæ momentorum virium componentium; sit enim R vis media virium P et Q in directionibus oppositis agentium, erit $R = P - Q$ et

$$R \times BD = P \times BD - Q \times BD, \text{ seu } R \times CD + R \times BC = P \times AD + P \times AB - Q \times BD$$

sed e proportione

$$R : P = AB : BC$$

deducitur

$$R \times BC = P \times AB; \text{ quapropter } R \times CD = P \times AD - Q \times BD.$$

Si punctum D inter puncta A et B sumeretur, in ambobus casibus contrarium locum habere, facilè probaretur. In primo enim casu haberetur

$$R \times CD' = Q \times BD' - P \times AD'$$

et in secundo casu

$$R \times CD' = Q \times BD' + P \times AD'.$$

Si vis R vis media esset multarum virium vecti AB applicitarum, hujus vis momentum æquale foret summæ aliarum virium momentorum. Sint enim S , T , U , V hæ vires et s , t , u , v harum virium distantiae ad punctum fixum D ; sit P vis media duarum virium S et T , et p distantia vis P ad punctum D , prodit

$$pP = sS + tT;$$

similiter sit Q vis media virium P et U et q distantia vis Q ad punctum D ; invenitur

$$qQ = pP + uU = sS + tT + uU.$$

Sit denique R vis media virium V et Q et rR hujus vis momentum respectu puncti D , habetur

$$rR = vV + qQ, \text{ seu } rR = sS + tT + uU + vV + \text{etc.}$$

Fig. 20.
TAB. II.

Fig. 19.

Fig. 20.

Signa hisce momentis tribuenda pendent e positione puncti fixi D respectu punctorum applicationis virium, et e directione virium; si vires ex eadem parte respectu puncti D sitae sunt, momentis virium in eadem directione agentium, evidenter signum +, aliis vero signum — tribuendum est; si vero aliæ ex una parte, aliæ ex altera sunt sitae, vis mediæ momentum rR æquale est differentiæ momentum virum e diversa parte puncti D sitarum.

Hujus proprietatis ope facile determinari potest vis mediæ punctum applicationis; habetur enim

$$r = \frac{sS + tT + uU + vV + \text{etc.} - (xX + yY + \text{etc.})}{S + T + U + V + X + Y + \text{etc.}}$$

Hucusque vires eidem vecti applicitas esse supposuimus; sed generales formulæ quibus vis mediæ punctum applicationis, eo casu Fig. 21.
TAB. II. quo vires parallelæ in spatio quocumque modo sunt applicitæ, determinetur, obtineri possunt; sit cuim P, P', P'', P''', etc. numerus quicunque virium parallelarum quocumque modo in spatio sitarum; sint X, Y et Z axes orthogonii; punctis A et B applicationis virum P et P' ducatur recta AB, producaturque donec punto G planum YZ secet; sit R' virum P et P' vis media, erit

$$R' \times CG = P \times AG + P' \times BG, \text{ unde } R' = P \times \frac{AG}{CG} + P' \times \frac{BG}{CG};$$

e punctis A, B et C demittantur catheti in planum YZ. Puncta D, F, E, et G evidenter in eadem rectâ sita sint, necesse est. Supponatur $AD = x$, $BE = x'$, $CF = a$, habebitur

$$x : a = AG : CG, x' : a = BG : CG, \text{ unde } \frac{AG}{GC} = \frac{x}{a}, \frac{BG}{GC} = \frac{x'}{a},$$

quapropter

$$R' = \frac{Px}{a} + \frac{P'x'}{a}, \text{ seu } aR' = Px + P'x'.$$

punctis A, B, C demittantur catheti y, y' et b in planum XZ; similiter prodibit

$$R'b = Py + P'y';$$

litteris z, z' et c designentur catheti e punctis A, B et C in planum XY demissæ, prodit

(25)

$$R'c = Pz + P'z'.$$

Componantur nunc vires R' et P'' ; sit R'' illarum vis media; designentur litteris $x'', y'', z'', a', b', c'$ punctorum applicationis virium P'' et R'' coordinatæ; evidenter erit

$$a'R'' = x''P'' + aR', b'R'' = y''P'' + bR', c'R'' = z''P'' + cR'.$$

seu

$a'R'' = Px + P'x' + P''x'' + P'''x''' + \text{etc.}$, $b'R'' = Py + P'y' + P''y'' + P'''y''' + \text{etc.}$, $c'R'' = Pz + P'z' + P''z'' + P'''z''' + \text{etc.}$ sint denique R totius systematis vis media, et X , Y , Z ejus puncti applicationis coordinatæ, habebitur

$$R = P + P' + P'' + P''' + \text{etc.}$$

$$X = \frac{Px + P'x' + P''x'' + P'''x''' + \text{etc.}}{P + P' + P'' + P''' + \text{etc.}}$$

$$Y = \frac{Py + P'y' + P''y'' + P'''y''' + \text{etc.}}{P + P' + P'' + P''' + \text{etc.}}$$

$$Z = \frac{Pz + P'z' + P''z'' + P'''z''' + \text{etc.}}{P + P' + P'' + P''' + \text{etc.}}$$

quibus vis mediæ punctum applicationis determinatur. Si quædam vires in directionibus oppositis agerent, signa tribuenda viribus has conditiones in superioribus æquationibus introducerent.

Punctum cuius coordinatæ sunt X , Y et Z dici, *centrum virium parallelarum* jam suprà animadversum est.

PROBLEMA IV.

Determinare vim medium numeri cuiuscumque virium non concorrentium et parallelarum necne, sed in eodem plano sitarum.

Supponantur P , P' , P'' , P''' , etc. vires, punctis A , B , C , D , etc. inter se immutabiliter fixis, applicitæ; producantur duæ vires P et P' partibus EF et EG expressæ, donec concurrent puncto E ; viribus P et P' substituatur vis media Q rectâ EH expressa; producantur hæc vis media et vis P'' , donec concurrent puncto K ; viribusque Q et P'' rectis KH' et KL expressis, substituatur vis media Q' rectâ KM expressa; demumque viribus Q' et P''' , donec

puncto N concurrant, productis rectisque NM' et NO expressis, substituatur vis media R rectâ NS expressa; hæcque vis evidenter erit vis media totius systematis. Si quædam vires essent parallelæ, hæc quidem vires non concurrerent, sed his facile substitui posset vis media. Idem hic casus existit exceptitiū, qui in præcedenti problemate animadversus fuit; uno enim casu systemati virium substitui non potest vis media; quum scilicet una quædam vis aliarum virium vim medianam æquat, ipsi est parallela, et in directionibus variis, sed non directè oppositis, agunt; quod virium systema capitisi sequentis materiem suppeditabit.

CAPUT. IV.

De virium paribus.

Systema duarum virium æqualium, parallelarum, in directiōnibus oppositis agentium, non verò directè oppositarum dicitur *virium par*; cathetus communis duabus viribus dicitur *virium paris vectis*; productumque vis per vectem dicitur *virium paris momentum*.

THEOREMA I.

Virium pari cuicumque ($P, -P$) *substitui potest aliud quodcumque virium par* ($Q, -Q$), *pari* ($P, -P$) *parallelum*, *et producto vecti applicitum*; *dum habeatur proportio*

$$P : Q \equiv BC : AB.$$

Fig. 23. TAB. III. DEMONST. Reipsa, puncto quocumque C vectis AB producti, applicentur duæ vires Q; et $-Q$ æquales, oppositæ, et viribus ($P, -P$) parallelæ; ita ut habeatur

$$P : Q \equiv BC : AB;$$

nihil evidenter systemati erit mutatuin, et vis media R virium P

et Q' per punctum B evidenter transibit, eritque aequalis $P + Q'$; at vis $-P = P$, ipsi est directè opposita; quapropter solummodo vis $Q' = Q$ supererit quæ simul cum vi $-Q$ constituet virium par quod pari $(P, -P)$ substitui poterit.

THEOREMA. II.

Quocumque virium par in suum planum seu in quocumque planum parallelum sibi paralleliter transferri potest, quin effectus mutetur, dum novum par immutabiliter primo pari sit fixum.

DEMONST. Supponatur $(P, -P)$ virium par ejus AB sit vectis; ducatur $A'B' = AB$ ipsique parallela seu in plano paris $(P, -P)$ Fig. 24.
TAB. III. seu in quocumque plano huic parallelo; jungantur puncta A et B punctis B' et A' rectis AB' et BA' ; hæ duæ rectæ evidenter concurrent, necesse est, quum rectæ AB et $A'B'$ sint parallelæ; præterea necessariò $AC = B'C$ et $BC = A'C$, quum duo trigona ACB et $A'B'C$ sint aequalia; punctis A' et B' applicentur vires oppositæ, $P', -P'$ et $P'', -P''$, ipsisque viribus $P, -P$ parallelæ et aequales; hæ vires nihil evidenter systemati mutabunt; cum verò $P = P''$, his viribus substitui potest vis $R = 2P$ puncto C medio rectæ AB' applicata; similiter viribus aequalibus $-P, -P'$ substitui potest vis $R' = 2P$ puncto C medio rectæ $A'B$ applicata; cum verò hæ omnes vires sint parallelæ, vis R vi R' erit directè opposita; cum verò $R = R'$ hæ duæ vires sese invicem destruant, et e toto systemate tantum vires P' et $-P''$ supersunt, virium paræquale pari $(P, -P)$ constituentes, quodque ipsi substitui potest.

THEOREMA. III.

Quodecumque virium par circum quocumque vectis punctum in eodem plano potest vertere, quin ejus effectus mutetur.

DEMONST. Puncto quocumque C vectis AB virium paris $(P, -P)$, ducatur $A'B' = AB$ ita ut $A'C = AC$, et $B'C = BC$; punctisque A' Fig. 25.
TAB. III. et B' in directionibus cathetorum rectæ $A'B'$ ductarum, applicentur

vires oppositæ P' , — P' et P'' , — P'' inter se æquales ipsisque viribus P , — P ; viribus P et — P' necessariò concurrentibus, quum in eodem plano sitæ sint et non parallelæ, substituatur vis media R ; similiter viribus P'' et — P substituatur vis media R' ; haec duæ vires R et R' æquales sint, necesse est; nam $P = -P' = P'' = -P$ et angula — $P'DP$ et — $PD'P''$ parallelis lateralibus formata et directè opposita, sunt æqualia; haec vires directè oppositæ esse debent; nam cum vires P et — P' æquales sunt, habetur ang. — $P'DR = PDR$; ducantur rectæ CD et CD' ; duo trigona ADC et $A'DC$ sunt æqualia; cum $AC = A'C'$ et duo trigona sint orthogonia; itaque ang. $ADC = A'DC$; quapropter rectæ DR et CD in eadem linea rectâ sitæ sunt. Similiter probaretur lineam $CD'R'$ esse rectam; habetur vero ang. $ACD = A'CD$, et ang. $B'CD' = BCD$; quapropter vires R et R' directè sunt oppositæ; sese ergo invicem destruunt; tantumque superunt vires P' et — P'' virium par (P' , — P'') formantés, quod nihil aliud est nisi par (P , — P) quod circum punctum C in suo plano motum est.

THEOREMA IV.

Virium par transferri potest in quocumque planum parallelum ibique quocumque modo verti, quin illius effectus mutetur, dum duo paria inter se sint fixa.

Fig. 26. DEMONST. Hoc theorema ex duobus præcedentibus deducitur;
TAB. III. nam par virium (P , — P) sibi paralleliter in quocumque planum parallelum transferri potest, fierique (P' , — P'); hocque novum par circum quocumque punctum D vectis $A'B'$ verti potest, effectusque parium (P'' , — P'') et (P , — P) æqualium iidem eruunt.

THEOREMA V.

Virium pari substitui potest aliud par quocumque modo in plano primi paris, seu in alio plano parallelo situm, dum parium vectes inter se sint in ratione inversâ virium.

Fig. 27. DEMONST. Per theorema I, pari (P , — P) substitui potest aliud (Q , — Q) dummodo habeatur proportio

(29)

$$P : Q = BC : AB;$$

at per theorema IV, par $(Q, -Q)$ transferri potest in quocumque planum parallelum fierique $(Q', -Q')$; par ergo $(Q', -Q')$ substitui poterit pari $(P, -P)$, dummodo haec duo paria inter se sint fixa.

THEOREMA VI.

Numero cuicunque virium parium, in eodem plano seu in quocumque piano parallelo sitorum, substitui potest par unicum in piano parallelo situm, cuius momentum aequalis sit summæ momentorum parium componentium, è quibus deducenda sunt momenta parium contrariorum.

DEMONST. Supponatur AB vectis quicunque et M, N, O , etc. Fig. 28. TAB. III. vectes parium componentium quorum vires sint $P, P', P'',$ etc. omnia paria eidem reducantur vecti (TEOR. I.) proportionibus

$$AB : M = P : Q, AB : N = P' : Q', AB : O = P'' : Q''$$

unde

$$Q = \frac{M \times P}{AB}, Q' = \frac{N \times P'}{AB}, Q'' = \frac{O \times P''}{AB}, \text{ etc.}$$

omnibus ergo paribus erunt vectes aequales vecti AB , eorumque vires exprimentur per $\frac{M \times P}{AB}, \frac{N \times P'}{AB}, \frac{O \times P''}{AB}$, etc. Cum vero paria in quocumque planum parallelum transferri possint, omnia in eundem planum transferantur, ita ut eodem nitantur vecte AB ; supererit par unicum ejus vis S aequalis $Q + Q' + Q''$ etc. hoc est

$$S = \frac{M \times P}{AB} + \frac{N \times P'}{AB} + \frac{O \times P''}{AB} + \text{etc.}$$

unde

$$AB \times S = M \times P + N \times P' + O \times P'' + \text{etc.}$$

Si contraria essent paria, eidem vecti reductorum parium vires secundum directiones R et $-R$ agerent, visque S foret aequalis $Q + Q' + Q'' - R$; unde evidens est momentum paris medii aequaliter esse differentiae summarum momentorum parium componentium et contrariorum.

COROLLARIUM.

Ex theoremate præcedenti patet virium par in numerum quemcumque aliorum parium resolvi posse: et ex his componentibus paribus seorsim dari posse seu vectes, seu vires: et si exprimitur littera U vis paris componentis cuius AB sit vectis, et litteris M et V novus vectis et vis; proportione

$$AB : M = V : U$$

determinari poterit M seu V, una ex his duabus rebus data.

THEOREMA. VII.

Duo virium paria in planis non parallelis sita, in unum semper componi possunt.

Fig. 29. TAB. III. DEMONST. Quum paria ($P, -P$) et ($P', -P'$) in planis non parallelis sint sita, haec duo plana secundum rectam quamcumque $A''B''$ sese secant, necesse est. Pari ($P', -P'$) aliud substituatur ita ut vectis æqualis sit AB, et coincidat cum intersectione $A''B''$ duorum planorum. Sit (e. g.) ($P'', -P''$); similiter par ($P, -P$) transfratur ita ut vectis AB coincidat cum vecte $A''B''$; siatque ($Q, -Q$); angulus $QB''P''$ evidenter exprimet angulum duorum planorum; viribusque Q et P'' , $-Q$ et P'' substitui evidenter possunt vires mediæ R et $-R$ quæ æquales sunt, quum vires componentes et anguli inter vires comprehensi æquales sint, evidenterque sunt parallelæ; quum rectæ $-RA''$ et $B''R$ orthogoniæ sint in rectâ $A''B''$, et anguli $P''B''R$ et $-P''A''-R$ sint æquales; vires ergo R et $-R$ virium par constituant quod paribus ($P, -P$) et ($P', -P'$) substitui potest.

COROLLARIUM.

Vicissim, viam contrariam ineundo ejus quam in præcedenti theoremate secuti sumus, clarum est virium par quocumque in duobus aliis paribus, in datis planis sitis, resolvi posse, dummodò haec duo plana et dati paris planum sese secundum rectas parallelas secant; nam sint AC et AD duo plana data quorum intersectio sit AB; haec

recta AB ducatur planum AE parallelum paris dati plano; quod possibile erit, quum intersectio hujus plani plano AC seu AD parallela sit intersectioni AB; parique proposito substituatur aliud par æquale ($R, -R$) cuius AB sit vectis; vis R evidenter in duas vires P et Q in planis AC et AD sitis resolvi potest; similiiter vi $-R$ substitui possunt due vires $-Q$ et $-P$ æquales parallelæque viribus Q et P; ita ut vires Q et $-Q$, P et $-P$ paria constituant quæ pari ($R, -R$) substitui possunt: et aptè mutando seu vires, seu vectes, evidens est istis quoque substitui posse alia paria in quocumque loco seu ipsorum planorum seu illis parallelorum planorum sita; quorumque seu vires seu vectes sint dati.

THEOREMA VIII.

Numerus quicunque virium parium seu in eodem plano seu in planis parallelis seu non parallelis sitorum in unum semper componi possunt.

DEMONST. Hoc theorema concluditur e theorematibus VI et VII; per theorema VI enim in unum componi possunt paria in eodem plano seu in planis parallelis sita; et per theorema VII in unum componendo hoc novum par et unum ex aliis paribus, novum habebitur par quod adhuc cum alio pari in unum componi poterit, et sic porro, donec omnia paria in unum sint redacta.

THEOREMA IX.

*Si polygonii ABCDE lateribus exprimuntur vires agentes ex A in Fig. 33.
B, ex B in C, ctc., huic virium systemati vis unica substitui TAB. IV.
nequit; huic verò substitui potest virium par æquipollens, cuius
momentum duplēm polygonii superficiem æquat.*

Hanc proprietatem in triangulo existere facile perspicitur; sint enim P, P', P'' , tres vires lateribus AB, BC et AC expressæ; vi- Fig. 52.
ribus P' et P'' substituatur vis media: idcirco producatur recta TAB. IV.
BC ita ut $CE = BC$; ducatur recta AE; agaturque $AD = DE$; du-
plumque rectæ CD virium P' et P'' exprimet vim medium; quum

AE et **CB** diagonales sint parallelogrammi in viribus P' et P'' constructi; cum vero $CE = BC$ et $DE = AD$, habetur $2CD = AB$, haecque duæ vires evidenter sunt parallelæ et in directionibus oppositis agunt; itaque virium par constituunt cujus momentum exprimitur producto rectæ AB per cathetum CF rectæ AB immissum; momentum ergo duplarem trianguli superficiem æquat.

Fig. 33. Considereretur nunc polygonius ABCDEF cujus latera exprimunt TAB. IV. vires P , P' , P'' , etc., agentes ex A in B, ex B in C, etc. Viribus P et P' rectis AB et AF expressis substituatur vis media; idcirco producatur AF ita ut $AG = AF$; ducatur recta BG ; agaturque $GH = BH$; $2AH$ virium P et P' erit vis media. Componantur nunc vires P' et $2AH$; idcirco producantur rectæ BC et AH , agantur $LK = 2AH$ et $KM = BC$, determineturque vis media KO ; $KO = 2KN$ evidenter trium virium P , P' et P'' erit vis media; at KO diagonalem CF æquat ipsique est parallelæ; nam duo trigona KOM et BCF sunt æqualia; quum enim $AG = AF$ et $GH = BH$, habetur

$$2AH = BF = LK = MO$$

rectæque BF et MO evidenter sunt parallelæ, et $KM = BC$; unde facilè deducitur $KO = CF$, ipsique esse parallelam. Similiter probaretur vim medianam $K'O'$ trium virium P'' , P''' et P'''' æqualem esse et parallelam diagonali CF ; duæ ergo vires KO et $K'O'$ ipsæ sunt æquales et parallelæ; quinque in directionibus oppositis evidenter agant, virium par constituunt. Ut ejus determinetur momentum, puncto K ducatur cathetus KV rectis KO et $K'O'$; viriumque paris momentum erit $KO \times KV$ seu $CF \times KV = CF \times KT + CF \times TV$; at $CF \times KT = 2CKF = 2BCF + 2BKF$; cum vero BF parallela sit rectæ AK , habetur $BKF = BAF$ undè

$$CF \times KT = 2BCF + 2BAF = 2ABCF;$$

simili ratione probaretur

$$CF \times TV = 2CDEF; \text{ undè } CF \times KV = KO \times KV = 2ABCDEF;$$

Adnotatio. Si ex una parte quatuor vires, ex altera vero duæ vires componerentur, facilè probaretur systema harum duarum virium mediарum virium par constituere, cujus momentum duplarem polygonii superficiem æquaret; generatimque littera n

laterum numerum exprimens, litterā quē ν numerum virium componendarum, vires mediae ν et $n - \nu$ virium constituent par cujus momentum duplēcēm polygonii superficiem æquabit.

COROLLARIUM I.

Si polygonius non clauderetur, vires polygonii lateribus expressæ, vis mediæ forent capaces, quæ æqualis parallelaque foret latere polygonium claudenti.

COROLLARIUM II.

Ex hæc proprietate deducitur facillima ratio determinandi polygonii cujuscumque superficiem; sit enim determinanda polygonii ABCDEF superficies; agatur AG=AF, ducatur GB, agatur GH=BH, et ex puncto K ubi concurrunt rectæ productæ BC et AH dimittatur cathetus KL in rectam CF; similiterque determinetur cathetus OP; et CF $\left(\frac{KL+OP}{2}\right)$ polygonii erit superficies.

*Fig. 34.
TAB. IV.*

THEOREMA X.

Si ex omnibus viribus polygonii cujuscumque lateribus expressis, aliæ in directione quâdam aliæ verò in alterâ, agunt, harum vis media æqualis parallelaque est aliarum vi mediæ et in eâdem directione agit.

Sit ABCDEFG polygonius cujus latera exprimunt vires P, P', P'', etc., agentes aliæ ex A in G, ex C in B, etc., aliæ verò ex E in F, ex F in G, etc.; separatim componantur vires eodem vergentes; idcirco producatur recta AG in H, determineturque ut prius, vis media $2HL$ virium BC et AG; quapropter agatur $HI = BC$ et $HK = AG$; evidenterque habebitur $IL = LK$ quia recta IK et vis media virium HI et HK sunt diagonales parallelogrammi in duabus viribus constructi; producatur vis media $2HL$ in M, similiique ratione determinetur vis media $R' = 2MQ$, virium P, P', et P''; habebiturque $NQ = QO$. Componantur nunc vires in aliâ directione agentes; quamobrem agatur $FK' = EF$ et $GL' = K'L'$; $2FL'$ virium

*Fig. 35.
TAB. V.*

EF et FG erit vis media; producatur FL' in M' determineturque vis media $2M'Q'$ virium $2FL' = M'O'$, et $DE = M'N'$, evidenterque habebitur $O'Q' = Q'N'$; producantur denique rectæ AB et $2M'Q'$ in S agaturque $SS' = AB$, $ST = 2M'Q'$, et $S'U = TU$; $R'' = 2SU$ erit vis media virium SS' et ST , seu virium P''' , P^{IV} , P^V , et P^{VI} ; nunc demonstrandum est vires R' et R'' inter se æquales et parallelas esse; quam ob causam, agatur $Ma = MN$, ducatur recta aO ; aO erit æqualis parallelaque vi R' ; quum $NQ = QO$; puncto D ducatur D_b æqualis parallelaque rectæ aO ; ducaturque recta O_b quæ æqualis parallelaque erit rectæ aD ; rectaque D_b æqualis parallelaque erit vi R' ; similiter agatur $Sd = ST$; ducaturque recta dS' quæ æqualis parallelaque erit vi R'' ; quum vero $GL' = K'L'$ et $EF = FK'$, prohibit $EG = 2FL' = M'O'$, ipsique est parallela; GO' ergo æqualis et parallela est rectæ EM' ; agatur $De = EM'$; GO' evidenter æqualis parallelaque erit rectæ De ; quapropter $DG = eO'$ ipsique est parallela: quum vero $De = EM'$, $DE = M'N'$, et $O'Q' = Q'N'$, habetur, $eO' = DG = 2M'Q' = dS$;

rectæque DG et dS evidenter sunt parallelae; sed recta SS' æqualis parallelaque est rectæ Gb ; nam puncto K ducatur Kc parallela rectæ HL ; quum $IL = LK$ habetur $IH = cH$; quum vero $BC = HI$ habetur $Cc = BH$; necessariòque $Kc = 2HL = MO$ ipsique est parallela; cum vero $CD = MN = aM$; habetur $aD = CM$; quapropter $CMOb$ est parallelogrammus; rectaque Cb æqualis parallelaque est rectæ MO seu rectæ cK ; undè deducitur rectam bK æqualem parallelamque esse rectæ Cc seu rectæ BH ; quapropter Bb æqualis parallelaque est rectæ HK seu rectæ AG ; undè bG æqualis parallelaque est rectæ AB seu rectæ SS' ; cum vero DG æqualis parallelaque sit rectæ dS , inde deducitur rectam D_b æqualem parallelamque esse vi R'' ; quumque evidenter in eadem directione agunt, hæ vires hujus theorematis enunciatio satisfaciunt.

Ut ergo totius systematis vis media determinetur, ducatur cathetus VS in vires medias R'' et R' ; agaturque $VX = SX$, punctoque X ducatur in rectam VS cathetus $XR = 2R'$, hæcque cathetus vim medium systematis evidenter exprimet; sequendo methodum jam supra expo-

situm, facile probaretur $R' \times VS$ æquale esse dupliç polygonii superficie; quapropter littera A polygonii superficiem designans, prodibit $R = 2R' = \frac{4A}{VS}$.

ANIMADVERSIO. Ponamus nunc polygonii ABCDEF latera solummodo virium P, P', P'', P''', P^v, P^v directionem, illarumque rationem exprimere; facile probaretur vires P, P', P''; etc. Vis mediæ non esse capaces, illisque substitui posse virium par; siquæ litteris M et A hujus paris momentum et polygonii superficies designentur, iuxenietur.

$$M : 2A = P : AB = P' : BC = \text{etc.}$$

THEOREMA XI.

Si polygonii cuiuscumque ABCDEF mediis lateribus applicentur vires R, R', R'', R''', R^v, R^v his lateribus proportionales, et cum illis æquales angulos efficientes, his viribus substitui potest virium par cuius momentum æquale sit producto ex dupliç polygonii superficie per cos. et per rationem inter vires et latera, hoc est, virium par æquale esse

$$2A \frac{R^v}{AB} \cos \alpha.$$

Jamjam demonstratum fuit (1) quod si polygonii mediis lateribus applicentur vires his lateribus proportionales ipsisque catheti, has omnes vires æquilibrare. Ponatur ergo polygonii ABCDEF latera virium P, P', P'', etc. directiones exprimere, haberique

$$P : P' : P'' : \text{etc.} = AB : BC : CD : \text{etc.}$$

mediis lateribus G, H, I, K, L, M applicentur vires Q, Q', Q'', Q''', etc., mutuis lateribus proportionales ipsisque orthogonæ; hæ novæ vires minimè sistema virium P, P', P'', etc. mutabunt, quibus substitui poterit virium par cuius momentum jam suprà inventa proportione determinari poterit; si ergo considerentur vires P, P', P'',

(1) Cours de mathématiques de Camus. Mécanique statique, tom. 1^{er} pag. 314.

etc. tanquam punctis G, H, I, etc. applicitæ; sique viribus P et Q, P' et Q', P'' et Q'', etc., substituantur vires mediae R, R', R'', etc., harum virium mediarum effectus idem qui virium P, P', P'', etc. erit; e consideratione vero trianguli GNO in quo $GN = P$, $NO = Q$ et $OG = R$ prodit

$$1 : \tan \omega = GN : ON = P : Q$$

ratio vero $\frac{P}{Q}$ pro singulis viribus P' et Q', P'' et Q'', etc. constans est; quia rationes $\frac{P}{AB}$ et $\frac{Q}{AB}$ sint constantes; unde sequitur angulum ω pro singulis viribus R, R', R'', etc., esse constantem, hoc est has vires æquales angulos cum mutuis polygonii lateribus efficiere. Ex eodem triangulo datur

$$1 : \cos \omega = R : P;$$

cum ratio $\frac{1}{\cos \omega}$ evidenter sit constans, ratio $\frac{R}{P}$ similiter erit constans pro viribus R et P, R' et P', etc., cum vero ratio $\frac{P}{AB}$ quoque sit constans, inde prodit rationem $\frac{R}{AB}$ esse constantem; unde patet vires R, R', R'', etc., proportionales esse lateribus quibus sunt applicitæ, et cum his lateribus æquales formare angulos; cum vires P et Q ad libitum possint eligi, idem locum habebit pro singulis positionibus ac intensitatibus virium R, R', R'', etc.; momentum vero virium paris e compositione virium P, P', P'', etc., prodeuntis æquale est

$$2A \frac{P}{AB} \text{ (animad. præc.)}, \text{ e triangulo vero GNO datur}$$

$$P = R \cos \omega$$

quapropter momentum virium paris e compositione virium R, R', R'', etc. prodeuntis æquale erit

$$2A \frac{R}{AB} \cos \omega$$

si ponatur $GN = P = AB$ tum habebitur

$$R \cos \omega = AB$$

viriumque paris momentum æquale fiet duplici polygonii superficie.

Cum vires R, R', R'', etc. fiunt Q, Q', Q'', etc., hoc est; cum in latera fiunt catheti, tum

$$\cos \alpha = 0$$

ipsumque virium paris momentum sit æquale o, hoc est, tum vires inter se æquilibrare. Quod démonstráverat Cámus.

CAPUT V.

De compositione ac resolutione virium quoquo versus in spatio directarum.

THEOREMA I.

Duae vires non parallelæ quarum directiones non concurrunt ad vim medianam reduci nequeunt.

DEMONST. Sint enim P, et Q hæc duæ vires; supponaturque has duas vires vim medianam R habere posse: tunc vi æquali R ipsique contraria æquilibrium constituetur; et una quæcumque Q harum trium virium haberi poterit ut contraria et æqualis vi mediæ duasrum aliarum virium P et R; puncta verò applicationis virium P et R ita possunt eligi ut recta per hæc dua puncta ducta directionem vis Q non secet; quum vires P et Q non in eodem plano sitæ sint; hæc ergo vis Q non destrueretur; duæ ergo vires P et Q vim medianam habere nequeunt.

THEOREMA II.

Duabus viribus non parallelis quæ non concurrunt substitui possunt vis unica et virium par.

DEMONST. Sint enim P et Q hæc duæ vires; puncto A applicentur ^{Fig. 56.} duas vires Q' et —Q' oppositæ, æquales inter se et vi Q ipsique parallelæ; viribus P et Q', puncto A concurrentibus substituatur vis media R; ex toto systemate nihil evidenter supererit nisi vis R, et ^{TAB. IV.}

duæ vires Q et — Q' virium par formantes, quod in quemcumque locum ipsius plani seu plani paralleli transferri potest.

COROLLARIUM.

Vicissim, inversam sequendo viam, facile demonstrari posset vi unicæ et virium pari substitui posse duas vires non concurrentes.

THEOREMA III.

Numero cuicunque virium non parallelarum quæ non concurrunt, generatim substitui possunt vis unica et virium par.

Fig. 37. DEMONST. Duabus enim P et P' ex his viribus substitui poterit,
TAB. IV. per theor. præc. vis unica Q et virium par; deinde viribus Q et P'' similiter substituatur vis unica Q' et virium par, et sic porrò donec omnibus viribus substitutis sit numerus quicunque virium parium et vis unica; his vero paribus per theor. VIII. cap. V. substitui potest virium par unicum; omnibus ergo viribus P, P', P'', etc. vis unica et virium par substitui possunt.

Quæramus nunc formulæ quibus determinetur vis media virium P, P', P'', etc. in spatio quoquo versus directarum, et casus quibus vi æquipollente non sunt capaces, perpendamus. Quamobrem puncto quocumque A ducantur axes rectangulares X, Y et Z; puncto A' applicationis vis P ducantur axes X', Y' et Z' aliis axibus parallelæ; litteris α , β , γ designentur anguli inter directionem vis P et axes X', Y' et Z'; resolvaturque vis P in tribus viribus secundum tres axes X', Y' et Z' directis; vires componentes secundum axes X', Y' et Z' agentes sunt $P \cos \alpha$, $P \cos \beta$, $P \cos \gamma$; signaque cosin. pendent e positione vis P in octo angula triedra planis Y'A'Z', Y'A'X' et X'A'Z' formata; similiter litteris α' , β' , γ' et α'' , β'' , γ'' , etc. designentur angula inter axes et directiones virium P', P'', etc.; resolvanturque hæ vires in tribus viribus $P' \cos \alpha'$, $P' \cos \beta'$, $P' \cos \gamma'$, $P'' \cos \alpha''$, $P'' \cos \beta''$, $P'' \cos \gamma''$, etc. secundum axes agentibus; omnium virium systema in tria alia virium systemata, agentium secundum directiones axibus X, Y et Z parallelas, resolvetur; sint x, y, z , x', y', z' , x'', y'', z'' , etc. coordinatæ punctorum

A' , A'' , A''' , etc. applicationis virium respectu planorum YZ , XZ , et XY ; litterisque X et Z coordinatae vis mediæ virium secundum directiones axi Y parallelas agentium, et litterâ R' hæc vis media designentur; habebitur.

$$R' = P \cos \beta + P' \cos \beta' + P'' \cos \beta'' + \text{etc.}$$

$$X = \frac{Px \cos \beta + P'x' \cos \beta' + P''x'' \cos \beta'' + \text{etc.}}{P \cos \beta + P' \cos \beta' + P'' \cos \beta'' + \text{etc.}}$$

$$Z = \frac{Pz \cos \beta + P'z' \cos \beta' + P''z'' \cos \beta'' + \text{etc.}}{P \cos \beta + P' \cos \beta' + P'' \cos \beta'' + \text{etc.}}$$

Similiter litteris X' et Y' coordinatae vis mediæ virium secundum directionem axi Z parallelam agentium, hæcque vis media litterâ R'' designantur; prodibit

$$R'' = P \cos \gamma + P' \cos \gamma' + P'' \cos \gamma'' + \text{etc.}$$

$$X' = \frac{Px \cos \gamma + P'x' \cos \gamma' + P''x'' \cos \gamma'' + \text{etc.}}{P \cos \gamma + P' \cos \gamma' + P'' \cos \gamma'' + \text{etc.}}$$

$$Y' = \frac{Py \cos \gamma + P'y' \cos \gamma' + P''y'' \cos \gamma'' + \text{etc.}}{P \cos \gamma + P' \cos \gamma' + P'' \cos \gamma'' + \text{etc.}}$$

Litteris denique Y'' et Z'' coordinatas vis mediæ virium secundum axem X agentium, ipsamque vim medium litterâ R''' designando, habebitur

$$R''' = P \cos \alpha + P' \cos \alpha' + P'' \cos \alpha'' + \text{etc.}$$

$$Y'' = \frac{Py \cos \alpha + P'y' \cos \alpha' + P''y'' \cos \alpha'' + \text{etc.}}{P \cos \alpha + P' \cos \alpha' + P'' \cos \alpha'' + \text{etc.}}$$

$$Z'' = \frac{Pz \cos \alpha + P'z' \cos \alpha' + P''z'' \cos \alpha'' + \text{etc.}}{P \cos \alpha + P' \cos \alpha' + P'' \cos \alpha'' + \text{etc.}}$$

Sic toti systemati substitutæ sunt tres vires R' , R'' , et R''' axibus Y , Z et X parallelo punctisque (e. g.) B , C et D applicitæ. Ut perpendantur varii casus qui locum habere possunt pro virium intensitate et directione, puncto D applicentur duæ vires oppositæ r''' et $-r'''$ inter se æquales ipsique R''' , axique Z parallelo; viribus R'' et r'' substituatur vis media; hæc vis media planum XY puncto E secabit; punctoque E vis media resolvatur in duas vires $R_m = R'''$ axique X parallelam, et $r_m = r'''$ et in planum XY verticalem; evidens est distantiam punctorum D et E ad planum XZ eamdem

Fig. 57.
TAB. IV.

esse, cum DR''' et Dr''' parallelæ sint plano XZ ; hæc distantia verò est Y'' ; cumqne $r''' = R'''$, vis media DE angulum GDR''' bissecabit; quapropter ang. $GDE = GED$ et $DG = EG$; at $DG = Z''$; unde distantia puncti E ad planum YZ æqualis est Z'' . Similiter puncto B applicentur vires oppositæ r' et $-r'$ inter se æquales ipsique R' , axique Z parallelæ; viribusque R' et r' substituatur vis media quæ puncto F planum XY secabit, huicque puncto resolvatur vis media in duas vires $R_1 = R'$ axique Y parallelam. et $r_1 = r'$ et in planum XY verticalem; facilè probaretur, ut priùs, distantiam puncti F ad planum YZ æqualem esse X , et $HF = BH = Z$; quibus actis, viribus R' , R'' et R''' substitutæ suut novæ vires quarum aliæ in planum XY sunt verticales, aliæ verò in plano ipso sitæ, et axibus X et Y parallelæ; momentorum ope quæratur vis media virium in planum XY verticalium, quapropter litterâ V harum virium vim medianam designans; habebitur:

$$V = R'' + (-r') + (-r''') - r_1 - r_{111} = R''$$

litterisque X''' et Y''' designans coordinatas vis mediæ V , animadvertisque $AH = X$, $AG = Y''$ habebitur:

$$X''' = \frac{R''X' + (-r')X - r_1X - r_{111}Z''}{V} = \frac{R''X' - R'''Z''}{R''}$$

$$Y''' = \frac{R''Y' + (-r''')Y'' - r_{111}Y'' - r_1Z}{V} = \frac{R''Y' - R'Z}{R''};$$

Componamus nunc vires in plano XY sitas; quum vires R_1 et R_{111} parallelæ sint axibus Y et X , orthogonales sint, necesse est; quapropter litterâ U vim medianam designans, habebitur

$$U = \sqrt{R_1^2 + R_{111}^2} = \sqrt{R'^2 + R'''^2}$$

litteraque α designans angulum $R_{111}KU$, prodibit

$$\tan \alpha = \frac{R_1}{R_{111}} = \frac{R'}{R'''}$$

Queramus nunc vis mediæ U æquationem: idcirco puncto quo cumque L vis mediæ agantur catheti LM et LN in axes X et Y ; designenturque hæ catheti litteris x et y , iuvenietur

$$LP : LQ = R_{111} : R_1$$

seu

(41)

$$x - MP : y - NQ = R''' : R'$$

cumque

$$MP = AH = X \text{ et } NQ = AG = Y'',$$

$$x - X : y - Y'' = R''' : R'$$

unde

$$x - X = \frac{R'''}{R'} (y - Y'')$$

quæ est vis mediæ U æquatio.

Ut toti systemati vis media substitui possit, evidenter oportet ut vis media V virium in planum XY verticalium in quocumque puncto vim mediam U secet; quapropter oportet ut coordinatæ X''' et Y''' vis mediæ V, æquationi vis mediæ U satisfaciant, ut systema vis mediæ sit capax; habebitur ergo

$$X''' - X = \frac{R'''}{R'} (Y''' - Y'')$$

unde

$$\frac{R''X' - R'''Z''}{R''} - X = \frac{R'''}{R'} \left(\frac{R''Y' - R'Z}{R''} - Y'' \right)$$

unde deducitur

$$R'R''(X - X') + R''R'''(Y' - Y'') + R'R'''(Z'' - Z) = 0.$$

Quotiescumque ergo hæc æquatio locum habebit, systema vis mediæ erit capax, hæcque vis media æquabit

$$\sqrt{U^2 + V^2} = \sqrt{R'^2 + R''^2 + R'''^2}$$

eiusque punctum applicationis determinabitur coordinatis X''' et Y''', facillimâque cōsideratione ejus directiō potest assignari.

Notandum est in omnibus quæ suprà dicta sunt suppositum fuisse vires componentes parallelas axibus X, Y et Z, viribus mediis esse capaces illisque substitui non posse virium paria; tum enim sistema vis mediæ capax non foret, dum æquatio conditionalis locum haberet; si enim viribus axibus parallelis substitui possent tria virium paria, tunc haberetur

$$R' = 0, R'' = 0, R''' = 0$$

æquatioque conditionalis locum haberet, dum facilè perspici potest systemati substitui non posse vim unicam, sed virium par. Similiter si vires axibus X et Y parallelæ, vis mediæ non essent capaces, haberetur

(42)

$$R' = 0, R''' = 0$$

æquatioque locum haberet dum systemati substitui non posset vis unica; si vero æquatio

$$R'R''(X - X') + R''R'''(Y' - Y'') + R'R''(Z'' - Z) = 0$$

non locum haberet, sistema vis mediæ non foret capax, ipsique substitui possent vis unica et virium par quæ facile possunt determinari: ponamus enim vim medianam virium axi Z parallelarum puncto E planum XY secare; ponamusque R esse vim medianam virium R' et R''; litteris a et b designentur tangens trigonometrica anguli RBR''' et distautia Aa; hujus vis mediæ æquatio erit (1)

$$Y'' = aX + b$$

e puncto E in rectam BR demittatur cathetus EH; quum ordiuatæ EF et EG æquales sint X''' et Y''' quumque jam suprà demonstratum sit

$$X''' = \frac{R''X' - R'''Z''}{R''}$$

$$Y''' = \frac{R''Y' - R'Z}{R''}$$

habebitur

$$EH = \frac{Y''' - aX''' - b}{\sqrt{1 + a^2}}$$

jam vero vidimus $a = \frac{R'}{R''}$ et habetur

$$b = Y'' - aX;$$

quapropter

$$EH = \frac{Y''' - \frac{R'}{R''}X''' - Y'' + \frac{R'}{R''}X}{\sqrt{1 + \frac{R'^2}{R''^2}}}$$

unde

$$EH = \frac{R'R''(X - X') + R''R'''(Y' - Y'') + R'R''(Z'' - Z)}{R''\sqrt{R''^2 + R'^2}}$$

Puncto H resolvatur vis R in duas vires — R'' et V quarum una

(1) Biot, essai de géométrie analytique, appliquée aux courbes et aux surfaces du second ordre.

æqualis sit et parallela vi R'' et in directione opposita agat; evidenter erit

$$V = \sqrt{R'^2 + R''^2} = \sqrt{R'^2 + R''^2 + R'''^2}$$

punctumque applicationis hujus vis determinatur formulis

$$x = X''' + \frac{(Y''' - aX''' - b) a}{1 + a^2}$$

$$y = Y''' - \frac{Y''' - aX''' - b}{1 + a^2};$$

x et y sunt coordinatæ puncti H; viriumque paris momentum æquale foret

$$R'' \times EH = \frac{[R'R''(X-X') + R''R'''(Y'-Y'') + R'R'''(Z''-Z)]}{R'' \sqrt{R'^2 + R''^2}} R''$$

$$= \frac{R'R''(X-X') + R''R'''(Y'-Y'') + R'R'''(Z''-Z)}{\sqrt{R'^2 + R''^2}}$$

si duæ vires R et R'' sese invicem secarent, tum haberetur $EH=o$, seu
 $R'R''(X-X') + R''R'''(Y'-Y'') + R'R'''(Z''-Z) = o$

quæ est conditio necessaria jam suprà inventa ut systema sit vis mediae capax; ea conditio virium par evanescit; cum numerator fractionis virium par experimentis fit æquale o . Generatim ergo dici potest, *numero cuicunque virium quoquo versus in spatio directarum, substitui posse vim unicam æqualem*

$$\sqrt{R'^2 + R''^2 + R'''^2}$$

et virium par cuius momentum æquale sit

$$\frac{R'R''(X-X') + R''R'''(Y'-Y'') + R'R'''(Z''-Z)}{\sqrt{R'^2 + R''^2}}$$

Ponamus nunc omnes vires P , P' , P'' , etc., in eodem plano XY esse sitas; ut hæc conditio in formulis introducatur, evidenter supponendum est $z=o$, $z'=o$, $z''=o$, etc., $\cos \gamma=o$, $\cos \gamma'=o$, $\cos \gamma''=o$, etc., formulæque supra inventæ fiunt

$$R' = P \cos \beta + P' \cos \beta + P'' \cos \beta + \text{etc.}$$

$$R''' = P \cos \alpha + P' \cos \alpha + P'' \cos \alpha + \text{etc.}$$

$$X = \frac{Px \cos \beta + P'x' \cos \beta + P''x'' \cos \beta + \text{etc.}}{P \cos \beta + P' \cos \beta + P'' \cos \beta + \text{etc.}}$$

(44)

$$Y = \frac{Py \cos \alpha + P'y' \cos \alpha' + P''y'' \cos \alpha'' + \text{etc.}}{P \cos \alpha + P' \cos \alpha' + P'' \cos \alpha'' + \text{etc.}}$$

$$R = \sqrt{R'^2 + R'''^2}$$

$$\cos(R, X) = \frac{R'''}{\sqrt{R'^2 + R'''^2}}.$$

THEOREMA IV.

Si omnes, systematis cuiuscumque, vires, primitivis directionibus paralleliter transferuntur, ita ut hæ vires forment polygonium quemcumque curvum seu planum, latus hunc polygonium claudens, vis mediæ systematis virium intensitatem exprimet, ipsique erit parallelum.

Sint enim P , P' , P'' , etc., vires quocumque modo in spatio directæ; α , α' , α'' , etc., β , β' , β'' , etc., γ , γ' , γ'' , etc., anguli inter vires et tres axes X , Y et Z ; in punctum A coordinatarum originem, punctum applicationis vis P ipsius primitivæ directioni parallelæ manentis, transferatur; sit A' altera vis P extremitas; hujus puncti coordinatæ evidenter sunt $P \cos \alpha$, $P \cos \beta$, et $P \cos \gamma$; in punctum A' transferatur punctum applicationis vis P' , ipsius directioni primitivæ parallelæ manentis; sit A'' hujus vis extremitas; hujus puncti coordinatæ respectu novorum axium puncto A' ductorum et axibus X , Y et Z parallelorum sunt evidenter $P' \cos \alpha'$, $P' \cos \beta'$, $P' \cos \gamma'$; cum vero puncti A' coordinatæ sint $P \cos \alpha$, $P \cos \beta$, $P \cos \gamma$, puncti A'' coordinatæ respectu axium X , Y , Z erunt $P \cos \alpha + P' \cos \alpha'$, $P \cos \beta + P' \cos \beta'$, $P \cos \gamma + P' \cos \gamma'$.

Similiter probaretur coordinatas extremitatis ultimæ vis esse

$$x = P \cos \alpha + P' \cos \alpha' + P'' \cos \alpha'' + \text{etc.}$$

$$y = P \cos \beta + P' \cos \beta' + P'' \cos \beta'' + \text{etc.}$$

$$z = P \cos \gamma + P' \cos \gamma' + P'' \cos \gamma'' + \text{etc.}$$

distantia ergo hujus puncti ad coordinatarum originem erit latus polygonium claudens, qui æquat

$$\sqrt{x^2 + y^2 + z^2};$$

si vero valores coordinatarum x , y et z attenté considerentur,

spontè patet illas exprimere summas virium componentium virium P, P', P'', etc., secundum tres axes X, Y Z agentium, quapropter
 $x = R', y = R'', z = R'''$.

latusque polygonum claudens fiet

$$\sqrt{R'^2 + R''^2 + R'''^2}$$

quod est vis mediæ R valor in præcedenti theoremate inventa. Directio hujus lateris evidenter est parallela vis mediæ R directioni, cum cosin. inter latus et axes æquent cosin. inter vim R et axes. Si polygonius clauderetur, tunc foret

$$\sqrt{x^2 + y^2 + z^2} = \sqrt{R'^2 + R''^2 + R'''^2} = R = o;$$

tum scilicet systema statu æquilibrii gauderet, seu ipsi tantum virium par substitui posset; si ergò polygonius cuius latra exprimitur systematis cuiuscumque vires primitivis directionibus paralleliter translatas, clauditur, tum systema æquilibrat, vel soli virium pari æquipollit. Si omnes vires concurrunt, tum evidenter systema, virium pari non æquipollit, viresque æquilibrant, ut jamjam fuit probatum. (cap. 3 prob. i adnot.)

Ex omnibus quæ supra dicta sunt concludi potest vis mediæ intensitatem et directionem minimè pendere a virium componentium positione relativâ; nam si virium directiones ita mutentur ut primitivis directionibus parallelæ maneant, latus polygonum his viribus formatum claudens, semper idem erit; quapropter vis mediæ intensitas et directio eadem manebunt; ipsius tantum punctum applicationis erit mutatum.

Conditio quâ exprimitur vim medianam R evanescere non sufficit ut virium systema æquilibret; haec enim conditio tantum exprimit omnem translationis motum abesse; non verò exprimit systema motu rotatili non affici; at ne a propositâ materiâ nimis descendamus, conditionales æquationes non perpendemus, sequentem verò demonstrationem cohærentiæ quæ inter systematis vires et minimas variationes quæ ipsi causâ quâcumque imprimuntur, existit, dare tentabimus. Principium de quo sermo est, congruere videtur cum mechanicæ principio cui nomen *principium celeritatum virtualium*, quod Guido Ubaldi primus in vecte necnon in trochleari

mobili obtinere animadvertisit, quodque immortalis Galileus uti generalem machinarum æquilibrii proprietatem agnovit, et quod postea Fossombrony, Carnot, Lagrange, Laplace, Prony, Poisson et Ampere demonstravere, quorumque demonstratioues in scholâ mathematicâ a doctissimo professore Garnier recensitæ fuerunt.

Fig. 14. Consideretur M tanquam punctum applicationis vis cujuscumque P, ponamusque MN in axem X esse cathetum; si axis X minimâ quantitate mutatur, fitque X', cathetus MN fiet Mn; si e puncto n in axem X demittatur cathetus nr, Nr erit puncti M secundum axem X *variatio*; idemque pro axibus Y et Z locum habebit; ut major axium motui sit uniformitas, ponamus unum e tribus axibus vicissim immotum manere; duosque alios axes circum punctum A rotare; ponamus primò axem Z immotum manere axesque X et Y circum punctum A rotare ita ut angulus X'AX æqualis sit ϵ , determinanda est linea Nr; litteris x, y et z puncti M coordinate, litterisque α , β et γ anguli inter vis P directionem et axes, designentur, e triangulo Anr deducitur

$$Ar = An \cos. \epsilon;$$

e triangulo vero AMn eruitur

$$An = AM \cdot \cos. MAn;$$

at ex angulo triedro AMrn, formulâ quâdam trigonometriæ sphæricæ, deducitur

$$\cos. MAn = \cos. \epsilon \cos. \phi + \sin. \epsilon \sin. \phi \cos. A$$

litterâ ϕ angulum MAX, litterâque A, angulum diedrum planis MAX et YAX seu XAX' formatum, designando; facilem verò probaretur

$$\cos. A = \frac{y}{AM \sin \phi}$$

quapropter

$$\cos. MAn = \cos. \epsilon \cos. \phi + \frac{\sin. \epsilon. y}{AM}$$

unde

$$Ar = AM \cos. \epsilon \cos. \phi + \cos. \epsilon. \sin. \epsilon. y;$$

habetur verò

$$\cos. \epsilon = 1, \sin. \epsilon = \epsilon, AM \cos. \phi = AN = x;$$

quapropter

$$Ar = x + iy;$$

litteris Δx designatur variatio Nr secundum axem X; habebitur

$$\Delta x = Ar - AN = iy;$$

similiter probaretur

$$\Delta y = ix;$$

si vero quantitas Δx tanquam positiva habetur, quantitas Δy evidenter tanquam negativa haberi debet, quia Δx rectam AN seu ordinatam x auget, dum quantitas Δy ordinatam y minuit; si ponatur tres axes vicissim circum axes Y et X rotare; litteris i' et i'' anguli minimi inter axes variatos et axes primitivos, litterisque $\Delta'x$, $\Delta'z$, et $\Delta''y$, $\Delta''z$ puncti M coordinatarum variationes in axisbus Y et Z, his duobus motibus productae, designentur, invenietur

$$\Delta x = iy, \Delta'x = i'z, \Delta''y = -i''z$$

$$\Delta y = -ix, \Delta'z = -i'x, \Delta''z = i''y;$$

similiter pro vi P' inveniretur

$$\Delta x' = iy', \Delta'x' = i'z', \Delta''y' = -i''z'$$

$$\Delta y' = -ix', \Delta'z' = -i'x', \Delta''z' = i''y';$$

ponamus nunc coordinatarum originem A minimâ quantitate mutari; litterisque δX , δY et δZ , hujus puncti variationes secundum axes designentur; has omnes variationes in mutuarum virium directiones projiciamus, illasque ipsa vi ducamus; ut illæ in vim projiciantur, tantum ducendæ sunt cosinus inter axem et vim; quapropter litteris p , p' , p'' , etc., summam projectionum in vires P , P' , P'' , etc. designando, habebitur

$$\begin{aligned}
 Pp + P'p' + P''p'' + \text{etc.} &= P\Delta x \cos \alpha - P\Delta y \cos \beta - P\Delta'x \cos \alpha + P\Delta'z \cos \gamma \\
 &\quad + P\Delta''y \cos \beta - P\Delta''z \cos \gamma + P'\Delta x' \cos \alpha' - P'\Delta y' \cos \beta' + \text{etc.} \\
 &\quad + P\delta X \cos \alpha + P\delta Y \cos \beta + P\delta Z \cos \gamma + P'\delta X' \cos \alpha' + \text{etc.} \\
 &= [P\{y \cos \alpha - x \cos \beta\} + P'\{y' \cos \alpha' - x' \cos \beta'\} + \text{etc.}] \\
 &\quad + [P\{x \cos \gamma - z \cos \alpha\} + P'\{z \cos \gamma - y \cos \alpha\} + \text{etc.}] \quad (1) \\
 &+ [P\{y \cos \gamma - z \cos \beta\} + P'\{z \cos \gamma - y \cos \beta\} + \text{etc.}] + \delta X \{P \cos \alpha + P' \cos \alpha' + \text{etc.}\} \\
 &\quad + \delta Y \{P \cos \beta + P' \cos \beta' + \text{etc.}\} + \delta Z \{P \cos \gamma + P' \cos \gamma' + \text{etc.}\}
 \end{aligned}$$

si vires P , P' , P'' , etc., inter se æquilibrarent, tum haberentur æquationes

$$P\{y \cos \alpha - x \cos \beta\} + P'\{y' \cos \alpha' - x' \cos \beta'\} + \text{etc.} = 0$$

$$P\{x \cos \nu - z \cos \alpha\} + P'\{x' \cos \nu' - z' \cos \alpha'\} + \text{etc.} = 0$$

$$P\{y \cos \nu - z \cos \beta\} + P'\{y' \cos \nu' - z' \cos \beta'\} + \text{etc.} = 0$$

$$P \cos \alpha + P' \cos \alpha' + P'' \cos \alpha'' + \text{etc.} = 0$$

$$P \cos \beta + P' \cos \beta' + P'' \cos \beta'' + \text{etc.} = 0$$

$$P \cos \nu + P' \cos \nu' + P'' \cos \nu'' + \text{etc.} = 0$$

quotiescumque ergo systema æquilibrabit, habebitur

$$Pp + P'p' + P''p'' + P'''p''' + \text{etc.} = 0 \quad (2)$$

vicissim quotiescumque æquatio (2) locum habebit, sistema æquilibrio gaudebit; nam cum quantitates ϵ , ϵ' , ϵ'' , δX , δY , δZ nullæ inter se ratione conjungantur, secundum æquationis (1) membrum, non per has quantitates, sed per illarum coefficientes evanescere debet; hæ ergo coefficientes ad o adæquari debent, æquationesque æquilibrii iterum præbent; quotiescumque ergo habebitur

$$Pp + P'p' + P''p'' + P'''p''' + \text{etc.} = 0$$

in systemate æquilibrium obtinebit.

DE COMPOSITIONE AC RESOLUTIONE MOTUUM.

PARS ALTERA.

OMnis mutatio situs respectu quorumdam punctorum quæ fixa supponuntur, efficitur motu; hicque motus producitur vi quādam externā corpori applicitatā; lex verò inertiae nos docet omne corpus in statu suo quietis aut motū perseverare donec per vim quādam externam a statu vero ad alium statum transire cogatur; nam cum omne corpus per se iners sit, statum quietis per se in motum mutare nequit; similiter corpus ad statum motū adductum

in hoc statu perseverat donec vi externā status mutetur; quotidie enim animadvertisimus, corpus quoddam, impulsione motum, eō diutiū moveri, quō accuratiū omnia quae obstant et motum impediunt, removentur; indē ergo deduci potest, si hæc impedimenta omnino amoverentur, corpus motū, statum suum non mutaturū esse: similiter corpus, impulsione motum, secundūm lineam rectam moveatur, necesse est, hæcque linea directionem vis quā ad statum motū adducitur, designat; si enim ab hāc linea rectā aberraret, nulla foret causa cur potius ex una parte hujus directionis quam ex alterā moveretur. Ex cādem lege inertiae sponte sequitur corpus motum, in quocumque motū tempore semper in iisdem conditionibus inveniri, dummodò nullā vi externā status mutetur; nam cum corpus per se nihil statui suo mutare possit, quūmque nullā vi externā mutetur, motus semper idem esse debet; hoc est, corpus motum, temporibus æqualibus æqualia absolvere spatia, spatiūmque per temporis unitatem absolutum dicitur corporis celeritas; hicque motus dicitur uniformis et producitur percussione momentaneā corporis movendi; in hoc motu spatiūm absolutum æquale est productio celeritatis per tempus; quum singulis temporis unitatibus æqualia absolvat spatia; si ergo designantur litteris *s*, *c* et *t* spatiūm, celeritas et tempus, habebitur

$$s = tc.$$

In iis omnibus quae in præcedentibus capitibus dicta sunt, solummodo vires inter se comparavimus, nunc verò perpendamus si, cognito corporis motu, seu cognitā vi quā motus producitur, possibile sit, in primo casu, vim, et in secundo, motum agnoscere; idecō animadvertisendum est vim quamcunque solummodo ejus effectu æstimari posse, hoc est, spatio quod corpus cui est applicata, per quoddam tempus determinatum percurrit; unde deduci posset hoc spatiūm vis intensitatē demetiri posse; quod a priori rigidè probari nequit, quūm nihil de virium naturā cognoscamus; consensus verò phænomenorum quae in rerum naturā observantur cum corollariis ex hāc hypothesi deductis ipsique incumbentibus satis comprobat illam hypothesim tanquam probatam haberi posse; quapropter supponemus

probatum esse vires motrices, inter se esse uti motuum celeritates; omnia ergo quæ dicta sunt de compositione ac resolutione virium dici possunt, de compositione ac resolutione motuum. Si (ex. gr.) plurimæ vires eodem punto sunt applicitæ et in eadem directione agunt, motus medius æquabit summam motuum componentium; litteris enim P, P', P'', etc. designando has vires, litterisque C, C', C'', etc. celeritates his viribus impressas, habebitur

$$P : P' : P'' , \text{ etc.} = C : C' : C'' , \text{ etc.}$$

unde

$$P + P' + P'' + \text{etc.} : C + C' + C'' + \text{etc.} = P : C$$

litterisque R et V exprimendo vim medium et motum medium, similiter habebitur

$$R : V = P : C$$

quia $\frac{P}{C}$ exprimit constantem rationem inter vim et celeritatem; quapropter

$$V = C + C' + C'' + \text{etc.}$$

hoc est corpus motum, eodem tempore absolvere spatium æquale summæ spatiorum quæ corpus, si motum fuisse separatim per idem tempus singulis viribus, absolvisset. Si quædam vires in directione contraria agerent, celeritas media evidenter æqualis foret differentiæ celeritatum contrariarum; similiter corpus duabus viribus angulum includentibus impulsu, sequetur directionem diagonalis parallelogrammi formati in spatia quæ singulæ vires eodem tempore absolvissent, hanc diagonalem evidenter motu uniformi percurret, et eodem tempore absolvet quo unum e duobus lateribus vi respectivâ absolutum fuisse; celeritas ergo media et celeritas componens inter se sunt uti diagonalis parallelogrammi ad latus respectivum. Eadem dici possunt de numero quocumque virium quoquo versus directarum.

Sinpræ vidimus motum de quo agitur produci percussione momentaneâ; ponamus nunc vim communicantem motum actionem non desinere continuòque in corpus motum agere; tum in primo temporis momento celeritas æqualis erit celeritati a vi motrice productæ; in secundo vero motus haberi debet tanquam com-

positus ex celeritate jam communicatā, et novā celeritate aequali priori, iterum productā, et sic porrò; ita ut singulis temporis momentis novae jungantur celeritates inter se aequales; talis motus dicitur uniformiter acceleratus: litterā g designans hanc constantem celeritatem, litterāque t tempus per quod hæ novæ celeritates junctæ fuere, hoc est numerum harum aequalium celeritatum, litterāque c celeritatem hisce celeritatibus productis, tempore t elapsō, habebitur

$$c = gt$$

hoc est, tempore t elapsō ex motū origine, celeritatem esse aequalē gt . Quæramus nunc spatiū per hoc tempus absolutū; designetur hoc spatiū litterā s ; quūm hoc spatiū auget seu minuit, ubi tempus t auget seu minuit, habebitur $s = ft$; si vero tempus t quantitate minimā dt augetur, tum spatiū s similiter augeri debet quantitate ds ; hæcque quantitas exprimet spatiū per tempus minimum dt absolutū; per tempus verò minimum dt motus considerari potest tanquam exactè uniformis, et productus celeritate c quæ locum habet, tempore t elapsō; quūm ergo $s = tc$, similiter habebitur

$$ds = cdt = gtdt$$

hancque æquationem integrando, invenietur

$$s = \frac{gt^2}{2} + E$$

quantitas constans E est spatiū absolutū priusquam considetur tempus; si vero supponimus tempus ex motū origine considerari, habebitur $E = 0$, unde

$$s = \frac{gt^2}{2};$$

si quantitas g positiva est, tunc motus dicitur uniformiter acceleratus; si vero hæc quantitas negativa est, tum motus dicitur uniformiter retardatus; jam suprà leges compositionis ac resolutionis motuum uniformium consideravimus; quæramus nunc leges compositionis ac resolutionis motuum uniformiter acceleratorum seu retardatorum; ponamus primò punctum quoddam duobus motibus uniformiter acceleratis, et in eadem directione agentibus moveri; horum duorum motuum æquationes erunt

$$c = gt$$

$$c' = g't$$

$$s = \frac{1}{2}gt^2$$

$$s' = \frac{1}{2}g't^2$$

quum in punctum applicationis simul agant, hoc punctum singulis temporis momentis movebitur celeritate aequali summae celeritatum, ipso momento duobus motibus productarum; quapropter celeritas media erit

$$c + c' = (g + g')t;$$

litteraque E designans spatium hanc celeritate media absolutum, invenietur

$$E = \frac{1}{2}(g + g')t^2;$$

si vero duo motus in directionibus directe oppositis agerent, similiter inveniretur celeritatem medium aequalem esse

$$c - c' = (g - g')t \text{ et } E = \frac{1}{2}(g - g')t^2;$$

simili argumento probaretur celeritatem medium motus uniformiter accelerati et motus uniformis aequalem esse summam seu differentiam celeritatum componentium, pro directione motuum; aequationeque

$$s = ct$$

designans motum uniformem, aequationibusque

$$s = \frac{1}{2}gt^2 \text{ et } c = gt$$

motum uniformiter acceleratum, litterisque E et V spatium absolutum per tempus t motu medio, et celeritatem medium, invenientur

$$E = \frac{1}{2}gt^2 \pm ct, \quad V = gt \pm c;$$

hucusque duos tantum motus composuimus; cum vero hic motus medius cum tertio quocumque motu componi possit, et sic porrò, inde concludi potest, illa quae de duobus motibus dicta sunt, dici posse de numero quocumque motuum.

Perpendamus nunc casum quo duo motus uniformiter accelerati eodem puncto applicentur, illorumque directiones angulum includunt; hi duo motus componi possunt in unicum motum aequipollentem; ponamus enim hos motus agere secundum duos axes X et Y quae rectangulares supponuntur (1); aequationes motum secundum axes X et Y erunt

(1) Hic supponimus motus componentes secundum axes rectangulares esse directos, quia ferè nunquam alio modo considerari debent; demonstrationique mutationes consentaneas considerationum discrimini agendo, facile probari posset idem locum habere etiam si directiones orthogonales non forent.

$$x = \frac{1}{2}gt^2, \quad y = \frac{1}{2}ht^2;$$

inter has duas æquationes tempus eliminando, invenietur

$$t^2 = \frac{2x}{g} = \frac{2y}{h}; \quad \text{undè } x = \frac{g}{h} y$$

quæ est æquatio motûs medii; quum hæc æquatio ad lineam rectam pertineat, indè prodit motum medium duorum motuum uniformiter acceleratorum, secundum lineam rectam esse directum; exque æquationis formâ concluditur motum medium secundum diagonalem parallelogrammi rectis x et y formati, esse directum; designetur litterâ r pars directionis motûs medii cuius coordinatae sunt x et y ; necessariò habebitur

$$r = \sqrt{x^2 + y^2} = \frac{1}{2}t^2 \sqrt{g^2 + h^2}$$

quæ est æquatio motûs uniformiter accelerati cuius celeritas constans est $\sqrt{g^2 + h^2}$, hoc est, celeritas media celeritatum constantium motuum componentium; diagonalis ergo parallelogrammi rectis x et y formati, absolvetur motu uniformiter accelerato; facileque perspici potest hunc motum esse motum medium motuum componentium; quapropter motus medius duorum motuum uniformiter acceleratorum necessariò ipse est motus uniformiter acceleratus cuius constans celeritas, æqualis est $\sqrt{g^2 + h^2}$ et celeritas motûs post tempus t , æqualis erit $t\sqrt{g^2 + h^2}$; litteris α et β designans angula inter motûs medii directionem et duos axes X et Y, eviderter habebitur

$$g = \cos \alpha \sqrt{g^2 + h^2}, \quad h = \cos \beta \sqrt{g^2 + h^2}.$$

Ex his quæ suprà dicta sunt concludi potest motum quemcumque uniformiter acceleratum cuius æquationes forent

$$s = \frac{1}{2}rt^2, \quad c = rt$$

resolvi posse in duos alios motus secundum axes rectangulares directos, quorumque celeritates constantes forent

$$g = r \cos \alpha, \quad h = r \cos \beta$$

illorumque motuum componentium æquationes fornt

$$\begin{array}{ll} \frac{1}{2}t^2 r \cos \alpha & \frac{1}{2}t^2 r \cos \beta \\ tr \cos \alpha & tr \cos \beta \end{array}$$

similem sequendo viam, probari, posset tribus motibus uniformiter acceleratis secundum tres axes orthogonales directis substitui posse unicum motum uniformiter acceleratum et secundum lineam rectam directum, vicissimque motum quemcumque uniformiter acceleratum resolvi posse in tres alios motus uniformiter acceleratos secundum tres axes rectangulares directos; litterisque α , β , γ designando angula inter directionem motus et tres axes X, Y et Z, litteris g , h , k et r celeritates constantes motuum agentium secundum axes X, Y et Z, et constantem celeritatem motus medii, litteris x , y , z et s spatia absoluta celeritatibus g , h , k et r per tempus t , et litteris c , c' , c'' et C celeritates acquisitas, eodem tempore elapso, a tribus motibus secundum axes, et a motu medio, invenientur formulae

$$c = gt, \quad c' = ht, \quad c'' = kt, \quad C = t\sqrt{g^2 + h^2 + k^2}$$

$$x = \frac{1}{2}gt^2, \quad y = \frac{1}{2}ht^2, \quad z = \frac{1}{2}kt^2$$

$$g = r \cos \alpha, \quad h = r \cos \beta, \quad k = r \cos \gamma$$

$$s = \sqrt{x^2 + y^2 + z^2} = \frac{1}{2}t^2\sqrt{g^2 + h^2 + k^2}, \quad r = \sqrt{g^2 + h^2 + k^2}.$$

Omnibus quæ suprà dicta sunt resumptis, clarum est numero cuiusunque motuum seu uniformium seu uniformiter mutatorum eodem punto concurrentium substitui posse tres alios motus secundum axes rectangulares directos, compositosque ex motibus uniformibus et motibus uniformiter mutatis.

Consideremus nunc diversas circonstantias motus puncti mobilis, systemate quocumque motuum uniformium, uniformiter acceleratorum et retardatorum moti; jam suprà vidimus singulos motus resolvi posse in tres alios motus secundum tres axes rectangulares directos; omnesque motus uniformiter mutati secundum eundem axem agentes in unum componi possunt; idemque dici potest de omnibus motibus uniformibus; quapropter litteris x , y et z designando spatia juxta tres axes absoluta, tempore t elapso, generatim habebitur

$$x = \frac{1}{2}gt^2 + ct + s, \quad y = \frac{1}{2}g't^2 + c't + s', \quad z = \frac{1}{2}g''t^2 + c''t + s''$$

$$V = gt + c \quad V' = g't + c' \quad V'' = g''t + c''$$

s , s' , s'' constantes sunt quæ pendent a positione puncti e quo

consideratur tempus, et quæ exprimunt distantiam hujus puncti ad axium originem; si inter x et y tempus t eliminamus, prodibit relatio inter x et y ; haecque relatio erit æquatio projectionis in plano XY viæ quam sequitur punctum mobile in spatium et quæ dicitur *trajectoria*; si, ut jam prius dictum est, tempus t eliminamus, consentaneasque operationes agimus, prodibit

$$g'y^2 - 2gg'xy + g'^2x^2 + y(2gg's + 2cc'g - 2g^2s' - 2c^2g') + x(2gg's' + 2cc'g' - 2g'ss - 2c^2g) \\ + g's^2 + g's' - 2gg'ss' - 2cc'g's - 2cc'gs' + 2c'g's' + 2c'gs = 0$$

haec est æquatio generalis projectionis trajectoriæ puncti mobilis in plano XY; si hanc æquationem cum æquatione generali secundi gradus

$Ay^2 + Bxy + Cx^2 + Dy + Ex + F = 0$
comparamus, cernitur projectionis æquationem completam esse secundi gradus æquationem; si duarum æquationum coëfficientes inter se comparamus, clare perspicitur.

$$B^2 - 4AC = 0$$

quum habeatur

$$(2gg')^2 = 4g^2g'^2;$$

quodcumque ergo sit motuum componentium sistema, compositum e motibus uniformibus, et uniformiter mutatis, projectio trajectoriæ puncti mobilis semper erit linea cuius character est

$$B^2 - 4AC = 0$$

quod significat hanc projectionem semper esse seu parabolam seu rectas (1); si inter y et z tempus eliminamus, similem obtinebimus æquationem quæ erit trajectoriæ projectionis in plano YZ æquatio, ejusque character erit

$$B^2 - 4AC = 0$$

generaliter ergo dici potest: *trajectoria puncti mobilis in motum adducti systemate quocumque motuum uniformium, et uniformiter mutatorum, semper est intersectio duorum cylindrorum quorum bases distinguntur characterem*

$$B^2 - 4AC = 0$$

hoc est, *duorum cylindrorum parabolicorum*.

Perpendamus nunc projectionis æquationem, diversasque modi-

(1) Biot, des sections coniques, discussion des équations.

ficationes quas subire potest in quibusdam casibus, examinemus; ponamus

$$BD - 2AE = 0, D' - 4AF = 0$$

tum projectio trajectoriæ erit linea recta (1); habetur vero, reductionibus effectis,

$$D' - 4AF = 4(c'g - cg') \cdot (c^* - 2gs), BD - 2AE = 4g(cg' - c'g)^2;$$

quotiescumque ergo habebitur

$$(c'g - cg') \cdot (c^* - 2gs) = 0, g(cg' - c'g)^2 = 0$$

projectio trajectoriæ puncti mobilis erit linea recta; his vero æquationibus satisfit ubi

$$c'g - g'c = 0;$$

quotiescumque ergo hæc æquatio locum habebit, projectio erit linea recta; vicissimque quotiescumque projectio erit linea recta, hæc æquatio locum habebit; nam si projectio est recta, necessariò

$$(c'g - cg') \cdot (c^* - 2gs) = 0, g(cg' - c'g)^2 = 0,$$

hæque duæ æquationes simul locum habere nequeunt, nisi

$$c'g - cg' = 0;$$

similiter, si æquationem projectionis in plano YZ perpendamus, conditio ut hæc projectio sit linea recta erit

$$c''g - c''g' = 0;$$

quum vero duæ projectiones lineæ cujusdam sunt rectæ, tum linea ipsa est recta; quapropter quotiescumque habebitur

$$c'g - cg' = 0, c''g - c''g' = 0$$

trajectoria puncti mobilis erit linea recta; uno tantum casu hæc conditio non sufficit; quum scilicet

$$g' = 0, c' = 0$$

quod facile perspici potest; tum ut trajectoria sit recta oportet ut projectio in plano XZ sit etiam recta; quod exprimitur formulâ

$$cg'' - c''g = 0;$$

quæramus nunc æquationem diametri parabolæ in plano XY sitæ; ejus æquatio est

$$Y = -\frac{BX}{2A} - \frac{E}{B}$$

(1) Biot, des sections coniques, discussion des équations.

(57)

hoc est

$$e = g - g' + \frac{gg's' + cc'g' + g's + c'g + g'c}{gg'}$$

unde

$$gg'Y = c'(cg' - c'g) + g'(gs - g's) + g'cX$$

hæc est æquatio diametri parabolæ in plano XY sitæ.

Hucusque tantum spatia absolute consideravimus; nunc autem celeritatis circumstantias perpendamus; littera U designatur celeritas media; habebitur

$$U = \sqrt{V^2 + V'^2 + V''^2} = \sqrt{(gt+c)^2 + (g't+c')^2 + (g''t+c'')^2}$$

ex formulæ x, y, z deducatur valor quantitatis t , et in superiori formulæ substituatur, invenietur

$$U = \sqrt{c^2 + c'^2 + c''^2 + 2\{g(x-s) + g'(y-s') + g''(z-s'')\}}$$

hujus formulæ ope, determinari potest celeritas relativa puncto cuicunque trajectoriæ, cuius coordinatæ respectu trium axium sunt x, y, z .

Ponamus nunc omnes vires motrices in plano XY esse sitas; tum quæque dicta sunt de projectione trajectoriæ in plano XY, dicuntur possunt de ipsa trajectoriæ puncti mobilis motu systemate motuum in hoc plano sitorum; generalis ergo æquatio hujus trajectoriæ eadem erit; ponamus tempus ex axiū originē considerari, tum supponendum erit

$s = o, s' = o$
trajectoriæque æquatio fiet

$$g'y^2 - 2gg'xy + g'^2x^2 + 2c(c'g - cg')y + 2c'(cg' - c'g)x = o,$$

diametrique æquatio fiet

$$gg'Y = c'(cg' - c'g) - g'cX;$$

conditio qua exprimitur trajectoriā esse linēam rectam est

$$c'g - cg' = o;$$

ut determinetur punctum intersectionis trajectoriæ axi X, agatur $y = o$ in trajectoriæ æquatione, et invenietur

$$x = \frac{2c'cg' - 2c''g}{g'^2} = \frac{2c'}{g'^2}(cg' - c'g), \text{ seu } x = o;$$

si trajectoria sit linea recta, tum habebitur

$$c'g - cg' = o$$

x que fit æqualis o ; hoc est hanc lineam rectam transire per axium originem.

Ut determinetur celeritas relativa puncto cuicunque trajectoriæ, in formulâ generali supra expositâ agatur

$$s = o, s' = o, s'' = o, z = o, c'' = o,$$

æquatioque fiet

$$U = \sqrt{c^2 + c'^2 + 2gx + 2g'y}.$$

Formulis supra expositis utamur ad determinandam projectilum Fig. 39. TAB. V. trajectoriæ; ponamus axem X esse horizontalem, axemque Y verticalem; ponamusque puncto A corpus quoddam, in inani projici, ita ut trajectoria in plano XY sit sita; ponamus corpus in primo temporis momento acquisivisse celeritatem $Ab = r$; supponendo angulum $bAd = \alpha$, celeritas expressa per Ab resolvi poterit in duas alias $Ad = r \cos \alpha$, $Ac = r \sin \alpha$; gravitas vero semper in corpore agit et actionem exercet in directione opposita secundum axem Y; quapropter corpus movetur duobus motibus secundum axes X et Y directis quorum alter æqualis $r \cos \alpha$, alter vero $r \sin \alpha = g't$, spatiaque absoluta in duobus axis erunt $r \cos \alpha$, $r \sin \alpha = \frac{1}{2}g't^2$; ergo in generali formula agitur

$$g' = -g', g = o, c = r \cos \alpha, c' = r \sin \alpha$$

formula fiet

$$(g'^2x^2 + 2g'r'y \cos^2 \alpha - 2g'r^2x \cos \alpha \sin \alpha = o) = 0$$

seu

$$g'^2x^2 + 2r^2y \cos^2 \alpha - r^2x \sin 2\alpha = o$$

quæ est trajectoriæ æquatio; ejusque parameter est

$\frac{2r^2 \cos^2 \alpha}{g'}$; ita si $\frac{g'}{g}$ est ratio motuum ex formulâ deducitur

$$\frac{o = x}{2g'} = \frac{r^2(\sin 2\alpha)}{g'} \pm \sqrt{\frac{r^4 \sin^2 2\alpha - 8g'r^2y \cos^2 \alpha}{g'^2}}$$

(59)

Ut inveniatur punctum intersectionis trajectoriæ axi X, agatur

$$y = o$$

et prodibit

$$x = \frac{r' \sin 2\alpha}{2g'} \pm \frac{r' \sin 2\alpha}{2g'}.$$

hoc est

$$x = \frac{r' \sin 2\alpha}{g'} = AB \text{ et } x = o,$$

quia punctis A et B trajectoria axem X secat;

hujus parabolæ diametri æquatio, ex generali æquatione deducta, fit

$$g'x - r'g' \sin \alpha \cos \alpha = o$$

undè

$$x = \frac{r' \sin 2\alpha}{2g'};$$

hæc est æquatio diametri; cum verò valor quantitatis x sit in ea æquatione constans, inde sequitur diametrum CD axi Y esse parallelum, et habetur

$$AD = \frac{r' \sin 2\alpha}{2g'} = \frac{AB}{2};$$

ut maxima attitudo CD projectilis determinetur, agatur in formulâ generali

$$x = AD = \frac{r' \sin 2\alpha}{2g'}$$

proditque

$$y = CD = \frac{r' \sin^2 \alpha}{2g'};$$

in formulâ generali celeritatis, consentaneas mutationes agendo, inveniatur

$$U = \pm \sqrt{c^2 + c'^2 + 2gx + 2g'y} = \pm \sqrt{r^2 - 2g'y};$$

in æquatione celeritatis U, eidem ordinatæ y = AE respondent duæ variæ abscissæ Ag et Ah; x verò in celeritatis æquatione omnino evanuit; quapropter eidem attitudini AE, celeritas U eadem est puncto e et puncto f; duplex tamen signum quod præcedit signum radicale, patescit celeritatē U punto e esse ascendentem puncto autem f, descendenter; cumque hæc pro-

proprietas locum habet, qualisunque sit parabolæ parameter, eadem proprietas locum habebit quum parabola lineam rectam verticalem fiet; si ergo corpus puncto A secundum directionem verticalem AY projicitur, singulis directionis punctis in ascensu et in descensu eadem erit celeritas.

$$(\alpha - \beta)(\lambda - - \frac{i\pi}{q}) = \infty$$

TANTUM.

TANTUM.










$$\lim_{x \rightarrow \infty} f(x) = \infty$$


in the air trap - due to the rib cage as well as the Y-shaped mandible which enables a bird to extend its head to one side.








$$C_1 = \frac{1}{\alpha} C_2$$

and the following words are obtainable from the
same source.

$\frac{1}{2} \cdot 0^{\circ} = 0^{\circ}$














Fig. 31.




Fig. 32..




Fig. 33.




Fig. 34.




Fig. 36.




Fig. 38.







Fig. 37.









JOHANNIS LEMAIRE,
xref
GANDAVENSIS,

ARTIUM MATH. ET PHYS. IN ACAD. GAND. CANDIDATI,

COMMENTATIO

IN

QUÆSTIONEM AB ORDINE DISCIPLINARUM MATH.
ET PHYSIC., ACADEMIÆ GANDAV., PROPOSITAM

A. M. D. CCCXVIII.:

Qua requiritur *expositio commodorum Methodi
naturalis Plantarum, tam in scientia Botanica
ipsa, quam in ejus applicationibus.*

QUÆ PRÆMIUM REPORTAVIT, D. IV. OCT. M. DCCC. XIX.

JOHANNES TELLER

OBITUARY

ARTICULUM MATERIALE IN HONOREM AVGVSTI CLEMENSATI

COMITATUM

IV

QUESTIONUM A ORDINE DISCIPLINARUM VNTI
ET HISPIC' VACATIONE CVDV' PROSISTITVM

V. DE DI COCCINELLA

Quod competit in operibus consuebatum. Tunc
autem Propositus, quoniam in via locutione
dicitur, dum in qua vobis dico

6. ETIENNE LEBOUTAVAT, D. H. OCT. A. DCC. XZ.

PROOEMIUM.

COMMODA Methodi naturalis Plantarum, quantum post breve mihi Botanices studium licet, expositurus, optimum esse factu existimavi triplici respectu methodum hanc contemplari: ac primum, quod quidem mihi in eâ re maximi esse momenti videtur, eam intuebor quatenus principiis e purissimo philosophicæ fonte haustis innititur et dignorem efficientibus scientiam quam vanam nominum congeriem atque inanem verborum farraginem nostro non amplius tempore vocare licet, quidquid obstrepant nonnulli Botanices detrectatores, eorum omnium insciæ quæ a sagacissimis naturæ scrutatoribus quum in anatome, tum in physiologiâ plantarum investigata et detecta Botanicen ad scientiarum præstantiorum dignitatem evenerunt. Deinceps comparationem inter Meihodum naturalem et sistema Linnœanum propterea instituam quod cæteris omnibus systematisbus artificialibus sistema Linnæi palmam præripuit ideoque solum dignum videtur quod cum methodo naturali comparetur. Denique quænam ex plantarum ordinatione prius stabilitâ commoda in Botanices applicationes defluere debeant ac præsertim in materiem medicam, determinare conabor. Ne verò sœpius sermonis contextum abrumpere cogerer satius duxi opera recensere quorum auxilio adjutus, principiis imbutus, et jucundissimo studio captus rem ag-

gressus sum. Quod si virorum tam doctorum juvantibus scriptis, quæstioni tamen ab almâ Academiâ Gandavensi propositæ minus aptè respondisse videar, mihi haud immeritò nonnihil afferet solatii cogitatio me operibus tam egregiis studium ac tempus impendendo fundamenta sat firma substravisse rei herbariae cognitioni in quâ comparandâ ex hoc jam tempore otium e scientiarum mihi mathematicarum studio reliquum collocare statuo.

AUCTORES CITANDI.

- | | |
|-------------------|---|
| CAROLI LINNÆI | Philosophia Botanica. Editio quarta, studio Curtii Sprengel. Halæ ad Salam, 1809. |
| CAROLI A LINNE | Prælectiones in ordines naturales plantarum. Edidit P. D. Giseke. Hamburgi, 1792. |
| A. L. DE JUSSIEU | Genera plantarum secundum ordines naturales disposita. Parisiis, 1789. |
| F. P. CASSEL | Lehrbuch der naturlichen Pflanzen-ordnung. Frankfurt-am-Main, 1817. |
| A. P. DECANDOLLE | Théorie élémentaire de la Botanique. Paris, 1813. |
| | Essai sur les propriétés médicales des plantes comparées avec leurs formes extérieures et leur classification naturelle. Paris, 1816. |
| E. P. VENTENAT | Tableau du règne végétal selon la méthode de Jussieu. Paris, an VII. |
| JAUME ST. HILAIRE | Exposition des familles naturelles et de la germination des plantes. Paris, 1805. |
| | Nouveau dictionnaire d'histoire naturelle appliquée aux arts. Paris, 1818. |
-

De Methodo naturali Plantarum quatenus philosophiae naturalis principiis incumbit.

UT dissertationem exponendo principia Methodi naturalis Plantarum incipiam id me præsertim impellit quod mihi persuastum est, si quis hanc methodum principiis quibus sussulta est, non modo a philosophiae naturalis legibus non recedere, verum etiam iisdem legibus prorsus consentaneam esse probaverit; fore ut præcipuum ejus commodum, confirmaverit, quo nempè sistema quodlibet artificiale superat, Botanicæ veram scientiæ dignitatem conciliat et virorum sagacissimorum meditationibus amplissimam materiam suppeditat. Quò vero basi solidiori insistam, rem paulo altius, repetam, et priusquam vegetabilia separatim considerem non abs re fore duco quem in rerum naturâ locum occupent præviè determinare. Hinc enim deduei quoque poterunt principia quibus statuatur *An et quatenus vegetabilium ordinatio cæterorum naturæ corporum ordinationi similis esse debeat.*

Si quis vel minimè corpora in rerum naturâ passim obvia per-scrutatus fuerit, nullâ operâ deprehendet horum corporum altera tali compagine insignia esse ut quælibet eorum pars munere quodam peculiari fungatur et ex omnium partium intimâ combina-tione corporis totius existentia pendeat: altera vero ejusmodi esse ut in iis neque partes inter se distinctæ sint neque aliæ aliud munus obceant. In prioribus corporibus partes munere sibi addicto fungentes *organæ*, corpora vero ipsa corpora organica vocantur. Posteriora autem inorganicorum nomine veniunt.

Hæc divisio analytica est et naturalis simul: analytica quia de priori sectione affirmatur quod de altera negatur, naturalis quia corpora unam constituentia sibi invicem similiora quam reliquis omnibus. Sequitur et hanc divisionem corpora intermedia excludere.

Quæ quidem corporum prima divisio est: quippè inter has classes omnià revera diversa sunt iisque nonnisi proprietates materiæ generaliores quales extensio et impenetrabilitas ex æquo competunt. Corpora inorganica homogenea, organica vero heterogenea sunt. Ea juxtā-positione molecularum sibi similium formantur: in his quùm molecula quæque accedens, ope organorum ad corporis superficiem positorum, eo feratur ubi in ipsam corporis substantiam assimilatione convertitur, phænomenon quod in transferendâ moleculâ obtinet Intus-susceptio vocatum fuit.

In corporibus inorganicis juxta-positio causam habet attractio-nem molecularē; quæ verò attractio quùm explicando assimilationis phænomeno minimè sufficiat, alia quædam causa assimilationi adscripta fuit quam vim vitalem ut désignaretur, non verò explicaretur, vocaverunt.

Corpora inorganica (1) legibus attractionis parentia Physica et Chemia tamquam sua sibi vindicant; corpora autem inorganica non Physics modo et Chemiæ legibus verum etiam vi vitali quæ hæ leges temperantur, obediunt.

Materia primitiva e quibus corpora organica singuntur de vis vita-lis exit imperio quùm eorum corporum pars constitueus esse dèsiit. Undè concludatur necesse est ex organorum sitū conformatione, cōpage, etc., vitæ phenomenon eruendum iisque proindè organorum modificationibus studeant oportere qui naturam corporum organicorum investigant. Horum ergo corporum in classes distributio principiis superstrui debet ab iis longissimè diversis quæ ad corporum inorganicorum ordinationem valuerunt.

Vegetabilia crescunt et vivunt; animalia crescunt, vivunt et sen-

(1) Compositio chemica et forma primitiva soli sunt characteres quibus corporum inorganicorum consociationes specificæ determinari queant. Quùm verò huc usque nondum statuere licuit quæ ratione corporum eorundem compositio chemica cum corum proprietatibus scilicet fusibilitate, gravitate, phosphorescentiâ, magnetismo, electricitate conjuncta sit, omnino fieri non potest ut corporum inorganicorum ordinatio Methodo naturali incumbat.

tiunt. Reverā, licet regnum animale et regnum vegetabile multiplici inter se nexus connectantur, inter ea tamen differentiae satis conspicuae intercedunt ut separentur et iis qui studet, viam ineat pro utroque regno diversam. Has autem differentias ex eo oriuntur quod animalia nervis prædita *sentiunt*, vegetabilia vero nervis desituta *non sentiunt*, nemo negare potest. Etenim ubi animalia sentire concessum fuerit, ea voluptatem et dolorem percipientia, facto utriusque experimento illam expertent hunc verò quantum poterunt fugient. Motus igitur organis donata, sponte sese movebunt, alimentis nonnisi lectis vescentur ac diversissimis: e quā vescendi varietate fluit organorum perpetrando assimilationis negotio addictorum in animalibus necessitas. Vegetabilia contrā sensu privata nec idecirco dolorem fugientia nec voluptatem expertentia, nullo nisi non spontaneo, id est, causis externis excitato motu donantur. Quum verò iis prædam eligendi arripiendique facultas negata sit, substantiae per rerum naturam quam maximè obviæ inertes, moliores quales aqua, aër nec non quæ in hoc utroque fluido solutæ adsunt in iis pabuli vices gerant necesse est. Quapropter, nedum varietas, summa contrā simplicitas in vegetabilium nutritionis organis deprehenditur. Animalia motu prædita et sæpe ex alio in aliud locum migrantia secum ferre possint oportet pabulum nutritioni necessarium. Itaque cavitate interiori donata fuerunt in quā deponerent substantias sibi in nutrimentum addictas et in quā interstitia patent seu vasa absorbentia quæ rectè radices interiores vocata fuerunt.

In animalibus præcipua nutritionis sedes intus est posita: vasa circum hanc tamquam centrum suum serpunt et hanc ob causam suo munere necessariò, quandiu vivit animal, funguntur. Plantarum vero vasa absorbentia extra corpus vergentia nulloque limite coarctata crescere continuo possunt novisque semper excipi. Indè quod animalia centro nutritionis et vitae prædita sunt prono alveo sequitur ea rarissimè in plura individua posse discripsi, Plantæ verò centro nutritionis privatæ atque ita constitutæ ut nova indefinitè vasa producere queant, quin vitam amittant dividit et talearum ope propagari possunt.

Quām organa animalium essentialia propterea quod intūs sint posita, renovari non possint, omnia, quamdiu animal vivit permaneant necesse est. Plantarum contrā organa, nullo plantis inde damno exoriētē, renovantur: folia respirationi addicta marcescent novisque foliis excipiuntur. Organā genitalia plantarum semel munus obeunt, munere functa intereunt, et quoties reproductio perpetratur, nova reproductionis organa evolvuntur.

Denique in regno animali ubi mas fæminam adire potest, hermaphroditi rari sunt, dūm iu regno plantarum ubi individuum fæmineum ab individuo masculo adiri nequit, hermaphroditi multò frequentiores occurruunt. Diclinia vegetabilium autem minor est evolutionis illorum gradus. Ita miuimæ quoque animalia inter et vegetabilia intercedentes differentiæ ex absentia vel præsentia sensū et locomotionis sponte sequuntur.

Ex iis quæ præcedunt concludi summo jure potest:

Zoologiæ et Botanices, quamvis hæ quidem scientiæ vinculis pluribus conuectantur, principiæ non promiscuè usurpanda esse;

Quām animalium organa maximè necessaria intūs sint posita, anatomen in Zoologiâ maximi esse momenti, dūm in vegetabilibus minoris est quia eadem organa in superficie corporis collocata sunt;

Zoologiæ non temerè ad Botanicen, nec Botanices ad Zoologiam, principia transferri posse.

Limite inter regnum vegetabile et cætera naturæ corpora posito, si quis nunc vegetabilia generatim consideravit, primo statim conspectu quasdam animadvertet plantarum consociationes totâ structurâ consimilium; quarum individua speciem cognationis præ se ferunt (1). Hujusmodi sunt Umbellatæ, Cruciferæ, Gramineæ, Labiatæ, Personatæ, etc. Si deinceps ulterius processerit, in istis plantarum congregationibus solo aspectu deprehensis, habitūs, vegetationis imò virium plerumque similitudinem inveniet:

(1) » Naturales dari classes itâ creatas, putet ex plurimis: Umbellatis, Verticillatis, Siliquosis, Leguminosis, Compositis, Graminibus, etc. » §. 160. Phil. Bót.

Habitus: In plantis syngenesitis seu compositis nulla arbor, rara fructex, frequens herba. In labiatis item: in unisellatis ne fructex quidem.

Vegetationis: Labiatarum folia opposita, stepissimè simplicia. Leguminosarum pinnata, Umbellatarum alterna, etc. Eadem plerumque similitudo in inflorescentia, nutritione, etc. observanda.

Virium:

- » Plantæ quæ genere convenient etiam virtute con-
- » veniunt; quæ ordine naturali continentur, etiam
- » virtute proprius accedunt; quæque classe natu-
- » rali congruunt, etiam viribus quodammodo con-
- » gruunt. » § 537. Phil. Bot. et quæ sequuntur.

Quid igitur viro naturæ studiose dignius quam, ipsâ annuente naturâ, harum familiarum limites stabilire, unius in alteram familiam transitum, puneta quibus familiæ sese contingunt, quibus a se invicem recedunt assignare et sic efficere quam vocant *Methodum naturalem plantarum?* (1)

Fatendum vero est multo quidem facilius esse naturales has consociationes agnoscere quam characteres sigillatim assignare quibus individuum quodlibet ad tales potius quam ad cæteras omnes familias pertineat. Plantis enim ejusdem familiæ

Facies non omnibus una est
» Nec diversa tamen: qualem decet esse sororum. »

(1) Si ad varias vias quas hue usque de methodo naturali scriptores inierit respexerimus, hanc methodum vel empiricam esse, vel organorum universorum comparationi, vel characterum valori gradatim ascendi totiusque plantarum organismi symmetriæ superstrui videbimus. Empirica est apud Linnæum et proinde scientia vocari non potest. Apud Andansonum organorum omnium comparationi innititur. Hæc verò Andansonii opinio erronea est: sic enim supponitur quum omnia plantarum organa, tum organorum functiones cognosci: quod longissimè a veritate recedit. Cæterum si omnium plantarum organa organorumque functiones perspectas haberemus, tunc quoque methodus Andansoniana eo erronea esset quod cumdem omnibus characteribus valorem attribueret. Tertiam viam methodum naturalem instituendi Jussieus ingressus est cuius in hac mea pertractione principia sequi conatus sum.

Huic rei tantum difficultatis inest ut immortalis ipse Linnæus desperaverit, ut liquet ex memorando inter eum et Gisekiū colloquia, fore ut plantæ naturales unquam in ordines distribuerentur. At Gisekius illustri viro respondere debuisset si propter non adeo constantes quosdam characteres ordines naturales admitti non possent, genera tum etiam corruere debere quorum characteres non essent essentials (1). Dixit et ipse Linnæus :

- » Methodus naturalis primus et ultimus finis Botanices est et erit.
- » Summorum Botanicorum hodiernus labor in his (ordinibus naturalibus) sudat et desudare decet.
- » Methodi naturalis fragmenta studiosè inquirenda sunt. Primum et ultimum hoc in Botanicis desideratum est. (Phil. Bot.)
- » Primum et ultimum in parte systematicā Botanices quæsitum est methodus naturalis; hæc adeo a Botanicis minus doctis vili habita, a sapientoribus semper tanti æstimata, adhuc licet de tecta nondum.

Et plura hujusmodi quæ longissimè ab iis recedunt quæ in suo cum Gisekio colloquio efflatus est, ubi conatus irridet Fagrœi cuiusdam qui ordinum naturalium a se constitutorum clavem inventire volnerat. Nec ipse quidem eorum ordinum characteres assignare tentavit. Quid inde concludendum? Linnæum summam Botanices perfectionem in methodo naturali posuisse, eam vero ædificari non posse existimavisse. Cui tamen Linnæanæ opinioni minus fidei erit, si annotatum fuerit Linnæum characteres familiarum essentiales stabilire non potuisse quum minimi faceret fructum, adeò ut dixerit : *flos certior fructu*, cumque laterent ea quæ de albumine et corculi situ sequentibus temporibus detecta fuerunt, eumque longè absuisse ut characteres gradatim valore crescentes admitteret quum in his indagationibus organorum situm planè negligeret. Cæterum, quum meo quidem judicio optimè commendetur methodus naturalis ubi exponitur incepta persequar.

(1) » Der herausgeber aber hat vergessen dem geistvollen manne zu antworten dass auf solche weise alle geschlechter die nicht ein wesentliches merkmal haben wegfallen müssen. » (Cassel, lehrbuch der natürlichen pflanzen-ordnung.)

In vegetabilibus duplex functionum classis animadvertisit, eorum scilicet quibus natura ad conservationem individui seu nutritionem, et earum quibus ad conservationem speciei tendit seu reproductionem. Utrique functionum seriei proprius organorum apparatus a natura dicatus suit: utra vero potiores in vita phænomeno partes gerat neinō asservare possit. Quin imo si vel minimè meditatus fuerit naturae scrutator, fateri cogetur nutritionis æquæ ac reproductionis functiones ad naturæ scopum conserre, animadvertisens ex priorum damno seu interruptione, posteriorum quoque damnum seu interruptionem sponte oriri. Quia ex functionum intimâ combinatione et æqua in vitam vegetabilium efficientia sponte derivatur principium: *ordinationem vegetabilium juxta alteram functionum seriem, natura duce, effectam, naturæ æquæ consentaneam fore atque ordinationem juxta alteram functionum seriem institutam.* Hinc postea repeti poterit criterium utrum familia quævis plantarum ad naturæ nutum formata sit necne. Quod criterium eo facilius erit adhibitu quo nutritionis organa accuratius fuerint investigata. Hoc principium optimè quoque respondet in methodum naturalem objectiones adstruentibus ex eo quod hujus methodi antores divisionum et subdivisionum characteres primarios a fructificationis organis, neglecto plerumque nutritionis apparatu repeierint. Cæterum adversus hujusmodi objectiones non parum auxiliū accedit ex eo:

1º Quod vegetabilia terræ adfixa nullo delectu nutritionis negotiū perpetrantia, iisdem proinde materiis vescentia mediocrem in nutritionis organis differentiam necessario præbent. Unde necessitas ad alia organa recurrendi.

2º Quod fructificationis organorum consideratio prævaluit tempore quo nutritionis organa vix cognita erant; et licet hodiè accuratius investigata fuerint, ea quæ de hac re ad hoc usque tempus in lucem prodierunt vegetabilem in classes distributioni ritè instituendæ non sufficiunt.

Nunc quomodo Botanici ad diversum characterum valorem pervenire potuerint, breviter exponere conabor. Consideratis atque

attente examinatis plantæ cujusdam notis propriis, cum ea facilimè jungantur plantæ notis similibus præditæ. Exemplo sit Rosa canina: ea typus est speciei Rosarum caninarum quæ fuerunt, quæ sunt et postea erunt. Eadem lege quæ individua similia junguntur speciem formantia species quoque majori structuræ parte similes, signis tantum aliquot differentes junguntur, junctæque genus constituant. Systemata nostra parum curans natura nullo saepius limite genera nostra separat speciesque nexus quodam continuo, transitu plerumque invisibili connectit. Eas vero in genera, ordines, etc. studium sublevandi causâ dividere cogimur.

Aliquando tamen vestigia sua detegit natura: sunt genera quædam ut omnino naturalia habita: hujusmodi sunt Rosæ, Valerianæ, Ranunculi, Gerania, Irides, Lilia, Veronicæ, etc. Rosæ characteres generici sunt folia alterna stipulata; calyx urceolatus quinquefidus, petala quinque; petala et stamina limbo calycis inserta, ovaria calyci inclusa, baccam formantia, corculum rectum, perispermum nullum. Omnes hujus generis species iisdem characteribus insignes sunt; calyce vero ovali vel rotundo, nudo vel spinoso, calycis divisionibus partim apendiculis instructis partim nudis, omnibus interdum nudis, petalorum formâ et coloribus, caule spinoso vel nudo, foliis raro simplicibus, solito pinnatis, pluribus vel paucioribus foliolis differunt.

Valerianarum differentiae specificæ petuntur ex calyce integro vel dentato, corollâ ad basin calcaratâ vel gibbosâ, limbo regulari vel irregulari, numero staminum et stigmatum, fructu nunc papposo et monospermo, nunc apice dentato, loculis 2-vel 3-spermis. Sive unum genus constituant sive in plura discerpantur in serie naturali separari non poterunt quum iis nempè sit character generalis calycis supéri, corollæ epigynæ monopetalæ tubulosæ limbi quinquefidi, staminum epipetalorum, ovarii inferi, capsulae plerumque monospermæ, corculi recti perispermio nullo, florum corymbosorum, foliorumque oppositorum.

Ex allatis modo exemplis concludatur necesse est:

1º Eosdem characteres non semper esse genericos, alios vero esse

constantiores ut situm (1) partium respectivum; alios modo constantes, modo mutabiles ut partium formam et numerum.

Pr. 2º Characteres complures ex fructificatione, et quosdam aliundè petitos constituendjs generibus inservire posse.

3º Characteres esse quosdam mutabiles a fructificatione alienos, quosdam verò fructificationi proprios.

4º Tandem quùm sint characteres mutabiles, alii modò stabiles, modò mutabiles, alii denique constantiores, eos pro stabilitatis gradu in censem venire debere, ponderandos esse, non numerandos. Undè character constans æqualis habendus est mutabilibus pluribus, iisque etiam potior.

Quod principium ei subnecti debet quo statuitur plantam quamlibet cum iis plantis esse consociandam ad quas characterum similium numero maximè accedit. Hanc legem ferendo optimè de Botanice meritus est, methodoque naturali basin firmissimam substravit Jussieus.

Nunc quomodo methodi auctores leges has secuti divisiones plantarum instituerint videamus.

Organum cuius forma neque in generibus neque in ordinibus maximè naturalibus observatur stabiendis nullomodò divisionibus primariis inservire potest. Secundum hoc principium radix, caulis, folia in plantis licet manifestam præ se cognationis speciem ferentibus sèpissimè dissimilia characterem nullum primarium suppeditabunt. Repetentur ergo hi characteres ex partibus fructificationis. Quùm vero calyx et corolla partes sint secundariae plantis compluribus deficientes, ex iis nullus character primariae divisionis desumetur.

(1) (Character ex insertione seu situ petitus eo certior est quòd monstrat situs multò rariora sunt quam monstra per defectum et per excessum, teste Blumenbachio.) »Situs partium constantissimus est. Situs partium rarissimè in congeneribus mutatur. Jam dixerat Linneus. Ph. Bot. § 179.

» Sciant nullam partem universalem magis valere quam illam a situ (class. plant.) »

Stamina et pistillum verum florem efficientia organa sunt essentia, quum formando semini communem operam navent; numeri vero expleto marcescunt; germe autem seu corculum cuius ergo fructificationis organa evoluta fuerunt crescentes maturescit novae plantae rudimentum continens.

Corculum vel solum existit, nulla comitante cotyledone in plantis acotyledonibus, vel annexitur cotyledonibus alternis in plantis quas monocotyledones, vel annexitur cotyledonibus verticillatis vel oppositis in iis quas dicotyledones usu vocare praevaluit (1).

Hinc prima divisio plantarum in *acotyledones* et *cotyledonibus* instructas et harum rursus in *monocotyledones* et *dicotyledones*. Filices a Botanicis in primis Brown et Decandolle inter monocotyledones collocatae fuerunt. Alii vero praesertim Cassel eas cum Jussievo in acotyledonibus relinquunt, quia, ut Brown ipse fatur, squamula filicum primordialis cum vera cotyledone iniuus apte comparata fuit.

Filices cum monocotyledonibus locayi magis propter vegetationem subsimilem quam structuram seminis vel vegetationis modum convenientem: squamula enim illarum primordialis cum vera cotyledone minus apte comparata e germinatione omnino oriri videtur pariter ac muscorum primordia » Brown.

A proposito meo me non recessurum putavi si specimen præberem ratiociniorum à methodi naturalis auctoribus institutorum divisionem fundamentalē stabilientibus. Ut supradictum fuit,

(1) Inter plumulam et cotyledones nulla connexio immediata. Hinc plumula tum modo evolvi incipit quum radicula aliquid incrementi cepit. Ad hoc usque tempus cotyledones necessariæ sunt: quæ si demantur, plantula perit: immo plantula sine incommmodo tunc quoque a cotyledonibus separari nequit quum radicula planè evoluta, plumula gaudet diametro duarum partium millesimarum metri. Cotyledones tūm demum inutiles sunt et sponte decidunt quum plumula foliis ornata est. Hinc judicari licet quantum ad germinationis negotium conferant.

extra omnem dubitationem positum erit divisionem esse legitimam si eadem remanserit sive nutritionis sive reproductionis functionibus innixa. Vegetabilium universorum divisio proposita sit. Incipiendo a nutritionis organis, ex iis, quae maximi sunt momenti seligantur, nempe *vasa*: considerentur respectu praesentiæ vel absentiæ. Inde orietur vegetabilium in *vascularia* et *cellularia* divisio. Vasorum existentiam semper comitatur 1º Interstitiorum corticalium existentia; 2º Distinctio manifesta radicum et caulinum, ideoque colli existentia. Absentiam vero vasorum comites sequuntur. 1º Interstitiorum corticalium absentia. 2º Accurata radicum et caulinum distinctio impossibilis. Adeatur nunc fructificatio; quodnam maximi momenti organum? Corculum. Quum vero non probatum fuerit ulla esse vegetabilia corculo destituta, corculum in omnibus vegetabilibus adesse supponitur. Quænam differentiam dantes corculi partes? Num plumula? Num radicula? Minime: ex ipsa enim hypothesi in omnibus vegetabilibus adsunt. Ergo cotyledones evolvendo corculo addictæ. Harum quidem praesentiæ et absentiæ incumbit vegetabilium in cotyledonata et acotyledonata divisio. Atqui vegetabilia vascularia eadem sunt ac cotyledonata, cellularia eadem atque acotyledonata. Ergo divisio apprimè est naturalis. Fiat nunc plantarum vascularium seu cotyledonatarum divisio. Primum veniat in censum nutritio. Quænam præcipua nutritionis organa? Vasa. Vasorum absentia et praesentia supra jam adhibitæ nulli amplius divisioni locum facient sed situs considerabitur qui certissimus post existentiam character. His ita positis, observantur in vegetabilibus vascularibus quibusdam vasa centro cellulari circumserpentia, atque ita disposita ut prius evoluta in centro, recentiora vero in circumferentia posita sint et planta ab interiori in exteriorem partem durescat. Vegetabilia illa *exogenia* nomine ex ratione crescentiæ desumpto, vocari poterunt. Porro in cæteris vegetabilibus vascularibus vasa quasi per totum caulem sparsa sunt atque ita disposita, ut prius evoluta seu duriora partem exteriorem efficiant, incrementum vero caulis præcipuum in centro fiat. Hæc itaque vegetabilia, nomine ex

erēscentiæ quoque ratione derivato, *endogenia* nuncupabuntur. Hanc differentiam præcipuam reliquæ conformatio sequitur. Vegetabilibus enim exogenibus canalis et radii medullares sunt, endogenibus vero nulli. Prioribus forma sæpius conica, posterioribus cylindrica. Foliorum nervi in exogenibus ramosi, in endogenibus simplices. Folia ipsa in prioribus raro, in posterioribus frequenter vaginantia sunt. Exogenium radices in ipso semine evolutæ sunt, dum endogenium fibræ radicales exoriuntur discum peculiaris generis perforando. Hanc ab causam Richard priora *exorrhiza*, posteriora vero *endorhiza* vocavit. Examinctur jam fructificatio: quodnam fructificationis organum præcipuum characterem suppeditat? Cotyledones. Harum situs, non vero numerus in censum veniat. Vegetabilia vascularia sic considerata in duas classes abibunt: in vegetabilia nempè quorum cotyledones oppositæ sunt vel verticillatæ, et quæ, quandoquidem consuetudo invaluit dicotyledonata, et in vegetabilia quorum cotyledones sunt alternæ et quæ etiam, pro more, monocotyledonata vocabuntur. Atqui vegetabilia exogenia prorsus eadem sunt ac dicotyledonata, endogenia eadem ac monocotyledonata. Ergo hæc quoque divisio apprimè naturalis est. Organa vegetationis nondum satis cognita sunt ut Botanicus sic certo pede ad ultimas plantarum divisiones descendere queat.

Cæteræ seminis partes vel non satis cognitæ sunt, vel characteres nimis mutabiles suppeditant ut indè novæ divisiones desumantur. Quod quidem exemplo seminis Valerianarum supra allato comprobatur. Ad corculum proximè accedunt stamina et pistillum. Methodi naturalis auctor eorum non nisi situm mutuum respicit, observans hunc characterem licet a Botanicorum maximâ parte neglectum, solum tamen esse verè constantem e staminibus et pistillo desumendum. Stamina ipsi pistillo inserta sunt, vel sub pistillo, vel calyci pistillum cingenti: hinc tres divisiones diversissimæ flores epigynos, hypogynos et perigynos continentes. Sic septem classes prodeunt quarum unam constituunt plantæ acoty-

ledones, sex reliqnas monocotyledones et dicotyledones juxta insertionem divisæ (1).

Quām verò plantæ dicotyledones numerosiores sint ut eas uno conceptu complecti queamus, novæ divisionis egent quam quidem Jussievus instituit consideratione sequenti fultus.

Stamina in tribus præcipuis floris punctis sive immediatè sive mediante corollâ inseruntur. Unde trium insertionum in *mediatas* et *immediatas* divisio. Observatione constat ferè quoties stamna corollæ inseruntur, corollam esse monopetalam (2) omnibusque ferè corollis polypetalis stamna esse a petalis separata, licet eidem puncto inserta. Corollam ergo monopetalam insertio mediata, corollam verò polypetalam insertio immediata comitatur.

Corollæ monopetalæ hypogynæ maximè omnium sunt deciduae et cæteris facilius avelluntur. Possunt itaque tanquam maximè evolutæ haberi.

Porrò insertio immediata est vel in floribus corollâ destitutis, vel in floribus corollâ instructis; indè duplex insertio immediata, scilicet necessario seu absolutè immediata, et simpliciter immediata: hæc corollam polypetalam supponit cui stamna plerumque non adhærent, interdum tamen insistere possunt.

Ex iis quæ præcedunt oritur plantarum dicotyledonum in novem classes divisio, tres insertione necessario immediata, tres insertione mediata, tres denique reliquas insertiones simpliciter immediata determinatas:

Inter flores monopetalos quorum corolla est epigyna seu pistillo insistit, aliis sunt antheræ distinctæ, aliis antheræ in tubum coabitæ. Hoc posteriori charactere magna florum compositorum classis a cæteris omnibus epigynis floribus separantur ita ut ad novem classes præcedentes decima classis accedat.

(1) Hypogynia, quæ nihil est nisi staminum à calice et pistillo separatio quæque idcirco *eleutherandria* vocari posset, *eleutherogyniam* post se trahit.

(2) Onines corollæ monopetalæ staminiferæ sunt, exceptis campanulaceis et ericaceis; sed harum familiarum corollæ marcescunt et idcirco veram hujus organi naturam ut et cucurbitaceæ minus participant.

Postremò flores diclines, id est, in quibus partes masculæ et fæmineæ ab ipsâ naturâ separatæ sunt, nullo abortu evanidæ, ultimam scilicet undecimam dicotyledonum classem efformant. Totum ergo regnum vegetabile ratione naturæ maximè consentanea, quindecim in classes a Jussievo dispescitur.

Quum flores diclines omnes apetalí sint eorumque stamina calyci inserta proximè ad flores apetalos perigynos monoclines seu sextam Jussievi classem accedunt et ab illis non nisi per dicliniam frequentiorem differunt. Hanc ob causam Cassel et Decandolle in operibus citatis summo jure ex apetalis monoclinibus et apetalis diclinibus, quia utrisque calyces sunt staminiferi classem unicam conflaverunt. Itaque classes tantum XIV regnum vegetabile includit. Hac vero classium conjunctione admissa, vitiosa fit florum *perigynorum* denominatio: neque enim stamina in flore pistillum non includente perigyna esse possunt. Huic igitur florum perigynorum denominationi nomen *florum calyco-stemonum* substitui posset a Gleditschio proposita quemadmodum flores epigyni et hypogyni juxta eumdem Gleditschium stylostemones et thalamostemones vocari possunt. Hasce denominations Cassel in suo opere vocabulis germanicis feliciter expressit *kelchstaendige*, *stempelstaendige*, *bodenstaendige*. Ex præcedenti expositione satis, meo quidem judicio, patet naturæ vestigiis assiduè instituisse methodi naturalis auctores, si quædam excipientur familiæ plantarum limite non adeò certo circumscripæ, si quidem ex auctorum arbitrio pendere videntur. Hoc etenim innuere apparent variæ Botanicorum de numero familiarum opiniones. Apud Linnæum et Adansonium reperiuntur familiæ quinquaginta octo, apud Jussievum centum, apud Batsch centum viginti quinque, Cassel autem familias nonaginta octo, Decandolle in theoriâ Botanicâ centum quadraginta quinque, in alio verò opere centum quinquaginta constituit. Indè tamen in methodum naturalem objectiones repetere an cuiquam in mentem venire possit nescio quippè quod incommodum ex cognitionum defectu, minime verò principiis a methodi auctoribus sancitis.

pendet. Cæterum numerus familiarum major ab unius familie in plures divisione minor autem à plurium familiarum in unam conjunctione pendet. Unde naturalis affinitas minimè laeditur. Diversæ de familiis eodem quo diversæ de generibus opinione recidunt. Nedum Jussievi vel ipsius sectatorum conatus contemnat ingenium nullâ opinionum vanitate obcæcatum multo libentius mirabitur ordinem pulcherrimum in re quæ ipsi Linnæo tam ardua, tam inextricabilis videbatur a summi ingenii viris institutum viamque præstantissimis naturæ investigationibus patefacentem. Ex peculiari felicitate quæ paucorum annorum intervallo in ordinandâ et scrutandâ re herbaria processerunt, non immerito sperandum est olim, quum scilicet in regnum vegetabile altius penetratum fuerit, et tot tantæque regiones quales Nova-Hollandia et complures Asiæ et Africæ tractus accuratius perlustrati fuerint, familiarum limites ex omnium Botanicorum consensu eosdem certioresque positumiri. Vero enim non absimile videtur naturam in regno vegetabili æquè ac in regno animali certum et ratum typorum primitivorum numerum creasse, atque ita numerum familiarum intra limites definitos contineri.

De Methodo naturali cum systematibus artificialibus comparatâ.

Priusquam ad ipsum Linnæanum systema transeam, quædam de systematibus artificialibus generatim spectatis præmittenda puto, nec non in eorum mentem qui pro ejusmodi systematibus Linnaeum stetisse credunt, ipsius Linnæi hæc de re sententiam revocandam esse.

» Ordines naturales valent de naturâ plantarum

» Artificiales in diagnosis plantarum. » (*Gen. plant. in præf.*)

An verò quisquam nōmen corporis cuiusdam quām ipsam corporis naturam cognoscere satius ducat, equidēm dubito. At ordines artificiales in diagnosi plantarum valere fatentur vel acerimī methodi naturalis fautores. Systemā quodlibet artificiale methodo naturali facilitatis respectu semper præstabit. Auctor enim systematis ex omnibus plantarum notis suorum ordinūm characteres pro arbitrio eligens exiguum sanè ingenii sui specimen præberet, nisi plantarūm notas primo intuitu conspicuas assumeret.

Præter facilitatem sistema artificiale eo imprimis cōmmodo insigne est quod; quūm genera consimilia propter differentiam quādam artificiale in variis systematis classib⁹ et ordinib⁹ passim collocata sint, facilius sit ope systematis genera inter se distinguere. Luculentum hujus rei exemplum præbet caryophyllearum familia. Ortegia enim et Loesslingia in triandriā monogyniā, Holosteum, Polycarpon, Donatia, Mollugo, Minuartia, Queria in triandriā trigyniā, Buffonia in tetrandriā digyniā, Sagina in tetrandriā tetragyniā, Alsine et Pharnaceum in pentandriā trigyniā; Hagæa in pentandriā monogyniā, Moehringia in octandriā digyniā, Elatine in octandriā tetragyniā, Bergia, Spergula, Cerastium, Lychnis, Agrostemma in decandriā pentagyniā, etc. militant. Qui Linnæano igitur systemate ad plantas determinandas utitur, omnium horum generum affinium vix unum pro alio sumet, dum Jussievi sectator majorem iis distinguendis operam impendet, omnes caryophylleas fere cōsimiles inveniens. Cæterū quum methodus naturalis intimam organorum omnium plantarum cognitionem requirat, omnino liquet artificiale sistema maximē Botanices tyronibus tali cognitione destitutis necessarium esse (1). Sed si ex alterā parte systematis facilitas commoda pariat, ex alterā quoque Botanicæ damnosa fieri potest. Botanici enim sic vocati qui facilitatis causā rei herbariæ studium sub auctoris systematici auspiciis aggressi sunt, eorum dumtaxat organorum qui-

(1) » Habitū quūm omnes singulasque complectatur notas fusiorēm exigit descriptionem: undē tironum institutioni non idoneus. » Phil. Bot. § 163.

bus systema superstruitur exclusoriæ considerationi assueti, tandem eo cæcitatîs interdum deveniunt ut cætera plantarum organa primùm negligant, ac deinceps nihil omnino faciant. In exemplum asserri possunt qui Linnæi sectatores vocati, tum acriter Linnæi sententias impugnant, quippe qui dixit:

» Artificiales classes succedaneæ sunt naturalium usque dum naturales omnes sint detectæ: quas plura genera nondum detecta revelabunt. » (Phil. Bot. § 160.)

» Naturalis character ab omni Botanico teneatur oportet.

» Si omnium generum characteres essentiales detecti essent, facillima evaderet plantarum cognitio, et multi suo damno characteres naturales floccipenderent; at sciant, nullum, sine notitia characteristicâ naturali, evasurum solidum botanicum. »

(Phil. Bot. § 191.)

Quæ quidem omnia de generibus a Linnæo dicta, etiam de familiis quæ nihil sunt nisi genera extensiōra, enuntiari possunt.

» Quod valet de charactere generico, valet etiam de classico, licet in hoc latius sumantur omnia.

» Generum genus est ordo, ordinum autem genus classis est.

» Valent itaque hic canones dati a § 164 ad 202. (Id est quidquid Linnæus de generibus præcepit.) Phil. Bot. § 204. »

Quæ præcedunt de systematibus generatim consideratis dixisse satis habui quia, quæ sequuntur de systemate imprimis Linnæano dicta, ad aliud quodcumque systema extendi possunt.

Primùm systemati Linnaeano, ut omni systemati artificiali, minimè vero ipsi Linnæo, quippe qui primus, ut ante dictum est, inter systemata arte factâ et methodum naturalem discrimen posuit objiciendum est plantas complures diversissimas in eadem classe, alias vero sibi invicem quam cæteris omnibus plantis similiores alias alium ordinem, aliam classem ingressas esse. Pentandria plantas quovis respectu plerumque remotissimas includit. Caryophylleæ ut aliæ familiarum complurium plantæ in ordines et classes systematis sexualis diversissimas abierunt. Hujusmodi autem separationes adeo naturæ repugnant ut Linnæus

sæpè sibi non constare quam genera consimilia separare maluerit: exemplo est *Stuartia* quæ licet charactere floris polyandri insignis tamen a suecico Botanico in *Monadelphiā* *polyandriā* propter suam cum *Tiliaceis*, cognationem collocata fuit. Quantum autem à plantarum consimiliū separatione, et proindè à systemate sexuali immortalis abhorruerit *Hallerus* nemini non notum est (1).

Multa genera exstant in quorum speciebus nonnullis numerus staminum multum discrepat à numero quem innuit classis quam ingressa sunt. Ejusmodi sunt *Valeriana*, *Blitum*, *Corispernum*, *Melastoma*, etc. Quod ubi locum obtinet *Linnæus* vel speciem frequentius obviam, vel maximum specierum numerum adit totius generis characterem classicum assignaturus.

Quod vero incommodum quamvis sustulerint *Linnæi* commentatores ad calcem classis enjusque species enumerando quæ licet alibi reperiendæ, ejus tamen classis esse propter suum characterem debuissent, nihilominus haud immerito objectari potest.

Incommodum multo gravius oritur si staminum numerus in ejusdem non modo generis speciebus, verum etiam in ejusdem speciei individuis mutabilis est. Neque raro accidit ut ejusdem quoque individui flores pro vario fructificationis tempore vario staminum numero instructi sint. Tunc *Linnæus* à numero staminum floris primo evoluti characterem desumit. Sic *Ruta* inter flores decandros reperitur in quā primus flos decēm, cæteri omnes octo tantum stamina ferunt. In *Polygono* quoque staminum numerus admodum varius quippè qui a quinario ad novenarium

(1) » Linnæanam potuisse sequi methodum, mihique multi laboris facere compendium, numquam tamen potui a me obtainere ut gramina divellerem, ut ex sexū ratione simillimas plantas separarem; aliasve classes naturales lacrarem. Quæsivi, ut quā plurimos ordines naturales in opus meum referrem, et puto esse non paucos. In eo hactenus perfectionem methodi pono ut similes plantæ cum similibus ponantur, dissimiles separantur..... quare priora mea cogitata in eo tueor, ut ab unicam aliquam notam plantas cætera similes non divellam. » (*Historia stirpium Helv. ind. et præf.*)

divagatur. Staminum non modo, sed etiam pistillorum numerus sæpiissimè varius est. *Dianthus Caryophyllus* licet tria quandoque pistilla ferens digyniam, *linum trigynum* pentagyniam ingressum est. *Cynanchum ovario duplice*, uno vero stylo instructum inter flores pentandros digynos locum tenet, dum *Æchites* et *Tabernæmontiana* simili modo constructa pentandriæ monogyniæ evasere. Ordines enim quamquam plerumque numero stylorum determinati, interdum quoque e stigmatum numero deducuntur. Præterea pentandriæ genera adeo sunt numerosa ut unum inter cætera agnoscere sæpè difficillimum sit.

Dodecandriæ genera plurimis exceptionibus obnoxia : *Sempervivi* staminum et pistillorum numerus pro pétalorum numero varius. Genera quædam monadelpha in diadelphiâ locari nemo nescit eorum qui plantarum studio incubuerunt. Plantæ dioicæ et monoicæ complures neque in dioeciâ néque in monœciâ reperiuntur. Fere omnino fieri non posse ut quis polygamiæ genera determinet, nemo negabit.

His præmissis, præstantia methodi naturalis philosophica clarius elucescat, præsertim si quis memor fuerit systema sexuale cæteris omnibus systematibus præfusisse et nostro quoque tempore præfulgere.

Nusquam in methodo naturali ut in ordinibus artificialibus reperiuntur plantæ totâ structurâ simillimæ diversis in classibus ordinatæ neque aliae diversissimæ classem eamdem cundemque ordinem ingressæ. Plantæ ignotæ Botanices studiosus speciem quædam à verâ formâ non ita remotam sibi in animo effingere potest e solo nomine familiæ in quâ planta hæc locum occupat. Quod quidem commodum inter majora referendum esse manifestum est.

Si plantam incognitam determinare cuiquam propositum sit, eunique scopum ut attingat systemate quolibet utatur, nihil ei sistema proderit si characteres artificiales e quibus classis, ordo, etc. eruenda sunt nondum adfuerint vel jam evanuerint. Methodum vero naturalem sequutus, tum etiam quum characteres maximè essentiales aberunt, plantam ope characterum secundariorum sæ-

pissimè determinare poterit. Sic confutatur objectio eorum qui methodo naturali vitio vertunt plantas riferè observari non posse tempore quo cotyledones exseruntur. Quot enim notæ absentiam vel præsentiam, positionem oppositam vel alternam cotyledonum comitantur! (1). Hæc habitus tanta vis est ut Linnæus dixerit :

» Habitus occulte consulendus est ne genus erroneum levi de causâ singatur.

» Experientia rerum magistra primo iutuitu ex facie extérnâ plantarum familias sæpius divinat.

» Characteres habituales sufficientes quanvis non sint, tamen primo intuitu plantam sæpius manifestant.

Addit mox philosophiæ Botanicæ editor Sprengel : » *eximiē* in his characteribus habitualibus desudavit *summus Jussievus* § 168. »

In methodo naturali generūm descriptio multò brevior est quam in systemate quovis artificiali, quia characteres omnibus ejusdem familiæ generibus communes in familiæ descriptione recensentur, familiarum ejusdem classis characteres communes in descriptione classis et sic pôrrò. Generum descriptio in methodo naturali multo quoque accuratior est, omnes characteres communes complectens quum ex fructificatione tum ex vegetatione desumptos et, vel in ipsâ generis vel in divisionum majorum descriptione enunciatis. In systemate vero generum descriptio quamvis sat fusa sit, plerumque manca est. In multis enim generibus a Linnæo descriptis nec de staminum insertione nec de structurâ seminis interiori, nec de quovis organo a fructificatione alieno sermo fit.

Non omittendum est eum qui sibi generum naturalium cognitionem omnibus numeris absolutam comparavit, omnium quæ sunt et fieri possunt systematum clavem possidere. Nam » Naturalis character tradit omnes notas characteristicas possibles, adeoque omnibus methodis inservit, quamvis innumeræ indies detegentur. » Phil. Bot. § 190.

(1) Idem in Zoologiâ obtinet : » Habitus uti in quadrupedibus distinguit feras a pecoribus quamvis dentes non inspiciantur; sic etiam in plantis sæpè harum ordines naturales primo intuitu manifestat. » Phil. Bot. § 163.

Vulgo tanquam vitium methodi naturalis manifestum carpitur plautas nondum satis multas innotuisse ut methodo fastigium imponatur et fieri posse in posterum ut plantae detegantur quae in methodi classes non quadrantes, novas classes institui exigant. Quum vero divisio plantarum naturalis basi physiologicæ ineumbat rationi scilicet quæ reproductio ad nutritionem, organa mascula ad organa fæminea sese habent, omnesque essentiales eorum organorum existentiae modi e situ eorum pendeant; situs vero omnes nobis cogniti sint quia e distinctione petuntur adhaerentiæ vel separationis partium sibi invicem naturâ oppositarum et tandem omnes formæ diversitates distinctionem hanc sequantur, patet omnes typos regni vegetabilis generales cognosci, et plantam quamlibet detectam ad unum horum typorum necessariò quadrare. Quin generum quæ nunc quoque incertæ sedis vocantur quodvis unam e classibus methodi naturalis quatuordecim pro sua agnoscit, et considerandum est tanquam typus familiæ incognitæ quæ progrediente Botanice innotescet. Hinc ergo nedum vitium, potius methodi naturalis præstantia quædam emergit quanvis enim quidam stupuerint plantas omnes, ex quo systema sexuale vulgaratum fuit, detectas in hujus systematis divisiones apprimè quadrare; hoc tamen non adeò mirum esse liquet, quum systematis auctor divisionum notas characteristicas ex arbitrio delegerit methodum adhibens analyticam, atque hæc stupenda quam dicunt plantarum cum systemate convenientia nonnisi innumeris intercedentibus exceptionibus locum habeat. Quod familie plantarum in systemate sexuali, ut supra dictum est, mirum in modum dilacerentur, hoc inde pendet quod Linnæus tertii valoris characteres ad characterum primiorum valorem evexerit. Interdum tamen quum characteres tertiarii æque constantes ac primarii evadunt, familie quædam fere incolumes servantur. Tales sunt Cruciferæ, Leguminosæ, Labiatæ. Systematis ergo Linnæi quoque imperfectio quædam in eo sita est quod neque omnino artificiale, neque prorsus naturale sit.

Mihi verò reliquum est, antequam de methodo naturali res-

pectu virium plantarum quædam adjiciam ut viri cui res herbaria perspectissima est, auctoritate fultus petam : ne paucis quæ præcedunt quidquam detrahere voluisse videar de ingentibus meritis præclari et solertis rerum naturalium investigatoris qui robore summo et sapientia aristotelica naturam perscrutatus est : cur enim quum tot nova ad scientiam incrementa accesserint pristinos botanices campos latiori conspectu perlustrare non liceret (1).

De Methodo naturali quoad ipsius applicationes consideratā.

Hactenus Methodi naturalis veritatem ac dignitatem evolvere annisus, nunc de utilitate ejus nonnulla subnectam ; quidquid enim in theoriâ verum, utile sit in applicationibus necesse est. Quod nisi res ita sese haberet tunc quoque propter scientiæ et veritatis dignitatem Methodus naturalis colenda esset. Primam et antiquissimam divisionem plantarum ex materiis quas continent desumptam fuisse ex Theophrasto patet ; qui quidem eas in farinosas, oleraceas et in tales quæ succos utiles suppeditant dividit, Dioscorides autem quoad vires earum enutrientes, medicinales et vinosas intuetur. Inter auctores recentiores antiquissimi Tragus et Lonicerus eamdem viam ingressi sunt. Quibus omnibus objectum fuit eos non ipsa vegetabilia sed eorum usus intueri, quoniam nec substantias plantarum ipsas sed earum tantummodò utilitatem considerarent. At error iu eo versatur quod planta plures continere possit et sæpissimè reverâ contineat substantias , dominans

(1) Es soll hiemit gewiss den verdiensten des tiefen und herrlichen foreshers nicht zu nahe getreten werden der mit nordischer kraft und aristotelischer weisheit dié natur erforscht, aber warum sollte bey fortgeschritten er wissenschaft nicht ein klarer blick in die vergangenheit erlaubt seyn ? (Cassel, lehrbuch der natürlichen pflanzen-ordnung.)

autem substantia licet plerumque cognitionem immediatam indicet saepe etiam cognationes remotiores determinet. Eadem enim substantia in diversissimis quoad ordinem naturalem vegetabilibus reperitur; Mentha &quæ ac Laurus Camphora camphoræ continet. Inversa vero propositio non adeo generalis est. Plantæ verè affines raro diversas substantias continent et cum Linnæo dicere possumus » Plantæ quæ genere convenient, etiam virtute convenient. » Propositionem vero invertere nequimus dicentes. » Plantæ quæ virtute convenient, etiam generè convenient. ». Quod si verum foret, divisio plantarum ex diversitate substantiarum quas continent peti posset.

Si ad ordinem quem antiquiores materici medicæ auctores in medicaminum distributione servaverunt, respiciamus vero non absimile est iis persuasum fuisse plantas formâ exteriori consimiles etiam proprietatibus suis consimiles esse.

Burckhardus in epistola ad immortalem Leibnitzium inter majora Methodi naturalis commoda ponit quod prono alveo ad cognoscendas plantarum virtutes deducat quæ, ut innuit, plerumque similes sunt in plantis eisdem characteres exteriore præferentibus. Eidem deinceps opinioni sacerunt complures haud spernendi de re herbaria scriptores, nullus vero manifestius quam Linnæus, ut quidem patet e philosophiæ botanicæ § 537 et sequentibus iam citatis; atque ex ejus horti Clissortiani dedicatione, ubi dicit: » Nulla datur vera cognitionis virtutum plantarum nisi Botanicæ juncta: concedat hoc ambabus medicus omnis experientia et Botanices cognitione instructus, concedat hoc qui classes noverit naturales, affinitates et familias plantarum. » E tantorum virorum auctoritate tamquam principium verum quidem sed postea demonstrandum admittatur: *Plantas ejusdem generis et plantas ejusdem familiæ virtutibus consimilibus plerumque esse prædictas.* Quo posito, plantarum divisio naturalis maximâ pariat commoda tum quoad scientiam ipsam, tum quoad usus humanos necesse est! Quemadmodum enim methodus naturalis facem quasi præfert vegetabilium virtutes inquietibus, ita cognitionis vegetabilium virtutibus, Methodus naturalis

confirmatur atque emendatur. Quod quidem jam comprobatum fuit in Menyanthe, cuius inter Lysimachias collocati quum vires Botanici febris fugas admirarentur, Ventenatus e seminis structurā genus illud cum Gentianeis quibus cæteroquin virtute suā congruit cognatum esse rectè judicavit. Magnoliaceæ, ut docet Cassel Laurincis et substantia et configuratione assines. In utriusque nemipè aroma intensius reperitur et ternarius ejusque multipla dominantur in fructificationis partibus.

Ubi virium plantarum analogia cum earumdem structurā comprobata fuerit materiem medicam docentes in medicaminum vegetabilium expositione severiore ordinem servare poterunt.

Methodo naturali mirum in modum succedaneorum inquisitiones juvari omnino liquet. Nuperrimè celeberrimus Odier, medicus genévensis, principio fultus plantas cognitione quadam junctas viribus consimilibus insigniri quum eum non lateret in Sibiria Rhododendron Chrysanthemum adversus Rheumatismum felicissimè adhiberi, eodem consilio iterum atque iterum nec sine optimo successu Rhododendro ferrugineo in Alpibus crescenti usus est.

Navigatores in remotissimos terrarum tractus per maria devecti, omnium rerum vitæ necessariarum egeni ex analogia virium plantarum faustissimum nonnunquam levamen percipere possunt. Forster, quum in insulis maris pacifici novam e Cruciferarum familiâ plantam (*Lepidium Oleraceum*) reperisset eā cum felicissimo exitu tamquam antiscorbuticā usus est. Labillardière in suā circa orbem terrarum navigatione e novā Chærophylli specie quam invēnit victum comitibus suis saluberrimum suppeditavit.

Quod omnes denique artes quæ vegetabilibus utuntur methodo naturali juvantur, id ex eo, ut jam dictum est, sequitur quod ab unâ plantâ ad aliam ejusdem familiæ valeat plerumque conclusio. Quam ob causam supervacaneum duxi plura de hac redisserner. Neque tamen omittam quod ad agriculturam proprius attinere videtur. Familiæ Oleinarum genera sibi mutuo inseruntur. Syringa inseritur Fraxino, Chionanto, Fontanesiæ. Decandolle Syringam persicam Phyllireæ latifoliæ et voleam quæ Phyllireæ

quoque inseritur ipsi fraxino non sine optato successu insevit. Jasmineæ vero quæ diu cum Oleineis consociata fuerunt iis inseri non patiuntur. Quo confirmatur Jasminearum ab Oleineis separationem legitimam esse. Inde consectaria arborum culturæ et vice versa confirmandæ ordinationi plantarum naturali utilissima deduci posse sponte patet.

Quæ omnia methodi naturalis commoda quum manifesta sint, principium a quo velut a fonte derivantur validis argumentis confirmandum est. Quæ quidem argumenta a theoriâ petuntur, ex observatione atque experimentis.

1º *E theoriâ.* Constat medicaminum in corpus humanum effectus ex eorum imprimis compositione pendere. Quæ compositio organismo plantæ medicamen præbentis et præsertim nutritionis organis determinatur. Consimiles enim plantæ in solo diversissimo natæ ferè semper succos prorsus similes, plantæ verò diversæ licet in eodem solo natæ succos diversos elaborant. Cæterum vix dubitari possit an organa plantarum vires earum determinent, quum sucos variè elaboratos et peculiaribus proprietatibus præditos in diversis ejusdem plantæ seu animalis organis contineri constet.

2º *Ex observatione.* Quædam animalia omnes generis vel familiæ ejusdem species eodem studio vel respuunt vel querunt. Bos nec Labiatas nec Veronicas, equus ne Cruciferas quidem tangit. Bos, equus, ovis, sus, capra nullam ferè Solanearum comedunt, Graminearum (1) vero, Leguminosarum et Compositarum avidissima sunt.

Animalia unicæ plantarum specie vescentia cæteras interdum ejusdem generis vel familie species appetunt. Multa hujus rei exempla insectoruñ catervæ præbent. Similia phænomena in vegetabilibus parasiticis observantur.

3º *Ex experimentis.* Omnes veræ Cinchonæ species corticem peruvianum suppeditant. Omnes Rhei species Rhabarbarum. Opium

(1) » Graminum folia pecoribus et jumentis lata pascua. » Phil. Bot. § 358.

plures Papaveris, semen contra plures Absynthi, Therebinthinam plures Pinus species producunt. Omnes Malvae sunt emollientes, Cochleariae antiscorbuticae, Gentianae febrisfugae, Aconitae et Hellebori causticae, Euphorbia acris pariter et purgantia. Vis in genere quodam manifesta in aliis ejusdem familie generibus segnior vel acrior prodit. Tanta nonnunquam generum cognatorum hoc respectu similitudo est ut tota familia viribus iisdem insignis sit. Omnibus Gramineis semina sunt farinosa atque enutrientia, embryo glutinosus, Culmi humore saccharino pleni. Labiatae aromaticae sunt. Omnes Colchiceae et Melanthaceae venenatiae sunt. Similiter Iridearum maxima pars principium nauseosum et purgans praesertim in radicibus continent. Umbellatarum semina sunt tonica et stimulantia, Euphorbiacearum acris et purgantia. Succus Cruciferarum est resinosus. Amentacearum cortex astringenti et febrisfugae virtute insignis est. E generibus Rosacearum compluribus acidum hydrocyanicum extrahitur.

Sunt tamen et exceptiones quedam quae principium nostrum fortiter impugnare videntur. Perniciosa Cicuta in eodem ordine militat ac Daucus Carotta. Convolvulus Batatas cuius tubera victum saluberrimum utriusque Indiae incolis subministrant; congener est acerrimi Convolvuli jalapae. Cucumis Colocynthis simillimus est quoad formam exteriorem Cucumeri Meloni. Solanum Tuberosum cum teterrimis venenis consociatum est. Lolium temulentum inter plantas cereales locum tenet. Piscidia Leguminosarum genus narcoticum est. Haec vero exceptiones mirificè minuuntur: 1º si annotetur propter distantiam veram et variam inter species ejusdem generis seu genera ejusdem familie intercedentem, quae vero in libris botanicis representari non potest quum id tantum in mappa (1) fieri queat geographicæ instar confecta, majorem vel minorem necessario quoque inter ejusdem generis species, seu ejusdem familie genera, quoad vires, distantiam intercedere. 2º Si tamquam principium stabiliatur plantæ

(1) Plantæ omnes utrinque affinitatem monstrant qui territorium in mappa geographicâ. Phil. Bot.

organum quodlibet nonnisi cum simili aliis plantæ organo comparari posse. Quod principium illustris Bernardus Jussieus legitimum esse probavit quum ostendit Euphorbiæ atque aliarum complurium plantarum perispermum esse dulce atque edule dum corculum acre est et vehementer purgans. Itaque tubera Solani Tuberosi cum baccâ cæterarum Solanearum comparari nequeunt nec Dauci Carottæ radices cum soliis Cientæ adeo ut evanescant exceptiones legem analogiæ maximè impugnantes. 3º Si non negligatur status vegetabilium merè fortuitus et transitorius tempore quo in usus vertuntur. Heracleum Sphondylium planta in pratis passim obvia nullum gregibus pascentibus damnum assert. Intervidum tamen in locis humidioribus noxia sit. Apium graveolens acre, nauseosum, venenatum in paludibus ubi natura crescit, in solo sicciore excultum sit dulce et edule. Quod de speciei individuis dictum de generis et familiæ speciebus dici potest. Umbellatarum species Phellandrium aquaticum, Cicuta virosa, Æthusa cynapium, Ænanthe crocata in locis aquosis crescentes, omnes aliquid veneni continent. Species verò Angelica Archangelica, Coriandrum sativum, Anethum fæniculum locorum sicciorum et apricorum incolæ viribus aromaticis, dulcibus et stimulantibus insignes sunt. 4º Si tandem consideretur ingentein exceptionum numerum oriri posse e diversis combinationibus chemicis partium constituentium omnibus revera plantis consimilibus communium, e diversis rationibus medicamina extrahendi et parandi, e vario cogitandi et ratiocinandi modo eorum qui diversorum medicamentorum effectus et applicationes comparant. Quæ quum ita sunt haud temerè concludere cum Decandolle possumus familias quarum exceptiones etiamnum solvi non posse videntur serius, progradientibus continuo Chemiæ vegetabili et Botanicæ sub leges analogiæ reddituras esse. Ut autem eo redeam undè rem exorsus sum tamquam commodum Methodi naturalis minimè spernendum imo maximè faciendum celebrare posse puto: hanc Methodum considerationibus physiologicis inaedificatam ad considerationes denuò physiologicas viam sternere. Quod ex iis quæ præcedunt jam

manifestum multo clarius ex auctorum supra laudatorum Decandolle et Cassel disquisitionibus physiologicis liquet. Quin ei pluribus passim Linnæi scriptorum locis patet virum solertissimum in disquisitionibus circa plantas physiologicis affinitate plerumque naturali ductum fuisse. » Monopetalii saepius multipli plicantur; rarius pleni evadunt. Polypetalii non raro multipli cantur. Phil. Bot. § 120. Polypetalii saepius sunt pleni. Monopetalii rarius implentur. § 121. Multi plantarum ordines naturales flores luxuriantes exhibere nequeunt. Ejusmodi sunt praे primis sequentes: Apetalae, Verticillatae, Personatae, excepto Antirrhino; Umbellatae, excepta Umbellæ proliferæ. Papilionaceæ raro plenos flores producunt, etc. »

Decandolle exemplum utilitatis physiologicæ Methodi naturalis admodum insigne præbet ex Albuca desumptum. Etenim Albuca Liliaceæ structuram omnino consimilem refert excepto quod tria tantum stamina antheris instructa ferat, tria vero filamenta staminibus intermedia, staminum filamentis sat similia ac perinde posita ac si vera stamina essent. Inde ergo merito concluditur hæc filamenta stamina esse quorum antheræ abortu sunt evanidæ. Exemplum haud minus insigne sequens est: Compositæ in Dipsaceas, Dipsaceæ in Rubiaceas transeunt. In Compositis pericarpium nullum sed paleæ observantur. In Dipsacarum uno genere scilicet Fedia pericarpium manifestari incipit, in Rubiaceis omnibus integrum adest. Hinc Cassel rectè concludit paleas in Compositis tamquam pericarpii rudimentum considerandas esse.

Hæc pro Methodo naturali habui quæ dicerem mihique superest ut doctissimos quibus exiguum hoc studiorum meorum specimen legendi cura demandata est, viros, ne conatibus meis juvenilibus indulgentiam denegent, venerabundus rogem qui, quum per breve admodum tempus suavissimo studio plantarum operam navarim præstantiam Methodi naturalis philosophicam nonnisi eminus spectare potui.

JOHANNIS LANTHEERE,

GANDAVENSIS,

RESPONSIO

AD

QUÆSTIONEM, AB ORDINE PHILOSOPHIÆ THEORETICÆ
ET LITERARUM HUMANIORUM,

ANNO M. D. CCC. XVIII PROPOSITAM:

Invitantur Literarum Humaniorum studiosi juvenes, ut non modo argumentis ratione conclusis, verum etiam exemplis, ex Historia antiqua et recentiore petitis, ostendant, verissimum esse illud de Studiis Humanitatis praeconium Ciceronis in Or. pro Arch. Poëta, Cap. VIII. « Hæc studia adolescentiam alunt, senectutem oblectant, secundas res ornant, adversis persugium et solatium præbent; delectant domi, non impediunt foris, pernoctant nobiscum, peregrinantur, rusticantur. »

QUÆ PRÆMIUM REPORTAVIT A. D. IV. OCTOBRIS M. D. CCC. XIX.

Omnia dispereunt, mundo quae pulchra videntur :

Divitias subito sors, inimica rapit.

Perpetuo durat virtus doctrinaque rerum,

Inque illam sors nil, quod dominetur, habet.

Haec tibi sola potest laudemque decusque parare,

Te facit haec veris delitiisque frui.

Haec studiose puer vigili tibi quaere labore,

Haec tibi prae cunctis sit potiore loco.

JOH. OWENUS.

EXORDIUM.

Intra illa multiplicis generis animantia, quibus Deus hunc orbem terrarum exornavit, nullum animal tot et tantis dotibus instructum est, quot et quantis illud providum, sagax, multiplex, acutum, memor, plenum rationis et consilii, quem hominem vocamus (1). Ut hic, tamquam terrestre numen quoddam, in reliqua animantia dominari, opera divina contemplari, et ex illa contemplatione diuturna non modo sapientissimum et divinum conditorem cognoscere, sed cognitum sancte ac religiose etiam colere posset, summe adorandum Dei numen palnariis dotibus ipsum praeceteris animantibus excellere voluit. Primo enim, quum brutis animantibus Deus primum corpus dederit, eaque ventri obedientia fixerit, hominem contra ea celum et erectum constituit, sive, ut ille canit,

Os homini sublime dedit, columque tueri
Jussit, et erectos ad sidera tollere vultus (2).

Deinde vero, ut homo sibi comparare posset, quae ad oblectacionem vitae conducibilia, et quae ad ipsius usum necessaria forent, divina providentia hominem instruxit duabus manibus, veluti totidem artium multarum aptis ministris (3). Praeterea ei dedit rationem, per quam consequentia cerneret, causas rerum videret, earumque progressus et quasi antecessiones non ignoraret, simi-

(1) Cic. de Leg. 1. c. 7.

(2) Ovid. Met. 1. 35.

(3) Cic. de N. D. 2. 60.

litudines compararet, rebusque præsentibus futuras adjungeret, facileque totius vitæ cursum videret, et ad eam degendam præpararet res necessarias (1). Et denique quum nec mens, nec ratio suam vim et efficaciam indicare luculenter possent, nisi illis accederet oratio; Deus homini item distinctam- et articulatam vocem dedit, quâ animi voluntatem exprimeret, ac cogitationes suas cum aliis communicaret, quaeque humanae societatis conciliatrix esset (2).

Jam autem, quum haec ita sese habeant, nec Deus pro insigni sapientia sua quidquam frustra procreaverit; nonne ante omnia reliqua primarium hominis officium in harum dotum cultura maximam partem posita est? nonne quo quis majus in illis excolendis studiis collocet, eo dignior hominis nomine erit? Et contra ea, nonne quo magis quis has dotes negligat, eo similior brutis evadet? Nihil igitur hominem magis decet, nihil magis humanum vocandum est, quam cultura illarum dotum, in quibus omnis vis, omnisque excellentia nostra præ caeteris animantibus unice quaerenda. Sed quâ tandem ratione homo id melius facere possit, quam si eximias suae mentis et rationis vires ac facultates bonarum artium atque doctrinarum studio excolat, et sensim ad summam perfectionem producere contendat? Verum quum hoc illud ipsum sit, quod hac scriptiuncula pluribus exponere mihi proposuerim; haec veluti in antecessum dicta nunc quidem sufficient.

(1) Cic. de Off. 1. c. 4.

(2) Cic. de Leg. 1. c. 9.

Caput. primum.

DE LITERIS HUMANIORIBUS, EARUMQUE FINIBUS PROBABILITER CONSTITUENDIS.

UT in illo Ciceronis loco, qui nobis ad explicandum propositus est, recte et cum ratione verser, atque hanc quæstionem ad probabilem exitum quodammodo perducam; non aliunde profecto melius ac certius hujus commentationis initium me ducere et posse et debere opinor, quam a definitione vociis *Humanitas*. Recte enim præcipit Cicero (1), omnem institutionem, quæ a ratione suscipiatur de aliqua re, a definitione proficisci debere, ut intelligatur, quid sit id, de quo disputetur.

§ I.

DE PRÆCIPUIS SIGNIFICATIONIBUS, QUAS VOCI *HUMANITAS* VETERUM LOQUENDI USÙS ADJUNXIT.

Quoniam verba, ut ait Cicero (2), *rerum notae* sunt, debet profecto secundum rationis et artis Logicæ præcepta, illud quod verbo significatur, non repugnare, sed veri quid esse. Deinde vero, quum loquendi usus multis verbis; (quæ vulgo homonyma vocantur) complures significationes tribuerit; debemus in illis indicandis potissimum ita versari, ut a principe atque propria significatione incipiamus, quippe ab hac, tamquam a fonte rivuli, reliquæ deductæ sunt.

(1) Cic. de Off. 1. c. 2.

(2) Cic. in Top. c. 5.

Quemadmodum igitur ab adjectivo *socius*, sit substantivum *societas*, significans *sociorum coetum* (1): aut ab adj. *sodalis* descendit subst. *sodalitas*, i. e. *sodalium congregatio* (2): aut a voce *civis* oritur alia *civitas*, notans *multitudinem hominum in uno eodemque loco habitantium*; sic ab adj. *humanus* derivatur subst. *humanitas*.

Jam autem, quid est *humanum*, aut quænam est hujus vocabuli vis et significatio? Omne id *humanum* vocamus, quod ad homines pertinet. Testis est Terentius (3), ubi ait: *Homo sum, humani nihil a me alienum puto.* Atque hinc *humanitas* proprie mihi significare videtur *ipsum genus humanum*, Belg. *het menschdom*. Hoc sensu legitur apud Senecam (4), ubi ait: *homines pereunt, at humanitas permanet.* — Deinde apud Ciceronem primo loco ponitur pro *humana natura*, veluti in illis verbis, *magna est vis humanitatis* (5). Tum strictiori sensu dicitur de omnibus illis rebus, quæ homini propriæ sunt, et ab ipsius natura proficiuntur, sive, ut aliis verbis utar, de singulis fere propensionibus, appetitionibus et habilitatibus usurpatur, quæ a natura hominibus attributæ sunt. At quum illæ ipsæ non unius sint generis, priisci scriptores Latini plures etiam notiones voci *humanitas* subjecerunt. Sic v. c. *humanitatis* nomine significatur ille affectus, qui hominis est erga hominem, et a Græcis nominatur *Φιλανθρωπία*, h. e. ή τινὸς ἀπλῶς πρὸς δύτικοῦν *Φιλία* οὐδὲ θάθεσις ἀγαπητική (6). Porro illa virtus, qua erga alios, quibuscum versamur, benigni, comes, facilesque sumus, et quæ apud Græcos *εὔνολιας* nomine venit, a Latinis haud inepte *humanitas* appellatur. Sic dicit Cicero (7) *humanitate tanta fuisse Pompejum, ut dictu difficile sit, utrum hostes magis virtutem ejus pugnantes timuerint, an mansuetudinem victi dilexerint.* Et Nepos (8) de T. Pomponio Attico: *humanitatis vero nullum afferre*

(1) Cic. pro Sext. c. 10, nulla erat Romæ societas.

(2) Gell. N. A. 20. 4. a sodalitatibus scenicorum.

(3) Heaut. I. 1, 25.

(4) Ep. 65.

(5) Pro Rosc. Am. 22.

(6) Thom. Mag. p. 896.

(7) Pro Leg. Man. c. 14.

(8) V. Att. c. 25.

majus possum testimonium, quam quod adolescens idem seni Syllae fuerit jucundissimus; senex M. Bruto: cum aequalibus autem suis, Q. Hortensio et M. Cicerone, sic vixerit, ut judicare difficile sit, cui actati fuerit aptissimus. — Præterea eo etiam pertinet illa vivendi, et cum aliis agendi ratio, quæ liberaliter educatis hominibus in primis probatur, in quadam venustate et lepore per omnem orationem æquabiliter fuso cernitur, et ex toto morum genere eminet. Quam non modo Latini *humanitatem*, verum alio etiam nomine *urbanitatem*, ἀξειότητα, appellant, et cui *rusticatatem*, ἀγροπονίαν, opposuerunt (1). Et denique quum animi cultura, ut pote alendis augendisque mentis et animi viribus in primis accommodata, plurimum ad hominem formandum conduceat, hunc ipsum *animi cultum* locuples testis Cicero (2) quemdam quasi *humanitatis cibum* esse dixit. — Plura de hoc arguento suppeditant Facciolatus in *Lex. tot. Lat. v. humanitas*, et Ernestus in *cl. Cic.*

§ II.

DE PRÆCIPUIS STUDIORUM HUMANITATIS PARTIBUS.

Expositis significationibus præcipuis, quas veterum loquendi usus *humanitatis* vocabulo tribuit, nunc jam ratio milii postulare videtur, ut quæram, quænam potissimum *illa studia humanitatis* sint, quorum Cicero in scriptis suis tanta cum laude toties meninit.

Possumus quidem ad hanc quæstionem generatim respondere, inter *humanitatis* studia jure et merito omnes illas artes et doctrinas esse cendas, quibus illa vis et efficacia insit, ut hominem ad *humanitatem* informent: sed ejusmodi nuda verborum immutatio hac in parte exigui, aut potius nullius pretii et momenti est. Omnis enim notio rei, quæ non nisi per se ipsa describitur, indistincta est, nec justæ et legitimæ definitionis loco

(1) Cic. de Off. 1. 40.

(2) De Fia. B. et M. 5. 19.

haberi omnino potest. — Jam igitur, quum hac ratione parum proficiamus, nec quisquam Veterum, quantum sciam, nobis nominatim et disertis verbis indicaverit, quænam ipsis *studia humanitatis* *καὶ ἔξοχη* dicta sint, et quot illa fuerint numero; nihil magis accommodatum proposito nostro mihi videtur, quam vestigia legere Ciceronis, cuius in omni doctrinarum genere excellens, admirabile atque divinum ingenium fuit, et a quo: ea de causa legitimam, suisque numeris absolutam horum studiorum comprehensionem merito exspectare possumus. Neque est, quod diu multumque in ejus scriptis anquiramus. In sola hac Oratione, quam pro Archia habuit, quod quærimus, inveniri potest. Age igitur, præcipua hujus Orationis loca afferamus, et justa lance ponderemus.

Cap. VIII. legimus: *Caeterae (artes et doctrinæ) neque temporum, neque aetatum omnium, neque locorum; at haec studia (humanitatis) adolescentiam alunt, caet.* Quid ex priori parte hujus loci discimus? Nihil profecto aliud, nisi *studia humanitatis esse omnium temporum, omnium aetatum et locorum*, sive, ut aliis verbis utar, hæc studia posse omnibus temporibus, tam prosperis quam adversis, coli, illa tam juventuti, quam virili ætati et senectuti convenire, et domi pariter atque foris usui esse. Verum significatio horum verborum tam late patet, atque adeo indefinita est, ut in eruditionis humanæ immenso, ut ita dicam, campo nos incertos oberrare et circumvagari sinat. Nam scire, *haec studia omnium temporum, locorum et aetatum esse*, non magis nobis prodet, quam si audire cupientes, quid *Amicitia* sit, in illo Ciceronis præconio acquiescere velimus, ubi ait (1): *Amicitia res plurimas continet, quoquo te verteris, praesto est: nullo loco excluditur, numquam intempestiva, numquam molesta est.* Valeant ejusmodi dicta, quod non negem, ad discendi cupiditatem in animis nostris excitandam et augendam: sed nunquam tamen nobis accuratam suisque finibus legitimate circumscriptam definitionem suppeditare poterunt.

(1) Cic. de Amic. c. 6.

Cap. II. ait idem Cicero: *Quaeso a vobis, ut in hac causa mihi detis hanc veniam, ut me pro summo poëta atque eruditissimo homine dicentem, hoc concursu hominum literatissimorum, hac vestra humanitate, hoc denique prætore judicium exercente, patiamini de studiis humanitatis ac literarum paulo loqui liberius.* Lectis et accurate perpensis his verbis, nondum quidem eo pervenimus, ut certo definire possimus, quas artium et doctrinarum disciplinas Veteres nomine *studiorum humanitatis* insigniverint: attamen jani tantum lucis nobis assulget, ut non sit, quod amplius nobis dubitare licet, quin ad humanitatis studia omnes illæ artes ac doctrinæ pertineant, quas Cicero in hac ipsa Oratione commemorat et laudat, atque ob quarum amorem et exereitationem Archiam judicibus etiam atque etiam commendat. Hoc mihi luce clarius esse videtur. Quæritur ideo tantum, quænam illa studia sint? Respondeo poëeos studium, *historia, philosophia.* Harum enim artium et doctrinarum laudes singulis fere capitibus prædicat.

Ubi denique tertio loco ad hanc ipsam nobis propositam quæstionem diligenter advertimus, studiorum humanitatis comprehensionem non quidem disertis verbis à Cicerone recenseri, verum tamen oblique significari videmus. *Haec studia* inquit, *adolescentiam alunt.* Nonne hinc sequitur, cuicumque artium et doctrinarum disciplinæ illa vis *alendi juventutem* tribui queat, ipsam studiis humanitatis annumerandam esse? Verum quid hoc sibi vult, seu, quale illud est, quod *alere juventutem* vocamus? Hoc nihil aliud mihi esse videtur, nisi *juvenum ingenia acuere, mentes pulchri et honesti sensu imbuere, animosque ad morum elegantiam, vitae honestatem, virtutis studium formare.* Atque ideo recte alicubi dicit Quintilianus, *pueris prælegenda esse, quæ maxime ingenium alant.* Quænam autem erant potissimum illa, quæ pueris tradebantur? Operæ pretium mihi videtur, breviter ostendere, quibusnam in primis artium et doctrinarum disciplinis liberaliter educati juvenes apud Græcos et Romanos operam dederint, et ingenia aluerint. Hoc enim animadverso, facilius erit, de *studiorum humanitatis* ambitu quid statuendum sit, dijudicare.

Ex Historia Literaria scimus, doctrinarum studia a Græcis ad Romanos pervenisse. Porro e Cicerone constat, apud Athenienses *humanitatem ortam* dici (1). Jam igitur ubi ad hos ipsos Athenienses animum advertimus, apud eos juvenilis institutionis propositum in primis hoc fuisse videmus; ut pueri a primis annis tam ad corporis, quam ad animi præstantiam formarentur (2). De hoc duplice proposito loquitur Socrates apud Platonem cum juvēne Adimanto, ubi ait: *τίς οὖν ἡ παιδεία; — ἔστι δέ που, ἡ μὲν ἐπὶ τῷμασι, γυμναστική, ἡ δὲ πολεμία ψυχῆ, μουσική* h. c. quænam igitur haec disciplina? Est scilicet ad corpus curandum, *Gymnastica*: ad animum erudiendum, *Musica* (3). Hinc Parmeno Terentiauus, Chæreæ laudes prædicans, fac, inquit, *periculum in literis*, fac in *palaestra*, in *musicis*, quæ liberum scire aequum est, solerter dabo (4). Quæ verba ubi cum animadversione Perizonii (5) conferimus, nullum fere de populo civem apud Athenienses adeo alienum a liberalibus studiis fuisse videmus; quin quatuor his artibus, *palaestrae*, *musicæ*, *picturae* et *literis* studuerit. Atque idcirco magnus ille G. J. Vossius has artes haud inepte *populares* vocavit (6).

Palaestram, sive *Gymnasticam* Seneca quidem per contemptum oleo ac luto constantem scientiam vocat (7): at vel sic tamen a Græcis summa cura exerceebatur, idque partim ob corporis conformatiōnem, partim agilitatis et virium augendarum gratiā (8). Operæ pretium est audire Platonem hac de re loquentem. *Mittunt parentes*, inquit, *filios ad gymnasiorum magistros*; *ἵνα τὰ σώματα βελτίω γέχοντες ὑπηρετῶσι τῇ διανοίᾳ χρησθύση*, καὶ μὴ ἀναγκάζωνται ἀποδειλιᾶν διὰ τὴν πονηρίαν τῶν σωμάτων, καὶ ἐν τοῖς πολέμοις, καὶ ἐν ταῖς ἄλλαις πράξεσι ut firmum aptumque corporis habitum adepti, optimae menti suppeditent ministerium, ne corporum

(1) Cic. pro Flac. c. 26.

(2) Plato de Rep. p. m. 446.

(3) Plato p. m. 429 D.

(4) Ter. Eun. III. 2. 23.

(5) Periz. ad AEL. V. H. VII. 15. 3.

(6) G. J. Vossius, *De quatuor artibus popularibus*. Amst., 1660: 4°.

(7) Senec. Ep. 53, pag. 567; edit. J. Lips.

(8) Quintil. I. O. XI. 16.

fragile statu impediti, in bellis reliquisque actionibus reformidare cogantur (1). Studebant igitur palæstræ, ut in præsens exercerentur, et in posterum meliores et agiliores milites essent (2).

Quid de *Musica dicam?* In hac canendi et sonorum rectrice Græci magnam eruditionis partem positam censebant. Vidimus modo, Socratem dixisse, ad animum erudiendum valere musicam. Hinc Græci a prima pueritia musicis certaminibus tam Tragicorum, quam Comicorum, intererant. Audiebant illos, quum vel sua, vel aliorum carmina recitarent. Eleganter de his certaminibus scripsit sæpius ille in scholis nostris laudatus summus WYTENBACHIUS (3): » *Antiquissima aetate apud alios Graeciae populos literis atque doctrinæ parum tribuebatur publicae laudis ac mercedis, et qui apud eos erant docti atque ingeniosi, hi suo fere studio et naturae bonitate exstiterant: contra decus omne ponebatur in solennium ludorum victoria, quæ corporis viribus et velocitate parabatur, eaque victoria immortalitatis habebatur. At vero Athenienses in utraque laude operam ponebant: et quemadmodum ludis Olympicis, Pythicis, Isthmicis, Nemeis, cum aliis Graecis de corporum roborisque palma certabant; ita Athenis ipsi inter se Tragicis, Comicis, aliisque certaminibus musicis, haud minori studio de ingeniorum gloria contendebant.* — *Et profecto magnam habebant vim illa spectacula apud spectatorē ad acuendum pulchri honestique sensum: et honor publice habitus poëtis homines ingeniosos mirifice incitabat ad ejusdem artis studium.* » Quem autem fugiunt illa Ciceronis, ubi ait, Themistoclem indoctionem habitum esse, quum in epulis lyram recusasset? (5)

Porro *graphidos* scientiæ Græcos a pueris operam navasse, et hujus artis studio pueros ad elegantiæ et pulchritudinis sensum percipiendum formasse, ex multis veterum locis abunde constat. Quid, quæso, canit Horatius? (6)

(1) In Protag. p. m. 199,

(2) Cf. Int. ad. Nep. Epam. c. 2. § 5.

(3) Bibl. Crit. Vol. 1. Pars IV. p. 2.

(4) Cic. De Leg. II. c. 25, assentior, ait, Platoni nihil tam facile in animos teneros atque molles influere, quam varios canendi sonos. Conf. Victor. in Lect. Aut. p. 21.

(5) Tusc. Qu. 1. 2. et ad illum loc. interpr. Utinam mihi inspicere ac consulere licuisse! Disput. Orn. C. A. DEN TEX, de vi musices ad excolendum hominem. Traj. ad Rhen. 1816. sed tales libri hic nondum reperi possunt in Biblioth. Acad.

(6) Art. Poët. 130.

*Segnius irritant animos demissa per aurem,
Quam quae sunt oculis subjecta fidelibus, et qua
Ipse sibi tradet spectator.*

Atque in natura hominum positum est, ut puerorum mentes et pectora rerum imaginibus et simulacris mirifice delectentur. Quare nulla causa adesse mihi videtur, cur miremur, Græcorum pueros, quum tot summa arte in ipsorum templis et civitatibus exstant facta pictorum et statuariorum opera, jam mature contemplandis hisce egregiis operibus ordinis, splendoris et simplicitatis rationem perceperisse, et pulchritudinis veræ sensu imbutos fuisse.

Quarta denique institutionis juvenilis pars sita erat, ut dixi, in literis. Jam mature pueri literarum elementa discebant, h. e. elementariae legendi et scribendi disciplinæ studebant. Multum enim Græci oris ac vocis suavitati tribuebant. Sed quicumque supra vulgus sapere cupiebant, apud Grammaticos in scholis excellentium poëtarum opera sibi legenda et ediscenda sumebant, ut memoriam suam excoolerent, et a pueris bene dicendi pariter atque vivendi præcepta perciperent. Quid ait Plato? (1) Μετὰ δὲ ταῦτα εἰς διδασκάλων πέμποντες, πολὺ μᾶλλον ἐντέλλονται ἐπιμελεῖσθαι εὐκοσμίας τῶν παιδῶν ἢ γραμμάτων τε καὶ πιθαρίσεως. οἱ δὲ διδάσκαλοι τούτων τε ἐπιμελοῦνται, καὶ ἐπειδὴν αὖ γράμματα μάθωσι, καὶ μέλλωσι συνήσειν τὰ γεγραμμένα, ὡςπερ τότε τὴν Φωνὴν, παρατιθέασιν αὐτοῖς ἐπὶ τῶν βάθρων ἀναγινώσκειν ποιητῶν ἀγαθῶν ποιήματα, καὶ ἐμμανθάνειν ἀναγκάζουσι ἐν οἷς πολλαὶ μὲν νοοθετήσεις ἔνεισι, πολλαὶ δὲ διέξοδοι καὶ ἔπαινοι, καὶ ἐγκώμια παλαιῶν ἀνδρῶν ἀγαθῶν ἵνα ὁ παῖς ζηλῶν μιμῆται, καὶ δρέγηται τοιοῦτος γεγέσθαι. Posthaec ludi magistris pueros curandos tradunt, morumque bonorum diligentiam multo magis, quam literarum citharaeque doctrinam a magistris exposcunt, præceptores autem susceptos curant et excolunt. Et literas ubi didicerunt, ad scriptaque intelligenda convertuntur, poëtarum in primis

(1) In Protag. p. 199. F.

excellentia opera illis legenda et ediscenda proponunt, quibus monita quam plurima insunt, priscorumque virorum virtute praestantium gesta laudantur, ut puer aemulatione accensus praecolla majorum facinora imitetur.

Deinde historiae quoque operam dabant, quippe ipsius studium ad honestatis amorem et virtutis culturam maxime efficax esse jure arbitrabantur. — Præterea animuni pueri appellebant ad *Arithmeticam*, *Geometriam*, *Astronomiam*, ut uimirum, quo magis mentem his doctrinis subegissent, eo aptiores ad philosophandum forent, et eo accuriori et certiori, quid in quaue re verissimum esset, cernendi facultate pollerent. Nota sunt illa Xenocratis Chalcedonii (1) verba, quæ dixisse fertur, cum quidam juvenis, hujus humanioris eruditionis ignarus, ad ipsum philosophiæ discendæ gratia venisset: πορεύου, λαβάς γὰρ οὐκ ἔχεις Φιλοσοφίας abi, nam ansis et adminiculis philosophiae cares. Vel secundum alios, παρέμοι πόνος οὐκάπτεται, apud me vellus non mollitur.

Denique tandem quum has artes et doctrinas, utpote philosophiæ socias et adjutrices, tractassent, inque illis satis diu sese exercuisserunt, tunc demum ipsius philosophiæ studio sese dabant, eamque non arctis ejusdam compendii finibus includebant, sed ad omnem scientiæ universitatem accommodabant, et sic tandem assiduo literarum studio atque diurna exercitatione ad eloquentiæ laudem pervenire contendebant. Verissime enim scripsit celeb. WYTTENBACHIUS (2): *Opera danda est, ut veterum lectione cum artis rationem assequamur, tum in primis ingenium ad naturae sanitatem revocemus, et ad pulchri et renusti sensum conformemus, animumque ad veram altitudinem attollamus. A quibus virtutibus nisi proficiscatur dicendi facultas, nac illa potius varia loquacitas, quam vera eloquentia sit.*

Veniamus nunc ad *Romanos*. Simul atque apud hos pueri in ædibus paternis prima literarum elementa didicerant, *studia illo-*

(1) Diog. Laert. IV. 10.

(2) Bibl. Crit. Vol. I. P. II. pag. 7.

rum extra limen proferebantur (1), h. e. in scholas publicas mittebantur. Quid, quæso, refert Plintarchus, de Cicerone? (2). Ἐν ἡλικίᾳ τοῦ μανθάνειν γενόμενος, δι' εὐφυῖαν ἐκλάμψας, καὶ λαβὼν δυνατὰ καὶ δόξαν ἐν τοῖς παισὶν, ὥσε τοὺς πατέρας αὐτῶν ἐπιφοίτην τοῖς διδασκαλείοις, ὅφει τέ βουλομένους ἵδειν τὸν Κικέρωνα, καὶ τὴν ὑμνουμένην αὐτοῦ περὶ τὰς μαθήσεις δόξυτητα καὶ σύνεσιν ἰσορρῆσαι τοὺς δὲ ἀγροικοτέρους ὄργιζεσθαι τοῖς οἰεσιν, δρῶντας ἐν ταῖς ὁδοῖς τὸν Κικέρωνα μέσον αὐτῶν ἐπὶ τιμῇ λαμβάνοντας. h. e. Ut primum per aetatem discere bonas artes ipsi licuit, ita ejus ingenium eluxit, et tantam nominis ac gloriae famam sibi inter pueros peperit, ut patres eorum ad ludum literarium venirent, videre cupientes Ciceronem, celebratamque ejus in docendo celeritatem cognoscere: et inurbaniores nonnulli filii suis irascerentur, quum honoris causa Ciceronem ab iis inter eundum in medium recipi videarent. — Tum de Attico ita loquitur Nepos: (3) In pueritia nobilis inter aequales serebatur, clariusque exsplendesciebat, quam generosi condiscipuli aequo animo ferre possent. Porro Horatius pluribus locis (4) testatur, se scholis publicis interfuisse. Atque Ovidius denique canit (5);

Protinus excolimur teneri; curaque parentis

Imus ad insignes urbis ab arte viros.

In his autem scholis, quibus Grammatici præerant, primum pueris aditus aperiebatur ad intelligendos scriptores. Explicabantur enim in illis cum poëtæ; tum historici. Quintilianus (6) de puerorum institutione agens: *Optime institutum est*, inquit, *ut ab Homero atque Virgilio lectio inciperet*. Atque Plinius minor idem testatur, ubi ait: (7) *Attilius noster expresse mihi dixisse videtur, sic in foro pueros a centumviralibus causis auspicari, ut ab Homero*

(1) Plin. Lib. III. Ep. 5. et auctor. Dial. de Caus. Corr. Eloq. c. 25.

(2) Vita Cic. c. 2. edit. Wytt.

(3) V. Att. c. 1.

(4) Lib. 2. ep. 2, 41. Lib. I. sat. 6. 72.

(5) Trist. I. IV. V., 15.

(6) I. O. I. c. 8.

(7) Lib. I. ep. 14.

in scholis. Praeterea in iisdem illis scholis antiquitus artis Rhetoricae initia etiam tradebantur. Ait enim Suetonius (1): *veteres Grammatici et Reticam docebant: ac multorum de utraque arte commentarii feruntur, secundum quam consuetudinem posteriores quoque, existimo, quamquam jam discretis professionibus, nihilominus vel retinuisse, vel instituisse et ipsos quaedam genera institutionum, ad eloquentiam praeparantium, — ne scilicet sicci omnino atque aridi pueri Rethoribus traderentur.* Tum quoque in puerili aetate Geometriam et alias disciplinas mathematicas didicisse videntur. Cicero certe hoc de se testatur: (2) *Sextum Pompejum in geometria ipse cognovimus.* Deinde vero, quum in his disciplinis satis diu versati essent, atque illarum studio et exercitatione ingenia aluiissent, et pectora subegissent, se se rheticibus ac philosophis in disciplinam dabant, ut ab illis omnem declamandi, ab his vero disserendi artem perciperent, et sic utrorumque preceptis atque institutione denique oratores fierent. Declamabant autem plerumque Graece. Seripsit enim Cicero ad M. Titinium: (3) *Equidem memoria tenco, pueris nobis primum Latine docere coepisse Lucium Plotium quemdam: ad quem quum fieret concursus, quod studiosissimus quisque apud eum exerceretur, dolebam mihi idem non licere. Continebar autem doctissimorum hominum auctoritate: qui existimabant Graecis exercitationibus ali ingenia melius posse. Quin etiam, si Suetonio (4) fidem habemus, Cicero ad praeturam usque Graece declamavit. Ipse de hoc declamandi studio suo haec refert: (5) Commentabar declamitans: idque faciebam multum etiam Latine, sed Graece saepius: vel quod Graeca oratio plura ornamenta suppeditans, consuetudinem similiter Latine dicendi afferebat, vel quod a Graecis summis doctoribus, nisi Graece diccrem, neque corrigi possem, neque doceri. Verum quo melius appareat, quanto studio M. Tullius omnem literarum humanitatem perlustraverit, et qua via ac ratione ad summam eruditionem pervenerit, locum ex Dialogo de causis*

(1) *De Ill. Gram.* c. 4.

(2) *De Off. lib. 1. c. 6.*

(3) *Apud. Suet. de Clar. Rhet.* c. 2.

(4) *De Clar. Rhet.* 1.

(5) *In Br.* c. 9.

Corr. Eloq., (1) qui ad hanc rem in primis facit, describam : *Notus est vobis*, inquit auctor incertus, *utique Ciceronis liber*, qui Brutus inscribitur. *In cujus extrema parte*, sua initia, suos gradus, suae eloquentiae velut quamdam educationem refert : se apud Q. Mucium jus civile didicisse, apud Philonem Academicum, apud Diodotum Stoicum omnis philosophiae partes penitus hausisse. Neque his doctoribus contentum, quorum ei copia in urbe contigerat, Achajam quoque et Asiam peragrasse, ut omnem omnium artium varietatem complecteretur. Ita hercle in libris Ciceronis deprehendere licet, non geometriae, non musicae, non grammaticae, non denique ullius ingenuae artis scientiam ei defuisse. Ille dialecticae subtilitatem; ille moralis partis utilitatem; ille rerum motus caussasque cognovit. Ita enim est, optimi viri, ita ex multa eruditione, ex pluribus artibus, et omnium rerum scientia exundat et exuberat illa admirabilis eloquentia. Neque oratoris vis et facultas, sicut caeterarum rerum, angustis et brevibus terminis cluditur; sed is est orator, qui de omni quaestione pulchre, et ornate, et ad persuadendum apte dicere, pro dignitate rerum, ad utilitatem temporum, cum voluptate audiencium possit. Haec sibi illi veteres persuadebant. Ad haec efficienda intelligebant opus esse, non ut in rhetorum scholis declamarent, nec ut fictis, nec ullo modo ad veritatem accendentibus controversiis linguam modo et vocem exercerent; sed ut hiis artibus pectus implerent, in quibus de bonis ac malis, de honesto ac turpi, de justo et injusto disputatur. Haec enim est oratori subjecta ad dicendum materia (2).

Atque quum haec ita sese habeant, quis est, qui non videat, eruditæ antiquitatis auctoritate in studiorum humanitatis censem referri debere; *Grammaticam*, *Rheticam*, *Poësin*, *Historiam*, *Eloquentiam*, *Disciplinas Mathematicas*, *Musicam*, *Philosophiam*? Hæ sunt illæ artes, quæ potissimum ad humanitatem pertinent, et quas Cicero dicit, habere quoddam commune vinculum et quasi cognitione quadam contineri (3).

(1) Cap. 30.

(2) Cum hoc loco comparentur, quæ legimus apud Cic. in Br. c. 90. et seq., nec non in Bibl. Crit. Vol. 1. P. 2. pag. 1, 7 et P. 3. pag. 1, 19.

(3) Pro Archia c. 1. et de Orat. 3. 6.

Caput secundum.

PECULIARIS EXPLICATIO VERBORUM CICERONIS.

Constitutis studiorum humanitatis finibus, nunc sequitur, ut de loco Ciceronis sigillatim agam, et, quoad potero, ostendere studeam, verum esse illud Ciceronis de literis humanioribus præconium. Ut autem hoc mihi propositum pensum ordine procedat, verba Ciceronis veluti per partes examini subjiciam.

§ I.

HÆC STUDIA ADOLESCENTIAM ALUNT.

Quanti momenti r̄es sit, *alere juventutem*, quis est, qui non videat et intelligat? *Insita sunt*, inquit Seneca, (1) *hominibus omnium artium semina*: sed hæc ipsa semina studio et exercitatione e suis veluti latibulis elicienda et excitanda, atque sensim in lucem producenda sunt. Quod ut recte fiat, primum nobis in pueritia et juventute illarum artium et doctrinarum disciplina opus est, quibus ingenium nostrum in primis acuatur. Atque licet ad unam omnes illæ artes et doctrinæ, quas in censuni studiorum humanitatis referendas esse supra dixi, ad ingenii humani culturam plurimum conduceant, et admodum utiles sunt; tamen præ cæteris *Grammatica*, *Dialectica*, *Geometria* et *Rhetorica* hoc sibi proprium habere mihi videntur.

Grammatica est veluti fundamentum, quo cæteræ artes et doc-

(1) *De Benef.* IV. 6.

trinæ adeo nituntur, ut, neglecto ejus studio, quidquid tibi multo labore ac sudore comparaveris, statim necessario corruat. *Omnis oratio*, sunt verba clar. magistri mei, (1) *rebus et verbis constat*. *Verba sedem habere nequeunt*, si rem substraxeris: neque res lumen si verba summoveris. Recte profecto. Verba enim sunt rerum notæ, ac cogitationum nostrarum linguae instrumento edita signa. Jam vero horum signorum naturam, proprietatesque *Grammatica* nos docet, eaque doctrinā facit, ut mentis nostræ cogitata cum aliis partim loquendo, partim scribendo, communicare possimus.

Sed quum hæc communicatio nullius momenti sit, nisi accurate et ordine instituatur, in auxilium omnino adhibenda est *Dialectica*: cuius officium, quod in definiendo, dividendo et argumentando positum est, Cicero (2) his verbis exposuit: *Dialecticam, artem omnium artium maximam, quae quasi lux caeteris adhibetur, quaeque doceat rem universam tribuere in partes, latentem explicare interpretando: ambigua primum videre, deinde distinguere, postremo habere regulam, qua vera et falsa judicantur, et quae, quibus positis, essent, quaeque non essent consequentia*.

Porro cum hac arte conjuncta est ratione officii *Geometria*, quæ idem, non verbis quidem, sed aut numeris, aut formis præstat. Audiamus locupletem de hac re testem, Quintilianum, (3) ubi ait: *Non sine causa summi viri etiam impensam huic scientiae operam dederunt. — Primum ordo est geometriæ necessarius. Ex prioribus geometriæ probat insequentia, et certis incerta. Quid, illa propositarum quaestionum conclusio, nonne tota fere constat syllogismis? et quæ plura illo loco lectu dignissima reperiuntur*.

Atque denique quum plurimi intersit, qua oratione sensuum nostrorum cogitata proferamus, utrum inficeta et rustica, an vero eleganti et urbana, *Rhetorica* omnino non est negligenda. Hæc nobis tradit artem; secundum quam verba hominum personis, locis et temporibus apte accommodanda, et orationis niture ex-

(1) In Critone p. 66.

(2) In Brut. c. 32.

(3) Inst. Or. I. 10.

plicanda sint. Hæc, utpote eloquentiæ mater, indicat filiæ viam et rationem, qua docere, delectare et mouere queat.

Atque quum hæc ita sese habeant, ecquis est, qui negare ausit, has præcipue artes et doctrinas ad puerorum et juvenum ingenia acienda in primis accommodatas esse? Nonne ipsæ maximam partem in illo officio exsequendo positæ sunt? Nonne ipsarum studio rationis cultura ad disciplinæ formam redacta est, et illæ mentis humanæ facultates, quæ in inveniendo, cognoscendo et disputando versantur, certis veluti legibus circumscriptæ et comprehensæ sunt?

Quo magis autem ingenium nostrum acuimus, et quo melius illa exercitatione mentis nostræ facultates perspicimus, earumque plane divinam præstantiam sentimus; nonne eo vehementius etiam plerumque ille nobis innatus cognitionis et scientiæ amor augetur, qui jam in puerorum animis adeo clare elucet, ut nulla re magis, quam narratiunculis, duci eos videamus, et ita quidem, ut eas ipsas, modo aliquem fabellas narrantem audiant, lusiunculas deserant, quibus alioquin cum maxime operam dant? (1) Nonne porro ille a sapientissimo naturæ auctore nobis insitus pulchritudinis sensus, e quo virtutis studium oriri solet, plerumque eo acrius incitat? Dico plerumque. Scio enim hæc naturæ dona non apud omnes eodem vigore, eademque alacritate vim suam exserere. Nec me fugit, multum hac in parte causas cum externas, veluti corporis valetudinem, fortunam et alias, tum internas, potissimum animi commotiones, valere. Sed vel sic tamen opinor, illas providentiae divinæ dotes prudenti studio optimorum poëtarum, historicorum et philosophorum augeri atque emendari. Horum enim præstantissimæ quæque opera non tantum nos honestissimæ voluptate afficere, verum etiam maximæ utilitate beare possunt. In illis non solum optima bene dicendi, verum saluberrima etiam beate vivendi præcepta et exempla traduntur. Literæ nos ubi primum firmius incedere, atque articulatius loqui coepimus, de ipso prope nutricum acceptos sinu, titillatione quadam honestissimæ voluptatis alliciunt, allectos praeceptis saluberrimis

(1) Mur. Or. pag. 295. Ed. Ruhnk.

complent: non tantum bene dicendi, verum etiam bene vivendi vias commonstrant (1).

Quid de *Poëtis* canit Horatius, et quale illis præconium tribuit?

*Qui, quid sit pulchrum, quid turpe, quid utile, quid non,
Planius ac melius Chrysippo et Crantore dicit. (2)*

Sed dixerit fortasse nonnemo, quid? Tune tantam tribuis, auctore poëta, poëtis auctoritatem? Ignorasne Senecam philosophum scripsisse, (3) studium poëseos sola versuum lege ac modificatione, syllabarumque enarratione censeri? Sit ita. Scripserit hæc Stoicæ morositatis magister. Quod si enim auctoritatibus certandum sit, habeo unum vel decem Senecis præstantiorem, divinum Platонem, qui, quamvis poëtas e republica sua expellere voluerit, tamen suasit, pueris poëtarum excellentium carmina legenda et ediscenda esse, quippe illis quam plurima monita salubria inessent, et res gestæ virorum, virtute præstantium, in illis prædicarentur: ita ut puer æmulatione accensus præclara majorum facta, ad imitandum sibi proponeret. (4) Verum missis auctoritatibus ad ipsos poëtas et poëtarum opera animadvertamus. Quid dicit alio loco Horatius? (5)

*Os tenerum pueri balbumque poëta figurat;
Torquet ab obscoenis jam nunc sermonibus aurem:
Mox etiam pectus præceptis format amicis,
Asperitatis et invidiae corrector, et irae:
Recte facta refert, orientia tempora notis
Instruit exemplis, inopem solatur et aegrum.*

Assidua igitur optimorum poëtarum lectione mens nostra pulcherrimarum et scitu dignissimarum rerum copia locupletatur, quæ tam in otio, quam in negotio, tam domi quam foris nobis prosunt, et quarum contemplatio diuturna animum nostrum promateriæ diversitate variis modis afficit. Legat v. c. juvenis apud

(1) Mur. Or. pag. 18.

(2) Lib. 1. Ep. 2, 3.

(3) Epist. 83.

(4) Protág. p. 199. nec non Vossius de Arte Poët. I. 1. c. 7. et 8.

(5) L. 2. Ep. 1. 126.

Virgilium, quomodo Aeneas, posthabitis voluptatum blandimentis et illecebris, pietatem sancte coluerit: contempletur, quoniam amicitiae et amoris vinculo Nisus et Euryalus conjuncti fuerint: legat denique alia ex illo poëta insigniora loca; atque videat, an illa pietatis, amicitiae et aliarum virtutum descriptio ipsius mentem sensu pulchri et honesti non imbuat, animumque ad ejusmodi præclarorum factorum imitationem non impellat. Sed dicunt nonnulli: »Verum poëtae non tantum certa incertis, et vera falsis miscent, sed res etiam inanes et nugarum plenas, quin etiam aniles subinde fabellas nobis apponunt, et nescio quibus involucris illas obtegunt.» Est hoc ita. Verum boni interpretis est, vera, detectis fabularum integumentis, perspicue exponere, et quæ præcepta sub illis lateant, atque aut ad physicam, aut ad ethicam pertineant, apte explicare. Dicit enim harum rerum perquam idoneus aestimator, Muretus: (1) *poëtarum fabulae non levia quacdam et frugis expertia otiosorum hominum commenta sunt; imo vero sub iis, velut involucris atque integumentis, omnis doctrina elegans, omnis ingenio homine digna cognitio, omnis denique sapientia continetur.* Atque idcirco Plato et Aristoteles ita saepe repetitis ex Homero testimoniis utuntur ad confirmando ea, quae tradunt, ut eum non tantum studiosissime legisse, sed vix unquam de manibus deposuisse videantur.

Quod autem de poëtarum studio dictum est, idem quoque de *Historicis* valet. Historia, illa vitæ magistra, tam præclarorum ad imitandum factorum, quam turpium ad evitandum facinorum, largam copiam nobis suppeditat. Recte enim dicit Livius: (2) *Illud præcipue in cognitione rerum salubre ac frugiferum, omnis tē in illustri monumento posita exempli documenta intueri, unde tibi tuaeque reipublicae, quod imitere, capias, unde foedum inceptu, foedum exitu, quod vites.* Atque si verum est, de quo haud facile sanus quis dubitet, quod apud Platoneum Egyptius sacerdos Soloni dixisse fertur, *semper pueros esse, qui vetustatis cognitione*

(1) Or. pag. 23.

(2) Libr. 1. c. 1.

*careant, (1) aut, ut Cicero loquitur, (2) nescire, quid antea acciderit, quam natus sis, id est, semper esse puerum; tunc sine dubio nihil historiæ studio fructuosius excogitari potest. Sed ut infinitas utilitates, quas nobis diligens historiæ tractatio præbet, atque in quibus prædicandis tot viri docti operam suam posuerunt, quodque argumentum summi viri, Muretus, Perizonius, Wytenbachius et alii summā eloquentiā tractarunt: ut illas, inquam, utilitates silentio præteream, ne velle videar, argutos inter strepere anser olores; id unum modo dicam, hanc esse quoque in primis historiæ vim ad animum humanum, ut nobilioris notæ et melioris indolis viri alios egregiis factis insignes viros non modo ad imitandum sibi proponant, verum etiam ut illorum præstantiam assequi studeant. Nam ut olim Miltiadis tropæum Themistoclem adolescentem dormire non sivit, ut Herodoti fama Thycydidem ad historiam conscribendam stimulavit, ut Demosthenes admodum juvenis eloquentiæ studio incensus est, quum Callistratum dicentem audivisset, sic postea item alii aliorum virorum magnitudine et excellentiā incitati sunt ad egregia varii generis opera suscipienda et perficienda. (3). Testis nobis est Sallustius (4), cujus hæc sunt verba: *Saepe audivi, Q. Maximum, P. Scipionem, præterea civitatis nostræ præclaros viros solitos ita dicere, cum majorum imagines intuerentur, vehementissime sibi animum ad virtutem accendi. Scilicet non ceram illam; neque figuram tantam vim in sese habere, sed memoriâ rerum gestarum eam flammatum egregiis viris in pectore crescere, neque prius sedari, quam virtus corum famam atque gloriam adaequaverit.**

Quid denique de *Philosophiâ* dicam, illâ laudatarum artium omnium procreatricè et quasi parente? Ipsius studium partim in rerum scientiâ et intelligentiâ, partim in bonarum et honestarum actionum appetitione et voluntatis virtute positum est. Atque idcirco semper ab omni ævo intelligentissimi quique statuerunt,

(1) Mur. Or. pag. 295.

(2) In Or. cap. 34.

(3) Leg. cel. Wytl. in vita Ruhnkenii, pag. 9.

(4) De B. Iug. c. 4.

sine philosophiæ cognitione neminem in aliqua disciplinâ et arte sapere, aut alicujus momenti progressus facere posse. Philosophia est fons et origo, a qua bonæ artes et doctrinæ proficiscuntur. Illa jurisconsulti, oratores, historici, et quarumvis aliarum disciplinarum cultores carere nequeunt. Historia, illa temporum sida testis, nos docet, ex philosophiæ disciplinâ optimos legislatores et sagacissimos juris interpres prodiisse. Cui ignota sunt nomina Lycurgi, Solonis, Platonis, Aristotelis, Ciceronis, Hugonis Grotii, Montesquii et similium? Quem fugiunt eloquentiæ vires, quibus Pericles, Demosthenes et Cicero prædicti et instructi fuerunt, et qui non ex umbratilibus rhetorum scholis, sed ex philosophorum disciplinâ prodierunt, atque in reipublicæ luce collocati de civibus suis omnium optime meriti sunt? Quis ignorat Thucydidem, Xenophontem, Polybium, Sallustium, Livium, Tacitum et alios, qui in scriptis suis utrâque paginâ ostenderunt, philosophiam pectus humanum naturæ cognitione implere, honestatis amore imbuere, virtutis studio inflammare! Sed audiamus jam sæpius laudatum Muretum de philosophis verba facientem: »Quomodo, inquit, poterunt aut quidquam communicare cum aliis, qui nihil ipsi, nisi loqui didicerint: aut quidquam egregium discere, nisi qui philosophorum monumenta contriverint? Etenim qui sunt tandem scriptores illi, qui distincte et ordine praecepta dicendi tradunt? Philosophi. Qui rerum admirabilium, quac in terris, mundoque fiunt, caussas aperiunt? Philosophi. Qui herbarum, qui stirpium, qui animantium ortus, progressus, naturas, vires, utilitates persequuntur? Philosophi. Qui de officio, qui de virtute, qui de ratione instituendae vitae, qui de moderandis affectibus disputant? Philosophi. A philosophis omnis doctrina liberalis, a philosophis omnis historia, a philosophis omnis artium varietas sumi potest: ab his oratores, ab his imperatores, ab his rerum publicarum rectores existiterunt: neque quisquam unquam aut in dicendo, aut in rebus gerendis excelluit, qui non prius in philosophorum officinâ politus ac limatus fuisset » (1).

§. II.

SENECTUTEM OBLECTANT.

Porro quemadmodum Literæ humaniores juventutem alunt, sive, quod fere eodem redit, juvenum mentes et animos honestissimā voluptate afficiunt, et saluberrimis præceptis imbuunt, ita eadem etiam *Senectutem oblectant*. Voluptas pariter atque utilitas, quæ ex Literarum Humaniorum studio percipiuntur, in dies magis magisque crescunt et augentur, atque tam altas in animis hominum radices sensim paulatimque agunt, ut Literarum studiosi cultores nec laboris tedium unquam percipiant, nec avocantium voluptatum blanditias sentiant. Quo maiores in Literis progressus faciunt, eo magis illarum suavitatem et præstantiam percipiunt. Historia Literaria largam nobis, ut ita loquar, segetem præbet virorum, qui ab ineunte ætate usque ad summam senectutem Literarum præstantiæ capti nihil prius nihilque antiquius Literarum studio sibi duxerint. En ex multis pauca quædam! *Pythagoras*, *Plato* et alii summi philosophi propter discendi cupiditatem terras ultimas peragrarunt, gentesque linguis diversas, et locis quam maxime a se invicem remotas adierunt, inque patriam reduces collectos in itinere fructus suis deinde impertiverunt. *Solonem*, illum celeberrimum legislatorem Atheniensium, legimus dicere solitum fuisse, se quotidie aliquid addiscentem senem factum esse (1). *Carneadi*, laborioso et diurno illi sapientiæ militi, annus ætatis nonagesimus et vivendi et philosophandi finis fuisse dicitur. *Platonem* anno octogesimo primo scribentem mortuum ferunt. *Isocrates* librum, qui Panathenaicus inscribitur, quarto et nonagesimo anno edidisse traditur. *Gorgiam Leontinum* centum et septem annos complevisse, neque unquam in suo studio et opere cessasse videmus. Porro *Sophoclem*, quum annum ætatis

(1) Cic. de Sen. c. 3. et Mur. t. I. p. 20.

centesimum prope attigerat, OEdipum Coloneum composuisse constat. *Simonides* poëta gloriatus est, uti veteres testantur, se anno octogesimo earmina docuisse, et in eorum certamen descendisse. Denique ille *Cato censorius* nonne narratur, quum ab inimicis capitali crimine accusatus esset, anno octogesimo causam pro se egisse? Nonne eamdem in senectute Graecas Literas didieisse prohibent? Præterea nonne de M. Terentio Varrone dicunt, in eodem lectula et spiritus ejus et egregiorum operum cursum extinctum esse? Quid de se testatur idem ille *Cato apud Ciceronem?* *Quartum annum*, ait, *ago et octogesimum.* — *Septimus mihi Originum liber est in manibus: omnia antiquitatis monumenta colligo: caesarum illustrium, quascumque defendi, nunc quam maxime conficio Orationes: jus augurum, pontificum, civile tracto: multum etiam Graecis Literis utor: Pythagoreorumque more, exeroendae memoriae causa, quid quoque die dixerim, audierim, egerim, commemoro vesperi.* Hac sunt exercitationes ingenii, haec curricula mentis. In his studiis laboribusque viventi non intelligitur, quando obrepat senectus. — Nam aptissima arma senectutis sunt artes et exercitationes virtutum; quae in omni aetate cultae cum multum diuque vixeris, mirificos efferunt fructus (1).

Tantus igitur fuit antiquis temporibus scientiae sibi acquirendæ ardor, tanta fuit comparatæ in otiosa et suavissima contemplatione voluptas, ut veteres non verbis præ se ferrent, sed exemplis ipsi suis probarent, tamdiu discendum esse, quamdiu vivas. Præterea tamen etiam post renatas literas permulti extiterunt, qui, antiquorum vestigia prementes, a pueris ad finem usque vitae doctrinârum studio opérâ navaverint, et quos Literæ Humaniores non tantum in juventute aluerint, verum in senectute etiam oblectaverint. Tales v. c: fuerunt *Erasmus, Just. Lipsius, Joach. Camerarius, Jos. Scaliger, Hugo Grotius, Dan. Heinsius, Claudi. Salmasius, Is. Casaubonus, Joh. Frid. Gronovius, Joh. Math. Gesnerus, Tib. Heinsterhusius, Rahnkenius, Ernestus, Saxius, Heynus,* et sexecenti alii.

(1) Cic. de Sen. c. IV. XI. et Val. Max. VIII. 7.

§ III.

RES SECUNDAS ORNANT.

Quascumque præclaras et majoris momenti res in hac vita homines agunt, illæ nulla re certius et melius; quam literis et eruditio[n]e, conservari et amplificari possunt. Semper intelligentissimi quique non modo Literarum studium pro perenni fonte habuerunt, e quo purissimæ et honestissimæ animi voluptates in hominum genus redundarent; verum etiam in id potissimum incubuerunt, ut ne idem tumulus, qui corpus viri de républica bene meriti contegeret, ipsius nomen et res gestas obrueret. Quodsi enim Græcorum et Romanorum scripta pervolvimus; multos reges et principes in republica viros id egisse videmus; ut aut ipsi ad Literarum culturam se conferrent, aut aliorum doctorum consuetudine et familiaritate fruerentur, ne res præclare gestæ oblivioni traderentur, sed Literarum monumentis ad omnem posteritatis memoriam propagarentur. (1). Huic salubri consilio debemus infinita doctorum virorum opera. Dici non potest, quòt et olim et post renatas literas exstiterint, qui Literis Humanioribus profuerint eo, quod viros doctos præmiis excitaverint ad scribendas principum res gestas. Quantum v. c. tam exemplo, quam præmiis, contulit Pericles ad Athenarum laudes celebrandas? Eximias illas, quas a natura acceperat, ingenii animique dotes insigni doctrinā excoluit. Undique præstantissimos artifices Athenas arcessivit, urbemque splendidissimis ædificiis exornavit. Literas studio et liberalitate aluit, earumque fines ita dilatavit, ut nullam vitæ humanæ partem ipsarum expertem esse siverit. Quid multa? Indefesso studio suo effecit, ut Athenæ ipsi deberent, quod Athenæ essent, h. e. quod artium et doctrinarum mater et altrix haberentur. Porro apud Romanos quanto in honore et pretio Mæ-

(1) Refert Plutarchus T. 1. pag. 176, Dionysium juniores, se multos sophistas alere, non quod eos magni faceret, sed quod propter eos vellet esse in admiratione.

venas fuerit, isti tantum ignorant, qui nihil de Literis sciunt. Huic viro salutem suam debuerunt summi poëtæ Virgilius, Horatius et alii. Hunc Propertius studiorum suorum ducem, patronum et sautorem nominat. Hunc posteritas ob egregia in rem literariam merita in hunc usque diem adeo colit, ut Musarum fautores et patronos nomine *Maecenatum* insiguiat, secundum illud Martialis, (1).

Sint Maecenates, non deerunt, Flacce, Marones.

Denique, ni nimis longus sim, nec quidquam de Scipionibus, Lucullo, Sulla, Julio Cæsare, Augusto et aliis imperatoribus dicam, qui rem Literariam tam studio, quam liberalitate aluerunt, haec verba Ciceronis addere sufficiat: (2) *Nemo quisquam est tam aversus a Musis, qui non mandare versibus aeternum suorum laborum facile praeconium patiatur. Themistoclem, illum summum Athenis virum, dixisse ajunt, cum ex eo quaereretur, quod acroama, aut cuius vocem libentissime audiret; ejus, a quo sua virtus optimè praedicaretur.*

Et quum hæc ita sese habeant, facile intelligitur, Literis Humanioribus res secundas in primis ornari, et verissime scripsisse Muretum: (3) *Hoc ipsum numero inter praecipua bona, quæ a Literis Humanioribus in vitam hominum manant, quod earum opè praeclara virorum facinora ad immortalem postcritatis memoriam consecrantur.*

§ IV.

REBUS ADVERSIS SOLATIUM ET PERFUGIUM PRÆBENT.

Plerisque omnibus, quotquot homines sunt, et supra vulgus sapiunt, persuasum esse opinor, hominum felicitatem potissimum in animo tranquillo et a perturbationibus vacuo atque immuni consistere, neque quidquam huic felicitati magis inimicum esse,

(1) VIII. Epigr. 56.

(2) Pro. Arch. c. 9.

(3) Tom. I. p. 135.

aut excogitari posse, quam has ipsas animi perturbationes ac nimias commotiones. Homines istis veluti furiis saepe vehementius torqueri, angri, cruciari; quam vel aestu febrique, vel quovis alio inveterato corporis morbo, non tantum passim videmus, sed etiam vitae magistra, historia; nobis luce clarius ostendit. Et quamquam causae, e quibus istae perturbationes proficiscuntur vulgo, tam ratione diversae, quam numero infinitae sunt, tamen unam ex principibus ex fortuna adversa oriri, quis negare ausit? Nonne saepissime videmus, homines isto malo vexatos aut lente tabescere et interire, aut ad suminam rerum desperationem adduci, atque manus sibi violentas inferre?

Jam autem, quum haec ita sese habeant, et quum vita hominum tot ærumnis et miseriis referta sit, tot curis et ægritudinibus solicitetur, tamque multis et inexspectatis malis subinde exposita et obnoxia sit; possitne, quæso, aliud quid esse quod dulcius et utilius sit, quam illud est, quo animus moerore affectus consolatur, adversa fortuna labefactatus reficitur, malis oppressus erigitur? Nonne ejusmodi remedium, quo ærumnæ et ægritudines animi leniuntur, quæ tamquam totidem mortiferi morbi homines defatigant et extingunt, quovis alio præstantius et salubrius habendum est? At hoc nobis remedium Literæ Humaniores præbent. Haec non tantum res secundas ornant et felicitatem hominis extollunt, sed calamitates etiam facillime minuunt, et in rebus adversis solatio et perfugio nobis sunt. Haec sunt optima animi medicina. Harum usu et adhibitione omnia haec mala levantur, quæ hostium instar impetum in tranquillitatem et felicitatem nostram faciant. Bonarum artium studia, historicorum exempla, philosophorum præcepta ad propugnandam omnem saluti nostræ noxiavim mirum in modum valent, et perquam efficacia sunt. Utriusque antiquitatis, tam Græcae quam Latinæ, scriptores, exempla virorum nobis suppeditant, qui adversa fortuna laborantes, et in tristiissimam conditionem detrusi, e literarum penit illius mali, quo torquebantur, remedia sumserunt, et durissima quæque animi tranquillitate et magnitudine plane admirabili tolerarunt. Age, ex multis pauca exempla afferam:

Nonne Anaxagoras Clazomenius (1), Dion Syraeusanus (2), Xenophon Atheniensis (3), L. Aem. Paullus (4) et Cato Romani (5), et alii item priscae sapientiae antistites acerbissimam filiorum mortem æquissimo animo tulerunt? Quid dixisse fertur Dionysius minor, Syracusarum tyrannus, quum propter crudelitatem suam e regiae dignitatis gradui dejectus, et in exilium conjectus, Corinthi pueros grammaticam doceret? Testis nobis est Plutarchus (6); illum libere respondisse, quum interrogatus esset, quid Plato; quid philosophia tandem sibi profuissent, τὸ τύλικαύτην τόχης μεταβολὴν ῥᾳδίως ὑπομένειν; ut jacturam regni, fortunæque temeritatem et atrocitatem placide ac tranquille perferret.— Nonne porro Socrates, etsi tam domi a conjugé litigiosa misere vexaretur, quam foris a multis petulanter lacesseretur, semper eodem vultu exiisse domo, et in illam reversus dicitur? (7) Nonne idem in capitibus judicio ita pro se ipse dixit, ut non supplex aut reus, sed magister et dominus iudicium videretur? (8) Nonne summa animi constantia et hilaritate, quum in manibus mortiferum poculum haberet, et circumstantes amici moestitia perculti essent, magna, inquit, *me spes tenet, bene mihi evenire, quod mittar ad mortem*, et quæ plura apud Ciceronem leguntur. (9) — Quid de Seneca dicam, qui, ut Tacitus (10) testatur, quum in villa ipsi mors denunciaretur, illam animo vere stoico subiit? — Item Lucanus poëta, mortis supplicio damnatus, summâ animi constantiâ ad exemplum Senecæ brachia medico ad secandas venas præbuit, et, ubi frigere pedes manusque sentiret, compote mentis pectore hos versus eccinit:

» *Scinditur avulsus: nec sicut vulnere, sanguis*

» *Emicuit latus: ruptis cadit undique venis,*

(1) Cic. Tusc. Qu. III. 14.

(2) Nep. tu Dion c. 2.

(3) Ael. Var. Hist. III. 3.

(4) Cic. Tusc. Qu. III. 28.

(5) Cic. de Amic. c. 2.

(6) Apophth. p. 176. c.

(7) Cic. Tusc. Qu. III. 15.

(8) Cic. de Or. I. 54.

(9) Tusc. Qu. I. 40.

(10) Ann. XV. c. 61 et seqq.

» *Discursusque animae diversa in membra ueantis*
 » *Interceptus aquis, nullius vita peremti*
 » *Est tanta dimissa ira.* (1)

Præterea Longinus philosophus in Zenobiæ, Palmyrenorum reginæ, aula jussu Aureliani Imperatoris tali constantia, et tali robore animi supplicium subiit, ut, qui ipse consolandus esset; aliorum ex hac calamitato susceptum dolorem consolaretur. In ipso mortis articulo verum philosophum se præstítit, sanctissimumque Socratem, ad cuius normam et studiorum et vitæ rationem direxerat, etiam moriendo expressit. (2) Tum quoque Severinus Boëthius, vir consularis, opibus amplissimis et patriâ amissis, nihil animo commotus est, sed eadem vultus, serenitate diuturni carceris foetorem et squalorem non modo placide perpessus, verum etiam illi inclusus *Consolationem* scripsit, in qua de vero et falso, deque divinâ providentia disputat, et nihil sine Dei voluntate mortalibus accidere contendit. — Denique, ut saltem trium recentioris ævi virorum meminerim, quis nescit, Sannazarium, poëtam Italum, sua sponte Fridericum Arragonium, regem Neapolitanum, in exsiliū comitatū esse, multa admòdum sibi cara reliquisse in patriâ, et vel sic tamen animo confirmato et mente elata hos versus in puppe navigii recitasse;

Exsiliū vel sponte sequor : sors ipsa favebit.

Fortibus haec solita est saepe et adesse viris :

Et mihi sunt comites Musae, sunt numina vatum;

Et mens laeta suis gaudet ab auspiciis. (3)

Quis ignorat, Hugonem Grotium animo ad dolores et libertatis amissionem viriliter ferendam munito tempus in carcere bonarum artium et doctrinarum studio contrivisse? Cui ignotum est, Cornelium de Wit, quum in equuleo torqueretur, exclamasse, *justum et tenacem propositi virum non civium ardor, nec vultus instantis tyranni mente quatit solida.*

(1) Leguntur hi versus Pharsal. L. III. p. m. 30.

(2) Bibl. Crit. Vol. I. P. 1. pag. 126.

(3) Lib. III. Epigr. 9.

Undenam vero ortam putamus hanc animi tranquillitatem, et hanc in perferendis rebus adversis constantiam, quam his et multis aliis viris propriam fuisse, veteris et recentioris ævi monumenta testantur? Ex assidua et diligente optimorum scriptorum lectione et meditatione ad illum excelsi animi gradum pervenerunt, ut quoscumque fortunæ casus infra se positos existimarent. Atque hinc Aristippus homines doctrinâ exultos non immerito Deorum simulacra appellavit. Quemadmodum enim Dii sempiternâ pacâ et immutabili vitæ tranquillitate lætantur, ita sapientis animus in beatissimo literarum otio perpetuum conquiescit.

Nèque tantum præbent Literæ rebus adversis solatium, verum etiam persugium. Constat hoc exemplo ejusdem modo memorati philosophi Cyrenaici. Hæc enim de eo Vitruvius (1): » Aristippus, naufragio quum ejectus ad Rhodiensem littus animadvertisset geometrica schemata descripta, exclamasse ad comites ita dicitur: bene speremus, hominum enim vestigia video. Statimque in oppidum Rhodum contendit, et rectâ in gymnasium devenit: ibique de philosophia disputans muneribus est donatus, ut non tantum se ornaret, sed etiam iis, qui una fuerant, vestitum et cetera, quæ opus essent ad victimum, præstaret. Quum autem ejus comites in patriam reverti voluissent, interrogarentque eum, quidnam vellet domum renuntiari, tunc ita mandavit dicere: ejusmodi possessiones et viatica libéris oportere parari, quæ etiam e naufragio unâ possent enatare. » Constat exemplo Horatii, qui post proelium Philippense, quum ipsi, præter ingenium, nihil amplius superesset, carmina scribere coepit. Ait enim: (2)

*Unde simul primum me dimisere Philippi,
Decisis humili penni, inopemque paterni
Et laris et fundi, paupertas impulit audax;
Ut versus facerem.*

Constat denique exemplo naufragorum Atheniensium, quibus miseris atque perditis carmina Euripidis saluti fuerunt. » Nam quum

(1) Lib. VI. p. m. 246 et Meuag. Diog. Laert. p. 110.

(2) Lib. II. Ep. 2. 49.

expeditione Siciliensi Atheniensium vires ad Syracusas concidissent, fuso cæsoque exercitu, haud pauci militum servitutis miseriam leniebant, cantandis, quas ex Euripidis tragœdiis meminerant, sententiis, quæ valerent ad erigendam in adversa fortuna animum atque tolerandam calamitatem. Heri, quos mirifice horum versuum suavitas et dulcedo ceperat, in pretio habuerunt captivos, qui Euripidis carmina scirent, et libertate etiam donarunt. Alii qui hostium potestatem effugissent, oberrantes per Siciliam omniumque rerum inopia laborantes, hanc unam expediendæ salutis viam invenerunt, ut cantandis Euripidis carminibus victum sibi pararent. » (1) Valuit igitur de his miseriis quod de se testatur Ovidius exsul, ubi canit: (2)

Gratia, Musa, tibi. Nam tu solatia præbes:

Tu curæ requies, tu medicina mali.

§ V.

DELECTANT DOMI NEC IMPEDIUNT FORIS.

Præterea, teste Cicerone, Literis Humanioribus hoc proprium est, ut non solum domi delectent, verum etiam foris non impediant. Quod cuiusmodi sit, nunc breviter videamus.

Literæ humaniores *delectant domi*. Ita. Nam si veræ oblectationis rationem habere volumus, nihil Literarum Humaniorum studio suavius excogitari posse opinor. Qui in literis non plane hospites sunt, hanc egregiam et sexcenties laudatam Lucretii poëtæ sententiam omnino norunt:

Suave, mari magno turbantibus aequora ventis,

E terra magnum alterius spectare laborem: (3)

Non quia vexari quemquam est jucunda voluptas:

Sed, quibus ipse malis careas, quia cernere suave est.

(1) Vid. Plut. in Nic. p. 542. C. et Bibl. Crit. vol. I. p. III. pag. 9.

(2) Trist. IV. X. 117.

(3) Lib. II. ab initio.

*Suave item belli certamina magna tueri;
 Per campos instructa, tuā sine parte pericli.
 Sed nil dulcis est bene quam munita tenere
 Edita doctrinā sapientum templa serena:
 Despicere unde queas alios passimque videre
 Errare, atque viam palantes quaerere vitae,
 Certare ingenio, contendere nobilitate,
 Noctes atque dies niti praestante labore
 Ad summas emergere opes, rerumque potiri.
 O! miseras hominum mentes! O! pectora caeca!
 Qualibus in tenebris vitae, quantisque periclis
 Degtur hoc aevi, quodcumque est!*

Est autem natura et ratio hujus voluptatis, quae e Literarum studio percipitur, ejusmodi profecto, ut, quo quis discendo ulterius progrediatur, et quo magis quis sese proficere sentiat, eo acris ac vehementius Literis studeat, eoque diligentius in veterum scriptorum lectionem incumbat. Reliquæ cum animi, tum corporis voluptates sua habent tempora, suasque periodos. Exercitationes, quæ juvenibus in deliciis sunt, et quibus ipsi gaudent, veluti aucupium, venatio, piscatio et alia exercitia, senibus tardum creant, et molestiam pariunt. Contra ea vero stabilis, ut dixi, et perpetua est oblectatio, quæ ex doctrinarum studio degustatur. Hæc ingravescente ætate non minuitur, hæc senibus satietatem non assert. Quantum, inquit Cicero, (1) alii ad festos dies ludorum celebrandos, quantum ad alias voluptates, et ad ipsam requiem animi et corporis, conceditur temporis, quantum alii tribuunt tempestivis conviviis, quantum denique aleae, quantum pilae, tantum mihi egomet ad studia humanitatis recolenda sumo. — Quodsi, inquit Muretus, (2) cui forte dubium est, omnium voluptatum suavissimam esse eam, quae discendo sentiatur, prodeat in medium Chrysippus, qui saepe studio intentus tanta voluptate perfriuebat, ut cum tanquam extra se positum cibi potionisque caperet oblivio. Prodeat solertissimus ille caelestium orbium non perscrutator tantum, sed etiam

(1) Pro. Arch. c. 6.

(2) Tom. I. pag. 20.

imitator, Syracusanus Archimedes, qui non modo earum rerum, quas natura fert, p[ro]ae ea, quam capiebat e studiis, oblectatione memor non erat; sed in illa ipsa Syracusanae urbis direptione ita desixus erat in studio, ut prius hostilis gladii cuspidem corpore excepit, quam urbem in hostium potestatem venisse sentiret. O rem omnium seculorum admiratione dignissimam! Diripiebatur urbs ea tempestate omnium opulentissima; effusi per vias milites, ut in quemque incidenterant, sine ullo sexus, aetatis, ordinis discrimine obvios contrucidabant; undique gladiorum fulgur praestringebat oculos; undique armorum sonitus, undique cadentium tectorum fragor audiebatur; puerorum ejulatibus, mulierum lamentis, morientium gemitibus, militum clamoribus, privata publicaque omnia circumsonabant; ipsa urbs paene dimota et convulsa sedibus suis, suorum civium in caede ac sanguine natabat; cum unius hominis mens in media civitate, civitatis ipsius casum ac ruinam non sentiebat. Solonem vero accepimus, cum in lectulo, morti proximus, decumberet, inaudissetque assidentes amicos de re quapiam, summisse, ne ipsi molestiam parerent, disputantes, erecto, ut potuit, jam semimortuo capite, rogassem eos, ut aliquanto loquerentur elatius; sibi, si etiam moriens aliquid discere potuisset, discessum e vita jucundiores fore. O discendi cupiditas, quid non efficis, ubi semel generosa ingenia occupasti? Tenebatur homo sapientissimus gravissima vi morbi desixus in lecto: vicinitate jam mortis ab omnibus paene corporis partibus sensus abscesserat: egregius ille animus, mox liber ac solutus futurus, e corporeis vinculis exsilire cupiebat: cum quidquid supererat virium, eo contulit, ut deficiente lingua, vocibusque interruptis, ac morientibus suum doctrinae cognitionisque desiderium indicaret. Quid hunc verisimile est firmum ac valentem fecisse; qui ne mori quidem, nisi discendo, voluerit? Merito igitur tam diu floruit Atheniensium Respublica, quam diu tam praeclari viri tenuit disciplinam. Neque mirum est, tanta discendi voluptate captos fuisse hos et multos alios his similes viros. Quid enim dulcius, quam disere? Si libros veterum pervolvimus, et, quæ olim gesta sunt, contemplamur, tunc omnino adipiscimur, quod natura nobis de-

negavit. Videmur nobis vixisse omnibus ætatibus: omnes nos regiones peragrassæ, omnibus consiliis publicis interfuisse putamus: (1) Hanc enim voluptatem nobis Historia præbet. Omnia discrimina sine discriminæ adimus, omnes rerum et fortunæ vicissitudines oculis nostris veluti subjiciuntur, et rerum humanarum scientiam nobis comparamus. Hinc Scipio Africanus, elegans liberalium studiorum, omnisque doctrinæ et auctor et admirator, quo nemo quisquam, auctore Vellejo Paterculo (2), elegantius negotiorum intervalla otio dispunxit, dicere solebat, *numquam se minus otiosum esse, quam cum otiosus, nec minus solum, quam cum solus esset* (3).

Atque porro, si verum est, quod Theophrastum dixisse ferunt, *doctum ex omnibus solum, neque in alienis locis peregrinum, neque, amissis familiaribus et necessariis, in opem amicorum, sed in omni civitate esse civem*; facile intelligi potest, Literas Humaniores foris quoque non impedire. At quis de eo dubitare velit? Plenæ sunt historiæ, pleni sunt literarum annales exemplis, e quibus hoc luce clarius apparet. Suo ipse exemplo hoc y. c. probavit Bias Prienensis, qui, teste Cicerone (4), cum patriam hostis cepisset, cæterique ita fugerent, ut multa de rebus suis secum asportarent, et quum admonitus esset, ut idem faceret, *Ego vero, inquit, omnia mea mecum porto.* Idem fecit Stilpo Megarensis, de quo hæc testatur Seneca: (5) *Megara Demetrius ceperat, cui cognomen Poliorectes fuit. Ab hoc Stilpon philosophus interrogatus, num quid perdidisset: Nihil, inquit, omnia namque mecum sunt. — Habebat enim secum vera bona, in quae non est manus injectio.* Præterea Julius Cæsar nonne maximam partem Commentariorum suorum, in exercitu quum esset, scripsisse fertur? Nonne Augustus et alii viri principes in castris, si diurnis horis non liceret, noctis tamen partem literis vindicarunt? (6). Legimus adeo, Romanos in ipsis castris ludos literarios habuisse (7). Sed cur multis exemplis opus

(1) Mur. T. I. p. 246.

(2) Lib. I. c. 15.

(3) Cic. de Off. III. c. 1.

(4) Parad. I. c. 2.

(5) De Constant. p. 175.

(6) Conf. Suel. de Cl. Rhet. c. 1. et Plin. I. Ep. 10. III. Ep. 2. et alibi.

(7) Periz. ad Ael. V. H. III. 21.

est, quam experientia edocti sciamus, tantam esse Literarum Humaniorum præstantiam, ut quovis tempore et loco prosint? Quod cum multi alii, tum in primis Muretus, (1) in Orationibus suis ostenderunt.

§ V.

PERNOCTANT NOBISCUM, PEREGRINANTUR, RUSTICANTUR.

His lectis, quærat fortasse quis, quid? an literæ nobiscum pernoctant? Ergone etiam noctu' mihi laborandum est?

Nocte mihi nigrae fuligo bibenda lucernae,

Si modo Calliopes castra sequenda putem?

At ego putabam, noctem hominibus naturæ beneficio non ad studendum, sed ad quiescendum datam esse. Nonne enim

Nocte leves somnos resolutus compede fossor

Carpit, et in mediis nauta quiescit aquis?

Nocte leves somnos carpit defessus arator,

Nocte quies ventis, Ionioque mari? (2)

Tu igitur

Somme, quies rerum, placidissime somne Deorum,

Pax animi, quem cura fugit, qui corda diurnis

Fessa ministeriis mulces, reparasque labore, (3)

tu igitur mihi denegatus es? Tuo beneficio frui aliis licebit, mihi vero Literarum cultori non licebit? Si hoc verum est,

Ite leves nugas, vigilesque valete Camoenae,

Grataque Phoebaeo Castalis unda choro. (4)

Non ita est. Noli adeo Ciceroni, o bone, succensere. Hic probe novit, tractum diei excipere noctis vices, ut sit quiescendi et vires, recipiendi opportunitas. Non ignoravit, hominibus literatis pariter atque illiteratis quiete opus esse. Sed hoc sibi Orator voluit,

(1) Tom. I. p. 21.

(2) Buchan. Poëm. p. 299.

(3) Ovid. Met. XI. 625.

(4) Buchan l. l.

Literarum cultores, si somnum capere non possint, habere, quod agere queant: illos tunc posse nocturnā quoque, ut diurnā, manu versari exemplaria Græca et Latina. Præterea his verbis significare voluisse mihi videtur, Literarum studiosos, quum somno dederint horas, quæ ad vires corporis necessario requirantur, reliquas noctis horas cum amplissimo fructu, et sine aliquo sanitatis detimento exercitationibus literariis dare. Neque falsus in eo fuit. Multi cum veteres, tum recentiores, hoc suis ipsi exemplis comprobarunt. Quemadmodum v. c. Themistocles, quum somnum capere non posset, aut Miltiadis tropaeis e somno suscitaretur, in publico noctu ambulasse dicitur, sic Alexander Magnus, quem virtus Achillis semper ante oculos versabatur, noctes insomnes legendo Homero fessellisse videtur. Resert enim, quod notum est, apud Plutarchum (1) Onesicritus, ipsum Homeri Iliadem secum semper habuisse, et sub pulvino, cui incumberet, reposuisse. Cui porro inauditæ sunt, inquit Cicero, (2) Demosthenis vigiliae? qui dolere se ajebat, si quando opificum anteculana victus esset industriâ. Unde etiam orationes ejus lucernam redolere, et ipse plus olei quam vini consumsisse dicebatur (3). Legimus porro Cajum Julium Cæsarem, in ipso urbis meditullio, tamquam gregarii milites in castris, insomnes prope noctes exegisse, et primam noctis portionem somno et quieti corporis, alteram studiorum tractationi, tertiam reipubl. procurandæ impertivisse (4). Atque ipsum Ciceronem quoque noctis partem studiis consecrassæ, ex his ejus verbis apparet, ubi ait: *Accipies igitur hoc parvum opusculum, lucubratum his jam contractioribus noctibus, quoniam illud majorum vigiliarum munus in tuo nomine apparuit* (5). Tum quomodo Plinius major lucubraverit, apud Plinium minorem legimus. Scribit hic de avunculo suo, *Lucubrare Vulcanalibus incipiebat, non auspiciandi causa, sed studendi, statim a multa nocte: hieme vero, horâ septimâ, vel cum tardissime octavâ, saepe sextâ. Ante lucem*

(1) V. Alex. p. 668.

(2) Tusc. Qu. IV. 19.

(3) Erasm. Adag. p. m. 200.

(4) Buchneri Orat. p. 879.

(5) Paradox. Praef.

ibat ad Vespasianum Imperatorem : nam ille quoque noctibus utebatur (1). Aulus denique Gellius, nonne ipse testatur, sese ex ipso loco et tempore hiberno vigiliarum opus suum *Noctes Atticas* inscripsisse? (2). Atque tandem e recentioribus viris doctis, ut unum saltem nominatim appelle, Claudio Salmasius alternas noctes plane insomnes duxisse, et pervagilasse scribitur (3). Quid plura?

*Vires instigat alitque
Tempestiva quies. Major post otia virtus.* (4)

Veteres opinabantur, quum sol occidisset, tum Deos coelo descendere, et in terris se oblectare. (5) Eratque proverbium antiquitus, *in nocte consilium* (6). Noctem enim a veteribus consilio, prudentiae et eruditionis nutricem habitam fuisse, vel ex eo apparet, quod Deae Sapientiae noctuam consecrarunt. Mentis vis tum in hominibus maxime valet: hujus lumen inter umbras obscurissimas elucet clarissime: hujus occupatio tunc felicissima est, cum a diurno strepitu non interpellatur. Instar animalium quorumdam de nocte, quam de die, acrius et longius prospicimus (7).

Quantum porro Literarum humanitas itineratoribus semper profuerit, nemo ignorat. Quantum doctus et rerum scientia subactus peregrinator ab indocto et illiterato differat, quis est, qui non intelligat et sentiat? Hoc idem Cicero nos suo ipse exemplo docet, ubi ait: (8) *Archimedis ego quaestor ignoratum ab Syracusanis, quum esse omnino negarent, septum undique, et vestitum vepribus et dumetis, indagavi sepulcrum. Tenebam enim quosdam senariolos, quos in ejus monumento esse inscriptos acceperam: qui declarabant, in summo sepulcro sphaeram esse positam cum cylindro. Ego autem, quum omnia collustrarem oculis, (est enim ad portas Agrigentinas*

(1) Lib. IIII. Ep. 5.

(2) In Praefat. p. 7.

(3) Buchn. I. I.

(4) Stat. Sylv. IV. 4. 55.

(5) Stat. Sylv. I. 95. *Sub nocte silenti cum superis terrena placent, tua turba relicto labetur coelo.*

(6) Erasm. Ad. p. m. 199.

(7) Buchn. I. I.

(8) Tusc. Qu. V. 25.

magna frequentia sepulcrorum) animadverti columellam non multum cùmis eminentem, in qua inerat sphaerae figura, et cylindri. Atque ego statim Syracusanis (erant autem principes mecum) dixi, me illud ipsum arbitrari esse, quod quaererent. Immissi cum fal- cibus multi purgarunt et aperuerunt locum. Quo quin patefactus esset aditus, ad adversam basim accessimus. Apparebat epigramma exesis posterioribus partibus versiculorum, dimidiatis fere. Ita nobilissima Graeca civitas, quondam vero etiam doctissima, sui civis unius acutissimi monumentum ignorasset, nisi ab homine Arpinate didicisset. In itinere longiore vir doctus tedium non afficitur. In se habet, quo tempus fallere potest. Hoc fecit idem Cicero. Nam Velia prosector, quum libros secum non haberet, in ipsa navigatione Topica conscripsit (1). Hoc porro Luc. Lucullus fecit. Quum a senatu ad Mithridaticum bellum mitteretur, totum iter et navigationem consumsit partim in percunctando a peritis, partim in rebus gestis legendis, et in Asiam factus imperator venit, cum esset Romæ prosector rei militaris rudis. Atque ubi nobiscum reputamus, antiquis temporibus viros doctos, in primis philosophos, non tantum voluptatis percipiendæ causa, sed potius scientiæ rerum sibi aquirendæ gratia, in longinquas regiones abiisse, nec rudes et literarum præsidio earentes, sed usu subactos et doctrinâ jam munitos peregrinationes suscepisse; mirum nobis non videbitur, Ciceronem hanc quoque laudem tribuisse studiis humanitatis, ut nobiscum peregrinentur. Legamus modo scripta Brydonii, Watkinsii et similium, et omnino certo certius nobis erit, antiquitatis cognitionem et literarum scientiam itineratoribus maxime voluptati et utilitati esse.

Ultimo denique loco dicit Cicero, Literas nobiscum *rusticari*. Rectissime. Quum enim Romani ab urbano strepitu remoti esse vellent, nec negotia publica tractandi necessitas ipsos in urbe retineret, ad suas villas sese conserbant. Haec bibliothecis instruc- tæ erant, in quibus liberi ab interpellatoribus operam optimis

(1) In Top. c. 1.

literis dabant. Cicero ait: *Quum in Tusculano essem, vellemque e bibliotheca pueri Luculli quibusdam libris uti, veni in ejus villam, ut eos ipse, ut solebam, inde promerem. Quo quum venissem, M. Catonem, quem ibi esse nescieram, vidi in bibliotheca sedentem multis circumfusum Stoicorum libris* (1). Et alio loco dicit: *Cum mecum, C. Trebatii, in Tusculano esses, et in bibliotheca separatim uterque nostrum ad suum studium libellos, quos vellet, resloveret cæt.* (2) De Augusto tradit Suetonius, (3) si quando quid secreto, aut sine interpellatione agere proposuisset, erat illi locus, in edito, singularis, quem Syracusas, et *τεχνόφυοι* vocabat: *huc transibat, aut in alicujus libertinorum suburbanum.* Horatius non modo canit,

Scriptorum chorus omnis amat nemus et fugit urbes: (4)
sed se etiam ipsum disertis verbis amatorem ruris appellat, ubi ait:

*Urbis amatorem Tuscum salvere jubemus
Ruris amatores.*

*Tu nidum servas, ego laudo ruris amoeni
Rivos, et musco circumlita saxa nemusque.* (5)

Quid, quod candide fatetur, se in urbe ne carmina quidem scribere posse?

*Me Romaene poëmata censes
Scriberc posse, inter tot curas totque labores?* (6)

Præterea tritum et vel pueris notum est, quantum laudis Virgilius, Tibullus et alii poëtæ antiquitus rusticationi tribuerint. *Adde quod poëtis*, inquit auctor Dial. de Caus. Corr. Eloq. (7), *si modo dignum aliquid elaborare et efficere velint, relinquenda conversatio amicorum, et jucunditas urbis, deserenda caetera officia: utque ipsi dicunt, in nemora et lucos, id est, in solitudinem rece-dendum est.— Nemora vero et luci, et secretum ipsum, tantam mihi afferunt voluptatem, ut inter praecipuos carminum fructus numerem,*

(1) *De Fin.* III. 2.

(2) *Top.* c. 1.

(3) *In v. Aug.* c. 72.

(4) *Lib. II. Ep.* 2. 77.

(5) *Lib. I. Ep.* 10.

(6) *Lib. II. Ep.* 2. 65.

(7) *C. IX. et XII.*

quod nec in strepitu, nec sedente ante ostium litigatore, nec inter sordes et lacrimas reorum componuntur; sed secedit animus in loca pura atque innocentia, fruiturque sedibus sacris. Tum quoque in primis huc valet elegans epistolium Plinii ad Tacitum: *Ridebis, et licet rideas. Ego ille, quem nosti, apros tres, et quidem pulcherrimos, cepi. Ipse? inquis. Ipse: non tamen ut omnino ab inertia mea et quiete discederem. Ad retia sedebam: erant in proximo, non venabulum aut lancea, sed stili et pugillares. Meditabar aliquid enotabamique, ut si manus vacuas, plenas tamen ceras reportarem.* Non est, quod contemnas hoc studendi genus. Mirum est, ut animus agitatione motuque corporis excitetur. Jam undique silvae et solitudo, ipsumque illud silentium, quod venationi datur, magna cogitationis incitamenta sunt. Proinde cum venabere, licebit, auctore me, ut panarium et lagunculum, sic etiam pugillares feras. Experieris non Dianam magis montibus, quam Minervam inerrare. Vale.

Eleganter omnino eccepsit recentior quidam poëta, Laurentius Gambara,

*Pierides semper nemorum coluere recessus,
Castalium vates incoluere nemus.
Effugiunt populum vates, atque ampla potentum
Atria, et umbrosi commoda ruris amant.*

Et Lotichius Secundus ait:

*Ruris amatores vates sumus: urbe relictā
Concitat ad statu nos Deus ipse suo. (1)*

Atque haec habui, quæ de hac proposita nobis quæstione afferrem. Neque quidquam mihi magis gratum atque jucundum erit, quam audire, haec qualiacunque conamina mea clarissimis viris, quorum judicio studia nostra subjiciuntur, non penitus displicuisse.

(1) Lotich. Carm. I. I. pag. 351. ed. Burm.



